

114 /
1926/3

პრინციპული ყველა ქვეყნისა, შერთვით!



ქართული
საქმიანობა

114/3



4217

11

№ 1 (21)

წელიწადი მესამე.

სოციალ-დემოკრატიული საქართველო, სალიბერალურ
და სამეცნიერო ჟურნალი

ი ა ნ ე ა რ ი

თბილისი. 1926 წელი



ქართული
ბიბლიოთეკა

გამომცემელი: | საქართველოს კულტურა-განათ-
ლების მთავარ-მართველობა.

ს. მ. უ. ს. პოლიგრაფიულ ტრესტის მე-3 სტამბა.

შეკვეთა № 958

მთავლიტი 351. ტირაჟი 3,000.



ქართული
ბიბლიოთეკა

მხატვრული ლიტერატურა

საქართველო

რუსეთი

დასავლეთი



პ ა ტ ა რ ა.

■ შენ თუ ტოროლივით მტვერმა აგატირა,
ალბათ გიგორავდა გული პატარაო,
დაბადებიდანვე ქუჩის განაპირად
ქარმა მშობელივით უბით გატარაო.

■ ხელზე ეგ კრილობა შენი მოდელია,
თვალში ზღვა გიცინის ზვირთებ გამოსხმული,
ვნებით გაივსები და რძეს მოდენიან
მკერდზე ფორთოხლები ოდნავ ამოსული.

■ ნეტავ, როგორ მინდა იყო სულ გოგონა,
ჩემსკენ პეპლებივით ღიმილს აგზავნიდე,
იყო სულ ასეთი კარგი თვალ-მოგორა,
მე კი თმა-ბებერი ჭკუას გასწავლიდე.

■ და თუ ტოროლივით მტვერმა აგატირა,
გულში გიგორავდა გული პატარაო,
პირისტანიდარო ქუჩის განაპირად
ქარმა მშობელივით უბით გატარაო.

■ ნუთუ არ იცოდი: შენთვის ეს მიდამო
არის ენაშხამი, არის ენამწარე,
მოდო, გაებუტე ყველას სათითაოდ,
მოდო, მე დამენდე, ბავშო გენაცვალე. ■

პოემა ვეფხისა

აქ დასიცხული თვლემით გრძნობენ ვეფხეთა სიარულს
თითქო ცეცხლში ხარ და განწირულ სიტყვას ჰკიოდე:
ცას, დედამიწას, ადამიანურს
ვეფხის-ტყაოსნის სტრიქონებში ვხედავ არეულს.

ვით სულდგმულები ირევიან მცენარეები,
ვეფხვი მოქმედობს ლმობიერი და თან მრისხანე,
ხან მნგრეველების არის ყრილობა:
იფეთქა ცეცხლმა, იბუგება მთელი ქვეყანა—
ზეცით სიცივე და გულგრილობა
ვის სურდა ქვეყნად ჩამოეყვანა?

შეხედეთ: ქვებიც გამომსხდარან მოსმენად მშვიდი;
მშვიდი საბუმი—მათრობელი, მშვიდი ჭავლეთი;
აქ ძველი არის ყველაფერი, როგორც სანსკრიტი,
მაგრამ ახალი მუდამ, როგორც აღმოსავლეთი.
ასეთ ოცნებას ხსნა არ მოელის,
სიმღერა აღარ იგრძნობს დასასრულს,
დაცხრება სული უდაბნოელის
გულცივი ზეცა რომ გადასაზროს.

კიდევ გადავა საუკუნეთ მღვრიე მრავლობა,
ნაჟა, დედა მსოფლიოის, მოირხვეს დღეებს
შთამამავლობას მოეცლება შთამამავლობა,
როგორც ფოთლები გიგანტიურს, უძველეს ხეებს.
ქარმა ველებზე ძნები დაშალა
და მიმოფანტა ქვეყნის კიდევზე:
შევუნთოთ ცეცხლი რომ იგი ალი
იყოს უვრცესი და უდიდესი!

ან ისევ სამხრეთ-დასავლეთით წავლენ ზენდები,
 ან ისევ სამხრეთ აღმოსავლეთს ინდოთა ჩანგი
 იქ სადაც თვალწინ გაიშლება ხეობა ინდის
 სადაც პენჯაშის ხეობიდან ხმაურობს განგი
 გადაიშლება კვამლი მხუთარი
 და გადიქცევა მზის ვუალებად
 შემდეგ იფეთქებს რომ საკუთარი
 ქნარს მისცეს სუნთქვის საშუალება.



მოვარდნილ ღვართქაფს ვერ დაიჭერ მსუბუქი თალხით
 ზეციდან მსელელი გიმალიის მწერვალთა გზები
 შთაქრილი უფსკრულს, რომ გარეცხოს თავისი ტალღით
 სამოც ათასი მეომარის დაღლილი ძვლები.
 ავა ზეცამდე—და შეეხება
 იქ, ლაყვარლებში რომ გემებია.
 აჰა, ალისფერ ნალმით შედება
 თითქო ის ცეცხლიც უგემებია.

ტროპიკის სიციხე. სიყვარული ლაკედემონის,
 მეგობარს კიდევ მეგობარი შეურჩენია
 შრიალებს ფრთები ელლადათა სიბრძნის დემონის
 ძველი ეგვიპტის აქ ხმიანებს მძლავრი გენია
 ხმათ აიაზნის ნელი პკურება...
 ისარი გულზე ვის არა სოდეს?
 იყო მრავალი განადგურება—
 ლექსთა სიკვდილი კი—არასოდეს.

ომებში ლომი ნახტომიდან შამბის არშიით,
 ტაიჯნი ჰქრიან როგორც მძაფრი ისრები ქარში,
 მაგრამ ხანდახან დაუნდობელ გრძნობებზე სტირის
 ელევგიური დღე იზისის და ოზირისის.

აი უდაბნო არაბეთის. დაიფარავდა
 უხსოვარ დროით ოაზისებს ძველი ტომები
 ძლიერი, გამძლე და ამაყი ტომი არაბთა
 მხურვალე ზეცის და ოცნების ქვეშევრდომები.
 დაე, მინდვრები ცეცხლმა გადახრას.
 იგი მომავალს ძლიერს მოიტანს.
 დრო ხედავს ახალ გზისკენ გადახრას
 სიცოცხლეს ახალ მიდამოიდან.

მას რაინდული ჰქონდა სული, სავსე ანთებით,
 ლაშქართ მრავალი აღტაცება მისდევდა თანა,

საგანძურებში დაგროვილი ფოლიანტებით
 სადაც იწოდა პოეზიით მდიდარი ხანა.
 რაც ამ ხანაში არის მთავარი
 და რაც ყველაზე უფრო შორია
 ეს: გადამრჩენი წვიმას ყავარი,
 რითაც იფარავს ძველს—ისტორია.



გაფრინდნენ თვალწინ უდაბნოთა ბედუინები
 და ქალაქების სიმდიდრენი გაჰკრთენ ზმორებით
 თავისუფალი და დანარჩენ კაცობრიობას
 დაშორებული თვალუწვდენი ქვიშის მორევით.
 ახალ მხარეთა გაჩნდა სახელი
 მან არ წაშალა იმ ხმათა დარგი
 მუდამ ყველაზე უფრო ახალი
 და უფრო კარგი.

თუ აქლემების ქარხენები და ცხვრების ჯოგი,
 რომლის მახლობლად იშენებენ მშვენიერ კარვებს,
 თუ სიმამაცე და ლანდები სტუმართმოყვარე,
 დამავალი დღე ესალმება სალამოს ქარვებს
 შემდეგ ქარცეცხლი, შემდეგ შერყევა.
 და პოეზია იქცა ერთ ელვად.
 საკმარისია ქაოსის შერხევა—
 იფეთქებს ერთხელვე.

დავლიოთ ჩვენ იმ კარგი დროის შესანდობარი
 ოდეს პოეტი იყო არა მარტო პოეტი:
 პოეტი იყო ბედუინი და მეომარი
 პოეტი იყო მოსამართლე და უფრო მეტი
 იყო გრიგალი, იყო შერყევა
 იყო მსოფლიო ძალა—უგეში.
 მისთვის არ იყო რამ შეფერხება—
 იგი უყვარდათ როგორც ნუგეში.

ვეფხის ტყაოსანს შეინახავს აღმოსავლეთი,
 პერგამენტების შეინახავს ჩრდილი კეთილი
 პალმის ფოთლებზე დაწერილი სისხლიან ცრემლით
 ან სპილოს ძვალზე სასოებით ამოკვეთილი
 გადაშორდება დღეებს მტვერიანს
 გადაშორდება დროთა ბანაკებს
 მას მომავლიდან კვლავ უცქერიან—
 რა სხვა დიდება უამხანაგებს.

რუსთაველს მოყვა სიხარული დაუთრგუნავი
 მას შეუძლია ცა გადაჰკალოს

საუკუნეთა ტყეებს იქით მოსჩანს ბუნავი:

იქ ესაღწება შუქი ნათელს ზოდიაკალურს



ეროვნული

ბიბლიოთეკა

ასე მგონია: ეს იმედი მას მოასწავებს

რომ სულ შემთხვევით ჩამარხულებს და ჩაკალოლებს

ჩვენ აღმოვაჩინოთ ძველი დროის ძველ წიგნთსაცავებს

ომიანობის გამო სადმე გადამალულებს.



მე და შენ

ამბობდი ოხვრით:—ერთმანეთი რათ გავიცანით,
თუ კი ჩვენ ეხლა უნდა დავშორდეთ!
ახ! რატომ გინდა რომ მომიცილო.
ან უბედური ბედო რათ მშობე..—

აბა ესენი სად შემიძლია,
რომ ვიყო შენი ერთგული ქმარი...
ან მითხარ, მითხარ თუ მომიცია
შენთვის ოდესმე სიტყვა ამგვარი!

და ეხლა უფრო, როცა მაშინებს
თუ ხვალ თვალებში რა გამეხსნება,
თითონ იფიქრე, ვით გავაშენო
გულში ზედმეტი ფიქრების ქსელი.

შენ ნუ იღარდებ.
ნუ გგონია რომ შენ გექცევი მარტო ამგვართ;
ო ნუ მიწოდებ უხეშს, სხვა რამეს...
რომ არ ვიცოდე სიყვარული, ვიყო გულქვავი...
და საზოგადოთ გირჩევ ჩემზე სულ არ ირისხო.

ყველა დღეები თითებივით რომ მქონდეს მაინც,
გთხოვ დამიჯერო,
მაგ საყვედურათ ვერ შემარცხვენ,
ვერ შემაჩერებ,

რადგან ეს გული გველებივით იშენებს ბილიქს,
რადგან ჩემ თვალებს შემოქნეულს თითქოს შოლტებათ,
კვლავ ენატრება, თუნდ ისეთი ცა გადმოჰკიდოს,
სადაც ჩემი ხმა გაიხარებს მწვანე ყლორტივით.



გულით სოფლისაკან

1.

მირბის, მიჰკივის მატარებელი
ვემწეიდობები მეგობარ ტფილის:
მე მინდა გულის მოტრიალება
რადგან სოფელი გულში მიტირის,
რომ იშლებიან კვამლის ღრუბლები
ვხედავ მორბიან წიბები, ნისლები;
გულო, ამ გზებზე თუ ვილუპები?
ისევ საკუთარ სისხლში ვისვრები.
უკან მომდევნ თეთრი მინდვრები,
თენდება ცა და მეხსნება თვალი.
აწი, ტფილისო, არ გიბრუნდები,
მე სამშობლოში ვარ მიმავალი.
სული დაჭრილი სევდის ფრინველი
თუ მეობლება ფიქრში დაკარგულს:
ეხლა სოფელში მაინც პირველი
მივესალმები დაღვრემილ სადგურს:
დღეს შეშლილივით მზეს დამალული
ეჭ, მეგობრებო!—ნულარ მომელით.
შენთან მოვდივარ, მოვიწვა გული.

• • • • •

2.

მივეტირი მარტო, მეცემა თოვლი,
ცა იხედება ცივი და წმინდა.
გადმოთოვლილი თეთრი ფოთოლი
ნელი შრიალით ეშვება ციდან.
აგერ მდინარის სოველ სილაზე
რომ დაფრინავენ ტბის ფრინველები.
თვალში ამომდის ცა და სინაზე
ვხედავ:—მიცქერენ თეთრი ველები.

როცა სალამო მოდის, ბნელდება
 მიყუვები თოვლში გატკეპნილ კვალებს.
 გზაზე ქოშებით შემხვდება დედა
 მოწვიმს ცრემლები და იწმენდს თვალებს,
 რომ ველარ მიცნობს ეზო, ჭადარი
 ასე მგონია შემტირის ოდა:
 — აქ შენი ბინა — უკვე არ არის.
 წადი, გამშორდი! წადი, გამშორდი!
 შორს კი — ღრუბელი მიდის, მიგორავს,
 მე წინ მეშლება ბინდი და ქალა.
 ვუმზერ ბოსელში დაბმულ ნიკორას
 რქებით რომ მაყრის გატკვერილ ჩალას.

3.

დღეს თუ ღირიკით ცივი, სოფელი
 მე ვერ ვშორდები მშობლიურ კერას,
 გულში მიმიკრავს თეთრი სოფელი
 და სამშობლოში ვიწყებ სიმღერას:
 — გულო ტკივილებს რომ ვერ მიგიხვდი
 ვხედავ ვთეთრდები ტისფერ თვალება,
 ჩვენი ცხოვრების გამტყდარი ხიდი —
 შენ ნუ გაფიქრებს, ნუ გებრალება;
 გულო ნუ სტირი! ნულარ ბრუნდები!
 ეხ, მეგობრებო, ნუ მინაპირებ;
 ვერ დავდუმდები, ვერ დავდუმდები...
 ვეცემი ყელს და — ამოვიყვირებ:
 — გზებზე დავდივარ, გზები დამდევენ,
 უკვე დავშორდი საყვარელ ტფილისს;
 თუ სამშობლოში მოვკალი სევდა
 დღეებს განოვცლი შხამზე უტკბილეს.
 მაგრამ ღირიკა თუ მიმაღაგებს,
 ვერ გავექცევი გესლიან ენას.
 ახალ სოფელში ვით ნოქალაქეს
 ხელს გაუწოდებ ცას და მოწყენას.

1926 წელი.

ღრუბლები

ასულთა სუნთქვის მსგავსია
ღრუბელთ გაშლილი ჯარები;
გადაიარეს აზია
და უდაბნოთა კარები.

გადაიარეს მიდია,
პირამიდები, სვეტები.

ქარავანივით მიდიან
ღრუბლები დანახეტები.

გძელი კისერი გაზიდეს,
განვლეს ეგვიპტე, გორები;
მე მომელანდა იზიდა,
სილა, ფლოქვი და ტორები.

იზიდებოდა ზღაპარი
ცაზე ღრუბელთა ღმერთების,
გულში ჩამედგა ლამპარი
ზღვათა განვლისა და გზების.

ნელა მიდიან, მალულად,
მიაქვთ ფიქრები ხარბია
და გულში ხმათა მარულა
ჰარმონიული გარბიან.

ამ საიდუმლო დენაში
ხმა სდუმდა უმეორები:
თითქო მიდიან მექაში
აქლემის დუმბო ტორები.

გადაიარეს მიდია,
პირამიდები, მედინა...
ქარავანივით მიდიან
და გული ძალზე მეტკინა.

მე მომელანდა ათასი

წლები ამ სოფლად გასული,
მათი ბრუნვანი, ცის დასი
და მნათობების არული..

მე მომელანდა ჟღარუნი
ცით საამური ეჭვნების
და კაეშანი ძაბუნი
გულს ფრიაბულით ეშვება.

რას არ იხილავს ადამი
წუთისოფელის ნავიდან?!
სუნთქვა, ცრემლები და ნამი
ცით ანაორთქლი ავიდა.

და დაიღვრება ოდესმე
ღრუბლები ისევ ნამადა.
ბავშის ტირილი მომესმა,
როს წვეთი ზღვაზე დავარდა...

ცა კი, ცა ისევ სავსია
ღრუბელთ ახალი ჯარებით,
გადაიარეს აზია
და უდაბნოთა კარები.

გადაიარეს მიდია,
პირამიდები, სვეტები;
ქარავანივით მიდიან
მუდამ ჟამ დანახეტები.

ამ საიდუმლო დენაში
ხმა სდუმდა უმეორები,
თითქო მიდიან მექაში
აქლემის ღუმბო ტორები..

საით მიდიან ნეტავი?
არა აქვთ აზრი არც ბოლო?
გულისთქმის დასაკეტავი
ეს არის ქვეყნის სიმბოლო!..



ხატიჯე

სახელია მისი ხატიჯე, გვარი გაბესოდლი, გა-
მაჰმადიანებამდე ყოფილან გაბესკირიები.
ნაამბობიდან.

თვალეbs ნაბავდი ქარში—ქართვე.
ვიცი მარიდებ სახეს ამ ხანათ;
იქნებ იმიტომ რომ ვგაეარ ქართველს
და მეძახიან სიტყვას „ამხანაგს“.

იქნებ იმიტომ რომ მხედავ მოლლილს
და ცეცხლი სულში რომ დამეხავსა
რომ არ მოსჩანა ჩემს გვარში „ოლლი“
და არ მიწოდეს სახელად: „ხასან“

ხატიჯევე, დაო შორეულ სისხლის—
რომ შევხვებოდით ეს ვინ იცოდა!..
მითხარი თორემ მე ვერ აგიხსნი
თუ რათ ჩამოდგა ჩვენ გვარში ცოდვა.

იქნებ მოგიყვენ: რათ დაგვამდურეს,
გიაზბოს ვინმემ, ან დაგაჭოროს!
რატომ მოშორდით ფშანებში ენგურს
და რათ დაენდეთ სილაში ჭოროხს.

მოყევი თორემ შეუშინდები
ქინძისთავივით პატარა ბოლმას.
თვალეbsში ცრემლი ჩადგა შინდივით
და სიხარული ისევ გამოხმა.

II.

ფოთლებზე თითებს ვაწყობ სათუთად
(ასეთ სიცოცხლემ ბევრჯერ დამძირა)

თვალეში ცრემლი ჩადგა ვით თუთა
და ღრუბლებს ისევ გაეკრა ძერა.

ვიცი დავეძებ პატარა ბილიკს!
ბილიკს, რომელიც სხვამ არ იცოდა.
მინდა მოგიყვე ლექსები რბილი,
მინდა მოგიყვე ნეგრული ოდა!

მინდა იცოდე თუნდაც მარტივი —
ამბავი ეხლა რომ არ გახარებს:
სამეგრელოში რათ დგას მარტვილი
და რათ მივდენით ილორში ხარებს.

ნუ შემაღები იქნებ მე მგავხარ;
დაგეძებ ფიქრებ გადმონაკრეფი;
უმიზნო ცქერით თვალი დამეხა
და ვიფერტლები როგორც ხან-კეფი..



ქართული
ბიბლიოთეკა



გველის პერანგი

რომანი

(გაგრძელება*)

ქარაპანი

თავი მათე.

ხანდახან უდაბნოში ხმა გაისმის.
სიტყვა ბედუინის.

უდი—

არაბული ცხენის გული ექვსს კილოს იწონის.

ამ გულის ფეთქას რა შეედრება?!

არჩიბალდ მეკეშიც ასე ფიქრობს.

ნაშუადღევმა უცხო ფიქრები იცის: ნამეტურ უეცარ გაღვიძების წამს.

მეკეში თვლემს: როგორც მეწამული ალხი—ირანის ტაშირზე რომ არის

ესლა დაღველფილი.

ოლგა გუშინ სალამოს პეტერბურგს გაემგზავრა: ომში დაქრილ ძმის სის-

ხლმა მოუხმო დეპეშით.

ყაზვინის მიდამოებში სიცალიერეა.

არჩიბალდ მეკეშის ცალიერება მიაგავს სათავეგადაგდებულ წისკვილს.

ტაბა ტაბაჲ თეარანიდან ჯერ კიდევ არ დაბრუნებულა.

ვამებ საქართველოშია.

ოლგა—მენადას გული—გადაფრინდა.

არა: არჩიბალდ მეკეშის გულისცემა შეედრება არაბულ ცხენის გულის-
ფეთქას.

გული საგულეს ვერ ეტევა. ვაჟი ოთახში ვერ ეტევა.

გადის გარეთ. მიდის უმიზნოდ ცქერა—უსაგნო.

*) იხ. „მნათობი“ № 11—12 (19—20)

ჟურნალი „მნათობი“ № 13 (21).





მიადგა „წითელი ჯვარის“ სააქტომობილო ნაწილს.
 აქ ესვენა საცოდავი მანიაკი თუ ვიზიონერი სარგის.
 აქ ნახა უკანასკნელად ირანის ჯეირანი—ირაკშანდანი.
 ხმელი კუნელა ძლოკვივით იკლაკნება ფიქრებში: სახარი კუთროვანი
 მის ტოტზე ჩამოხრობილი—გადმოკაკლულ თვალებით სამყაროს შუაგულში გამ-
 ყურე. ვინ შესძლებს—გვერდი აუაროს ამ თვალებს?! ვის თვალებს შეუძლიათ
 ამ თვალების ჩარჩენილ კვალის ამოშლა?! კუნელა იკლაკნება ძლოკვივით.

არჩიბალდ მეკეში განზე იხედება:

ისევ ის კაცი: განმარტოებით რომაა ყოველთვის.

50 წლის. ჟღალწვერიანი. პროფილით: სემიტის ბუში. თვალები შიშქრა-
 ლი. ცქერა: თითქო დაკარგული —

ასე იფერფლება ხოლმე ნაკვესი აბედი
 კაობში გადაგდებული.

შეკითხვაზე ერთს სიტყვას თუ იტყვის. თვითონ არავის შეეკითხება. სა-
 ეროო ბაასის დროს გვერდზე დგას და ცალყურს თუ ათხოვებს წარმოთქმულ
 სიტყვას.

გული არ მოდის არაოდეს. ღამობით ადრე წვეება. სძინავს ცოტა. ალი-
 თნზე ლულუნობს: თითქო სიმღერას მღერის—მხოლოდ გულში. მოთენთილია
 მუდამ: ნაბიჯაუჩქარები.

ხანდახან თავის თავს ელაპარაკება.

ნეტავ თუ იცინის?! დამხჩვალ ღიმილისათვის თუ მოუკრავთ ხანდახან
 თვალი. უტირნია ოდესმე?! არავინ იცის.

ან მეკობარი თუ ჰყავს?! ან სატრფო?! ან ცოლი?! ან შვილი?! ან მამა?! ან
 დედა?!

გამოუცნობია:

დაბეჭილი მელანქოლია...

არჩიბალდ მეკეში იქვემდგომ ქართველ ჯარისკაცს ეკითხება:

— ის კაცი ვინ არის?!

— უდი..

— უდი ვილაა?!

— პატარა ხალხი..

— რა ჯიშისაა?!

— არ ვიცი..

— სად ცხოვრობენ?!

— საქართველოში.. ცოტაც—სომხეთშიც..

— ბევრნი არიან?!


— ოთხი სოფელი თუ იქნება..

სულ: მხოლოდ ოთხი?!

ჯარისკაცი ეხლა უდისაკენ გაიწევს:

კობა!.

კობა განზე იყურება დაკარგული მზერით.





- კობა!.
- მამ...?
- რამდენია სულ უღები?!
- რამდენია?!.

თვალეში აბედი ჰქრება ერთს წუთს ანთებული.

- ჰო! გეკითხები: რამდენია?!

- რად გინდა?!

და განზე მიდის ნაბიჯაუჩქარები.

ჯარისკაცი იცინის:

- მუნჯია ე ოხერი?!

არჩიბალდის ფიქრს რაღაც უკბენს:

უძირო. უფესვო. ჩემსავით.

ოდნავ შენელებული გული ისევ იღვიძებს: რად იჩქარის?! შორს წასული—(თუ გადაჭრილი!) ფესვები ჰკივიან: „მამა!“ მამა გადაკარგულია. სხვა ძირი თუ ფშანი? არაეინ.

გული ამოხტომას აპირებს:

გულში ეხლა ოლგა ფართქალობს.

ვაჟი გაშლილ სივრცეშიაც ვერ ეტევა.

გატრიალდება. შედის პატარა ოთახში—საცა საავტომობილო ნაწილის გამგე ცხოვრობს.

- გეცოდინებათ: როდის გადის გემი ენხელიდან..

- ზეგ.. ნაშუადღევის ხუთ საათზე..

- ხვალ დილით რომ წავიდე: ჩაუხსწრებ?!

- ჩაუხსწრებთ..

- თქვენი მაშინა არ გადის ან დღეს ან ხვალ?!

- გადის ხვალ დილით.. მხოლოდ—საბარგო..

- საბარგო მიუხსწრებს?!

- მიუხსწრებს..

- არ შეიძლება ერთი ადგილი?!

- ვეცდები..

ქართველი გამგე თავაზიანია.

ბუინაკ—

დილით რეშტის ბჭედან მიდის ავტომობილი.

არჩიბალდის გვერდით „აღლანია“. მგზავრნი დოგს ეალერსებიან. დოგი იღრინება. არჩიბალდ გადახედავს: დოგი წყნარდება.

განვლეს სადგური პატარა.

საკვირველია:

სპარსეთში—საცა არ გახვიდე—ყოველი მიდამო თითქო თასია თვალუწვდენი: ირგვლივ მთები. გადაიარ რომელიმე უღელტეხილს—და ისევ მოწურულ თასში ეშვები.

პატარა სადგურიდან იწყება ელბურზის უმაღლესი წვერვალის ბუინაკ (ყაზვინიდან 25 ვერსი).

ბუინაკ არ არის ჩვეული უღელტეხილი.

აქ ხერხემალი პლატოა თვითონ: მთის გაშლილი ზეგანის უღელტეხილიდან თასში ეშვები.

აქ კი: თვითონ უღელტეხილი თასია თვითონ: მხოლოდ გადაბრუნებულ თასი: რომლის ძრო ტრამალია თუ ტაშირი.

არჩიბაღდ მეკემს ახსოვს სულეტანბულაღის უღელტეხილი.

მაგრამ ბუინაკ გრანდიოზულია უფრო.

და ჰაერი: სამყაროს გაჩენის პირველი დღეების.

პლატო—უღელტეხილი ეშვება სადგურ იუზბაშჩაისკენ.

გაივლიან ერთ სადგურს. მეორეს.

ავტომობილი იწყებს კაპრიზს. კაპრიზი ჰისტერიაში გადადის.

შოფერი აჩერებს მაშინას: დაზიანებულია.

— შეკეთება სჭირდება..

— დიდი დრო უნდა?!

— რამოდენიმე საათი..

— მაშ ამაღამ მენჯილში ვერ მივალთ..

— მივალთ: ხოლო...

— რა?!

— შესაკეთებელი მასალა არ მაქვს..

— მაშ რა ვქნათ?!

— უნდა ვუცადოთ სხვა მაშინას..

— გამოიარს დღეს?!

— არ ვიცი..

— ყაზვინიდან რომ გამოვიძახოთ?!

— საიდან გამოვიხმოთ ყაზვინი?!

— ახლო სადგურიდან.. ტელეფონით..

— ღამით თუ მოგვისწრებს..

— მაშ ხვალ გემს ვერ ჩაუხსწრებთ?!

— თუ სხვა მაშინამ არ გამოიარა—ვერა.

— არ გამოიარს?!

— არ მეგულება..

— მენჯელამდე რამოდენი ვერსი დარჩა?!

— ხუტმეტი თუ იქნება თუ ოცი..

„ვერ“ და „არ“.

არჩიბაღდ მეკემს დალონებულია: ვერ ჩაუხსწრებს. ოღვას ვერ ნახავს. გული ისევ ირევა. „აღლან“ გარს ეხვევა: ერთადერთი მეგობარი განუყოფელი თავზე ხელს გადაუსვამს. თვითონაც ნელდება.

ირგვლივ—ღრეები.

ერთს დაფენებაზე ქიმერების თავები იკლაკნებიან: თითქო ქარიშხალი გადა-
ხნექილნი თაველნი. აქლემები.

ქარავანი უნდა იყოს, თუ მენჯილისკენ მიდის—გაჰყვება მენჯილში ამა-
ღამ ჩავლენ. იქ შეიძლება შემთხვევით, იყოს ავტომობილი. დილით ენზელს
გაემგზავრება.

არჩიბალდის აზრს სხვებიც იზიარებენ. ორი—სამი.

ქარავანი—

დზინ. დზინ. დზინ. დზინ. დზინ.

დონ. დონ. დონ. დონ. დონ.

გაუნ. გაუნ. გაუნ. გაუნ. გაუნ.

კლდეებში მიდის ქარავანი.

აქლემები ასამდე. დიდი. მომცრო. ერთკუჩიანი. ორკუჩიანი. დატვირთუ-
ლები—ყველა. აქაიქ ვირებიც დატვირთულნი.

მიმყოლნი ქონდრის კაცებათ სჩანან.

აქლემებს და ვირებს ყელზე ზარები ჰკიდიათ: დიდი—შუათანა—პატარა:
ლითონის—ხის—ყოველნაირი. ზოგი დიდია ისე: რომ ტვირთს საგრძნობ სიმ-
ძიმედ ემატება.

დზინ. დზინ. დონ. დონ. გაუნ. გაუნ.

კლდეებში მიიზლაზნება ქარავანი.

სუნთქვაშეკრულ არეში ზარების რეკა გაისმის როგორც ნომადური სიმფო-
ნია. აქლემები რბილსა და ასევედილს ფეხებს მოთენთილ ლაჯით ზარების წკა-
რუნს აყოლებენ. თავებსაც სხვარიგ მართავენ. ყველანი ერთსხეულ მიდიან.
თითქო ქარავანი ერთი უზარმაზარი მუხლუხია ტანგახუნებული.

ზარების რეკა ტვირთს უმსობუქებს ქარავანს.

აქ: რიტმია. სიმძიმე რა შუაშია?!

ერთი წაფორხილება—ერთი ფეხშეშლა—ერთი გადაზრა განზე—და: ზარი
სხვა ტონს იძლევა. აქლემი გზნობს საერთო ფერხულის გაბზარვას და წამსავე
ასწორებს უნებურ შეცდომას.

დზინ. დზინ. დონ. დონ. გაუნ. გაუნ.

კლდეებში გაწოლილა უზარმაზარი მუხლუხი: ქარავანი მიიზლაზნება. მუხ-
ლუხოს ხერხემალის ხტილები მრავალფერია. ზოგი წითური. ზოგი მრეში. ზოგი
ყვითური. ზოგი რუხი. ზოგი მოთეთრო. ზოგი ნაცრისფერი. მაგრამ ყველაზე
მეტე: გახუნებული ყარამფილის ფერი.

თავები ერთიმეორეს მისდევენ—თითქო ქიმერები: ქიმერებს ტანები თით-
ქო უკან რჩებათ. ქიმერები ადამიანის თვალებით იხედებიან. თვალეში: სიამა-
ყე და თან სევდა უთქმელი—(ხანდახან სიმრუშეც ლოშქრიანია). ძრიაობა სხეუ-
ლის: მედიდური—მხენილული—მზენაკრავი—მრავალნაცადი.

მიზოზავს ქარავანი: უზარმაზარი მუხლუხი—ეხლა თითქო უზარმაზარ გვე-
ლად ქცეული—ცხელ კლდეებში მიიკლაკნება. უდაბნოს ხურუშმა თუ წარმოშვა

ეს უცნაური ცხოველი თუ ფრინველი—(არის ასეთი ქარი ხუროშის) —ეს ბასტარდი ცხოველისა და ფრინველის ერთმანერთთან მრუშობის.

მაგრამ რად არის ეს ბასტარდი ასეთი მიმზიდველი და ნაწილის გულისხმიერი?! თითქო ადამიანია დასჯილი ცხოველ-ფრინველის უმწიკსხეულით.

აქ უდაბნოა მთელი: მისი ხილვა—მისი სევდა—მისი თვლენა.

აქ ირანია. მისი სუნთქვა.

დზინ. დზინ. დონ. დონ. გაუნ. გაუნ.

იქითაქეთ—კლდეები: ვით დატეხილი ფერდები პრეისტორიულ მამონტის. ზოგი ფრიალო. ზოგი ყაფარი. წაშვერილი თუ გამოფერდილი. აეროლიტები. მონოლიტები. ტიტველი მოჩვენებანი: პირამიდების—ქვაბულების—სარკოფაგების. გახელება ფარაოს ფანტაზიის თუ მზის დაღველფვა და გაქვავება?!

და მურები—და ფერები...

არჩიბალდ მეკეშს ახსოვს სულტანბულალის უღელტეხილიდან გახედვა. ახსოვს სიტყვაც—ტაბა ტაბაჰს მიმართ: „აქ ადამის თვალია საჭირო“. მაგრამ „ადამის თვალისთვის“ მხოლოდ ეს კლდეები განრთხრმულან. სანახაობა საოცარი:

ფერებით და მურებით—

ირისის ფოთოლი. ნიგეზის ფოთოლი. იელი. გვიშრა. ყარამფილი. ალუბალი. ხენნე. ბრინჯაო. თუჯი. ასპიდი. კაჟი. თაფლი. ხავსი. კალო. ასკილი. გველი. ხვითო. ვასაკა. ძოწეული. თვლები—თვლები: ყველა ქვა სპეკალი და ყველა იამაყარი. ყოველი მცენარე და ყოველი ქვეწარმავალი—ფერებით და მურებით. თვითონ ფერები და მურები: ზოგი ღვარად დაშვებული კლდის ქეობში—ზოგი ფოთლოვან სტავრად გაფენილი აღმა თუ დაღმა თუ ჩაღმა—ზოგი ცისსარტყელას ზოლებად გაბმული ფერდებზე თუ კალოებზე. ნაცად თვალს შეუძლია დაინახოს თვითონ ნახატიც: ცხოველის—ფრინველის—მცენარის—ლითონის: რომელნიც არ იციან: არც ბიოლოგიამ არც ბოტანიკამ არც გეოლოგიამ. გახედავ ერთი თვალგადავლებით: ხავსი და ყარამფილი ერთიმეორეს ედავებიან. სძლევს ყარამფილი. გახედავ კიდევ: ასპიდი და ხვითო ერთიმეორეს ეჯიბრებიან. ერევა ხვითო. ბოლოს—რჩება უთვალავი ვასაკა: ფარშევანგების ბოლოებით მიმოზნეული. ან და: ხვითქების ლივლივა ტანები ზედ დაღვრილი შვინდის დაღებით: და ერთად: თითქო მზის ხანძარი—სპეკალებში დანელებული.

დზინ. დონ. გაუნ.

არჩიბალდ მეკეში ფიქრობს: არც ერთს ევროპის მხატვარს არ ზმანებიო ასეთი მურები და ასეთი ფერები. ეხლა გასაგებია: თუ რამ შექმნა სპარსული ხალიჩა თუ სპარსული მინიატურა.

დზინ. დონ. გაუნ.

ქარავანი თითქო შეჩერდა ერთი. შემდეგ—ისევ მიზოზავს.

არჩიბალდ მეკეში თვალს აცილებს კლდეებს.

თითქო ყურს უგდებს:

ნამდვილი დაყუდება მზას—(ბიბლიის ინტუ(კიით).

ზმანება დიდი შუადღის გაქცევაში.

ასეთს მყუდროებას პანი გასტეხავს ხოლმე:

კივილით რომ მოედება უძრავ ალხს.

პანი და შიში პანის. აქ სინამდვილე ორდება.

ორდება მისი ამთვისებელიც.

დრო ჩერდება. არის მხოლოდ წარსული. აწმყო მიმქრალია, მომავალი ხან-
დახან თუ იელვებს—როგორც აზრი თუ ფიქრი. არის მხოლოდ წარსული: და
ისიც—როგორც ზმანებულის მოგონება.

არჩიბალდ მეკეში იყვინება მზეში გახვეულ არეში.

ყოველი ხილული გადასულის ლანდია მხოლოდ—

აშანთული დალი გადასულის თუ წარსულის.

აქ: ეხლა თითქო არა არის რა.

აქ: ყველაფერი ხსოვნაა ყოფილის.

აქ: თვითონ ყოფილია: ძველი ამბავი—შორს წასული.

არც ერთ მხარეს ევროპისას ამდენი ნაკვალევი არ აჩნევია.

აქ: ისტორიის დიდი ამბები ასტრალურ ლანდებად აყუდულან.

ასტრალური ლანდები გალურსულნი და თვალებდანისლულნი—

გაგუდულან და შინაგან იყურებიან.

ეს: ირანის ტიტველი კლდეებია.

არჩიბალდ მეკეში იყვინება მზით გასუდრულ არეში...

მაგრამ ეს რა მოესმის?!

მისი თანამგზავრი—50 წლის ჰებრაელი—განზე გაჩერებულა და კლდეების
შიმართ რაღაცას მღერის: თუ ლულუნობს. ასე მღერის ხოლმე ცახეზე—(მზის
მტვერზე)—გალიციელი ჰებრაელი.

არჩიბალდ ამოყვინავს მზის ხვავში ჩაძირული.

უსმენს. რას მღერის?! თუ რას სტირის?!

ჰებრაელი რაღაცას უხმობს—(თუ იგონებს?!).

უხმობს აღთქმულ ქვეყანას. იგონებს ძველს მამულს.

სევდა უცნოა. ოხვრა უთქოა.

ჰოზარსიპკ—

არჩიბალდ მეკეშიც მოგონებად ილხობა.

ეს ქარავანიც თითქო იგივეა: ძველი. ასე მოგზაურობდენ ძველად ჰე-
ბრაელთა ტომები: მეწამულ ზღვასა და სპარსეთის სრუტეს შუა—ეფრატისა და
პალესტინას შუა. ხალხი: უსახლო—უკარო—ულოგინო. სახლის მაგიერ—კარავი.
ლოგინის მაგიერ—ქვიშა. საგზაურად: აქლემი და ვირი. ხალხი: უცხო ცეცხლით

ნებით და უსვენარი კიაფით. უძრავი და გამხვრეტი. ფერად შავი. თითქო შავ მდინარეში შავი გველი გაკვალთული. სახე — მშვიდი: ხოლო თქვით დანი-სლული.



მოხუცი იოფორ ცნობილობს:

ყრმა ყოველთვის განხეა. ჩუმი. მას „მდუმარეს“ ეძახიან. ეკითხებიან. ყრმა ლაპარაკობს. ენა ებრგვილება — (სიტყვას თუ ეძებს?!). ყრმა განაგრძობს. ებრგვილება ენა კიდევ — (თუ ეშინია აზრის მხელის?!). ყრმა ლაპარაკს უეცრად გასწყვეტს. შეჩერდება. განზე იხედება. საგნებს არ უყურებს. საგნების „მილ-შა“ იხედება. ან და: შუაგულ სკრის მზერით საგნებს და „იქით“ იმზირება. დაძაბულია. უეცრად მოიხედავს და წამოიძახებს უეცარ სიტყვას და უეცარ სახელს. სიტყვა თუ სახელი მეხის ნატეხია ხის დიდ მუცელს რომ გარუჯავს. ეხლა მისი სახეც ნატეხია მეხის. საქმეს გაურბის თითქო. ხოლო: აიღებს თუ არა საკმელს — ვერაფერს და ვერაფერი ველარ გააჩერებს. ხედავ მოკუმულ ბაგეს: იქ შვილდი იქიმება ნების. მზერ განიერ შუბლს: კითხულობ ბედის ნიშანს. ცეცხლი.

ყრმის სახელი — ჰოზარსიპკ.

(ჰებრაელი ლულლულობს. ამ სახელს ხომ არ ახსენებს?!)

არჩიბალდ მეკეში ჰებრაელს გადახედავს.

ქარავანი მილოლავს ტორტმანით.

ჰებრაელი ლულლულობს და კლდის გარუჯულ ქიმს უყურებს.

არჩიბალდ მეკეში ჰებრაელის ცქერას მიჰყვება.

ჰოო: ეს იოფორის შუბლია, ეთიოპის თუჯის შუბლი გადალესილი.

იოფორის წინაშე ჰოზარსიპკია. მოუთხრობს ამბავს?!

მემფისის ტაძარი. ტაძარში — ჰოზარსიპკ. ყრმა ემზადება შეწირვისათვის.

ყრმა უცნაური. ყრმა საოცარი. მისი ყველას ეშინია. ქურუმებსაც. ყრმის ქალებსაც ეშინიათ. როცა მას ხვდებიან — ერთიან ფითრდებიან: თითქო ქალთა სქესი აიძვრა მათში.

რამზეს მეორე იჭვიანობს: ტახტი ხომ არ სურს მედიდურ ყრმას?!

ყრმას ტახტი არა სურს: არც მეფის და არც სხვისი.

მაგრამ დედას — (თუ დედობილს) — სწაღია მისთვის ფარაოს ტახტი:

— გახედე ამ მიდამოს: ტაძრებს — ობელისკებს — პირამიდებს — ნილოსს —

დედტას — მემფისს: შენი იქნება — თუ...

ყრმას შუბლი შეუკრავს: გახელება იცის.

მაგრამ ყრმა დედის წინაშე თუ დედობილის.

პეშვით ქვიშას იღებს. თხელი თითებით გადმოაბნევს.

სიტყვა მაგარია — (ხმა კიდევ უფრო მტკიცე):

— ამდენად მინდა: ტახტი..

— შენ გმობ წინაპართა სჯულს..

— არაოდეს..

— მაშ რა გსურს?!

— პირამიდა უძრავია.. მან ფეხი უნდა აიდვას..



ეროვნული
ბიბლიოთეკა

(ქარავანი გადაქანდება და გადაიხრება.

არჩიბალდ მეკეში კლდეებს უცქერს—პირამიდებს:

ვინ აუდგამს ფეხს ტიტველ გიგანტებს?!

ვინ არის ასეთი გიჟი?!)

ყრმა გახელდება. მაგრამ ყრმა დედის თუ დედობილის წინაშეა. ფერხთ-ქვედავარდება. კურთხევას თუ თხოვს—(თუ განშორება?!)

დედა თუ დედობილი იგლეჯს შუბლიდან ლოტოსს. აძლევს.

ყრმა ყნოსავს ყვავილს—(ნესტოები ნადირისა აქვს).

დედა მიდის—(ვერ გაიგებს ვაჟის საიდუმლოს).

ვაჟი ვერძის თავს ამართავს.

(ქარავანი მიზოზავს. ჰებრაელი უცხო სიტყვებს ისვრის.

მეკეში ქვების ლანდებშია. კლდეებში ქვაბულებია:

თუ მემფისის ტაძარი?!)

ყრმა სწავლობს ჰერმესის საიდუმლოს. ერთი ნდომა. ერთი წყურვილი. სული რკინდება. ნება კაჟდება. ხასიათი იკვეთება. გონება იხსნება: არ აქვს კიდური. ქურუმებს ეშინიათ ყრმის. არ შეიძლება მისი მოღუნვა. არც გადაბირება. გადატეხისათვის არც ერთს ძალა არ შესწევს. დიდ ქურუმსაც ეშინია მისი: მებრას.

— რა გსურ შენ ბოლოს?!

— აი ეს..

ყრმა ხელს დაჰკრავს სკივრს:

სკივრში მემფისის საიდუმლო წიგნია უმაღლესი.

მისი წაკითხვა მხოლოდ პონტიფს შეუძლია.

— შენ გსურს იქვე პონტიფად?!

— მე მსურს ვიცოდე მხოლოდ: რაც აქ სწერია..

— პონტიფის გარდა მის ცოდნას ვერვინ მიიღებს..

— ოზირისი არ ჰკითხავს არავის: ვის ამცნოს ცოდნა..

ყრმა კლდეა. პონტიფი ირხევა.

(მეკეში ისევ კლდეებს გასცქერს. რა გაარღვევს მათ?!

ჰებრაელი ჰებრაულ სიტყვებს ისვრის.

ქიმერების თავები მზით დაკაფულ არეში ინთქებიან.)

პონტიფს ეშინია. ფარაოს ეშინია.

განაჩენენ: ყრმა სკრიბად დარჩეს ტაძარში—

სკრიბს ტახტზე ასვლა არ შეუძლია.

ყრმა—სკრიბი ზედამხედველია მუშაობის: ფარაო აერთებს სიმაგრეებით პელუზიმსა და ჰელიოპოლისს. მუშაობს ხალხი ურიცხვი. მუშაობენ ჰებრაელე-ბიც. მათ იციან ქვის-ტეხვა. მაგრამ მორჩილებას ნაჩვენევი არ არიან.

ყრმა ხედავს: ეგვიპტელი უფროსი ურტყამს უიარაღო ჰებრაელს.

ყრმა მარტო სიმართლეა და ხანდახან—გახელდება.

ყრმა ფიცხია: მივარდება და ჰკლავს ეგვიპტელს.

ყრმა გადალახვია: გარბის-გარბის შორს-შორს.

(კლდეები იშმუშნებიან თუ აზმორებენ.

ჰებრაელი ლულლულობს: ყრმის სახელს თუ ისერის.

მეკეში ჰებრაელს გადახედავს:

ჰებრაელი კლდის გარუჯულ ქიმს გაჰყურებს.

ჰაა: ეს იოფორის შუბლია: ეთიოპის თუჯის შუბლი გადალესილი.

ეთიოპის წინ: ყრმაა თავდაბრილი: მოყოლა თუ გაათავა.

იოფორ აყვანილია: შიშით თუ სიხარულით.)

— რა გსურს ყრმაო?!

— შინდა დაფისაჯო..

ჰოო: ეთიოპმა იცის რაღაც.

— რა გსურს ყრმაო?!

— ოზირისის ხილვა..

ეთიოპმა იცის: მკვლელი—(და ისიც შეწირული)—ოზირისს ვერ იხილავს.

არა: იხილავს—თუ მოკლულმა შეუნდო. მაგრამ როგორ?! მკვლელმა თვითონ უნდა განიცადოს თავის თავზე მკვლელობა. მოსცილდეს თავის სხეულს. იხილოს მოკლული. სთხოვოს შენდობა.

— მზადა ხარ ყრმაო?!

— მზადა ვარ..

(კლდეებში თითქო შეჩერდა მზე—ხედავს მეკეში.

მზე მზადაა დაჰკათოს არე. რა შეაჩეობს?! რა გაუძლებს?!)

ჰებრაელი აღარ ლულლულებს.

ქარავანიც შეჩერდა თითქო ერთი წამით.

უცდიან თუ: საოცარს?!)

— მზადა ხარ ყრმაო?!

— მზადა ვარ..

მარხვა სასტიკი, დაძაბვა სულის. დაოკება ნების.

ნდომა საშინელი და გადამლაზავი.

ეთიოპი მოგვრის ყრმას ლეტარგიას.

ყრმას სდებს იგი ტაძარის მღვიმეში.

გადის: დღე ერთი. ორი. სამი. გადის კვირა.

ას შემთხვევაში ერთი თუ გაიღვიძებს.

მაგრამ ყრმა მძლევია თვითონ მატერიის...

და ათი დღის შემდეგ დგება..

(მზემ დაჰკათა არე—ხედავს მეკეში.

ჰებრაელი ისუნთქავს თავისუფლად.

ქარავანი მიდის შუბლგახსნილი.

კლდეების მუცლები ჰხარობენ.)

დგება ყრმა შერიგებული.

გაიხედავს: უკან ეგვიპტეა. ჰოო: რა შორსაა. მეწყერმა თუ გაირბინა. სხვა მხარე—სხვა ნხარე.

(ჰებრაელი იძახის ხმამაღლა: მოსე! მოსე!

ვის უხმობს?! გაგიჟდა?!)

«მოსე» სახელია ჰოზარსიპისის.

ეთიოპს ცხელტანიანი ქალიშვილი ჰყავს: სეფორე,
ჰოზარსიპისს თუ ელოდა საქმაროს...



ქართული
ლიბრების

არჩიბალდ მეკეში ერკვევა:

ეხლა ნათელია მისთვის — თუ რად უყვარდა მოსე ირუბაქ ირუბაქიძეს. ეხლა იგი წინაპარშია თვითონ და ხედავს: ხილვას სინას მთაზე — მოგზაურობას უდაბნოში — გახელებას და მცნებათა დაფის დახეთქებას — ჯიუტი და ურჩი ხალხის დაურევებას — ისრაელის წყევას — უკანასკნელ სიმარტოვეს კაცისას. გზნობს ნალვლს მისას: რომ კვდება ქანაანის უნახავი, და მის წინ იზრდება ზეკაცი ნამდვილი: რომლის გახელებას მზის ატეხა თუ შეედრება ამ ტიტველ კლდეებში და რომლის გულის სიმართლეს ბავში თუ ამხელს დედას რომ რძეს ეხვეწება.

არჩიბალდ მეკეში ერკვევა ბურუსს:

ხედავს აშანთულ კლდეებს. ქარავანი მუხლუხის ზოხვით მიიზღაზნება ხვეულ ხეებში. ასეთი ქარავანი მიდიოდა იქ: შავ მოხუცთან. ასეთ კლდეებში იშვა ცეცხლი: რომლითაც აიწვა ჰებრაელი. ეგების: ეს ქარავანიც იმ ქარავანის ნატეხია.

კლდეები აყუდებულან ვით ასტრალური ლანდები და შინაგან იყურებიან გალტრსულნი. იგონებენ ყოფილს თუ ზმანებულს?! უთუოდ: მისთვის არიან ასე დამძიმებულნი და გარინდებულნი. ხსოვნა შორსწასული — ქვადდება.

შეიძლება ასეთი ქარავანით დაბორგავდა ძველად მცირე აზიაში ძველი გვარი ირუბაქიძის. ეგების: ეს ქარავანიც იმ ქარავანის ნატეხია?! თუ ნატეხი არა — გაგძელება ხომ არის: სინელით — ხსოვნით — წვით — ზმანებით!

და ამ კლდეებში

ამ ღრეებში

ამ უდაბურებში

ამ გზებში

ამ ქარავნებში

ამ ხალხებში

ამ გახელებაში და გადავარდნაში —

ერთი სახე:

მოღუშული და მრისხანე

როგორც მებით გარუჯული ხე თუ ქვა —

მშვიდი და მართალი

როგორც კრავი:

ყრმა ჰოზარსიპისს.

არაბული ცხენის გული ექვს კილოს იწონის.

რა შეედრება ამ გულის აფეთქას?!

მეკეშის გული ფეთქს როგორც არაბული ცხენის გული.

მაგრამ რაა არაბული ცხენის გული ჰოზარსიპის გულთან ერთად?! უბრალო ხორცი: თუ გინდ ექვსი კილო.

რაა ამ გულთან შედარებით მეკეშის გული?! კიანჭველას ტკივილი.

რაა თვითონ ოლგა?! რაა ვამეხ?! რაა ტაბა ტაბაჰ?!
 არარა. დიახ: არარა.

არჩიბალდს ცრემლი ერევა—(სიხარულის?!):

რომ სამყაროში იყო კაცი „ერთი“.

რაა ადამის რომელიმე შვილის სიმარტოვე ჰოზარსიპის სიმარტოვესთან აბლო?! უბრალო ბუტიაობა.

დიდო ირუბაქიძე: მართალი ხარ.

დღეს ვიგზნე სიცოცხლე.

მეკეშის გული დარბილებულია.

ეს იცის ქარავანმა..

მარადის თვალისხამხამი—

ღზინ. ღზინ. დონ. დონ. გაუნ. გაუნ.

ხარების წკარუნი წყდება ნელნელა.

გზა კლდის ძირასაა. კლდე გოლიათის ჩრდილს შლის.

ქარავანი ისვენებს ჩრდილში.

გვერდით მდინარეა: თითქმის ამომშრალი. გველვეშაპმა თუ ამოხვრიპა. აქაიქ: წყალის გუბე. გუბე—თითქო ფშანი. ფშანი—თითქო —თვალი: დავსებას რომ უცდის.

გალმით: ისევ ვიგანტები: სქელფაშვიანი ლებიათანები.

კლდენი დამცხრალნი. მაგრამ მაინც მქვინვარენი.

ავხორცობით დაღეშილნი და სურვით დაღველფილნი.

გაწოლილნი და გადახნეჭილნი როგორც უზარმაზარ მამონტების უზარმაზარნი ხერხემალნი.

გახელებული დევეები: რომლებიც ერთიმეორეს ეომებიან—ერთი ვერ სძლევს მეორეს—და ამ გაუთავებელ შებძაში ქვაგდებიან ერთიმეორეს შესხეულეებულნი: მკლავებით—თავებით—ფეხებით.

ნაშუადღევია.

თხაფეხა პანმა ალბად უკვე გადაირბინა.

შზე ცხრება სასტიკი.

ფერებიც და მურებიც სცხრებიან.

ხავსი ეჯიბრება ყარამფილს. ეხლა ხავსი ძლევს.

ასპიდი ეომება ხვითოს. ეხლა ასპიდი ერევა.

მეწამული მანდილი რბილდება.

ბუზი არ ბზუის.

ფოთოლი არ ირხევა—(ან სად არის?!).

აქლემები მილაგდებიან. მილაგდებიან გამყოლნიც. აქლემის თვალები და კაცების თვალები ერთმანეთს სინჯავენ. კაცების თვალებს ეშინიათ: არ დაინა-

ხონ აქლემთა თვალებში ტკივილი ან წყრომა. ეალერსებიან. ხელს თავზე უსვავენ.

არავითარი ხმაური. არც ერთი ხმამალალი სიტყვა.

აქლემთა სხეულნი—ერთიმეორეს მილაგებულნი— და ქვე-
ბის გაგძვლებას. გძელი მუხლუხი ეხლა ქვაა დატეხილ ხერხემლიანი. ქვეზე
ქიმერებია აწვდილი თავებით. თავები ადამიანის თვალებით იხედებიან: ქვეები
თუ იხედებიან შორიდან—შორიდან—(თუ იხედებიან) შორს—შორს.
თავები თვლემენ.

ოდნავი შრიალი:

თავები შეიბრუნებიან—როგორც მდინარეში მცურავი ღეროები.

ყველა მარჯვედაა. მაგრამ ერთს რა ემართება?!

ტანმორჩილი სპარსი—(თავი გადახოტრილი და თვალები შორსწასული)—
მიდის აქლემთან. აქლემი მრეში ფერისაა, რად არ უცქერს პატრონს?! მზით
თუა დასიცხული და გარინდული. არა: თვალები ელორწება. თუ სტირის!
სტკივა რამ?!

— ბეხანი.

სპარსი თავზე ხელს მოუსვამს. ხელი ალერსია.

აქლემი ნელა მოხედავს. თვალებში: სევდა.

— ბეხანი! გტკივა რამ?!

ბეხანი თავს მიიბრუნებს: ეგებ არ უნდა ცრემლი აჩვენოს.

გვერდზე ცხენისოდენა ვირია. წამოხტება. ათქრიალდება ცახცახით რო-
გორც მდინარიდან გამოყვანილი.

სპარსი გახედავს და ფიქრს რაღაც წერილი და ცხარე გასერავს: სიკვდილს
თუ შეხედა დიდყურამ.

— ბეხანი.

აქლემი მოხედავს პატრონს. თვალებში: სევდა კვლავ. მაგრამ სევდას რა-
ღაც ეძალება: დაიმედება თუ სურს პატრონის. შემდეგ თავს დახრის: დაღვრე-
მილი.

არავითარი ხმაური.

ბუზი არ ზუის. ფოთოლი არ ირხევა—(ან სად არის?!).

ხანდახან „აღლან“ დაიყუფს.

ყეფა შორს გადაეარდება ხევში განართხული.

აქლემები ატორტმანდებიან: თითქო წამოდგომას აპირებენ.

ნაცნობი ხმა თუ არის?!

სპარსეთის ტიტველ ნაპრალებში ხანდახან ლომის გრგვინვა გადაეარდება
ხოლმე და გრიალი ცხელი შურდულივით გაიკლაქნება ხახაგახსნილ ღრეში.
ეს ხმა თუ არის?!

არა: აქლემების თავები მიელაგებიან ერთიმეორეს როგორც შერხეულნი
თაველნი.

მზის დაყუდებისას ხვილიფში ცხვრის ფარა აფარებს თავს
ვერხვების ჩეროებს. თვალებს თითქო რაღაცასი ეშინიათ.
ორბის ან არწივის აჩრდილი თუ დაინახა ფარამ.



საქართველოს
საზღვრო-საგარეო
მინისტროს ბიბლიოთეკა

არა: აქ სხვა შიშია.

კლდის ძირას აქლემები მილაგებულან.

ჩრდილებიდან ქიმერების თვალები ტიტველ კლდეს მხურვალად.

ქიმერებსაც ეშინიათ?!

რისი ან ვისი?! მხეცი თუ მოელანდათ.

არა: ეს სხვა შიშია.

ერთი სპარსი—(სახე ნირვანაა)—რაღაცას უყურებს.

რას უყურებს?! არაფერს.

ეგებ უსმენს?! ხმაური რომ არაა!

და უსმენს მაინც..

არჩიბალდის თანამგზავრნი—ჰებრაელი და რუსი—ხმაგაკმენდით ერთმანეთს ებაასებიან. არჩიბალდ მათ გვერდითაა.

— რა სიჩუმეა..

— საშინელი მყუდროება..

პაუზა.

— აქ რომ უფერად ატყდეს ორკესტრი..

— რა იქნება!.

— ხუთი ათასი ვიოლონი.. სამი ათასი ვიოლონჩელი.. ორკესტრი—10.000 კაცისაგან..

— და დაუკრას ბეტჰოვენის „მეცხრე“..

— ან ბახის... რომელიმე...

— რა იქნება!.

— სასწაული..

მეკეში ჩუმი წვეთით:

— ისედაც მუსიკაა..

— ?! ?! ?!

კიდევ ჩუჩქლით:

— აქ სფეროთა მუსიკაა..

— ?! ?! ?!

ეხლა თავისთვის:

— ეს უფრო მეტია.. ეს მუსიკა..

— ?! ?! ?!

გაიხედავენ სპარსის მიმართ.

სპარსი ლოცულობს: მთელი ტანით. ნირვანა ირღვევა.

მეკეში თანამგზავრებს:

— უსმენს..

— ?! ?! ?!

— მარადს...

— ?! ?! ?!

კლდის წვერვალბიდან მოსქდება ქვიშა.

ხელიკმა თუ გადაირბინა—(შრრქშრრ):

ქვიშა ხელიკივით ეშვება ათასთვალა კენჭებზე.

შრიალი: ნემსის კურწში რომ ძვრება.

(ქვიშის შრიალი ისმის ერთი ვერსის სიშორეზე)

ქიმერები იხედებიან. თვალებს აღარ ეშინიათ.

რაცაღ დაიშალა. თუ დაიბადა.

სპარსი ვრკვევა.

მეკეში—თავისთვის:

— წამი დაიბადა..

— ?! ?! ?!

— არა: მოსწყდა მარადს.

ნელია ვილაცას ხმა:

— თვალის დახამხამება.. მარადის..

ბეხან—

დზინ. დზინ. დზინ.

დონ. დონ. დონ.

გაუნ. გაუნ. გაუნ.

ისევ ქარავანი. ისევ გზა. ისევ კლდეები.

ტანმორჩილი სპარსი ბეხანთან ერთად მიდის გვერდით.

თვალს არ აცილებს. აქლემს ტვირთი უმძიმს.

მოდის მეორე სპარსი.

— რა ემართება?!

— უღონოთაა..

— ტვირთი თუ უმძიმს..

— ეგების..

შეაჩერებენ აქლემს. ქარავანის ფერხული შეტორტმანდება: თითქო მუხ-
ლუხის ხერხემალს ერთი ხტილი მოაცილეს.

აქლემს ტვირთს უმსუბუქებენ.

ბეხან ისევ ფერხულშია. მაგრამ სველ თვალებს დაღონება არ სცილდებათ.

მოდის მესამე სპარსი.

— რა მოუვიდა?!

— ავად თუ არის..

— ეგების..

შეაჩერებენ. ფერხული ფერხდება. ხსნიან სრულებით ტვირთს. სხვებზე
გადაალაგებენ.

ბეხან მიჰყვება ქარავანს უტვირთო.

მაგრამ ფეხები მაინც ეკეცება.

მოდის მეოთხე სპარსი.

— ეგებ შელოცვა უნდა?!

— ვსცადოთ..

ქვალთვალებიანი სპარსი დააჩოქებს აქლემს. თავს მოწყვეს მისას ფრთხი-
ლად. ყურებში უცხო სიტყვებს ჩასძახის.



ქართული
საბჭოთაო

მაგრამ ბეხან არ ისმენს.

მოდის მეხუთე სპარსი. წყალი მოაქვს ჭილით. მიაწოდებს.

ბეხან შესვამს ცოტას. თავს გახრის განზე: თითქმის წყალი უგემურია თვალებიც განზე აქვს.

— ბეხან!

ბეხან ველარ დგება.

— ბესან!

ბეხან დაჩოქილი—მიწაზე ვარდება.

— აღარ შეუძლია..

— აღარ შეუძლია..

— აღარ შეუძლია..

ქარავეანი იძვრის.

ბეხანს ვილაც ეთხოვება თვალცრემლიანი.

დზინ. დზინ. დონ. დონ. გაუნ.

ქარავეანი გზას განაგრძობს.

ასეა მოწყობილი სამყარო. ერთი რჩება დავარდნილი. მეორე მიდის. მაგრამ რა ჰქნას დარჩენილმა?! დაიკარგოს?! გაჰქრეს?!
დზინ. დონ. გაუნ.

დზინ. დონ. გაუნ.

ეს რა ხმა შეეჭრა ზარების ხმას?!

ქარავეანი ჩერდება კიდევ. აქლემების—ჭიმერების თავები ილუნებიან: უკან იხედებიან. თვალებში: მოგუდული სევდა.

უკან—ბლავილი ბეხანის. ჩამორჩენილი ბეხანის. მიტოვებული ბეხანის. დავარდნილი ბეხანის.

ღმუილი შემხარავი.

აქლემი მოსდევს ქარავეანს. მაგრამ ფეხები ეკეცება.

ტანმორჩილი სპარსი მირბის აქლემისკენ.

— ბეხან! ბეხან!

ბეხან არ ტირის. ეს სპარსი ტირის.

ბეხან ბლავის და ღმუის.

არჩიბალდ სპარსს უახლოვდება.

სპარსი ყელზე მოხვევს ხელებს აქლემს:

— ბეხან! ბეხან! ბეხან!

ბეხან მუხლს მოიდგამს და ისევ ჩაიკეცება.

— ბეხან! ბეხან!

ბეხან ერთი ავარდება. გადადგამს ფეხებს. ისევ დავარდება ტანმოცული.

— ბეხან! ბეხან! ბეხან!

ბეხან აღარ ბლავის. ბეხან აღარ ღმუის. ბეხან არც ტირის. ბეხან იხედება თვალებით...

პოო: ეს თვალები! მოხოვნილი სიცოცხლის—პატარა სიცოცხლის—ერთი პეშვი სიცოცხლის..

— ბეხან!

თვალები სპარსს მოხედვენ სიყვარულით.. მაგრამ რა ურევია ამ სიყვარულს?! უცხოობა ხომ არა?!

სპარსის ტვინში კბენაა.

— ბეხან!

თვალები აღარ თხოულობენ სიცოცხლეს.

— ბეხან!

თავი გადაილუნება და ქვას დაეცემა.

— ბეხან! ბეხან!

ბეხან აღარ იძვრის. სპარსი ტირის.

არჩიბალდ კივილს ახრჩობს.

წინ: დზინ. დზინ. დონ. დონ. გაუნ. გაუნ.

. . .

არაბული ცხენის გული ექვს კილოს იწონის.

რაა ამ გულთან სხვა გულის ცემა?!

ყრმა ჰოზარსიპჰ მიიყვანს ისრაელს აღთქმული ქვეყნის კიდურთან და თვითონ კვდება მისი უნახავი.

რაა ამ გულთან შედარებით არაბული ცხენის გულის ფეთქა?!

კლდეებში კვდება აქლემი ბეხან—

დავარდნილი—მიტოვებული.

ქარავეანი განაგრძობს გზას.

ეგებ ბეხან ჰოზარსიპჰის გულია.

...ცრემლი...

ინტერმედია

თავი მათემატიკა.

მენჯილმა ქარი იცის.

არჩიბალდ მეკეში ტელეფონთან მიდის გაბრუებული. მენჯილის ქარი სხვანაირია. თითქო სხეული სადღაც დარჩენია მეკეშს და ლანდი მილოლავს მისი სივრცედაკარგული.

სპარსეთის კლდეებში—ტელეფონი: გეოგრაფიული ანახრონიზმი. ტელეფონი სივრცის ძლევაა—მაგრამ ტელეფონით საუბარში სპარსეთის სივრცეების სუნთქვა იკარგება. კიდევ კარგი: რომ ტელეფონი სიფხიზლეა. არჩიბალდ მეკეში თავის სხეულს ნახულობს.

მენჯილის ტელეფონი ყაზვინის ტელეფონს უერთდება.

— ჰაა: ტაბაჰ ხან!



- სერ არჩიბალდ!
- როდის დაბრუნდით?!
- გუშინ..
- ახალი?!
- თქვენ სახელზე დეპეშია..
- (ვისგან?! ოლგასიგან?!)
- გახსენით.. ვისგანაა?!.
- ვამეხისგან..
- (ვამეხისგან....)
- რას იწყებთ?!

— „გთხოვთ მეწვიოთ რამოდენიმე დღით სოფელში. ყურძნის კრეფა იქნება. ნახავთ საირმეს. მაცნობეთ დეპეშით წამოსვლა. ბაქოში დაგხვდებით. უარს არ მეტყვიეთ“.

(ყურძნის კრეფა. ვამეხ. საირმე. საქართველო.)

არჩიბალდ სდუმს.

- წახვალთ?!
- (არჩიბალდს ვილაცამ ხელი თუ ჰკრა)
- წავალ..
- როდის?!
- დღესვე..
- როდის დაბრუნდებით?!
- ათ დღეში მად ვიქნები..
- კეთილი მგზავრობა..
- ნახვამდის..

ტელეფონის ტარი ჩამოეკიდა.

ვამეხსაც გული ჩამოეკიდა თითქო. ეხლა სხეული აქაა—მაგრამ ლანდი მისი სხვაგანაა. გული ტოკავს: თითქო უნდა ლანდს დაეწიოს.

ავტომობილი მზადაა..

არჩიბალდ მეკეში მენჯილის ქარს სცილდება.

ქარი უკან რჩება თანდათან.

ქარის შენელებულ ზუილში მოსჩანს—

„მზის კევრი“:

ნათელი ხვითო. დაყვითლული სივრცეთა გუგა.

ღია ზაფრანა. ყარამფილი. მტევანი ფაღლოს.

საძროხეს სუნი. ატეხილი მოანგრევს პალოს

აკვრივებული ტანმაგარი ზანგელა ბულა.

ხურუში თესლი მატერიის და ავი ხორცი.

ღვრია სურნელი. ვნების ტეხა. ტიტველი ხვატი.

ცეცხლის ძუძუებს გამეტებით წოვს მრუში ხვადი—

კეთროვან ტანზე დაღვენთილი ლუესის ლორწით.

მირაჟის კვართი. ლურსა ცქერა. ზმანება ცხელი.

უგონო თვლემა. ფლეგმა ზანტი და წვეთის დახლა.
 უძრავ ჩვენებად ილენჩება თვით პანის ახლო
 ჩაყუდებული ნირვანაში წითელი ცხენი.
 მარადი ქცევა. სახე-მასკა. უბადპი ძველი.
 გადგომა განზე. ირონია და ძლევა თავის.
 მეორედ შვება ველარ ითმენს ხავოან ქავილს
 და იხდის პერანგს ცხელ ქვიშაზე რქიანი გველი.

ქარის ზუილი ინთქება შორს.

მზის კევრზე მოსჩანს აქლემი—როგორც—

„უდაბნოს ქიმერა“:

აყუდებული. ულაზათო. ორკუზიანი.

ცხუნე სივრცეთა კოშმარების უგვანო ბუში.

ბაიასავით გამომწვარი ზანგელა ბურში.

უცხო. უთვისო. მატანტალა. შორიგზიანი.

ამპარტავანი. ნელი. დინჯი. თავაზიანი.

მოდუნებული მეოცნებე შორეთის მურში.

მორცხვი. კეკელა. მოალერსე. მუსუსი. მრუში.

გახუნებული მაგრამ მაინც მარად მზიანი.

საოცარია მენი ზანტი მთქნარებით თვლემა—

მზეთა გალხობით რო მოთენთა უდაბნოს რთველმა.

ქიმერის თავის ღიმიტ გასცქერ აღმურს კომლიანს:

თითქო გესუნთქვის არაბეთის ამწვარი ნარდი.

და უშნო ცოხნით ოდეს ერთვი მელანქოლიას—

დორბლიან ტუჩზე გიობდება სამყაროს დარდი.

კევრი ილეწება. ქიმერა ჰქრება.

არჩიბალდ მეკეში მიეშურება საქართველოსკენ.

გავაზის თვალი

თავი მათო. რმთა.

და პირგაგუდული დიდი საწნახელი—
 ყურძნით გაღეშილი ლუში გველვეშაპი...
 „მიწის სჯული“.

ცხრამუხა—

შორიდან რომ შეხედავთ—ერთი ხე გეგონებათ დიდი.

მიუახლოვდებით: ცხრა მუხას დაითვლით.

ცხრა ძმას ხუთნეტ ალაბის დიამეტრზე წრე გაუკეთებიათ.

ძმების ჰასაკი ას წელს გასცილდება.

ტანი დაკორძილი აქვს თვითეულს: ალბად გამძლეობისათვის.

მუხებს წვერვალ არ აქვთ: თვითეულს საკუთარი. მათ მხოლოდ ტოტები აქვთ. საცა ტოტები იწყებენ აყრას—იქ მუხებს კრილობა ემჩნევათ, ეტყობა: ოდესღაც გადაუბელიათ. შემდეგ აყრილი ჩქოლი ტოტებზე განსვება—გადაუწვენიათ: რომ მუხები ერთიმეორეს გადაზდოდენ. კორძიანი და დაგრაგნილი მკლავები ცხრა ძმის ერთმანეთს ჩახვევიან. დაცილება მათი მიწისძვრას თუ შეუძლია. ერთიმეორეზე გადაჭდობილ ტოტებს თავის მხრით ტოტები აუყრიათ მაღლა: როგორც აიყრის ერთი ხე. ხედავთ: ძირს—ცხრა ტანი ცხრა ძმის და მაღლა—ერთი გუნდი ერთი მუხის.

მუხის ფოთოლი სქელია. ფოთოლიც ფოთოლს ეკვრის. ცხრა მუხის წრე ტალავარია. მზის ჩქერი ვერ სჭრის ცხრამუხის ტევრს. მზე კონცხზე გარჩენილა. მსხვილი რკოები სცვივიან ხანდახან.

მზით ამეწამულ ტევრის კოჩორზე ჭიჭინობელა სიცხის მაყრულს აბამს. შუადღე თავდება.

ცხრამუხის ტალავარში სიმღერა გაისმის ქვესკნელის გუგუნით: ჭურის მრეცხველი ჭიჭინობელას ბანს თუ ეუბნება.

გრილოშია ჭურისთავი.

მუხებს გორაკი აურჩევიათ.

აქ წვიმა არ გაჩერდება: ღელედ ჩაივლის.

მიწა ზედა ფენში მოშავოა. ქვედა ფენებში—მოყვითალო. ბოლოში—კირიც მოსჩანს. მიწა არანესტიანი: ხმელი და ხურვალი.

შიგ ჩაკირულია მრავალი ჭური. ასჩაფიანი. სამოცჩაფიანი. ორმოცჩაფიანი. ოცჩაფიანი. ათჩაფიანი. ხუთჩაფიანი.

ჭურის მრეცხელი ასჩაფიანშია. სარეცხელი უჭირავს ორტარიანი. ხეხავს დაჟინებით და მღერის. მეორე მრეცხავი ორმოც ჩაფიანს თავს ადგას. ჭურის თავზე ფიცარია ნახვრეტისანი. ნახვრეტში მრეცხავს ტარი გაუყრია გრძელი ტარს ბოლოში მოგებული აქვს სარცხელი. ისიც ხეხავს ჭურს. ისიც ღიღინებს.

განზე მესამე დგას. სჭრის ბლის ტყავებს დალბობილს:

ახალ სარცხელს ამზადებს.

პატარა ბიჭს აყალო მიწა მოაქვს.

მეორე ბიჭი ამ მიწას ზელავს ფეხებით.

ეს მიწა ჭურის დასაგნისია.

მესამე ბიჭი რეცხავს სარქველს: პრკე-მოდებულს.

ჭურისთავი ღობეშემოვლებულია. მესერის სარებზე აქაიქ ცხენის თავებია ჩამოკიდებული. ცხენის თავებს ორშიმოები მისდევენ. ზოგი დიდი: ერთ თუნგ ღვინოს დაიტევს. ზოგი მომცრო: ქვევრისათვის. ზოგი რგვალი. ზოგი წოწოლა. ზოგი გამობერილი. ზოგი შეფერდილი.

ცხრამუხის წრე არაა სრული: ერთი მხარე სწორი ხაზით გადაიჭრის. აქ გაწოლილია გრძელი თუჯისფერი საწნეხელი დაჭრილ გველვეშაპივით.

საწნეხელიდან მოსჩანს ვაზნარი დაზნექილ და დაფენილ სერზე.

ვენახის ფოთლებს ხმობა შეჰპარვიათ: შაბიაბანის მური გოგირდი ში გადადის.



ქართული
საქმიანობა

მოაქვთ მტევნები ყვითელი და მოშავო.
მოაქვთ კალათებით და გიდღელებით.
მეტი წილი ქალია და ბავში.
საწნეხელის გვერდით ქალია შაფებში. პატარა ბიჭებს ფეხებს ჰბანს. ფეხები ხტიან სიამით. ქალის ხელებისგანაა ეს სიამე თუ ცივი წყალისაგან?! ქალს ხელები ხმელი აქვს დაშოთილი და დაშვეტილი. წყალი ანკარაა და გრილი.
არა: აქ სხვა სიამეა:

მიჭების ფეხები მტევნების წნეხვას ელიან.

ბიჭების თვალები ილესებიან: მტევნების მარცვლებს თუ ედავებიან.

ქალი წელში იმართება. ტანი—მაღალი. თავზე—თავსაფარი უბრალო. სახე—მშვიდი: მოგრძო ოვალს სევლა ემჩნევა ოდნავ. თვალები: თითქო არ იძვრიან. თვალებში: შავი ფერი ლუოჯად მოკიაფე. ფიგურა ხმელი, ასეთი სახისაა ქართული ხატი მარიამის.

— ბიცოლა ნინო! ბიცოლა ნინო!.

— ჩაგვიშვი საწნახელში: ბიცოლა ნინო!.

— ჯერ ადრეა: მამას დაუცადეთ..

— იი მამაც!.

— მოდის მამა..

ნიკოს სტუმარი მოჰყავს.

სტუმარს წვერი ჩიჩილაგასავით აქვს.

— კაი მოსავალი გქონია: ნიკო..

— არა უშავს..

ნიკო წყლიანი თვალებით ნახევრად ავსილ საწნეხელს გადახედავს.

— მამა! მამა! მამა!

— ჩაგვიშვი საწნახელში..

— ცოტა მოიცადეთ..

ბავშვები ფეხებს იწმენდენ ტილოთი.

სტუმარი მტევნებს სინჯავს.

— ცოლიკოური უფრო მარჯვედაა..

— წელს ციკქამ უფრო ივარგა.. აბა ნახე..

— კრახუნა რას შობა?!

— კრახუნა გადამიშენდა.. ცოტა დამრჩა..

— არი კი?!

— ცალკე მინდა დაეწურო..

— საფერე რას გიშობა?!

— საფერეც გადაგვარდა..

— მალღარი?!

— მალღარმა წელს მოძკეთა..

— ალექსანდროული?!

— ვერც მაგას დავემდურები..

მოაქვთ ყურძენი: ყვითელი და მოშავო.



მოაქვთ კალათებით და გიდელებით.

საწნეხელის მუცელი ივსება.

— მამა! მამა! მამა!

— ჩავალთ საწნახელში!

— ჩადით!

ბიჭები საწნეხელში გადახტებიან.

ფეხები ხალისობენ. წვივები კრთიან.

მტევნები იწყებენ ცრემლვას: მაგრამ სიხარულით.

საწნეხელი იღეშება დაწურულის ტბორით.

ტბორს მოაქვს სურნელი—(არის ქვეყანაზე რაიმე ამ სურნელის სადარი?!).

ქიქინობელა უმატებს ქიქინს.

ჭურის მრეცხელი ამოდის ჭურიდან.

მეორე მრეცხელი სარკხელს ასწორებს.

მესამე ბლის ტყავებს ალაგებს დაქრილს.

ნიკო ნინოს მიმართავს:

— აბა რძალო! კარგი სადილი!

ნინო მიდის უსიტყვო.

ოცი წამი—და პატარა ბიჭი ძლივს მოათრევს კალათს:

კეცზე შემწვარი ქათამი. წვენი—ისრიმისა და მაყვალის. ისრიმი—გვიანი ყუოდენის. ჭადები: ვაზის თუ ნიგვზის ფოთლებში გამოცხობილი. ღვინით სავსე-დოქი ნეშოთი თავდაცმული: ახლად ამოღებული წყაროს მუცლიდან. ქიქა. ქინ-ქილა. კულა.

მუხების ქვეშ: სიგრილე ხავსიან კლდეების.

მუხების თავზე: მზის მარცვლების აჯეჯილება და ქიქინობელა.

რამდენი ახსოვს ცხრამუხას ასეთი სადილი?!

სარიდან—

ჭურისთავიდან ცოტა მოშორებით ნიგვზები ამართულან.

ნიგვზები მუხებს ედავებიან სიდიდით. ჯერ კიდევ არ შეხშიათ ფოთოლი.

აქაც მაღლობია და სიგრილე.

ნიგვზების ქვეშ სიბი გძელი ქვებია გალაგებული: საჯდომად.

ერთს ქვაზე მოხუცი ზის და ჩიბუხს წევს.

ფოთლები ნელად შრილობენ, ალბად მათ უსმენს. თუ განვლილ ხანას იგონებს?!

მოხუცის წინ ოდაა: მაგარი მუხისგან ნაშენი. ფიცრები სქელია: თითქო დამორილი ძელები.

ოდას უცქერს მოხუცი.

აქ ნიკო ცხოვრობს: მისი უმცროსი შვილი ცოლით. შვილებით. აქვე ცხოვრობს ნინო: ქვრივი მისი შუათანა ვაჟის. ქალით და ვაჟით.

მოხუცს შვილი აგონდება უდროვოდ დაკარგული. გული არ ტკივა—(უკვე ხანგადასულია)—გული ტკივილს „იგონებს“.

მოხუცი მოსწევს ჩიბუხს. გააპურწყებს.

ეხლა გვერდით გაიხედავს. მოშორებით—ოდა. კიდევ მოშორებით: კიდევ
ოდა. იქით: ასეთივე ოდა. სულ ბოლოს: ისევ ოდა.

მოხუცის გული იღვენთება: ეს ყველა—ნაშიერია მიყრდენული
ბოლო ოდაში მისი უმფროსი ვაჟია. იგი სამოცი წლებს მას ჰყავს
შვილები და შვილიშვილები. დანარჩენ ოდებშიაც მოხუცის ვაჟების ოჯახობაა.
შვილები და შვილიშვილები მრავალი.

მოხუცი მხრებში იმართება.

ჩიბუხის ტარი ამაყად უჭირავს. გააპურკყებს.

თვალებს მოადგენ თვალები—(გაღვიძებული გონის).

მოხუცი ჩურჩულობს. თუ ითვლის:

ამდენი ვაჟი. ამდენი ქალი. ამდენი შვილი. ამდენი შვილიშვილი. ამდენი
შვილიშვილიშვილი. ამდენი გათხოვილი. მათი შვილები და შვილიშვილები.

მოხუცი იღიმება: ბედნიერია.

მაგრამ: რამდენია მაინც?!

მოხუცი ითვლის. „ჰე სიბერე“: ვერ მოთვალა.

ნუ მოთვლის: ხე—მამა მაგარია ხომ?!

და მოხუცი ცხრამუხას გახედავს:

ცხრამუხასავით მაგრადაა გვარში მოხუცი.

სწევს ჩიბუხს და ისევ აპურკყებს.

სარიდან გვარმაგარი გლახია: ლაშხი.

(აქ ფილოლოგიას აქვს გამონაკლი: „გლახი“ აქ „გლახას“ არ ენათესა-
ვება. სიტყვის მორფოლოგიის შელახვა.)

სარიდანთან ბავშები მიცვივდებიან.

ზოგი ფეხში ეცემა. ზოგი ხელში. ზოგი ზურგში.

— ბაბუა? მამამ აბედი გამომატანა შენთვის..

— ბაბუა კაჟი მოგიტანე..

— ბაბუა: კვესი ვინ გაგიკეთა?!

— ბაბუა: ეს დანა მჭრელია?!

— ბაბუა: ფეხაცმელი გაგხვეია..

მოხუცი გაძვალეებულ ხელს უსვამს ბავშებს. ეალერსება. ულიმის. ბავშებიც
ცქრიალობენ.

სარიდან ეკითხება თვითიუღს: ყურძენი ბევრი კამე?—სიმინდის ტარო
გემრიელია?—ლურსა როგორაა?—ალია დაკედეს?—ბელეშამ ხბო მოიგო?

ბავშები ეხვევიან მოხუცს.

— ეხლა წადით!.

ბავშები გარბიან ჟივილხივილით.

სარიდან დგება. ჯოხს იმაგრებს ოთხმოცდახუთი წლის მოხუცი. ჯერ კი-
დეგ მაგრადაა. მიდის ნელა. ფეხებიც მაგრად აქვს.

ჩაქუსლული წულეები აცვია. მიდის ნელა.

გაიხედავს ოდის განზე. თვალებმა სინათლე უკლო?! მაინც არჩევს: დაქურ-
ჩულ ტაროებს და მათ ყვითელ ხვავეებს.

სასიმინღენი: იელისაგან მოწნილნი თუ შქერისაგან.

ხულა. ბელელი. თავლა. იქით: ფარეხი. ფარეხთან: ბოსელი. იქვე საღორე.

იქვე საქათმე.

მოხუცის თვალებს სინათლე ემატებათ.

ეს—ერთ ეზოში. სხვა ეზოებში?! კიდევ მეტი. ოთხჯერ მეტი.

სარიდან მხრებში მოხრილია. ეხლა ამას არ გრძნობს.

ხელს ისვამს თეთრ წვერზე: სითეთრეს თხისწვერის სიყვითლე მოდებია.

წარბების ბეწოები გაზდილან: შიგადაშიგ შავი ბალანიც ურევია. ყურებიდან თეთრი ღინღლი მოსჩანს ბლომად.

მაინც მარჯვედაა. მიდის. ეზო გძელია.

ეზოს ბოლოში ძელქვებია ხუთას-თუ-ათასწლოვანი.

ხედავს ძელქვებს. ფიქრი: „ძელი—ქვა“. მოსწონს მათი სიმაგრე.

აქ მალლობია აბორცვილი:

აღმოსავლიდან მარცხნით: მთების კალთები ლუში ნისლის ფერი. რა ხე არა იქ?! ფიჭვი. ნაძვი. მუხა. წიფელა. წაბლი. ურთხველა. ზოგი ასი ალაბის სიმაღლის. ზოგის ტანს შემოსართყამად ოცდაათი მკლავი დასჭირდება.

მთას—„საირმეს“ ეტყვიან.

მთისა და ძელქვების შუა ხევია გათხრალი.

ხევი: პატარა რუპ—ნაღველივით შავი. მხოლოდ—კრიალა.

პირი დასავლისაკენ და მარჯვნივ მობრუნება:

ხევი იწურება და იკარგება—(თუ თანდათან ფართოვდება?!).

მოსჩანს დიდი ველი რიონის: სამეგრელომდე და სამეგრელოს იქითაც— გადაშლილი ზღვამდე: როგორც სილაღე—როგორც თარეში—როგორც მუცელი ნოყიერი. ველი—უთვალო: თითქო თვითონ მარტო—თვალი: რომელიც თავისთავს ვერ ხედავს—(სხვა თვალმა უნდა იხილოს).

მოსჩანს არე ქუთათისის კლდეზე მიბჯენილი.

მობრუნება კიდევ მარჯვნივ:

თვალის წინ—ყვირილის ველი დახვეწილ კალებით: თითქო უზარმაზარი თასი—გაჭიმული და თითქო გაშვეტილ ნავად გადაქცეული.

იქვე: ველი ხანის წყალის.

შერთვა ყვირილისა და რიონისა.

ტყე აჯამეთის: ხედ აჯეჯილი ზურმუხტი.

და ბოლოს—ის ის დიდი ველი: რიონის.

სარიდან ძელქვებთანაა.

გასცქერის: ხეობას—ველს—ჭალას—ტყეს.

ნუ თუ ასე უკლო თვალის სინათლემ?! რისთვისაა ამდენი ნისლი?! აქ ხომ ყოველთვის ანკარაა ცის თალი და კრიალა!? რადაა სამზირი ასე აბლო!? აქედან სამზირი ხომ შურდული იყო რაინდის მიერ გასროლილი!?

ჰაა: „დაიქცეს სიბერე“—(სარიდანის ფიქრებში).

თვალებს ცრემლი თუ აწვება.

არა: მგონი ცრემლიც ამომშრალია.

გაიხედავს: ეხლა კიდევ მარცხნით: „საირმე“.

რამდენჯერ ყოფილა იგი იქ სანადიროდ!? რამდენი მოჰკლა ირემი!? რამდენი დასჭრა ნიამორი?! რამდენი კანჯარი!? რამდენი ტახე გარეულისკენ მოსთვლის!? მოხუცს თავის ნაშიერიც ვერ მოუვულია.

მოტრიალდება. მზე ჩადის როგორც ავარვარებული თასი: ჩადის ბნელ საშოში. მიდამოს ეფინება შვინდისფერი მეწამული. მეწამული მთის თხემზე იღვრება. თვალში გარჩენილია ჩასული თასის დალი და მთისკენ გახედული ლურჯ ხანძარს იჭერს იგი დანელებულს: მზის ჩქერი ქვავდება ლუშად—(რა შეედრება?!).

მოხუცი ხედავს მზის ჩასვლას.

„მეც ჩავალ“—(მოხუცის ფიქრი ნელია).

რბილდება მოხუცი და სახლისკენ ბრუნდება.

შორიდან ჯოგის ხრიალი მოისმის.

ჯოგი მოიზლაზნება ნაილაღარი: ავსილი. ხარი—(ნისლა—ლურსა—გიშერა). ძროხა—(ბელეშა და მურეშა). ცხენი—(ალია და ლურჯა). კამეჩი. ცხვარი. მთხვერი. უშობელი.

მოიზლაზნება ჯოგი.

წყალს ასმევენ. ივსებიან მუცლები და ილესებიან.

ხარი ძროხას აედევნება. ბიჭი შეუძახებს და ხარი განზე გავარდება. ჯოგის ტანი შეირხევა. ხარი ხარს ეცემა რქებით. ბიჭი შეუყვირებს და ხარები ერთმანეთს სცილდებიან. ჯოგი ტორტმანობს. განზე კამეჩი გაიბურღავებს. მტვერი დგება. ძროხა ბლავის. უშობელი ღმუის. უშობელი ჯიქანში ეცემა ძროხას: იწყებს ჯიქნას. ბიჭი მივარდება და ხელით აცილებს. ჯოგი ზმორებით მოზოზავს.

მზე უკვე ჩასულია.

ჯოგი ფარებს მოადგება. შედის. ბინავდება.

ქათმებიც მიდიან ხეებისკენ—(უფრო ხშირია ბია):

ემზადებიან დასაბუდრებლად.

ყივილი ნელდება: თითქო შორსაა—(ინთქება).

ხრიალი ცოტავდება: ცხრება.

სალამო იბინდება.

მუქი ლილის ფერები არეს ეფინებიან.

მოხუცი აივანზე აღის დანელებულად.

მყუდროება და მიყუჩება.

სარიდანაც მიიყუჩებს.

ვამეხ და არჩიბალდ—

სარიდან აივანზე ზის. ეყვინთება.

სოფელში ძაღლის ყეფა გაისმის: შორს.

ყეფა აღრმავებს სიჩუმეს. მოხუცი წამოდგება.

„მურა“ გარბის ყეფით ჭიშკარისკენ.

მოხუცი მოაჯირს ებრჯინება. ყურს უგდებს. ესმის სხვა ყეფა. „მურა“

გამორბის ნიგვზებისკენ აძურწული: ყეფაში—შიში. „მურას“ მთელ სოფელში
 ძალლი ვერ ერევა. ძაღლის შეეშინდა?! რომელის?! მოხუცს უკვირს უცხო ყეფა
 ხმამაგარი.

ეროვნული
 ბიბლიოთეკა

— ვინა ხართ?!

ეზოში ცხენების თქარათქური გაისმის. უცხო ყეფა წყდება.

— ბაბუა! ბაბუა!

ათას ხმაში იცნობს მოხუცი ამ ხმას.

— ვამეხ! შეილო!

ვამეხს „მურა“ ელაქუცება. ძაღლს თავზე ხელს უთათუნებს ვაჟი. ცხენს
 აბამს. მიაბამს არჩიბაღდის ცხენსაც. ავარდება აივანზე. არჩიბაღდს ხელში
 „აღღან“ უჭირავს.

— ბაბუა! ბაბუა:

ეხვევა. ჰკოცნის.

— ვამეხ! შეილო!

— მობრძანდით არჩიბაღდ!

არჩიბაღდ აღის. „აღღან“ გვერდით ჰყავს.

სახლიდან გამოცვივდებიან: დედა ნინო—ბიძა ნიკო—ნიკოს ცოლი—ნი-
 კოს ბიჭები.

— ეს ყმაწვილი ვინაა?!

გაისმის ხრიბაღდში მოხუცის ხმა.

— ჩემი მეგობარი.. სპარსეთიდან..

მცდელი თვალები უცხოელს სინჯავენ.

— შეილო! ვამეხ!

ეხვევა დედა.

ბიჭები ღებშიშვლები ფეხებზე ეკვრიან.

ვამეხ ხან ერთს აიყვანს ხელში. ხან მეორეს. ხან მესამეს. ჰკოცნის ყველას.

ერთი ბიჭი „აღღანს“ მოჰკრავს თვალს და შიშით აცახცახებული განზე
 გავარდება.

— ნუ გეშინია!. დიდი ძაღლია არა?! ორ მგელს გაგუდავს..

ამწვიდებს ვამეხ. შემდეგ — უეცრად:

— მატასი სადაა?!

— დღეს თავი დაიბანა.. თმას იშრობს.. ივარცხნის..

ვამეხ მოსწყდება.

არჩიბაღდ ნინოს ათვალთვრებს.

ვამეხ შევარდება ოთახში. სტაცებს ხელს დაჰს. აიყვანს ხელში. აიგდებს
 მხარზე. გამოჰყავს აივანზე. არჩიბაღდ ხედავს ოდნავ გაშიშვლებულ წვივებს
 გაშვეტილს. ჩამოუშვებს. მატასი დარცხვენილია.

— ჩემი დაჰ მატასი!. ლამაზია არა?!

პატარა ლამფის სინათლეზე მოსჩანს წარბშეკრული მატასი: როგორც მა-
 ხეში ახლად გაგებული ბოლოშავი. უცხო კაცს უნდოთ უცქერს. თვალები ელა-
 ვენ მუქლურჯად. ხანდახან ლალის ალიც გადაჰკრავს — (ეს მხოლოდ ერთ წუთს).

ასე ელავენ ლამეში უხედნი კვიცის თვალები. უეცრად მოსხლტება/და ისევ დარცხვენილი ოთახისკენ გაბრუნდება. სიტყვა არ უთქვამს.

არჩიბალდ სუნთქავს არეს რომელიც მატასიმ შეარბილს
სურნელი თუ დასტოვა ველური ყლორტის.

სიჩუმეს ისევ ვანებს არღვევს:

— ხომ კარგათ ხართ?!

— კარგად ვიქლო!. ყველა კარგად..

— ჩვენები როგორ არიან?!

ერთი წუთის დუმილი. ვამებს უსვენარია:

— როგორ არიან: ბაბუა?!

— ყველა კარგად.. მხოლოდ..

— რა მოხდა?!

— საწყალი ვანო..

— ჩვენი ვანო?! ალექსას ვანო?!

— ომში დაიღუპაო.. მოიწერეს..

ვამებს აღარავის უყურებს. გავარდება.

— ხვალ წადი..

— არა.. ეხლავე..

უკან „მურა“ მისდევს.

„აღლან“ იღრინება. ბავშვები ერთიმეორეს ეკვრიან. არჩიბალდ დოგს გახედავს. დოგი მშვიდდება.

— დაბძანდით..

არჩიბალდ ჯდება. მდუმარება.

ალექსას სახლიდან მოისმის ხრიალი. „სიხარულია“. ნახვის. მხოლოდ ერთის ხმა „გაცხადებისა“. ეს დედა უნდა იყოს. კიდევ დუმილი. ეხლა ტირილი მოისმის.

— რად უთხარი ბაბუა?!

— ხვალ რომ შეთქვა: ეწყინებოდა.. ხომ იცი-ვამებს..

ვამებს ბრუნდება. სიხარული აღარ ემჩნევა: თუ გაბრაზულია.

მას მოჰყვება ბიძაშვილი. ვამებსივით ბრგე.

— მალლარისათვის თავი ხომ არ მოგიხდიათ?!

— უშენოთ ვინ მოხდიდა?!

— ბატონო არჩიბალდ!. მხოლოდ ორი წამი!.

— ნუ სწუხდებით..

ვამებს და ბიძაშვილი ჭურისთავისკენ გასწევენ. პატარა ბიჭს ანთებული კრაქი მიაქვს წინ.

ნინო სამხარეულოს მიმართავს.

ნიკოს ცხენებისათვის ახალი ჩალა მოაქვს.

მოხუცი არჩიბალდს ათვალეერებს.

ამბობს თავისთვის:

— ფიცხია!. ჩქარია!.

არჩიბალდს ხმა შორიდან ესმის თითქო, ხომ არ სმენია ოდესმე?! სიზმარში თუა.

ფიქრებს მატასი გასწყვეტს. ჩაირბენს კიბეზე და დაედასთან: ვაიქცევა. შველის ნახტომი აქვს. ტყვილად არ ქვია ამ კუთხეს „საჩხუქი“.

— სადაური ბძანდებით?!

— ანგლიიდან ვარ..

— ქართული გცოდნიათ..

— ცოტა..

— რა ქვეყანაა „ანგლია“? ანგლიჩნები ხომ არ ცხოვრობენ?!

— მაგ უნდა იყოს..

— ჩვენი თამაზიც ანგლიჩნებში წავიდა..

„ვინ?“ ჰკივის ვილაც არჩიბალდის ტვინში. აღრჩობს კივილს.

ნეტავ ვინმე მოვიდოდეს. ჰაა: ეს ვამეხის ბიძაა: ნიკო.

მაგრამ ნიკოს ლაპარაკი არ უყვარს.

ისევ მოხუცის ხმა.

არჩიბალდს ეშინია ბაასის გაგრძელების.

მაგრამ ხმა ნიკოსკენაა:

— ცხენები თავლაში დააბი.. კარგათ მოუარე..

— ჯაერი ნუ გაქვს..

მოხუცი იწყებს რალაცას. მაგრამ ვამეხ უკვე მოდის.

— მაპატიეთ ბატონო არჩიბალდ..

— რა სათქმელია..

სუფრას გაშლიან. არჩიბალდ ხან ნინოს უცქერს და ხან მატასის. ეხლა პატარა ლამფას წყველის—(წვლან კი ლოცავდა): ვერ არჩევს კარგად. სუფრას უსხდებიან. ვახშმობენ. არ არის არც ნინო და არც მატასი.

არჩიბალდ ოთახშია. ნინო დი მატასი ვახშმობის დროს აღბად ოთახს ამზადებდენ. ყველაფერი მზადაა. სუფთა ლოგინი სუფთა ქვესაგებელით. მაგიდა. სკამი. ფანჯარა გატეხილია და დიდი ბალიშია შიგ ჩაგებული. კედლებზე —სურათები გაზეთებიდან ამოჭრილი.

შემოდის მატასი. შემოაქვს წყალი თუნგულათი. ტაშტი. საპონი. პირსახოცი. არჩიბალდს უკვირს. წყალს უსხამს. ზელს იბანს.

უნოსავს ქალის სიახლოვეს. ასეთი სურნელი ახლად აყრილმა ტყემ იცის. კუნთები—დაძაბულობაა (შევარდენის ბარტყის?!).

მატასი გადის. თვალს აყოლებს. ჰო რა ცუდია ეს პატარა ლამფა.

ტანს მაინც არჩევს: თითქო მშვილდი—(მოწეული თუ გასხლეტილი?!). მონადირე ქალის ატეხილობა. აქ ირგვლივ სანადიროა ხომ? თეძოები ჯერ კიდევ არ გაგანიერებია. მკერდი შთლად არ აბორცვილა.

შემოდის ხელმეორედ. შემოაქვს ტაშტი. თუნგულათი წყალი.

არჩიბალდ გაოცებულია.

მატასი მარტო დარცხვენაა:



— ფეხებისთვის..
 არჩიბალდის ხმა იმსხვრევა:
 — დასტოვეთ..
 — არა.. მე თვითონ.. დაგბანთ..
 არჩიბალდ გაშტერებულია.
 უეცრად ვამეხ შემოდის. ცნობს გაოცებას.
 — ეს ძველი ჩვეულებაა ჩვენი.. სტუმარს ახალგაზრდა ქალი ძილის წინ
 ფეხებს დაბანს..

— არ შეიძლება არ ავასრულო ეს ჩვეულება?!

— თქვენი ნებაა..

მატასი გადის. მიაქვს ხელსაწყო.

ვამეხიც ემშვიდობება:

— ძილი ნების..

— გმადლობთ..

...

ძილი თუ ღვიძილი?! ზმანება თუ არის..

ორი წლის ბავში ფეხს იღვამს. გაიარს. დაეცემა. ვილაც ხელში აიყვანს
 ბანგვლიანი და დიდი. ბავშს ეშინია: ეს ხომ თვითონ დევია— (რომ აშინებდენ).
 ტირის. ეხლა ქალი აიტატებს. მიჰყავს. საით?! რა იცის?!

წინ რაღაც მალაღია. შავი და დიდი. ხანდახან შრიალი ისმის. ბავშს ეში-
 ნია. ქალი ამშვიდებს: ეს ტყეა. ქაჯები რომაა იქ— (ასე ამბობდენ)?! არა: იქ
 ირემია და კანჯარი. ირემი და კანჯარი რაა?! აი: უშობელს რომ ჰგავს.

ბავში აღარ ტირის. ქალს ბავში წისქვილისკენ მიჰყავს. ხრიალი. ბავში
 ხელს წვდის: უთითებს. იქ სიმინდს ფქვავენ. სიმინდს ფქვავენ?! აი ფაფას რომ
 აკეთებენ: ფქვილიდანაა. ბავში ნელდება.

„ფაფა!“ იძახის ბავში. ფაფა აქ სადაა?!

გამოდის ვილაც: იგიც ბანგვლიანი. იგიც ხომ დევი არაა?! აი ვაშლი!
 ბავში გამოართმევს. გაუვარდება. ჩაგორდება წყალში. წყალს მიაქვს ვაშლი.
 ბავში ტირის— „დედაა!“

„დედა წასულია.“ „დედა მალე მოვა.“

ბავში მოღზე გაიარს. ჰკივის: ეკალი შეესო?! ქალი ეკალს გამოულებს.
 „რა გატირებს“. „ბურთს არ მოგცემ“.

ბავში მზეს გახედავს ჩამავალს. ხელს გაუწვდის. ეს წითელი ბურთია.
 „ბუ...თი“: იძახის ბავში. ეს რას ამბობენ: ხვალ ქარი იქნებაო. რაა?! კიდევ
 გახედავს კიდურს. ბურთი აღარაა. „ბუთი“. „აი ბურთი“. აძლევს.

ბავში ამთქნარებს. საღამოა. ქალს მიჰყავს სახლისკენ.

ყმაწვილს ტირიფის ჯოხი გაუკეთებია. ახლიდ გაუტყავებია. ბავშს აძლევს.
 რა სუნი აქვს?! ჰოო..

ქალს მიჰყავს. აკვანში აწვენს, ბავში ტირის.

„დაიძინე“.. „ნანა ნანინა“.

ბავში აღარ ტირის. ბავში იძინებს.

ძილი თუ ღვიძილი?!
 არჩიბალდ ფანჯარაში ლუშ ალიონს გახედავს.
 გული ხომ არ ეხუთება?!



საჯვარე—

ნიგვზის ჩრდილი: ფართო და გაუვალი.
 სიბი ქვის საჯდომი გრძელი.

— ბაბუა ასეთი ხმალი თუ გინახავს?!

— აბა მიჩვენე!.

ვამეხ გაუწოდებს.

— კარგი ხმალია . სად იშოვე?!

— ჩემმა მეგობარმა მაჩუქა..

არჩიბალდ იქვეა აწურული.

— კარგი ხმალია..

მოხუცი თვალს ვერ აცილებს. რკინას სინჯავს.

— თუ გინახავს სადმე ასეთი რკინა?!

— მინახავს..

— არჩიბალდ განაბულია.

— სად გინახავს?!

— აი იქ..

მათ პირისპირ სამი ვერსის მანძილზე მოსჩანს სერი.

სერზე ხის საჯვარეა და ძველი სისახლე.

— მაყაშვილის ნამოსახლარზე?!

— სწორედ იქ..

არჩიბალდ შეირხევა—(ამჩნევენ მოხუცი და ვამეხ?!)

— იქ ეხლა მგონი არავინ ცხოვრობს..

— არავინ..

— ბაბუა სარიდან! მაყაშვილი მართლა გადაშენდა?!

— გადაშენდა..

არჩიბალდის ტვინს რალაც კბენს.

— სულ გადაშენდა?!

— არა: ერთი დარჩა..

არჩიბალდ გულშია მარტო.

— რა იქნა?!

— უცხოეთს წავიდა..

არჩიბალდის გული ფეთქის შეწყვეტას აპირებს.

— დიდი ხანია?!

— დიდი ხანია..

— მაინც რამდენი?!

მოხუცი იგონებს:

— ჰო: შენ რომ დაიბადე იმ წელს..

არჩიბალდის წინ სინათლე იელვებს ფართო და წამსავე ქრება.
სერიკენ გაიხედავს. ხის საჯვარე და ძველი სასახლე.

მოხუცის ხმა თითქო იქიდან ესმის: ისე შორსაა. მარცხენა
ხელის მარჯვენა
რალაც აგონდება.

ვამეხ ხმალს გამოართმევს მოხუცს.

— მაშ იქ გინახავს ასეთი ხმალი?!

— სწორეთ ასეთი..

— მაყაშვილი თუ გინახავს?!

არჩიბალდ გაგუდულია—(ცრემლები თუ აწვება?!)

— თამაზ?! როგორ არა..

არჩიბალდის ცალ თვალზე ხორბლის ოდენა ცრემლია.

— როგორი იყო?!

— კარგი.. ძალიან კარგი.. ფიცხი კაცი იყო.. კეთილი..

არჩიბალდ ცრემლს იწმენდს მალულად.

გული აშვებულია—(გულს ვერავინ დაინახავს).

მოხუცი დგება. მიდის ნელი ბიჯით.

ვამეხ არჩიბალდს უცქერს იჭვნეული.

...

— ბატონო არჩიბალდ! გავისეირნოთ ცხენებით!

— სიამოვნებით..

ცხენები მზადაა. მიდიან. „აღლანს“ მატასის უტოვებენ: შეეჩვია.

ჰო ეს ხევი: აქ ქაჯებით აფეთებდენ.

ჰო ეს ღელე: აქ წყლისკაციაო—ესმოდა.

ეს გორაკი. ეს ვენახი. ეს ხე: ძელქვის ხე. ეხლა დაპატარავდა თუ?! ეს მიდამო. არჩიბალდ შორსაა—(საუკუნემ განვლო მას აქეთ?!).

კაცი მწოლარე მიდის—(სულ ერთია: ურმით თუ რონოდით)—არ იცის საით მიდის. მაგრამ არჩიბალდ მწოლარე არ არის: იგი ცხენზეა. და მაინც: არ იცის—სადაა- გზნობს რომ შორსაა: ზმანეულ არეში.

ვამეხის ხმით თუ გამოერკვა.

აღმართი. ესეც ჰო. სადღაც.

მიდიან სოფლის ორლობეში.

პატარა სახლები. ზოგი ოდა. ზოგი ქოხი ძელის. ზოგი კრამიტით დახურული. ზოგი ისლით. ბევრი ყავრით—(საირმეში მრავალია საყავრე ხე). ყველგან ეზო: დიდი და მორჩილი. აქ საცვლები ჰკიდია. იქ ხარები ტკვერავენ ახალ ჩალას. ბავშვები თამაშობენ: ძონძებში გახვეულნი. ქალები თავსაფარს ისწორებენ—(როს შეხვდებიან). თუმცა თვალებს უფრო ააღმასებენ. აქ ღორის ღრუტუნნი გაისმის. იქ ძალლი ჰყეფს—(ორლობის ძალლი: ეს ცალკე „რასსაა“). თუ არ შეუტიე—შეურაცხებულად გრძნობს თავს: აღარ მოგეშვება.

არაფერი შეცვლილა—(ეს არჩიბალდის ფიქრია).

ავლეს აღმართი.

დიდი ღობე. ურთხველის სარები ერთიმეორეზე მიჯრილი. ღობე კედელია.

თითქო. კედლად გაწყობილ სარებს რიგრიგად ორი სარი აკავებს: იქით და აქეთ ჩასობილი. ორ სარს თავები იელით აქვთ ერთიმეორეზე წაკრული.

დიდი ალაყაფის კარი. გააღებენ. შედიან. კარი თავისით იხურება: გძელი ნამორი აქვს გამობმული და მისი მსხვილი ბოლო დასძლევს.

ეზოში აქაიქ: ცხენის თუ ჯორის განავალი.

ხის საჯვარე პატარა—

თითქო გაგუდული მეღამურა.

მიტოვებული. გარიყული. დაგდებული.

კედლებზე უთვალავი ობობა და უთვალავი ქსელი.

საცოდავი საჯვარე: როგორც უდაბნოში დაკარგული ლოცვა.

მღუმარება სიკვდილის—(ამ მღუმარებას სუნის აქვს).

საჯვარის პირისპირ: სასახლე. დიდი. ცხრათვალისანი. მაგარი მუხის. თუმცა გადაზნეჭილი განზე როგორც მოქცეული კისერი. ფანჯრები: ჩამტვრეული ყველა—თითქო თვალეზამოთხრილი თუ ჩათხრილი. კარები: ზოგი შეღწეილი და ზოგი წაქანებული. სახურავი: დამპალი ყავარი. მრავალ ყავარს ხავსი მოდებია და იფინება მური: თითქო თრთვილი გამწვანებულ თუჯის ფერის.

მღუმარება გადასულის—(ამ გადასულს სუნის აქვს).

ეზოში: ნიგვზები და მუხები.

ნიგვზები და მუხები არხვევენ მღუმარებას.

არე—მკვდარი. აქ ალბად მზის სხივი კვდება.

არჩიბალდ გაქვავებული ღვას: სიკვდილი თუ იუნოსა.

ვამეხ ლობისკენ იხედება.

ლობეზე აცოცილა ვილაც. ყბა შეჭრილი აქვს. თვალეზი მანქკვალას მიუგავს. თუმცა მანქკვალას ცქერა გვერდულია და დამცინავი: თანვე გამხვრეტიც-ასეთმა ცქერამ იცის გათვალვა.

უცნობს ხელში შემწვარი ტარო უკავია: ფშვნის და კაკლავს.

ყბები თამაშობენ.

ვამეხ მინართავს:

— აქ ეხლა არავინ სახლობს?!

— ვინ ისახლებს აქ!?

— როგორ?!

— ეს ადგილი ნაძრახია..

— ნაძრახია!?

— ამ ხეებზე ხშირად წოიო კივის..

— წოიო!?

— ეს ადგილი დაწყველილია.. აქ ქინკებიც დარბიან ლამით..

— მერე!?

— აქ ნაშიერი არ ხეირობს.. აქ ნაყოფი კვდება..

— გადაშენდენ?!

— გადაშენდენ..

— ყველა?!



- არა: ერთი გადარჩა..
- სადაა ეხლა?!
- გუიჭეცა საღაც..
- გაქცეულს არავინ დარჩენია?!
- ვაჟი ჰყავდა სამი თუ ოთხი წლის..
- სად არის?!
- წეიყვანა თან..

არჩიბალდ რაღაცას ებრჯინება.

- კარგად გახსოვს?!
- როგორ არ მახსოვს! ჩვენი სალომე აწოვებდა ძუძუს..
- რომელი სალომე?!
- კაცუას სალომე..
- ცოცხალია კიდევ?!
- ცოცხალია.. ავადაა საწყალი..
- წევს?!
- ლოგინათაა დავარდნილი..

არჩიბალდს ფეხი უცდებდა თხრილის პირს—(თუ...).

- რა დაგემართათ?!
- ფეხი დამიცდა..
- მართლა წყეული ალაგი ყოფილა..
- კვიმატიანია.. ამ ადგილს არავინ ეკარება..

უცნობი ხმასთან ერთად ჰქრება.

უვლიან საჯვარეს გარს—(მკვდარი ფიქრი თუ არის).

საფლავები. ქვები. ზედ წარწერები. მაყაშვილი. მაყაშვილი. მაყაშვილი.

ყველგან მაყაშვილი. ჩუ... წელსა...

არჩიბალდის ფესვები ჰკივიან.

გაიგონებენ ეს საფლავები?!

უახლოვდებიან სახლს. სახლის გვერდით დაქანებაზე დიდი ნიგოზია. ხეს დიდი ფესვი ამოგდებული აქვს: თუმცა ფესვის ბოლო მიწაშია წასული შორს.

არჩიბალდ ფესვს დაეცემა. ახსოვს: არა—:ეხლა აძვრენენ პატარა არჩილს ამ ფესვში. ავად რომ იყო—(თუ ახლა არი ავად?!).

ეხვევა ფესვებს.

ვამეხ გაოცებულია.

- რა გემართებათ?!
- უღონოდ ვარ ოაღაც..
- წავიდეთ..

გადია—

ღუმილი გზაში.

ღუმილს ვამეხ თუ დაარღვევს.

- საწყალი თავადი..
- ?!. ?!. ?!.



ქართული
ბიბლიოთეკა

— ნეტავ სად არის ეხლა?!

— ?!. ?!. ?!.

— ან მისი პატარა ვაჟი?!

— !?. !?. !?.

— საწყალი გადია: სალომე..

— !?. !?. !?.

— რა იქნება რომ ვნახოთ.. ეგებ უჭირს..

— ვნახოთ! ვნახოთ!

ეს არჩიბალდს არ უთქვამს—(ამას ვილაც უვირის მასში).

— გავბრუნდეთ.. თქვენ—ვილომ ექინი ხართ..

• • •

პატარა ქობი. ქობის წინ: წინკარი უფიცრო. წინკარში კედელთან: ლოგინი. ლოგინზე ავადმყოფი ხენეშის მალიმალ. გვერდზე ქალი უვლის.

— მობძანდით!

ჩამოხტებიან. ცხენებს წინკარის სვეტებს მიაბამენ.

— დიდი ხანია ავართ?!

— დიდი ხანია..

— ჩემი მეგობარი ექიმია..

— კარგი დაგეშართოს..

ავადმყოფი ოდნავ წამოიწევს:

ჩაფერფლილი თვალები. შორიდან მოსჩანს კიაფი.

მკერდი ამომშრალი და ჩაფუშული. ხელები: ძელები.

მომვლელი მიმართავს უცხოს:

— ნახეთ!?

უცხო ავადმყოფს უცქერს. ვერ ჰბედავს მიახლოებას.

ვამებს—თითქო სურს უხერხულობისაგან გამოიყვანოს მეგობარი.

ავადმყოფს ეკითხება:

— თქვენ აწოვებდით ძუძუს თავადის ვაჟს?!

— მაყაშვილისას?!

— დიახ!.

— ჰოო: რამდენი ხანია მას აქეთ!.

— გახსოვთ?!

— პატარა არჩილ.. ჩემი ბიჭი.. როგორ არ მახსოვს..

— არჩილი ერქვა?!

— არჩილი.. პატარა აჩიკო.. ნეტამც კიდევ მანახვა.. სიკვდილის წამს..

— ნახავთ.. ნახავთ..

ამას არჩიბალდ არ ამბობს—(ამას ვილაც ჰკივის მასში).

ვამებს გაშტერებულია.

ქალი არჩიბალდს თვალებში უცქერს.

— თქვენ..

არჩიბალდმა არ იცის: თუ რით გაგრძელდება ქალის სიტყვა.
მოსწყდება საჯდომს და ქვითინით მკერდზე დაუვარდება.

— მე ვარ.. მე ვარ.. არჩილ..

ეს სიტყვები ეხლა არჩიბალდისაა.

უკოცნის ძუძუებს. ამ ძუძუებმა რძე აწოვეს მას. ეხლა ძუძუები ამომშრალია. რძე სადღა ექნებათ?!

მაგრამ თვალები. ავადმყოფის თვალები.

აქ კი ყველაფერია. ცრემლი. სიყვარული. ძარები. გახარება. აღდგომისევე ცრემლი. კიდევ ცრემლი. ცრემლში ყველაფერია.

— არჩილ! არჩილ!

გამხმარი ხელები უელს ეხვევიან—(რომელი ტუჩები აკოცებენ ასე?!).
ვაჟის ქვითინი ისმის მარტო.

ვამეხ დაწინაურდა. ცხენს მიაჭენებს!

არჩიბალდ ჩამორჩა. ცხენი ნელი ბიჯით მიდის.

რად დასცილდა ვამეხ?! ეგებ ეწყინა: რომ აქამდე საიდუმლოს უმაღლავდა?!

ვამეხ იჭვნეულია. არჩიბალდ სწყუხს. მიდის აუჩქარებლად.

ისევ ის საჯვარე. ისევ ის სასახლე.

ნიგოზი დაღვრემილია. ფესვი კიდევ უფრო.

გადმოხტება. ცხენს ალაყაფის კარებს მიაბამს. შედის.

ნაძრახი აღვილი?! არა: იგი საშოა მისი. საშოს წყვეა არ შეიძლება.

აქ იშვა. ამ აღვილზე, ამ სახლში. აქ მოსჭრა მას ბებია ქალმა კიპი. ეს კიპი ამ მიწას შეერთო. ნეტავ სადაა მისი ნაწილები?! დაიკარგენ?! გაჭკრენ?! არა. აქ არის: მიწაშია.

ვაჟი იქითაქეთ იხედება: არავინაა—(ევროპიელს ეშინია სხვისი თვალის).
ნიგოზის ფესვს უცქერს ამოგდებულს. დავარდება მოსხლეტით. აკოცებს მიწას.
ფესვში თავს გაჭყოფს და გაძვრება.

წამოდგება: ეხლა ხერხემალმაგარი.

ერთი კიდევ დახედავს ნიწას და ფესვს.

გამობრუნდება და ცხენს მოახტება. მიაჭენებს.

არაოდეს ასეთი ძალა მას არ უგვრძენია. ტანი აყვანილია უცხო რიტმების მოხეტქით. არავითარი ჯებირი. არავითარი დაბრკოლება. თუ იქნა ასეთი—
გაარღვევს და გადალახავს.

ვაჟის ძალა ცხენსაც ედება:

მის ფეხებს აღარ ახსოვთ—ფორხილი განუცდიათ თუ არა.

მაგრამ ამ ვაეარდნაში: ერთი ბზარი—ვამეხის დაწინაურება.

რად დასცილდა?! ხომ არ ეწყინა: რომ აქამდე საიდუმლო არ გაუმხელია?!

ვამეხმა იცის იჭვნეულობა.

არჩიბალდ ნათელშია. ნათელს იჭვი სერავს.

მაგრამ აი—ვამეხ. ცხენს მიაჭენებს.

(ვალხელში ხელადა უჭირავს: ღვინით სავსე—(მეზობელს გამოართვა?!).

უახლოვდება. შუბლი გახსნილი აქვს. მაშ ტყუილი ქართული იტყვი. „კარგი ვამეხ“.



საქართველოს
ბიზნეს-ბიურო

— არჩი..

— ჰო: არჩილ! არჩილ!

— მიწამ ნახა შვილი.. ნიშნად: მისი ზედაწი..

არჩიბაღდ სვამს ღვინოს.

გადასცემს ვამეხს. იგიც სვამს.

— დაილოცა ამის შემქნელი..

— დაილოცა.. დაილოცა..

ცხენებს უახლოვებენ ერთმანეთს. ხელს ართმევენ ერთმანეთს.

ცხენები გაიწევენ.

არჩიბაღდ შესვამს მეორედ. გადასცემს ვამეხს.

ვამეხ შესვამს.

— დაილოცოს ამის გამჩენი..

— დაილოცოს. დაილოცოს..

ვამეხ ცლის დოქს. გაისვრის. მოხვდება ქვას. იმსხვრევა.

— რად გასტყებთ?!

— რომ სხვა ტუჩები არ მიეკაროს..

— !? !?

— აღარც სხვა ღვინოს ინატრებს..

ვამეხ ცხენს შეაყენებს. გააგდებს. მიაჭენებს.

იშიშვლებს ხმაღს. ჩაუჭროლებს ხეებს. განზე კოპიტია.

მოუქნევს მკლავის სიმსხო ტოტს. ტოტი ვარდება.

ცხენს მოატრიალებს. მოიჭრება არჩიბაღდის წინ.

— რა რკინაა..

შუცქერს სიამაყით ხმაღს.

— მაყაშვილი თამაზ ცუდს რკინას ხელში არ აიღებდა..

— მაშ ეს ხმალი...

— ჩემი მამისაა..

ვამეხ ეხლა ხმალია თვითონ.

ცხენი ლავამს ხრავს.

შადა—

სიმინდის ხვაფი რიყესავით მიჰყრია შქერის წნელისაგან მოწნულ ნაღრას. ნაღრის ბოძები ურთხველის აღარ სჩანან. ხვაფის თავზე სხედან ბიჭები და გოგონები. მათ შორის—მატასიც. თეთრ ხვაფში—სირენაა თითქო ზღვის ქაფში.

ხვაფის ძირას ბოძთან სამფეხა სკამი დგას.

სკამზე სარიდან ჩის და ჩიბუხს აბოლებს.

მის გვერდით „აღღან“ თვლემს გართხმული.

სიმინდის ხვაფი მთვარის ბადეშია.

არჩევენ სიმინდს. ერთ მხარეზე გარჩეულ ტაროებს ჰყრიან. მეორეზე—

ფუჩეჩს. ყვითელი ტაროები: თითქო კბილებნაყარი ხვითოები. ფუჩეჩი: თითქო აქაფული სადაფები.



ქართული
საბავშვო

სურნელი. სურნელი.

ტაროსი—ფუჩეჩის—ფოჩოსი—ნაქურჩალის.

ვამეხ ბავშებშია. ისიც არჩევს.

არჩიბალდ ტაროს სინჯავს. ყნოსავს—(პირველად?!).

ტაროს სურნელი ხსოვნაში არ ამოიშლება.

ირღვევა შორეული. ნოსჩანან შორეულში ბავშის ხელები.

(ხელები ტაროს ხომ არ ეთანაშებიან)

ვამეხ სარიდანს არ ეშუება:

— როგორ იყო ქვის ვაჟის ამბავი?!

— რომელი ქვის ვაჟის?!

— მდინარის გაღმა კლდეში რომაა გამოქრილი..

— ჰოო..

— მართალია?! ნადირს ის ქვა სიმბეცეს ართმევსო—თუ შეხედა.

— მართალია..

— მართალია?! ფრინველს ფრთები ეკეცებაო—თუ ახლო ჩაუფრინა..

— მართალია..

— მოგვიყევი ბაბუა სარიდან!.

ეს მატასის ხმაა.

ხმა გაიკრიალებს ვით წყალგადავლებული ამეთისტის.

არჩიბალდ გახედავს.

— მოგვიყევი! მოგვიყევი!

იძახიან გოგოები და ბიჭები.

მოხუცი გააბოლებს ჩიბუხს. გააპურკყებს. ნელი ხმით იწყებს.

— იმ მდინარეზე თურმე წისკვილი ყოფილა.. ძველათ.. უხსოვარ დროში..

მეწისქვილეს—მოხუცს—შვილიშვილი ყოლია თურმე..

— ვაჟი არაა?!

გოგოები იღეწებიან. ერთმანეთს ეტმასნებიან.

ფუჩეჩი შეირხვევა ერთი და შრიალი წყდება.

— ჰო ვაჟი.. ღონიერი ვაჟი.. უთხრა ერთხელ თურმე მოხუცმა.. შვილი-

შვილს.. ნუ გგონია შვილოვო: რომ მდინარე ყოველთვის სდისო.. არის ლამეში ერთი წამიო: როცა მდინარეც მიიძინებსო..

— მდინარეც იიძინებსო?!

ამეთისტოს კრიალში გაოცებაა.

— ჰო შვილო.. ყველაფერმა უნდა დაიძინოს.. ღამით.. თუნდაც ერთი

წამი.. ჰო და: უთქვამს კიდევ მოხუცს.. შვილიშვილისათვის.. ვინც იმ წამს ნახავსო ის ნახავს უცხო რამესო..

— რას ნახავსო?! რას ნახავსო?!

გოგოები ხტებიან.

— ნახავს იმასო: რომ მდინარიდან ქალი გამოვაო.. ლამაზიო..



ეროვნული
ბიბლიოთეკა

- ქალიო?! ლამაზიო?!
ილესებიან ბიჭები.
- აბაა..
- მერე-მერე..
- მერე და: ვაჟს გაკვირვებია.. შვილიშვილს.. ეს ამბავი..
- მდინარის ძილი.. რაღაც არ მესმის..
ამეთისტოს კრიალი მთვარის შუქზე გაისრიალებს.
- ყველაფერი უნდა დაივიწყო: შვილო.. მაშინ ნახავ წყალის ძილს.. მოხუცს ასე უთქვამს.. აბაა..
- ვაჟმა რასაკვირველია ქალის ნახვა მოისურვა ალბად?!
იღიმება ვამეხ. მოხუციც იღიმება.
- მოისურვა და მერე როგორ?! ვაჟი თურმე თლა გაგიჟდა.. გალენჩე-ბული დადიოდა.. ლამე არ ძინავდა.. ერთხელ მიეძინა მოხუცს.. ძალიან მიეძინა.. მაგრად.. ვაჟი ადგა და აიღო ბადე.. გავიდა გარეთ.. გაყვა მდინარეს.. ლამე მთვარიანი იყო.. მივიდა ერთ ალაგს.. ისროლა ბადე.. არ ამოყვა თევზი.. დალონდა საწყალი.. მიატოვა თევზაობა.. ავიდა კლდის პირას.. იქიდან თვარეს მიაჩერდა..
- არჩიბალდს ეწვეთება სიტყვა „მთვარე“. განუდევს: მთვარე ცხრომას აპირებს. მოხედავს მატასის. მთვარის ნათელში ქალიშვილის სახეს თოვლის სილურჯე ეფინება. მატასი ყურს უგდებს გარინდული.
- რა უნდოდა: მთვარეს რომ მიაჩერდა?!
ილეწებიან გოგოები.
მოხუცი ერთს გააბოლებს და გააბურკყებს.
- რა უნდოდა და: ვინ იცის.. ჰო: დაფიქრიანებული იყო.. თითქო მდინარეს მიჰქონდა.. აბაა.. დაავიწყდა თურმე ყველაფერი.. ერთი ახსოვდა..
- ლამაზი გოგო არაა?!
ხუმრობს ვამეხ.
- ლამაზი გოგო: მაშ.. მარტო ის ახსოვდა.. სიზმარივით ახსოვდა.. ვითამც თვალდია სიზმარში იყო..
- რა თვალდია სიზმარი?!
ეკითხებიან ბიჭები.
- თვალდია სიზმარი?! ჰო: კაცს თვალეზი ღიაა აქვს თურმეც ხანდახან.. მაგრამ ძინავს.. სიზმარს ნახულობს..
- ეს რაღაც სხვაა..
არ ესმით ბიჭებს. არც გოგოებს.
- აი როგორც მატასი: მთვარეს უყურებს და სიზმარს ხედავს.
ძმა ხელს მოხვევს დაჰს. მატასი დარცხვენილია.
- მერე ბაბუა?!
— მერე და: ყმაწვილს თურმე წაეძინა ცოტა.. რული მოერია.. ქათქათა თვარე მდინარეს ეკროდა.. აღნებოდა..

არჩიბალდს ეწვევთება სიტყვა „მთვარე“. ენობა სიტყვა „მდინარეც“. გახედავს მატასის: მდინარის ტოტი თუა მთვარით შერხეული.

მთვარე
მდინარე

— მთვარე მდინარეს ეკვროდა?
— მაა.. ეკროდა.. მდინარემ გააზმორა თურმეც.. თვარე ძალიან ანათებდა.. მდინარე ზანტად მიდიოდა..

— მერე მერე?!

— მერე და: მდინარემ თურმე მიიძინა..

გოგოები და ბიჭები ერთად: ჰააააა..

ფუჩიჩი იშმუშნება: ირბევა და ნელდება.

ტაროები გაშეშებულ ხელებს შერჩებათ.

მთვარე ასხურებს ელამთვალა შუქებს.

— მერე მერე?!

— მერე და: ყმაწვილს შეეშინდა თურმე.. შეკრთა..

— მდინარე?!

— მდინარე შეინძრა თურმე.. აქაფდა..

— ქაფი?!

— ქაფი ქალად გადაიქცა თურმეც..

— მერე მერე?!

— მერე და: ისევ ქაფში გაიშალა.. ლამაზი გოგო.. აბაა..

— ვაფი?!

— ვაფი გაწტერდა თურმე.. თუმცა გულს სიამე მოხვდა..

— მერე?!

— მერე და: ისევ მიეძინა.. ცოტა.. როცა გამოელვინა..

— რა ნახა?!

— ნახა რომ: თვალეზე ხელები ჰქონდა შემოქდობილი..

— ვისი ხელები?!

ხტიან გოგოები.

— ქალის ხელები?!

ილეწებიან ბიჭები.

— ქალის ხელები.. მაა..

მოხუცი აბოლებს. იპურკყება.

არჩიბალდს ეწვევთება სიტყვა „ხელი“. გახედავს მატასის. ტარო ნახევრად გაუქურჩავთ გაშოთილ ხელებს. შვეტი თითები ალერსით მორტყმიან ყვითელ კბილებიან ლეროს.

— მერე მერე?!

— ყმაწვილმა ასწია ხელი.. თავისი.. მარჯვენა.. შეახო ქალის ხელს.. შემოქდობილს.. შიშით შეახო..

(მატასი ზანტად იზნიქება)

— მას მერე?!

— მერე და: ქალის ხელი ცხელი იყო.. ყმაწვილი ვერ ხელდახელს.. ქალის ხელს.. მხოლოდ ხელს ახლებდა. მისი თვალი თურმე მსგავსი ხელი იყო მაშინ.. ხელით კოცნიდა კლავს.. ქალის კლავს.



(მატასის მკლავები აზმორებენ)

— ჰოოო..

იფუდებიან ბიჭები.

— აბაა..

მოხუცი იღიმება და აპურკყებს.

არჩიბალდს ეწვეთება სიტყვა „მკლავი“. გახედავს მატასის. მკლავი ნახევრად ტიტველია. მკლავში კრთომია და სურვილი.

— მერე მერე?!

— მერე და: ყმაწვილი შეგკითხა თურმე: ვინა ხარო.. ქალმა უპასუხა თურმე: მე სახელი არ მქვიაო.. მე უსახელო ვარო..

— ჰოოო..

— ქალის ხმა ტკბილი იყო თურმე.. ყმაწვილმა შეუვიცა თურმე: ამიერიდან შენი ვარო.. ქალმაც მიუგო თურმე.. მეც გნახავ ხოლმეო.. ეს რომ თქვა ყმაწვილმა ვაიხვდა და ქალი თქაფანით წყალში გადაეშვა..

(პაუზა)

უეცრად ხვავის პირი მოირღვევა—საცა მატასი ზის. მატასი მოსწყდება კივილით. ფუჩჩისკენ გადაქანდება. შიშველი მუხლი მოხვდება არჩიბალდს. ვამეხ მატასის დაიჭერს. შეაკავებს. ხუმრობს.

— მატასი მდინარის გოგოა უთუოდ..

— ჰა-ჰა-ჰა..

— ფუჩჩში რო გადაეშვი: მდინარე გეგონა?!

— ხვავი ჩაინგრა და მეც გადანიყოლა..

მატასი დარცხვენილია—(შიშველმა მუხლმა თუ იგზნო რამე).

— მერე ბაბუა?!

— მერე და: ყმაწვილი დანადვლიანდა.. ველად გავარდა თურმე.. გაიჭრა.. დღე ჩეროში ეგდო.. ღამით იმ ნაპრაღთან მიდიოდა.. გაღენჩდა.. თუმცა ბევრი ესმოდა უცნოური.. ბალახის ზდა ესმოდა თურმე.. აბაა.. ქალის კლავები ახსოვდა.. სულ ქალის კლავები..

(მატასის კლავები იშმუშნებიან)

— ქალის კლავები?!

ბიჭები არ სცხრებიან.

— ქალის კლავები.. მია..

— მერე?!

— მერე და: ერთხელ წავიდა თურმე იმ კლდის პირას.. ახლაც თვარე იყო.. მიჯდა.. ცოტა მიეძინა.. რული მოეკიდა.. გავიდა ერთი წანი თუ საუკუნე: ვერ გაიგო.. რას გაიგებდა?! როცა გამოეღვიძა: იგრძნო რომ გვერდით ის

ქალი იყო.. აღარ უხუჭავდა თვალებს.. თუმცა ბიჭი თვალით ვერა ხედავდა..
 ბიჭი ბურანში იყო.. თვალეზზე ნისლი ქონდა.. ლამაზი გოგო რთრევედა თურ-
 მეც მას ბნელეთში.. ბიჭი თვრებოდა.. ქალით თვრებოდა.. ქვას სუამდა თურ-
 სავით თეთრი იყო და მავარი.. ბიჭის ხელებში.. ბიჭი ქვას სუამდა თურმე..

— ქვას სუამდა!?

— აბაა..

(პაუზა.)

— რა გემართება მატასი?!

ვამებ უცქერს ნახევრად წაქცეულ მატასის.

მატასი ტანს ისწორებს აწითლული.

(შიშველი მკლავი არჩიბალდის ხელმა იგზნო: შეაჩერა)

— არაფერი: ნიგვზებში ვილაც მომეჩვენა..

— აკი ვთქვი: თვალღია სიზმარს ხედავს-თქო?.

— ჰა-ჰა-ჰა..

კისკასობენ გოგოები და ბიჭები.

— მერე ბაბუა?!

— მერე და: ვაჟმა დაუწყო ხვეწნა—სახე მიჩვენეო.. ქალმა მიოგო: მე
 უბილავი ვარო.. თუ მოკვდავმა მნახა—ძვირად დაუჯდებო.. ასე უთხრა თურ-
 მე.. აბაა..

— ალქაჯი ყოფილა..

— მაშა..

— მეტი აღარ უნახავს?!

— როგორ არა!.

— რა დაემართა?!

— ვაჟი დაძუნჯდა თითქოს.. ხმას აღარ იღებდა თურმე.. აღარც არაფის
 უცქერდა.. არც უსმენდა.. ერთი სუროვილი ქონდა ნარტო..

— რომ ენახა ჯადოქალი?!

— რომ ჯადოქალი ენახა.. მაშა.. წავიდა კიდევ მდინარის პირას.. ისევ
 მიეძინა ცოტა.. რული მოერია..

— ამდენი ძილი..

გოგოები და ბიჭები ხითხითებენ.

— მაშა: მიეძინა ცოტა.. რული მოერია..

— მერე მერე?!

— მერე და: მდინარე შეირხა.. შეჩერდა თურმეც.. ბიჭს გამოელვოდა და
 ხედავს: რომ წყალმა მკერდი გაიხსნა.. ამოცურდა ქალი ტალღებიდან.. ამო-
 ტივტივდა თურმე.. ტალღები ქაფიანი იყო.. ქალი ქაფში იყო თურმე.. ტიტ-
 ველი..

— ვაჟმა იხილა?!

— ქალმა დაუძახა თურმე: არ შემომხედოო..

— ვაჟმა შეხედა?!

— როგორ არ შეხედავდა!. თვალეზი დაატყვევა ქალმა..



— მერე?!
 — მერე და: უცქერს თურმე ბიჭი.. ქალს მოშავო თმებზე მხრებზე გად-
 მოეშვა: თითქო მუჭი ნისლი.. სქელი.. ელამ თვალებს აფრთხილებს თითქო ლუ-
 ში ქვაა წყაროში..
 — ველარ შეაჩერა ბიჭი?!
 — რალას შეაჩერებდა!. კიდევ შესძახა თურმე: ნუ შემომხედავო.. მაგრამ
 თვალეზი უკეთესს რალას ნახაედა!. მაშინ ქალმა შესძახა კიდევ: მხედავდე მარა-
 დისო..

— მერე?!
 — მერე და: ქალი ისევ წყალში გადაეშვა.. გაქრა..
 — ბიჭი?!
 — ბიჭი?! გაქვაედა..
 სიჩუმე.
 — მაშ ქვის ვაჟი ის ვაჟია?!
 — ის ვაჟია: მეწისქვილის შვილიშვილი..

(პაუზა.)
 არჩიბალდ ხედავს.
 მთვარე: ტიტველი დიაცი გალახული.
 ტაროების ხვაჯი: კბილებნაყარი ხვითოები.
 ფუჩეჩი: აქაფული სადაფები.
 არე—მთვარის ბადეში.
 შიგ: ხილვა ლამაზის.
 ბადე ინთქება: ლამაზი ჰქრება.
 ტაროების ხვაეზე — მატასი.
 ვის უცქერს?! ვის უსმენს?! (თავის თავს ხომ არა?!).
 „მაჟა“: ფიქრი არჩიბალდის.
 „აღლან“ მთვარეს უღრენს.
 მატასი—

ქიქკვა სხალი: სუროს არტახებით შეფოთლილი.
 სხალთან—ხარები. ყველა—შავი: უნი'ზნო. ალერდს ტკვერავენ ეპიური და-
 ელებით. კუდით ბუზს იგერიებენ.
 დიდს ნამორზე ზის არჩიბალდ. ვაზნარს დაჰყურებს.
 ვენახი ლუში ტბაა ჯერ კიდევ. შაბიაბანი ფოთლებს აფორაჯებს.
 ყურძენს კრეფავენ. მრავალი ქალი და მრავალი ბავში.
 მზე გადახრაზეა. ქიჭინობელა არ ეშეება ქიჭინს. ხანდახან ჭურის მრეც-
 ხელის გუგუნის მოისმის მიწის გულბოყვიდან.
 ვაზნარი იშმუშნება: თითქო შიგ ველური ცხოველია რომელიც ლოშქ-
 რიანი ტუჩებით მწიფე მტევნებს დონდლავს.
 სარზე ცხენის თავია ჩამოცმული: რომ ვაზს თვალი არ ეცეს.
 კისკასი. ძახილი. ჩურჩული.
 — მატასი!.



ქართული
ნაციონალური
ბიბლიოთეკა

გაისმის დედის ხმა.

ფოთლებიდან გოგონას თავი გამოჩნდება.

— რა გინდა: დედა?!

— სტუმარს მიხედე..

არჩიბალდს ესმის „ხმა“: სიტყვას ვერ არჩევს.

ისევ ვაზნარს დასცქერის:

მეწამული მადლი მზის. უშრეტო საშო მიწია.

განზე გაიხედავს. მატასი მოდის დარცხვენით. ხელში უჭირავს კალათი:
პურის ღეროებისაგან მოწნული. კალათი სავსეა ყურძენით.

ტანი აწოლტილი. თავი დახრილი. თმა ერთ ნაწნავად ჩაშვებული: მკლავის სიმსხო. თმის ფერი: „საირმეს“ მუქი ნისლი. ან და: მუხის სქელი ფოთოლი: მოწავო. თვითონაც—ფოთლები: გადაბელილ მუხანზე ახლად აყრილი ტოტების ფოთლები: ხალასი და ცინცხალი.

— მიირთვით!.

გაუწოდებს კალათს.

ისევ ის ხმა: კრიალა ამეთისტი: ახლა შემკრთალი.

— გმადლობთ..

არჩიბალდ გამოართმევს. თვალები ზონავენ გოგონას.

მატასი მორცხვობს. შეკრთება. თავს ამართავს. გამოიხედავს:

თვალები მოწავო. შიგ ლუში ქვა სრიალა.

„მაჟა“: აგონდება არჩიბალდს. უცქერს „მეტად“.

მატასი უეცრად გატრიალდება. კურისთავისკენ მიდის. არჩიბალდ თვალს გააყოლებს. ვისა ჰგავს?! დიდი თამარის წამწამები აქვს—(ასე წყობილი წამწამები მარტო საქართველოშია). მაგრამ თამარის ცქერა ნელია. აქ კი ატეხაა უცხო. ვის აგონებს?! ჰო: ირაჰშანდას. მაგრამ ირაჰშანდას თვალეში სევდაა შორეული. აქ სიხალისეა კრიალა. ირაჰშანდაში მთვარე თუ დადნა. მატასის ტანზე მზე თუ იწვის.

ისევ აქეთ მოდის. თეფში მოაქვს.

— ამაზე დაალაგეთ..

— გმადლობთ..

არჩიბალდ მტევნებს ამოალაგებს.

— ამ ყურძენის სახელი?!

— რქაწითელი..

— ამ ყურძენის?!

— ციცქა..

— ამის?!

— კრახუნა..

არჩიბალდ ხან მატასის უცქერს და ხან მტევნებს.

— რა კარგი მტევნებია!

— წელს კიდო არ არი კარქი..

მატასი აღარ მორცხვობს.



საქართველოს

ენების ინსტიტუტი — (შერ-

— კიდევ უკეთესი მოდის?!
 — უკეთესი..
 მატასის ხმა ეხლა გაბედულია.
 გაიხედავს: მოდის ვამეხ. მატასი მსწრაფლ ვენახს — (შერ-
 ცხვა?!).

— ჰაა: ვამეხ!
 — მატასიმ მოგართვათ?!
 — დიახ.. რა ლამაზი დაჰ გყავთ: ვამეხ!
 — ჩემი დაჰ თქვენი დაჰც არის..
 ვამეხ ილიმება. არჩიბალდ გზნობს უცდელ სიამეს. შემდეგ — რაღაც აგონ-
 დება. კრთომა ემჩნევა. კიდევ სხვა რამ აგონდება. ეხლა სიჩქარით:

— ვამეხ: აი ათასი მანეთი.. გაგზავნეთ სალომე სანატორიაში..

— სიამით.. ჰოო.. რა გაუხარდება საწყაღს!..

— ჯერჯერობით ეს იყოს..

პაუზა.

— ვამეხ! ვამეხ!

გაისნის ხმა სარიდანის.

— აქა ვარ ბაბუა.. ეხლავ მოვალ..

ვამეხ ნიღის. არჩიბალდ ისევ ვენახს გადახედავს. იქ მატასი იმაღება
 ფოთლებში. „თქვენი დაჰც არის“. დაჰც არის მართლა?! არა. ეგების ქალია:
 გულში რომ შეიქრება?! არა. ეგებ მეგობარი?! არა. არც დაჰ — არც სატრფო —
 არც მეგობარი. და იმავე დროს: დაჰც — სატრფოც — მეგობარიც. უნდა მოინა-
 ხოს სხვა სიტყვა და სხვა სახელი. ეგებ იფიგენია?!
 ისევ მატასი სჩნდება. ავსილი კალათი ჭურის თავისკენ მიაქვს.
 არჩიბალდ გაუდგება. დაეწევა.

— მე წამოვიღებ კალათს..

— არა: ნე თითონ..

— უარს მეუბნებით?!
 არჩიბალდ ილიმება. მატასის სიქუშე ეხსნება. დარბილებით:

— წაიღეთ..

მატასი წინ გარბის. არჩიბალდს კალათი მიაქვს.

ნიღის საწნებელთან. ჩაპყრის ყურბენს.

მატასის ხაპი უჭირავს ხელში: „ტკბილით“ სავსე.

— მიირთვით..

ხმაში უცხო ხმაა..

— გმადლობთ.. ტკბილია..

— გმადლობთ..

გამოართმევს და შესვამს. ეხლა არჩიბალდ თვითონ ავსებს ხაპს.

— ეხლა თქვენ დალიეთ..

— მე ბევრი ვსვი..

— მე რომ ვთხოვოთ..

მატასი ხაპს ართმევს, სვანს, თვალეზზე ნისლი გადაურბენს; ლუში ქვა
ფართოვდება და სველდება. მატასი მოსწყდება. გარბის ვენახში
არჩიბალდ განზე მიდის.

პოო: ეხლა მოაგონდა. დიდი კარდუ და წმ. ნინოს კულტი. მატასი ნინოს
ჰგავს უფრო. ლურჯთვალა ქალწული: სავსე ქალობით. შეყვარებული ივერიაზე;
მის მიწაზე და ვენახზე. ვახის ნასხლევიდან ჯვარს ჭრის. ვახს ცრემლები მოს-
დის—(სიხარულით?!). ცრემლებს თმებით შეუშრობს. ლერწებს თმები იამებათ.
ნაწნავს მოიკვეცს და მოახვევს ლერწებს. მატასი—ნინოა, თუ დახატა მატასი
—ნინო იქნება.

გაიხედავს. კიდევ მატასი. ეხლა—დედის გვერდით.

დედის სიმალღეა. ალერსით უცქერს დედას.

რად არ იცინის დედა?! ან ღიმილი რად არ გადაჰკრავს მის სახეს?! ან
რად სდუმს მუდამ?! ქართული ხატი მარიაშის ასეთია.

არჩიბალდს შორეული ფიქრი მოიცავს:

ეგებ ესეც სიყვარულით იგონებდეს გადახვეწილს—(მამას?!).

არჩიბალდ ფიქრს ჰკლავს.

მიდის ძელქვებისაკენ. იქ მოხუცი სარიდანია, იქვეა ვამეხ.

— მაშ ხვალ მიხვალთ?!

მოხუცის ხმაში ტკივილია.

— ხვალ უნდა წავიდეთ..

მიუგებს ვამეხ.

— გული რაცხას შეუბნება..

— რას?!

— ტანიც ცუდსა გრძნობს..

— რას?!

— რომ ველარ გნახო..

— ბაბუა!? სარიდან ბაბუა!?

— ჰო შვილო..

— არა.. არა.. ბაბუა სარიდან.. შენი დღე გრძელია..

— გძელსაც ბოლო აქვს..

არჩიბალდ ძელქვებიდან მიდამოს გადახედავს. ვინ არ ყოფილა აქ?! ვი
არ იქნება კიდევ?! მამავ!. სადა ხარ?! მამავ?!

— არა ბაბუა სარიდან.. კიდევ მნახავ..

— მოვხუცდი შვილო.. მოვიღუნე..

— არა: ჯერ კიდევ მარჯვედ ხარ.. აბა დამეტოლე..

სარიდან ყოყმანობს. იცინის. ვამეხ არ ეშვება. სარიდან წამოდგება. ვამეხ
გაეტოლება.

— ხომ ხედავ ბაბუა: მოღუნვა არ გეტყობა..

— ხალისიანი ხარ.. იყავი კარქად: შვილო..

სარიდან თვითონაც ხალისდება.

არჩიბალდ ტკივილსა გრძნობს. ხვალ უნდა მოსცილდეს ამ არეს. ნახავს კიდევ? რა ნელია აქ მზე! როცა ჩაიყვინება—შისი მეწამული თვალი „საირმე-ში“ გარჩება. „საირმე“ ლურჯია და ნახში გარჩენილ მზის თვალს მეწამული გუგა ლუშ ქვად ექცევა. ეს თვალი—(ლურჯი შუქი)—გავაზისაა. გავაზის თვალი გაჰყურებს ფერსათის მთებიდან: რიონის ველს—ყვირილის ქალებს—ხანისწყალის ხევს. ეს არე ეგების გავაზის თვალია თვითონ?!

არჩიბალდ ეშინია: უკანასკნელად არ ხედავდეს ამ თვალს.

რა კარგია: რომ ვამეხ მასთან ერთად მიდის.

ნიგეზების ქვეშ სალამოა.

— როგორ იყო ბაბუა სარიდან?!

— ასე მოხდა შვილო.. მაშინ..

და მოხუცი ნელი ხმით იწყებს თხრობას.

გაათავებს მოხუცი და კვლავ ეკითხება ვამებს:

— მაშ წასვლას არ იშლით?!

— უნდა წავიდეთ ბაბუა სარიდან..

საიდგანაც მატასი გამოჩნდება.

— მატასი! შვილო! ხვალ მიდიან..

ეუბნება მოხუცი.

მატასი იღეწება:

— დარჩით კიდო ერთი დღე..

უცქერს არჩიბალდს.

— არ შეგვიძლია..

— მე რო გთხოვთ?!

მატასი თითქო მზის მარცვლების აჯეჯილებს.

— ჰოო: მაშინ უარი ძნელია..

არჩიბალდ სიხარულს ველარ მალავს.

ვერც სარიდან. ვერც ვამეხ. მატასის სიხარულს დარცხვენა ფარავს.

ვამეხ აიყვანს უეცრად ხელში მატასის.

მატასი წვივებზე კაბას ისწორებს.

თვალები არჩიბალდს უცქერენ.

ზეგ ამ თვალებზე არჩიბალდ ორ ცრემლს დაინახავს. მორიდებით. განზე-კუთხეში.

(ბოლო მეთორმეტე თავის. გაგრძელება იქნება)



ს ა მ ნ ი

რომანი სამ ნაწილად.

ნაწილი პირველი.

I.

რეზო ნამიანიძის ოჯახური ცხოვრება ყოველთვის ერთგვარის წესის მიხედვით მიმდინარეობდა: დღის რვა საათზე ჩაი, თერთმეტის ნახევარზე საუზნე, სამ საათზე სადილი, ხუთის ნახევარზე ეტლით გასეირნება, რვა-ცხრა საათზე საქველმოქმედო კომისიის სხდომაზე დასწრება და ასე ბოლომდის. ძვირად თუ მოხდებოდა ამ წესის დარღვევა.

გასეირნება ამინდის ავკარგიანობაზე იყო დამოკიდებული: ცუდ ამინდში გასეირნება არ მოხდებოდა და რეზოს მეუღლე—ევა, სხვა რაიმით ჰკლავდა დროს: მუსიკის დაკვრით, რომანის კითხვით, დარბაზობით.

დღეს კარგი ამინდი იყო და ევაც სასეირნოთ გამოსულიყო. ჩვეულებრივ, ამ დროს რეზოც მის გვერდით იჯდა ეტლში და, მსუბუქ ჯოხზე ოდნავად დაყრდნობილი, შეკავებული ღიმილით ესაუბრობდა ნაცნობებს; მაგრამ დღეს რეზომ ბანკიდან ტელეფონით დაიძახა, რომ „დიდი ამბავის გამო“, რანდენიმე საათს დაიგვიანებდა და ამიტომ ევას უმისოდ შეეძლო მიერთმია სადილი. ევა ამაყად იჯდა ეტლში და, სავსე გულსკერდ გამოშვებული, სირაქლემას ფრთით შემკულის თავსახურავით, კოლგის ტარზე ხელებ დაბჯენილი, ელვის სისწრაფით მიექანებოდა ქალაქ-გარეთ.

ვიშერივით შავი და უგრძელესი წვერების პატრონი მეეტლე ჩამოსხმულივით იჯდა ეტლის კოფოზე და ხმის ამოუღებლად მიერგებოდა გაწრთვნილ შავ ბედაურებს. ფაფარაყრილი ცხენები შეწყობილად სცემდნენ ფეხებს და მედიდურად მიაქანებდნენ კუბრივით შავ ეტლს.

რეზოს მეეტლე მუმიად ქცეულ ასირიელ მოგვს გამოიხატებდათ: გაქვავებული პირისახით, შავი თვალ-წარბით და ოთხკუთხად შეჭრილის შავი წვერებით. სურათის მთლიანობას ამთავრებდნენ მოშავო ტუჩები და ცეცხლის მკვესავი, შავწამწმებიანი, ქეშმარიტად აფრიკული თვალები.

ეს მეეტლე საგანგებოდ ჰყავდა რეზოს დაქირავებული და მით მთელ

ქალაქში თავიც მოსწონდა: შავი ეტლი, შავი ცხენები და ზედ ანტიური ასირიელი მოგვი—სწორეთ რომ ორიგინალური იყო!

ეტლისა და მეეტლის სილამაზეს აგვირგვინებდა მშვენიერი ევა, თავისი მომხიბლავის ქალით—სოფოთი, რეზოც ლამაზი ვაჟკაცი ეფრემი—წაბლისფერ თმა-წვერიანი, გაშლილის შუბლით, მოხდენილის მიმოხვრით და ამაყის გამომეტყველებით.

დღეს ევა მარტო იყო. ის ნელის ღიმილით და თითქმის შეუმჩნევლად თავის დახვრით ესალმებოდა ნაცნობებს.

სალამო იყო, მაგრამ მარტის მზე მაინც საკმაოდ ათბობდა ჰაერს და ახლად გაპარული ზამთრის სიცივე არც ისე საგრძნობი იყო: გაზაფხულის სულისთქმა ყველაფერს ემჩნეოდა. ქალაქ-გარედ მდებარე მიდამოები უკვე ამწინებას აპირებდენ, ბუნება ხელახლა იღვიძებდა და აღმიანსაც თან იყოლიებდა.

ევა მშვენიერ გუნებაზე იყო და სულითა და გულით უნდოდა ისეთი ნაცნობის შეხვედრა, რომელიც მის სულიერ განწყობილებას შეეფერებოდა.

გან შეამჩნია, რომ ქალაქის ქუჩებში ჩვეულებრივზე მეტი ფუსფუსი იყო: აქა-იქ მოქალაქეთა ჯგუფები იდგენ და გაზეთებს კითხულობდენ, რაღაცაზე მსჯელობდენ. ბავშვები გიჟებივით დარბოდენ და „დეპეშა, დეპეშა“ გაჰკიოდენ.

— თუ რამ საყურადღებო ყოფილიყო, ჩემს ყურამდისაც მოაღწევდა, რეზო ტელეფონით დამიძახებდაო, — გაიფიქრა მან.

შავი რაშები მწყობრად სცემდენ ფეხებს, ანტიური მეეტლე შეუმჩნევლად არხევდა გრძელ აღვირს და მარტის მზის სხივები უკანასკნელად ჰკოცნიდენ ევას თავსახურაგში ჩარჭობილ სირაქლემას ჰაერში მოქანავე ფრთას.

— ევა, — მოესმა მას, როცა უკან დაბრუნებულმა ქალაქის მთავარ ქუჩამდის მიაღწია. მოხედვაც კი ვერ მოასწრო, რომ გაქანებულ ეტლში შეუხტა ოციოდე წლის ყმაწვილი, — პოეტი, პიერი.

— ხომ არ შეიშალე, ადამიანო, რას სჩადიხართ!! — მიაძახა ყმაწვილს ზეზე წამოჭრილმა ევამ.

— გავგიჟდი, მაშ! შევიშალე! შევიშალე!

— რაშია საქმე? რა მოგივიდა? — შეეკითხა ევა.

— რევოლიუცია, ევა, რევოლიუცია!.. მთავრობა ჩამოაგდეს!.. დროებითი მთავრობა!.. ჩხეიძე... კერენსკი... სკობელევი!..

— პეტუშა, ნუ იცი ასეთი ხუმრობა!..

— არ გჯერა?! ხა... ხა... ხა!.. აი, წაიკითხე! — მიაძახა პეტუშამ და დეპეშები პირში ჩასჩარა.

ევამ დაიწყო დეპეშების კითხვა, მაგრამ ეტლის მოძრაობა უშლიდა.

— ასირიელ, ეტლი ნელა, ქალბატონი კითხულობს!..

მეეტლემ შეუმჩნევლად მოსწია აღვირებს და გაქაფული ცხენებიც, თითქოს მიწაში ჩაერჭვენო, უცებ შეჩერდენ.

— რა ამბებია, რა ამბებით — ცბუკვით ამბობდა პიერი და მოუთმენლად ელოდა — როდის დაასრულებდა ევა კითხვას.

— რას შვრები ადამიანო? გაზეპირებას ხომ არ აპირებ?

— ასე მგონია სიზმარში ვარ! ნუთუ ყოველივე ეს დასაჯერებელია? სთქვა სთქვა გაკვირვებულმა ევამ.

— შენ თუ არ გჯერა, აი, იმ ხალხს ხომ დაუჯერებია! — უთხრა პიერმა და ხელი გაიშვირა იქით, საითაც აუარებელი ხალხი ბობოქრებდა.

ევა გაკვირდა: მან დაინახა ადამიანთა გროვა, რომელიც აღრფთოვანებით ირეოდა წითელი დროშის გარშემო. სულის თქმა შეუჩერდა და გაქვავდა.

„ხურგი ვაქციოთ ძველ ადათ-წესებს,“ — აღმოხდა უცებ ამ ხალხს და სასიხარულო გუგუნის მთელ მიდამოს მოედო. ამღერდა ყოველივე, ამტყველდა არემარე... ცეცხლი მოედო იქაურობას, ცეცხლი განწმენდისა და აღტაცებისა, ცეცხლი ხსნისა და განახლების!..

— ნუთუ ეს სიმართლეა?... სიზმარია, თუ ცხადი? — ჩურჩულებდა პიერის მკლავში ხელჩაკიდებული ევა. აზვირთებული ხალხი ვებერთელა ტალღასავით მოგორავდა, მისი გუგუნის ჟრუანტელს ჰგვრიდა იქაურობას. წითელი დროშა იალქანივით ქანაობდა.

ასირიელი მოგვი — მეეტლე, ზევიდან რომ შავ რაშებს დაჰყურებდა, სფინქსივით მისჩერებოდა აზღვავებულ ადამიანებს და გონება დაბნეულს შინ წასვლა ვერ მოეფიქრებინა.

ყოველ ქუჩიდან გამოდიოდნენ ახალ-ახალი ჯგუფები. თითქმის ყველა ჯგუფს წინ მოუძლოდა წითელი დროშა: უბრალო სარზე წამოცმული სადა წითელი ქსოვილი, — ზოგან დიდი, ზოგან პატარა...

— გაუმარჯოს თავისუფლებას! გაუმარჯოს მშრომელ ხალხს!.. ესალმებოდნენ ერთმანეთს.

აივნები სავსე იყო დიდებით, პატარვებით, ქალებით, კაცებით... სიცილი, სალამი, ტაში, ვაშა, ჰაეროვანი კოცნა!..

არსად წესრიგი არ ირღვეოდა, ყველანი მწყობრად მიეშურებოდნენ ქალაქის მოედნისაკენ, სადაც მიტინგი უნდა გამართულიყო.

პოლიციელები სადღაც მიმალულიყვნენ; თუ სადმე თითო-ორი ობლად გამოჩნდებოდა, სულელურად იღიმებოდნენ და ყველას თავს უკრავდნენ, — სულ ერთია, იცნობდნენ, თუ არა, საჭირო იყო, თუ არა.

ვინ იცის, რა ბოღმას ჰფარავდა მათი ნაძალადევი ღიმილი!

ორიოდე წამის განმავლობაში ქალაქის მთავარი ქუჩა ხალხით გაიქედა, მოზღვავებულ ბრბოს არც დასაწყისი უჩანდა და არც დასასრული. ჩქარი სიარული შენედა, ადამიანებს შორის მანძილი უკვე არ არის, ყველანი ერთი მეორეზე არიან მიკედნილი.

ძნელად თუ ვინმე შესძლებს შეჯგუფულ ხალხიდან საკუთარი თავის გამოგლეჯას. ხელფეხ შეკრული ხარ და საკუთარ ნების ყოფას მოკლებული. შენი სურვილის წინააღმდეგ სადღაც მიჰყავხარ აბობოქრებული ბრბოს ტალღას. ყრუ გუგუნით შედუღებულია რაღაც ზღაპრული ახალი სხეული, რომელიც ვებერთელა ვეშაპის მსგავსად ზარმაცად მიიზღვანებება და თან მიაქვს კერძო ადამიანის პირადი მე, საკუთარი ნებისყოფა. შენ სხვის სურგზე ხარ მიჭდობილი, შენს

სხეულს კიდევ სხვისი მოჰკვრია. შენი ფეხი სხვასთან ერთად მიადრეკებს, შენი ხელები სხვისას გადაჰკრებია. ირგვლივ ერთი მოძრაობაა, ერთი აზრი, ერთი გრძნობა და მისწრაფება...

II.

ეროვნული
ბიზნისი

— გაუმარჯოს!.. გაუმარჯოს!.. გუგუნებს ბრბო.

ევაცა და პიერიც ამ ტალღაში არიან ჩაქსოვილი, მათი სხეულიც ერთი მეორეს მისტყუებებია და, სხვებთან ერთად, ისინიც სადღაც მიდიან.

— სუუ... ვიღაც ლაპარაკობს! — გაისმა ხალხში და ბრბოც შეეცადა შეჩერებულიყო.

სიტყვები გარკვეულად ისმოდა, აშკარა იყო, რომ ორატორი ახლო იყო. ევამ მოინდომა პიერს დაჰყრდომოდა და ზევით აწეულიყო.

— გუბერნატორის სახლის წინა ვართ. მომითმინეთ, ეს ვინ ლაპარაკობს? ამბობდა პიერის მხარზე დაყრდნობილი ევა.

— აა, ეგ ჩვენი გიგოა, ჩვენი გიგო!

— რომელი გიგო? ხიათაშვილი? იკითხა პიერმა, რომელიც ყანჩასავით იგრძელებდა კისერს, მაგრამ ვერავენ დაენახა.

— დიახ, ხიათაშვილი...

ორატორი დახელოვნებული მოლაპარაკე იყო; მისი სახის გამომეტყველება და სხეულის მოძრაობა მაყურებელსაც ამოქმედებდა, და როცა იგი გამწარებით წყველა-კრულვას უთვლიდა ხალხის მტრებს, მსმენელებიც სიზლით იმსკვალებოდნენ და მთელი თავის არსებით ამოიგმინებდნენ:

— წყვეა და კრულვა, ზიზლი და შეჩვენება!..

გუბერნატორის სახლის წინ ასეთი ამბებია და ის კი არსად სჩანს! არ სჩანან არც მისი მცველები, არც ჯარი, არც პოლიცია.

სად გაჰქრენ? რა მოუვიდათ! ცამ ჩაყლაპა თუ მიწამ?..

პირველი ორატორი მეორემ შესცვალა, მეორე მესამემ, მეოთხე მეხუთემ ხალხის ყიჟინი ზეცას წვდებდა, კარმიდამო მთვრალია საერთო სიხარულითა და აღტაცებით.

გუბერნატორის ორსართულიანი სახლი კი ჩაფიქრებულია, ხმას არ იღებს: ფანჯრები დაკეტილია, კარები დახშული.

დარბაზის სიღრმეში რაღაც ფერმკრთალი და უსიცოცხლო სინათლე გამოსჩანს... თითქოს „მკვდრის მზე“ ანათებსო, — სიკვდილის ელფერიანი, ჯურღმულიდან ამონაშუქი...

გუშინ ამ დროს აქ ყველაფერი გაჩირაღდნებული იყო... სინათლე, უკმეხობა, ძალა, კადნიერება... გაშლილ აივნებიდან მძლეთა მძლვე გუბერნატორი არწივივით გამოიყურებოდა. მისი უკმეხი სახე თავზარსა სცემდა ქვეშევრდომთ, მისი გამოხედვა ძლიერების ცეცხლის ფრქვევა იყო.

დღეს კი... ყველაფერი თალხებში მორთულა და ამ ზვიად სახლს თავი ჩაუქინდრავს, სოდომივით ჩაფიქრებულია.

სანთელი თითქოს სამარის სიღრმიდან ანათებს იქაურობას.

— ჯარი არ ჰყავდეს გამოწვეული, პოლიციელები არ შემოგვისიოს.

— ვერ გაბედავს!

— მერე და, ჯარი ასე დაუჯერებს? სწორეთ ჯარის ღალატმა დაამხო მაგათი ტახტი—ჩურჩულებდენ ერთმანეთში, თუმც ბევრს გაუღმუნე შიში მაინც ჰქონდა: ვინ დაიჯერებდა აგრე მოულოდნელად მონობის ბრძოლების ახსნას?

— გზა მიეცით, გზა, გზა! გაისმა უცებ და ამ გაქედულ ხალხში ვილაც მხედარი შურდულივით შემოიქრა.

ხალხმაც გზა უტია, მსწრაფლ მიიფანტ-მოიფანტა...

და მხედარიც თვალის დახამხამების ხანს გაჩნდა ტრიბუნასთან...

ერთ წერტილზე მიისრული გამოხედვა, გამსჭვალავი თვალები, მოკუმულ ტუჩები...

ცეცხლი, ცეცხლი!..

ხალხმა გონს მოსვლაც კი ვერ მოასწრო, რომ მოხდენილი მხედარი ამოწვდილის ხმლით საპატიო დარაჯად დაუდგა საორატორო ტრიბუნას...

უცებ დაუსრულებულმა ტაშმა იგრიალა და "გაუმარჯოს" ყიჟინა დიდხანს გაისმოდა ქუჩიდან ქუჩამდე.

— გაუმარჯოს, გაუმარჯოს!..

— ვაშააა!.. ვაშააა!..

— ჯარი, ჯარი მოდის! გაისმა უცებ და მთელი ხალხი თოფნაკრავივით შეტორტმანდა.

სულის თქმა შეჩერდა, მოქმედების უნარი შეწყდა. ჯარი მწყობრად მოდის, მკაცრად მოისმის ფეხების ხმა. მოჭრილი ნაბიჯი, ნების-ყოფა, ერთ სხელად ქცევა... ხიშტებიანი თოფები... შეკრული სახეები... მოკუმული ტუჩები... შეწებებული წარბები...

რა უნდა ამ ჯარს, რისთვის მოდის? სისხლისთვის თუ ამბორისთვის? ვინ გამოიწვია იგი: მტერმა, თუ მოყვარემ?

შიში, სიხარული, იმედი, უიმედობა, — ყოველივე ერთმანეთში აირია და საშინელის ძალით დატრიალდა მოზღვავებულ ბრბოში.

რამდენიმე ასეული ჯარის კაცი, რომელთა წინაშელოლად წამოსულიყო კენტავრივით შემოჭრილი აფიცერი, მსწრაფლად შემოვიდა ხალხში და, ბრძანების თანახმად, შესაფერის ცერემონიალის დაცვით მწყობრად გაჩერდა ტრიბუნის წინაშე...

გაქავავებული სახეები, ქანდაკების გამოხედვა, თოფებზე მიყინული ხელები...

ტაშის ქუხილი, დაუსრულებელი ყიჟინა, ბედნიერების ცრემლები, აღმაფრენის ამოძახილი...

— გაუმარჯოს, გაუმარჯოს!

— ვაშაა! ვაშა!..

ცხვირსახოცების ქნევა... ნეტარების ცრემლები... ქუჩათა გუგუნნი... დროშების ფრიალი...

კუბერნატორის სახლი კი ისევ სოდომივით გამოიყურება. დარბაზის სიღ-

რმეში ანთებული ლამპარი ისე ანათებს, თითქოს სამარის ფსკერზე იწოს დადგმული.

III.

ქართული
ზიზღიერება

ევა გრძნობებ-აფორიაქებული დაბრუნდა შინ. დღევანდელმა ამბებმა სრულიად მოულოდნელად ჭბურუსში გახვია ის და ერთინად აუბნია გზა-კვალი. ერთს წამს მას უნდოდა მხიარულება და სიცილი, სწადდა სხვებთან ერთად საერთო ზეიმს მისცემოდა, დამთვრალიყო საყოველთაო ბედნიერებით და თავდავიწყებით ეყვირა: გაუმარჯოს, გაუმარჯოსო!

მაგრამ სრულიად მოულოდნელად რაღაც სხვა გრძნობამაც წამოაყვო თავი და... ევას აღფრთოვანებაც ელფერს ჰკარგავდა, ნაძალადევი ხდებოდა.

პიერიც თან მოჰყვა. პოეტი ისე იყო აღტაცებული, რომ გაფრენას აპირებდა, ბავშვივით კისკისებდა.

— დედილო, დედილო! — მიაფრთხილა ევას სოფომ, რომელიც რამოდენიმე წუთით ადრე მოსულიყო, — რა ამბებია! გაუმარჯოს თავისუფლებას, გაუმარჯოს!..

სოფო ციბრუტივით ტრიალებდა, მის ჭყლოპინს დასასრული არ ჰქონდა. შუშანიკაც შინ იყო, ისიც სოფოსავით იყო აღტაცებული და გიჟივით გაჰკიოდა:

— მონობა მოისპო, განთავისუფლდა მშრომელი ხალხი! ძირს ბორკილები, გაუმარჯოს მშრომელებს, გაუმარჯოს ჩაგრულებს!..

— ოოჰ, ჩვენს შუშანიკას სულ მშრომელი ახსოვს! თითქოს სხვას არ ეამება თავისუფლება! — შენიშნა პიერმა.

— უკაცრავად შენთან, პოეტო! ზეეროვნულო, ზეკლასიურო, ზებუნებრივო! ხა... ხა.. ხა!.. შენთვის ხომ მნიშვნელობა არა აქვს ხალხთა პოლიტიკურ ორგანიზაციის შეცვლას!.. თავი და ბოლო სულია, თა ..ვი...სუფალი სული... ხა... ხა... ხა!..

— მოგესალმები მშრომელთა პოეტების თაყვანისმცემელო! ქედს ვიხრი მათი ოფლიანი მუხის წინაშე! ვალიარებ, რომ ეს რევოლიუცია მათმა ქნარმა მოახდინა! რვა საათის სამუშაო დღეზე დაწერილმა ლექსებმა, ზრდილობიან მოპყრობის პრინციპზე აგებულმა, ხელფასის მომატების ჰანგზე ანაჟღერმა!

ქალიშვილებს ერთობ უკბილოთ ეჩვენათ პიერის ნათქვამი და სიცილი დააყარეს, ესეც არ აკმარეს: წამოაფლეს ხელი და კინალამ ტანისამოსი დააგლიჯეს.

— რას შევებით, თქვე, კუდიანებო, თქვენა! — ყვიროდა პიერი.

— არისტოკრატიის მომღერალო, თეთრხელებიანის პოეტო! უტვინო ბრბო, შეუგნებელო ჯოგ, რომ იძახდი!

— დემოკრატია ბილწავს ყოველივეს, არა? ახლა რას იტყვი ნიცშეს თუთიყუშო?

— კარგის მომქმედს კარგი გამგონე უნდა!

— კორდელის მუხაც რვა საათიანია? მიაძახა სოფომ, — ახლაც რტყვი მაგ სისულელეს?, შე დეკადენტო, სიმბოლისტო, სატანისტო!

ევა თავისთვის იყო და ახალგაზდების კამათში მონაწილეობას ვერ ეღებდა. მას მხოლოდ ერთი სიტყვა მოხვდა გულში ახალგაზდების ლაპარაკიდან, ეს იყო პოეტის კორდელის ხსენება. აგერ ერთი წელიწადი გადის, რომ განუწყვეტლივ ესმის ამ პოეტის სახელი და ერთობ არ მოსწონს ეს გარემოება.

კორდელის სახელს სხვაზე უფრო ხშირად მისი ქალი სოფო ახსენებს. სოფოს გაგიჟებით უყვარს კორდელის ლექსები და თითქმის მთელი მისი კრებული ზეპირად იცის. ბევრი ეცადა ევა დაევიწყებინა სოფოსათვის ეს პოეტი, მაგრამ ვერას გახდა.

— ეს სულ შუშანიკას ბრალიაო, — ფიქრობდა ევა.

სოფო ხშირად გულშიც-კი იკრავდა კორდელის ლექსებს, ხშირად ლოგინ-შიაც კი ჩაჰყოლია და დილაზე საბანში უკითხავს ეს საყვარელი წიგნი.

— ახ, ჩემი კორდელი, ჩემი კორდელი, — წამოიძახებდა სოფო და ცოცხალ არსებასავით იხუტებდა გულში სათაყვანო პოეტის ლექსებს.

კიდევ კარგა ხანი გაგრძელდა ახალგაზდების ჭყლოპინი; ბოლოს ვიღაცამ კარებს დაურახუნა.

— ვინ ბძანდებით? მამა ხარ?.. უი, შენ კი გენაცვალე, მამა! მომილოცავს, მომილოცავს!.. მიაჭიკჭიკა სოფომ და რეზოს თვალები დაუკოცნა.

— სწორეთ რომ სასიხარულო ამბებია, სწორეთ, — ამბობდა სიცივისაგან ყურებ დაწითლებული რეზო და თან პალტოს იხდიდა, — ოო, პიერ, შენც აქა ხარ? გამარჯობა! აბა, ერთი შენებურად ლექსი გაახტრე ამ ამბების გამო!

— რად დაიგვიანე ამდენი? — შეეკითხა ევა, როცა რეზო უკვე ზალაში იყო და, სავარძლის ზურგზე მიწოლილდ, თმას ივარცხნიდა.

— ოო, ნუ მკითხავთ, თქვენი ჭირიმე! მე ფრიად მნიშვნელოვან კრებაზე ვიყავი! არ გაგიგონიათ აღმასრულებელი კომიტეტი? აი, მე ამ კომიტეტის არჩევაზე ვიყავი. ეს რევოლიუციის ორგანოაო, ასე სთქვეს.

— მერე, მერე?.. გაისმა მოუთმენელი შეკითხვები.

— მოხდა ამ კომიტეტის არჩევნები. მთავრობის მაგიერი იქნება. გუბერნატორი რომ გადააყენეს და დაატუსაღეს, ხომ იცით?

— ვიცით, ვიცით!

რეზოს ყველანი გარს შემოერტყენ და წამდაუწუმ ეკითხებოდნენ: ვინ აირჩიეს? ნეტავი თუ ჩამოახრჩობენ გუბერნატორს? რას უზამენ პოლიცემისტერს?

რეზო ცდილობდა ყველა კითხვებზე პასუხი გაეცა.

— კაცო, ეს სხვა და სხვა პარტიები საიდან გამოძვრენ? ერთი იძახის: მენაციონალ — დემოკრატი ვარო, მეორე — სოციალდემოკრატების სახელით ვლაპარაკობო, ზოგი — ფედერალისტი ვარო, ესერიო და რა ვიცი კიდევ! ყველამ თავისი კაცი მოითხოვა კომიტეტში.

რეზომ ჩამოთვალა ყველანი, ვინც იყვნენ კომიტეტში არჩეული და, სხვათაშორის, დაასახელა თავისი თავიც, „ვაჭარ-მრეწველთა წრემ“ წამომაყენაო.

— ჰო, კინალამ დამავიწყდა, — ამბობდა აჩქარებით რეზო, — იცით ვინ

აირჩიეს კიდევ კომიტეტში? ჩემი ბანკის უბრალო მოსამსახურე ქათამაძე, მოანგარიშის თანაშემწე, რომელიც ამ დღეებში, უკოდინარობის გამო, უსწავლიდან უნდა დამეთხოვა. ხა-ხა-ხა! მე რე, იცით, რა მედიდურად ვაძრწობდი? პა! პა!.. პა!.. თურმე სოციალისტი ყოფილა!..

კომიტეტის წევრად არჩეული იყო მუშების მხრივ ერთი ქალიც.

— თითონაც სოციალისტი ყოფილა და ქმარიც სოციალისტი ჰყოლია, — სთქვა ამ ქალის შესახებ რეზომ და ირონიით გადახედა მაყურებლებს.

IV

სადილობის დროს სხვებზე მეტს რეზო ლაპარაკობდა. — ახალგაზრდების კისკისი იქაურობას აცოცხლებდა, განსაკუთრებით სოფოსი. ევა კი სდუმდა და მხოლოდ ხანდახან უბრალო რეპლიკებს იძლეოდა.

— არ ვიცი, ღმერთმანი, ჩვენ რა უნდა ვაკეთოთ, — ლაპარაკობდა რეზო და თან გემრიელად სჭამდა. — ჩვენ, აღმასრულებელი კომიტეტი ვართ; მაგრამ ერთი ეს მიბრძანეთ, რა უნდა ავასრულოთ ჩვენ? მეორე: რა იცის სახელმწიფო საქმეების ჩემმა ქათამაძემ და აი, თუ გინდ იმ ქალმა... სოციალისტი რომ ყოფილა! თურმე უბრალო მკერავია, ვილაცა მადამის საბელოსნოში მუშაობს დღიურად.

— როგორ, ქალი რომ არის იმიტომ? ამრეხით იკითხა შუშანიკამ.

— არა, საქმე აქ ქალობა კი არ არის, საქმე სწავლაა, — განაგრძობდა რეზო და თანაც დიდრონ ლუკმებს გზავნიდა მუცლისაკენ. ის არავის არ უყურებდა, დასჩერებოდა თეფშს და გულმოდგინედ ამუშავებულ დანა-ჩანგალს.

— ჩემს ქმარს ბრძნული აზრების გადმოლაგება უყვარს ხოლმე, — გესლიანად შენიშნა ევამ.

— ვინც რა უნდა თქვასო, წისქვილმა კი ფქვასო, — სთქვა ცოლის საპასუხოდ რეზომ და განაგრძო: — დიახ, ყველაფრისთვის ცოდნაა საჭირო. თუ უვიც ხალხს ჩაუვარდა ხელში მართვა-გამგეობა, ის მალე მოიტეხს კისერს. განა ქათამაძეები და მკერავი ქალები შესძლებენ ქვეყნის მართვა გამგეობას.

— მაშ, თქვენ არა გწამთ დემოკრატია, მშრომელი ხალხი? — გააწყვეტინა შუშანიკამ.

— აცალეთ დემოკრატიის ვეჭილს, აცალეთ! — სიცილით წარმოსთქვა პიერმა.

— რათა? მე დემოკრატიაც მრწამს, მშრომელი ხალხიც, ყველაფერი, ყველაფერი მრწამს, მაგრამ...

— აკი ვსთქვი, ჩემი ქმარი ბრძნული აზრების სათავეათქო, — კიდევ შენიშნა ევამ.

— ხა... ხა... ხა! რეზოს ყველაფერი სწამს: დემოკრატიაც, მონარქიაც, ანარქიაც! — ხარხარებდა პიერი და თეთრის ხელსაწმენდით ტუჩებს იწმენდდა, — გაუმარჯოს რეზოს! გაუმარჯოს! ასეთი უნდა სიფართოვე სულისა, სისრულე არსებისა!.. ადამიანმა ყოველივე უნდა დაიტოს თავის „მე“-ში! ექსტრა რეზოს სადღეგრძელო, ექსტრა!

— ბრუდერშაფტ, ბრუდერშაფტ!— და კიქების დაცლის შემდეგ ტკბილად გადაჰკოცნეს ერთმანეთი.

ისედაც ცუდ გუნებაზე მყოფი ევა, რეზოს სიტყვებმა კიდევ უფრო გაანაწყინეს. ის მზად იყო ქმრისათვის სასაყვედურო სიტყვებით მიემართა, მაგრამ აყალ-მაყალის ატეხა არ უნდოდა.

ან კი რა უნდა გამოსულიყო ევას საყვედურიდან? რეზოს მაინც ვერ გარდაქმნიდა იგი. განა, ერთხელ ჩაუგდია თავისი თავი რეზოს სასაცილო მდგომარეობაში?

— საწყალი ჩვენი გუბერნატორი, — ამბობდა ცოტა ხნის შემდეგ უკვე კუჭდაკმაყოფილებული რეზო, რომელიც სკამის ზურგს გადასწოლოდა და, ფეხებზე გადადებულ, ღიმილით შეჰყურებდა ყველას.

რა ლამაზი და მომხიბლავი იყო რეზო ამ დროს! გაშლილი შუბლი, მოცინარე თვალები; კოხტა, ქერა წვერები, მარმარილოს კბილები (ერთგან ოქრო მოუჩანდა), საუცხოვო ევროპიული მორთულობა...

მერე, როგორ უხდებოდა ლაპარაკი, ხელების მოძრაობა! ნამდვილი დენდი იყო! ამიტომაც მოხდა, რომ იგი ასე უსაზღვროდ შეუყვარდა ევას, რომელმაც პირველი ქმარი ერთიანად დაივიწყა.

— საწყალი ჩვენი გუბერნატორი! გუშინდელი ღმერთი, დღეს უბრალო მომაკვდავად გადაიქცა. გუშინ სასახლეში, დღეს ციხეში. ქეშმარიტად თქმულა: „ამაო ამაოებათა და ყოველივე ამათ არსო“. მკედარივიდ მიდიოდა ციხისკენ, ყაბალახში ჩაემაღა სახე. თურმე შეიხვეწა: ოღონდ ნუ მომკლავთ და რაც გინდად, ის მიყავითო. ისიც სთქვა: ციხეში მკბენარები დამესვევა და რა ვქნაო? ცოლს განუცხადებია: მეც მასთან წამიყვანეთო, მაგრამ უარი მიუღია, მეორე საკანში თურმე პოლიცმენისტერი მოათავსეს... ის სათოკე ისა!

რეზო ისე გულგრილად ლაპარაკობდა, თითქოს ყოველდღიური მოვლენა მომხდარიყოს. გუშინ და გუშინწინაც ასე მსჯელობდა, დიდი და პატარა ამბავი მისთვის არ არსებობდა, ყველაფერს ერთის საზომით ზომავდა. დღესაც ეს შეამჩნია ევამ და იყო წამები, როცა პირდაპირ ეზიზღებოდა თავისი ლამაზი და მთელ ქალაქში ცნობილი ქმარი.

ქვეყანა აფორიაქებულია და ყველა ღელავს, ეს კი აგრე აუჩქარებლივ მსჯელობს!

რას მიაწეროს ეს ევამ: რეზოს ეგოიზმს, თუ განუვითარებლობას? ევა თანდათან მოიღუშა და მოდუნდა.

— ევა, ავით ხომ არა ხარ? — შეეკითხა რეზო.

ევა, პასუხის ნაცხლად, ზეზე წამოდგა და როიალს მიუჯდა. მარდად შეათამაშა თითები და ყველას გასაკვირად მარსელიეზა დაუკრა.

— სუუუ... ეს რა არის? — შეფრთხილდა სოფო.

— მოიცა!.. მარსელიეზა, — შეჰყვირა პიერმა და მუსიკის ჰანგებს თითონაც ააყოლა ხმა.

ევა შეუჩერებლივ განაგრძობდა დაკვრას და თავდავიწყებით ჰფანტავდა მომხიბლავ ჰანგებს. სულსა და გულს სდებდა თითოეულ ხმაში, მთელი თავისი

არსებით ექსოვებოდა ყოველ ბგერაში. მისდა შეუმჩნეველად ევამ მუსიკას ხმაც ააყოლა. ალტაცებათ ქცეულს, ცრემლები ვერ დაემაგრებოდა, რეველიუციონური ჰანგები მომხიბლადად დაფართატებდნენ სახლში; აღმგზნებლმა ქცეულმა ყველა მოაჯადოვა და აამლერა. ვველაზე ხმა მალლა პიერი მღეროდა, გრძნობათ ქცეულ მუშანიკას ცრემლები ღაბა-ღუბით ჩამოსდიოდა, სოფიკო კი სულგანაბული მისჩერებოდა დედის ხელების მოძრაობას და, სახე გაბრწყინებული, მზად იყო სიცილად გადაქცეულიყო. მხოლოდ რეზო იყო ყოველგვარ მღელვარების გარეშე და მშვიდად უცქეროდა მომღერლებს.

უცებ ევა შედრკა, თითქოს კლავიშების დამსხვრევა უნდაო—ნერვიულად ჩამოკრა თითები და... ცეცხლის მომდები ჰანგიც კენესით მიაკვდა კედლებს. თავისუფლების ჰიმნი უცებ შესწყდა... ყველამ ამოიგმინა...

ევა კი თოფნაკრავივით შეეარდა თავის ოთახში.

ყველანი გაქვაფებულნი დარჩნენ, ვერავის ხმის ამოღება ვერ მოეხერხებია.

— სუუ, თქვენი ქირიმე! ავად არის და, თუ ღმერთი გწამსთ, ნუ იხმაურებთ!—სთქვა რეზომ ტუჩებზე ხელის დადებით.

V

ევა განგმირულივით ჩაიკეცა სავარძელში. უნდოდა ამოეგმინა, ამოეკივლა და თან ამოეტანა ბოღმა გულისა.

მაგრამ ენა ჩაუვარდა, გრძნობათა ჩქერმა შებოჭა, ლამის დაახრჩოს... უსაზღვრო სევდით შეპყრობილი, სავარძელზე გადაესვენა...

რა ქნას, როგორ მოიქცეს? იმხიარულოს, თუ იტიროს? პირქვე დაემხოს, თუ სხვების სიხარულს აჰყვეს? საშინელია ეს კითხვები ევასთვის. მათ პასუხზე დამოკიდებულია მისი ყოფნა არ ყოფნის, საკითხი.

— რა მოხდა? რა ამბავია? ეს რა უბედურება დატრიალდა ჩემს თავზე? იმეორებს უთავბოლოდ და ტუჩებს ჭიკამს. გულის სიღრმეში აქაფებულ გრძნობათა ტალღებში გველივით დასრიალებდა ერთი პატარა ნაკადული. ეს გველი თავაწეული დასისინებდა და შეუბრალოდ შხამავდა ევას... ეს იყო შეურაცყოფილი თავმოყვარეობის გრძნობა...

ევა ნამიაძიბისას მთელი ქალაქი იცნობს და აფასებს. დიდის პატივისცემით ეპყრობიან მისს ცნობილ მეუღლესაც—რეზოს, რომელიც დიდი ბანკის სათავეში დგას. რეზოს ოჯახი მოწინავე ოჯახად ითვლებოდა. ქონებრივის მდგომარეობითაც თვალ-საჩინო იყო და გონებრივითაც: ევა და რეზო ქალაქის ინტელიგენციის დამამშვენებელი იყვნენ. ევას სილამაზე, ინტელიგენტობა, ქკვიანობა და საზოგადოებრივი მუშაობა ღირსეულად დააფასა ყველამ.

და აი ასეთ პიროვნებას დღეს სრული გარიყვა მოელის; როდესაც მთელი ხალხი აღფრთოვანებული და გახარებულია, როცა მონობის ბორკილი უკვე დაიმსხვრა, - ევა თითქოს გაღმა რჩება. ამის აშკარა ნიშნები უკვე არის: აღმასრულებელი კომიტეტის წევრად აურჩევიათ ვიღაც მუშა ქალი, - ერთ-ერთი პარტიის სახელით.

ევა კი არავის მოჰგონებია, ის ევა, რომელიც, - ოობ!.. საშინელებავე!—

რომელიც, ერთ დროს მხურვალე წევრი იყო ამ პარტიის, ~~ის, ნეტავი არც მოა-~~
გონა ევას! რამდენი ტანჯვის წყაროა ეს გული!

რა სიანოვნებით ამოიგლეჯდა ევა ამ მწარე მოგონებებით ~~არსაწყის~~ გულს და რა ზიზღით გადისვრიდა მას ძაღლების შესაქმელად, ყვავ-ყორნების სა-
ძიძგნად!

დიდხანს იყო ევა ჩაფიქრებული და მწარე სევდით გარემოცული. ასეთი დამცირება და დამდაბლება მას ჯერ არ უგვრძენია. ეს იყო უჩვეულო და უნა-
ხავი ტანჯვა: სირცხვილის და დანაშაულის გრძობა თავისივე თავის წინაშე, მიწასთან გამასწორებელი სიმტყუვნე.

მოლაპარაკე ორატორთა რიცხვში ევასაც შეეძლო ყოფილიყო: საამისო ნი-
ჭიც შესწევდა, ცოდნაც, უნარიც და საკმაო დამსახურებაც კი. აღმასრულებელ
კომიტეტშიც ვილაც ქალი აურჩევიათ; ევა აქაც პიროველი ქალი იქნებოდა, რომ
არ ეღალატნა თავისავე მისწრაფებისათვის და ძველ გზაზე დარჩენილიყო. ევამ
თავისივე ხელით გაითხარა სამარე და ცოცხლად ჩაესვენა შიგ.

გან მხოლოდ ეხლა შეამჩნია, რომ მის წინ ვებერთელა კედლის სარკე
იყო ანართული და მისი სხეულიც ერთიანად მოსჩანდა შიგ. საკუთარი სახის
დანახვამ შეაკროთ: შერცხვა თავისივე თავის: ასე წარმოუდგა, თითქოს ვინმე
მოწმე აღმოუჩნდა იმის მალულს სულიერ ტანჯვას, და მისი სინიდიისის საი-
დუმლო ქეჯნაც ვილაც გარეშეთათვის აშკარა შეიქნა. თავისივე აჩრდილმა გაა-
წითლა და უცებ ზეზე წამოდგა. გრძობდა, რომ ჰაერი არ ჰყოფნიდა და აი-
ვანს მიაშურა.

გრილმა ჰაერმა გამოაცოცხლა, ენერგი შეჰმატა და შავ ფიქრებს კალაპო-
ტი შეუცვალა.

ევა ხედავდა, რომ რაღაც მიუწვდომელი და განუზომელი ამბები იწყებო-
და, რომ მის თვალწინ საშინელის ძალით ამოძრავდა ისტორიის ვებერთელა
ბორბალი, რომლის კლაკვნა და ხმაური ზეცას სწვდება და მთელ ქვეყანას აზან-
ზარებს. „რა იქნება? ეინ მოზომავს ამ ბუმბერაზულ ტალღათა ტლაშუნს?“ — ფიქ-
რობდა იგი და სწუხდა, რომ ღამეა და არ შეიძლება ახალი გაზეთის წაკითხვა.

ამ წუთს ევას გონება ნათელი იყო. იგი იქცა ძველ ევად, რომელიც ერთ
დროს სულ სხვა გზით მიდიოდა და სულ სხვაგვარი იდეალებით იყო გატა-
ტებული.

ოთახში შემობრუნების შემდეგ ევა უფრო დაწყნარებულად გრძობდა
თავს.

მაგრამ ჩაწვა თუ არა ლოგინში, ისევ ეწვია წინანდელი კაეშანი. მას აგონ-
დება აწმყო, წარსული და... გულის ცემაც მატულობს, სულის თქმაც თანდა-
თან უძნელდება. ცდილობს შორს გადიხედოს გონების თვალით და არ აიშა-
ლოს ჩაფერფლილი მწვავე გრძობები, გულის დამსერი მოგონებანი. და რეზოს
გარშემო ატრიალებს თავის ოცნებებს. ქმრის დღევანდელი ლაპარაკი და
უტყუო გულგრილობა ბრაზსა გვლის. გამოყეყეჩებულად ეჩვენება, უტვინო ფი-
ლისტერად ეხატება, უვიც ეგოისტად უდგება იგი თვალწინ.

ამდენი ხანია რეზოსთან სცხოვრობს, უყვარს კიდევ და ასე უზროოდ და ცოცხალ ლეშად არასოდეს არ მოსჩვენებია ქმარი.

— რამდენად უფრო მეტს აკვირდება დღევანდელ ქმარს, რამდენად უფრო იმსჯელება მისდამი ზიზლით.

ევას თვალწინ უდგება სრულიად მწვიდი, წყნარი და ლამაზი ადამიანი, რომელსაც გარდა ხორციელი სილამაზისა არა გააჩნია რა, რომელიც უტვინო ღრეჭით ლაპარაკობს ასეთ დიად მოვლენაზე; თანაც დიდ ლუკმებს იტენის პირში და გემრიელად იტლევს ლამაზ ტუჩებს.

— ფუ რა საზიზრობაა! — წამოიძახა ევამ.

— როგორ შეხვდებოდა შალვა ამ ამბავს? ნუ თუ აგრე უტვინოდ და უსულ-გულოდ? — ელვის სისწრაფით გაიკლაქნა ეს აზრი ევას არსებაში და...

მსწრაფლ მოაგონდა პირველი ქმარი, შალვა ღრუბელიანი... წამსვე გარდაეშალა ძველი ცხოვრების ჩაფერფლილი რვეული... ერთიანად შეიპყრო სირცხვილის საშინელმა გრძნობამ, თითქოს დასწვა კიდევაც მისმა აღმა. და ლოგინში მორგოლილი, მთელის თავის ძალღონით ჩააწვა ტახტს — თითქოს უნდა ჩასტეხოს იგი, ჩაანგროს იატაკი და ქვესკნელში ჩაიფლოსო...

...ეფიცებოდა: „მიყვარხარ... შენი ვარ მთელის ჩემის არსებით... სამარის კარამდე შენი ერთგული ვიქნები, კუბოს ფიცრამდე სალოცავ ხატად შეყოლები. თაყვანს ვსცემ შენს ღმერთს, გუნდრუკს ვუკმევ შენს კერპს, შენთან ერთად ავალ გოლგოთაზე“, და... ყოველივე ეს ფუჭი გამოდგა, ლიტონი სიტყვები, გაცვეთილი ბგეობები...

და დღეს მეორე ქმრის ხელშია, დაივიწყა ფიცი, უარპყო ძველი სალოცავი და სათაყვანო კერპები, ფეხქვეშ გათელა პირველი სიყვარული, ურცხვად შებილწა უმწიკვლო აღტაცება და... ჰოი, სირცხვილო: შალვას შემდეგ ამავე სიტყვებით სხვას ეფიცება სიყვარულს.

რატომ მატლები არ დაესევა ამ უნამუსო ტუჩებს, ამ უსირცხვილო ენას! რად არ დამიწდებიან ის ლოყები, რომლებზედაც ხან ერთი კაცის ტუჩები დაცოცხვენ, ხან მეორესი! რად არ დასამარდება ის გულმკერდი, რომლის მართლვარე წიაღში ხან ერთი კაცი იკლავს ეინს და ხან მეორე!

„ვინა ვარ, რა მჭვია, — გიჟივით ეკითხებოდა თავის თავს, — რა ქალია ის ქალი, რომლის სხეულს ორი კაცის ხელი შეხებია! რა ჰჭვიან იმ ქალს, რომლის სიშიშვლე ორი ადამიანის თვალებს უხილავს! ვინა ვარ — პატიოსანი ქალი, თუ როსკიპი?! მახსოვს, შალვა მეტყოდა: მე არ შემიძლია ვილოცო იმ ტაძარში, რომელშიც სხვას ულოცნია. ეს ტაძარი მე ვიყავი მისთვის, მე — ევა ვეფხია-შვილის ქალი, — უმანკო, შეუბღალავი, უმწიკვლო.“

ეს ტუჩები პირველად მას, შალვას, ეფიცებოდნენ საუკუნო ერთგულებას, სამარადისო ხსოვნას და მასვე ჰკოცნიდნენ!

— „სხვისი ნამთხვევი ხატი უკვე წაბილწულიაო“, — ათასჯერ უთქვამს მას და მაშინ მეც მისი თანახმა ვიყავი, მეც მთელის ჩემის არსებით მრწამდა ეს სიტყვები... დღეს... კი... ოჰ საშინელება! მე უკვე მრავალთა სალოცავი ტაძარი გაფხდი, უკვე ნამთხვევ ხატად ვიქეცი!“

ევას შეეზიზლა თავისი თავი.

შალვას კოცნას წმინდა ამბორად იგონებდა... რეზო კი საშინელ მლოშნელად წარმოუდგა. შალვა კდემამოსილებით აღსავსე მღრღვრულ იყო ევას შეხსიერებაში, ხოლო რეზო ნამდვილი ყასაბი, რომელიც მუშტოის ვნებით ეწათებოდა მისს ლამაზ სხეულს. შალვას კოცნა უმანკოების შეხება იყო, ამურის ფრთათა ტუჩებზე ფარფატი, რეზოსი კი...

ოხ, ნუ მოაგონებთ ამ ქუჩურ, ამ ავხორციელ ლოშნას, ამ საზიზლარ წონას! ასეთი რამ ჯერ არ განუცდია ევას, ასეთი გრძნობები ჯერ არ სტუმრებია მას. საიდან გაჩნდა, საიდან აღმოხეთქა ამ თავშეუკავებელმა თვითგანსჯამ?

რამდენიმე წელიწადია რეზოსთან ცხოვრობს და ამის მზგავსი რამეც კი არ განუცდია მას. ნუ თუ ამ ხნის განმავლობაში ეძინა პირველ ევას, რომელმაც აგრე პირნათლად მიიტანა შალვა ღრუბელიანის წინაშე თავისი უმანკო სხეული, მიუწვდომელი აღმაფრენა და შეუბღალავი ზნეობა? ნუ თუ ასე ღრმად ჩაიყურყუმალა რეზოსთან ეროად ავხორციობის მორევეში, რომ ერთიანად დაივიწყა თავისი უმანკო სული და მხოლოდ დღესღა მოაგონდა თავისი თავი?

VI.

ევას მოაგონდა ის დრო, როცა პირველი რევოლიუციის რიერაჟზე საზაფხულოდ იყო მისული თავის სახლში. გიმნაზია ახლად დასრულებული ჰქონდა და, ბოლო წლებში შეთვისებულ ჩვეულების მიხედვით, თავის გამდელთან—მუშანიკას დედასთან უნდა წასულიყო. მაგრამ წელს მშობლების დაქინებითი მოთხოვნას გვერდი ვერ აუქცია და გულცივად წამოვიდა თავის სახლისაკენ. ევა დედას დედინაცვალევით შეხვდა, არც მამას მისალმებია მაინცა და მაინც თბილად. ყველაზე გულწრფელად და ხალისიანად ევა მიეგება გოგო-ბიჭებს და განსაკუთრებით ნაცნობ კარ-მიდამოს. „ჩვენს ეზო-გარემოში ფეხის ჩადგმისთანავე სხეული დამიამდება ხოლმე და თავს უხილავ მფარველის ფრთათა ქვეშ ვგრძნობო“. — იტყოდა ევა და მისვლისთანავე ეს გრძნობა ეუფლა მას. უმაღვე ფარდოდ გაშლილ ბალ-ვენახებს მიაშურა.

— ოო, ევა, ევა! გადმოსძახა აივნიდან ბაბუა დავითმა. ევამ ცივი ღიმილი შესთავაზა კრილოსანის მოთამაშე მოხუცს და თანაც ბალანმოსილ ჩამომკნარ ლოყაში აკოცა.

— გასათხოვარი ქალი გამხთარხარ, შეილო, ალბად! საქმროც გეყოლება, მაქეიფე ერთი ამ სიბერის ქამს!.. ხე-ხე ხე-ხე!..

— თქვენ სულ მაგრე მეუბნებით, ბაბუა...

— მერე და რა ცუდს გიჭადვებ, შეილო! ქალიშვილი ყოველთვის დროზე უნდა გათხოვდეს, კარგმა პატრონმა თავის დროზე უნდა მიაქციოს ქალს ყურადღება. შენისთანა გახვინთქილებულ გოგოს ეხლა სისხლი უთამაშებს და... ჰე-ჰე-ჰე!

უკანასკნელი სიტყვები მოხუცმა საშინელის ცინიზნით და ავხორციულის ხითხითით შეაზავა.

— დაიწყო აქაური საშინელება, — ჩაილაპარაკა ევამ და ოთახს მიაშურა.

— ეს ქალბატონი ჩვენი ოჯახის შვილს არ ჰგავს, შენვენი რთული მოიწყინა, აქაურობა მას ეზიზღება, — წარმოსთქვა ბაბუამ მოსამსახურე ქალებს გასაგონათ და ზეზედ წამოდგა.

ევას ყურს ეს სიტყვები კარგად მისწვდნენ. ის წარბებ-შეკრული შევიდა თავის ოთახში და ფანჯარას გადააწვა. მის თვალწინ იშლებოდა საყვარელი კარმიდამო, სადაც მას გაუტარებია თავის ცხოვრების უტკბილესი წამები და შეუმჩნეველად წარმოუდგა ერთი ცხოველი სურათი ბაბუას ცხოვრებიდან.

ამაყად გამოქიმული ბაბუა გამოქანდაკებულივით დგას აივანზე, ხელში მომართული თოფი უქირავს. ნახევრად თოფის-წამლის კვამლშია გახვეული და წყნარის გამემეტყველებით აკვირდება ეზოს: აბა, სად გდია ჩემი ტყვიით განგშირული ჩემივე შვილი — ბეჟანიო, — ევას მამა.

ახოვანი მოხუცის თეთრ წვერებს შარავანდედათ ეხვია თოფის-წამლის კვამლი და თითქოს ქვადქცეულ ვაჟკაცს საშინელ გამომეტყველებას აძლევდა; თავადის მთელი სახლობა ეზოში გამოფენილიყო თოფის ხმაზე, საშინელი აურზაური იყო, ევას დედა გონება-დაკარგული ჰყავდათ ხელში, მამა კი — ბეჟანი — გაფითრებული იდგა გასაკაფებლად გამზადებულ ბიჭებ შორის და შეშინებულ-შერცხვენილი ბუტბუტებდა:

— მამა არ იყოს, მე ვიცი, რასა ვიზამდი!.. მამა არ იყოს, მე ვიცი, რასა ვიზამდი!..

ევა თავხარდაცემული გამოვარდა ეზოში ატეხილ კივილ-წივილის ხმაზე, ჯერ არ იცოდა, რაში იყო საქმე; როცა გაიგო, ბაბუამ თოფი დაუცალა მამა-ჩემსო, კინალიმ ჭკუა დაჰკარგა და რამდენიმე დღის განმავლობაში არც კი უკითხავს, რა იყო ამის მიზეზი.

— არ არის შენი საქმე, რაღაც უბრალოზე მოუვიდათ დავა, — ეუბნებოდა დედა დაინტერესებულ ევას.

ევამ ბოლოს, როგორც იქნა, მოსამსახურეებისაგან გაიგო ყველაფერი: თურმე ევას მამას, თავად ბეჟანს — განუზრახავს მამის ქონება საკუთრივ ჩაეგდო ხელში და ძმებისათვის არ გაენაწილებინა. ამ მიზნის სისრულეში მოსაყვანად მამისაგან კანონიერი მტკიცებაც კი მიეღო. მამა დაეტყვილებინა: შენი შვილები ქალაქში ვალებში ჩავარდნენ, მევალები აქაურობის აწერას აპირებენ და, ისა სჯობია, ყველაფერი ჩემს სახელზე დაამტკიცო; როცა ჩემს ძმებს მოვალენი ჩამოშორდებიან, მე, ხომ, იცი, იმათ არაფერს წავართმევ, თავის დროზე ყველაფერს მივსცემ და შენც, რასაკვირველია, მეფესავით გარჩენო.

მამა მოტყუვდა და ბეჟანმა, ქონება რომ ხელში ჩაიხვია, ბლომა ნაწილი მაშინვე გაჰყიდა და მოხუცსაც ლუკმა პური მოანატრა: არ ჩააცვა, არ დაჰხურა ტკბილი ცხოვრების ნაჩვევ მამას. მამაც ერთხანს უთმენდა შვილს: ეგონა, გონს მოვარო. მაგრამ, რაკი ვერას გახდა, ასწია და თოფი დაუცალა, სასიკვდილოდ გაიმეტა. მაგრამ ტყვია ააცდინა, რამაც ერთობ გააჯაგრა იგი.

— ახლა კი დავბერებულვარ, — წამოიძახა თავადმა დავითმა, როცა და-

ინახა, რომ ტყვია ვერ ჰკრა შვილს, — ახალგაზრდობისას დანის პირს შევაპრი-
დი ტყვიას, ახლა კი ამოდენა ყარყუმს დავაშორე, ჩემი საჭმე წასულა!

ამ ამბის შემდეგ ევას საშინლად ეშინოდა ბაბუასი და მისი პატივისცე-
მაც დაჰკარგა.

— სათოფეთ როგორ გაიმეტა ღვიძლი შვილი? განა, სხვათრივ არ შეიძ-
ლებოდა საქმის მოგვარებაო, — თქრობდა იგი და გაურკვეველი შიში და ძრწო-
ლა იპყრობდა მას.

ეს საშინელი მოგონება ღრმად იყო შთაბეჭდილი ევას არსებაში და ყო-
ველთვის თავნარს სცემდა მისი გახსენება. მამაზედაც ერთობ აიყარა ევამ გუ-
ლი: განა ასე უნდა მოქცეოდა ძმებს და მოხუც მამასო, — გაკვირვებით კითხუ-
ლობდა იგი. ეს ხომ გაუტანლობაა და სხვისი შექმისა და დალუპვის ნიშანი.
რას ერჩოდა ძმებს, რა დაუშავა მამამ? აკი, როცა ევას ბიძები სოფელში ჩა-
მოვლენ, ბეჟანი მუდამ ესიყვარულება, მათ კირს მიწაზე არ აგდებს, თვალში
რომ ჩაუვარდენ, ხელს არ ამოისვებს! თუ არ უყვარს ისინი და ემტერება, პი-
რში რაღას ელაქუცება, ეს ხომ ორპირობაა.

ევა არც ახლობამდე სცემდა მამას დიდ პატივს: სამწელიწადზე მეტია,
რომ ბეჟანი ევას თვალში ის ბეჟანი არ არის, რომელსაც ის აღმერთებდა პა-
ტარაობისას.

პირველად მამის პატივისცემა ევას იმის შემდეგ შეუსუსტდა, რაც ქალაქ-
ში შეამჩნია, რომ ბეჟანს კავშირი ჰქონდა იმ ქალთან, რომლის ოჯახშიც სას-
წავლებელში სწავლის დროს ევა ცხოვრობდა და რომლის შესახებ ევამ მშო-
ბლებიდან იცოდა ჩვენი ნათესავეები არიანო. ბეჟანი ხშირად აკითხავდა ევას
ქალაქში და რამოდენიმე დღით რჩებოდა ხოლმე. მამა ხშირად უნახავს ევას
დიასახლისის ოჯახში.

ერთხელ დედამ დაჟინებით ჩაკითხა ევას: ვისთან ათევს მამაშენი ლამეებს,
როცა ქალაქში ჩამოდისო? ევამ გულუბრყვილოდ უპასუხა: ბიცოლა თეოსთანო
და... ევას დედამაც საშინლად შეჰკივლა:

— ის უნამუსო, ისა! კიდევ არ შორდება იმ კახპას?! აკი მეუბნებოდა
თეოს თვალითაც კი არ ვნახულობ და ევას სასწავლებელში ვაკითხავ ხოლმეო!
ევა მიხვდა, რაშიაც იყო საქმე, და სირცხვილით დაიწვა, მაშინვე მოშორდა
დედას და მთელი საათი გულამოსკვნილი სტიროდა.

ყოველივე ეს ელვის სისწრაფით მოაგონდა ევას: — მოაგონდა თოფისწამ-
ლის კვამლში გახვეული ბაბუა, მოაგონდა შეშინებული მამა, რომელიც ასე
უსირცხვილოდ ატყვილებდა დედას... მოაგონდა კიდევ სხვა რაღაცეებიც, რო-
მელთაც საკმაოდ მოუწამლეს მას ახალგაზრდობა და .. წელში გააჟრჟოლა, ხე-
ლი ჩაიქნია და წყნარად ჩაილაპარაკა:

— რა ღმერთი გამიწყრა, რომ აქ მოველი! განა, არ ვიცოდი, რა დამ-
ხვდებოდა?

ოთახიდან გამოვიდა და სამზარეულოს მიაშურა, იქ ბავშობიდანვე გულის
გადაყოლება იცოდა მოლაზღიანდარე მოსამსახურეთა შორის.

ივნისის შუა რიცხვები იყო, საკმაოდ თბილოდა: მზე კიდევ არ ჩასული-

ყო. ევამ სანხარეულოს აივანშიც კი ვერ მოასწრო შესვლა, რომ ჭიშკრიდან მამის ხმა შემოესმა.

მიუხედავად იმისა, რომ მამის სახე ევას არსებაში არ იყო შინცა და მაინც მიმხიდველ შარავანდედით მოცული, გულის სიღრმეში მაინც უყვარდა იგი.

ამიტომ იყო, რომ მამის ხმამ სასიამოვნოდ გაიწკრიალა მის არსებაში და შურდულივით გაეჭანა მამისაკენ.

— ატესტატი თუ კაი მოიტანე, თვარა ისე არ მომეკარო—სიცილით დაუძახა მამამ და ორივე ხელზე გაშლილი შემოეგება გულში ჩასაკრავად.

— მშვენიერი ატესტატი მაქვს, მამა, მშვენიერი,—მიადახა ევამ და კისერზე ჩამოეკიდა ბეჯანს.

— შვილო, უცხო კაცი მახლავს, ხელი ჩამოართვი.—უთხრა ცოტა ხნის შემდეგ ბეჯანმა ევას, რომელმაც ეხლა შეამჩნია, რომ მამასთან ერთად, ეზოში მართლაც უცხო ადამიანი ჩამოსულა.

— ჩვენი ნათესავია, შვილო, სუდენტი კაცია, სტუმრად მოვიდა ჩვენსა.

— შალვა ღრუბელიანი,—ჩაილაპარაკა თავის მხრივ სტუმარმა და ხელი გაუწოდა. ერთმანეთისათვის თითქმის არც შეუხედავთ—ევას ამ დროს, მამის გარდა სხვა არავინ აინტერესებდა. თანაც გულში გაიფიქრა: ასეთის გვარის მატარებელი ნათესავი ჩვენ არასოდეს არ გვყოლია... მაგრამ ეს ხომ მამაჩემის ჩვეულებაა: თუ ვინმემ ჩვენსა ფეხი ჩამოადგა, ყველას ნათესავებს ეძახისო.

— დედა შინ დაგხვდა, შვილო? ჰკითხა ბეჯანმა.

— არა, მამა. დეიდა ჩემისას წასულა და მითხრეს მალე მოვაო.

— აბა, შენ მოუმნიე, შვილო, სტუმარს... აწი წლოვანი ქალი ხარ, ღემნაზია დაგისრულებია, დიასახლისობაც უნდა ისწავლო, წიგნი მარტო არ გეყოფა... ჰა... ჰა... ჰა...

— კი, მამილო, კი!... ისეთი დიასახლისობა ვიცი, რომ... ჰა... ჰა... ჰა...

VIII.

— აქეთ მობრძანდით, ყმაწვილო,—ეუბნებოდა ბეჯანი სტუმარს,—ისეთი ბინა მოგიჩინო, მე და ჩემმა ღმერთმა, რომ ეშმაკმაც კი ვერ მოგნახოსთ! დაწვევით, როცა გენებოსთ, ადექით. არავინ თქვენი ხელის შემშლელი არ იქნება, რაც გინდოდეს, ის აკეთეთ, ვერაუინ აქ ვერ გნახავთ, ნურაფრის დარდი ნუ გექნებათ... სასმელი, საჭმელი, ყველაფერი ჩემს კისერზე იყოს. ისეთი ღვინო მაქვს, ისეთი... რომ...

— გმადლობთ, ბატონო, ნუ შეწუხდებით,—ეუბნებოდა სტუმარი, რომელიც ერთობ უბერხულად გრძნობდა თავს თავადიშვილის ოჯახში, სადაც, მისი აზრით, უნდა ყოფილიყო თავისებური, არისტოკრატიული წესები: თავადური მოწყობილება, თავადური ხნე-ჩვეულება, სიტყვა-პასუხი.

ყოველივე ეს კი მისთვის, როგორც გლეხისათვის, ძნელად შესათვისებელი და მისაჩვევი იქნებოდა.

— თუ თქვენ მოისურვებთ, სადილ-ვახშამსაც აქ მოვართმევთ, — ეუბნებოდა ბეჟანი. მორცხვი სტუმრის ისედაც უნებრხული მდგომირობა ერთიანად ორკეცდებოდა, როცა ცნობილი თავადი შვილი „თქვენობი“ უკვე მიმტრთავდა მას.

— ჩემმა მშობლებმა როცა ეს ნახონ, რა შვილი გამთავადობს! — კიტყვიანდა სიხარულით ზეცას დაეწევინა... შეხე თავადი მესამსახურება, — ფიქრობდა შალვა.

— არა, ბატონო ბეჟან, მაგრე ნუ შეწუხდებით, — ბოდიშობდა დარცხვენილი სტუმარი.

— ოო, როგორ გეკადრებათ, შეწუხება რას მიქვია?..

თავადმა შალვას საუცხოვო ოთახი მიუჩინა: სრული, მშვენივრად განათებული, ხალიჩებითა და სხვა და სხვა შესამკობ იარაღებით მორთული. ოთახი საკუთარ აივანში გადიოდა, აივნის სვეტები ვენახის ბარდით და ყვავილებით იყო შეფოთლილი, გიორგინის ყლორტების ბაღე ერთგულად ჩაწნულიყო რიკულებში... სახლი მაღლობზე იდგა, ასე რომ აივნიდან მაყურებელთვალს მომხიბლავი სურათი ეშლებოდა: დაფენილი ველები, თაიგულივით შემკული სერები, რომელთა ბორცვიანი გრებილი ცის ლაქვარდოვან კიდეში ინთქებოდა.

ეს აივანი უსაყვარლესი ადგილი იყო ევასთვის. მშობლიურ კარმიდამოს თუ იგი ოდესმე სიყვარულით კი მოიგონებდა, უპირველეს ყოვლისა ამ აივანს გაიხსენებდა. განსაკუთრებით მომჯადოვებელი იყო იქაურობა მოვარიან ლამეში, როცა დაფენილი მიდამო ნამდვილ ზღვას ჰგავდა, ზღვას, რომლის ტალღებში ნისლის ხომალდად დაცურავენ ერთი მეორე მიბჯენილი სერები.

მრავალი ლამე გაუტარებია აქ ევას ოცნებაში და წიგნის კითხვაში გართულს.

შალვასაც ძალიან მოეწონა აქაურობა, პირდაპირ აღტაცებაში მოვიდა; თავისი აღტაცება ბეჟანის გასაგონად გამოთქვა, მაგრამ უცებ თავი მოიკავა: ხამად არ ჩამაგდოს ამ თავადმა, ან რაიმე „მუჟიკური“ არ წამომცდესო, — ფიქრობდა იგი.

— დალლილი იქნებით, ბატონო შალვა და ცოტა მოისვენეთ, ნუ მომერედებით — უთხრა შალვას ბეჟანმა და თითონ კარში გავიდა.

შალვასათვის მართლაც საჭირო იყო მოსვენება: ხუთი თუ ექვსი ვერსი გზა სადგურიდან ფეხით გამოიარა, თანაც გვარიანი მოზდილი ფუთა მოქონდა. ცოტა გაიარ-გამოიარა, იქაურობა მიათვალეფერ-მოათვალეფერა და წამოწოლა დააპირა. მაგრამ ამ დროს თავისი ფუთა დაინახა და კუნჭულში მიმალა: რა გამოსაჩენია ასეთ ძვირფას მორთულობაში ჩემი ღარიბული ბარგი-ბარხანა; ჩემი წითელი ჩითის საბანი რო აქ გავშალო, პირდაპირ სირცხვილს ვქაბო, — ფიქრობდა იგი და ცდილობდა ფუთა ისე დაეშალა, რომ არავის დაენახა.

შალვა ფრთხილად წამოწვა პრუჟინებიან კრაოტზე; ის ერთობ ფრთხილობდა, უნდოდა ისე მოთავსებულიყო, რომ თავადის სახლში შეუფერებელი რაიმე არ ჩაედინა.

— მანაჩემს რომ ასეთ ოთახებში გამოვეჩარდე, სწორეთ რომ სხვა აზრებისა

და მიმართულების ვიქნებოდი,—გაიფიქრა მან,—რა გასაკვირი იქნებოდა, რომ ამ სახლკარისა და სიმდიდრის პატრონმა მარტო თავის ქონების დაცვაზე იფიქროს, და იოლად ხელი არ აიღოს ყველაფერ ამაზე!

ცოტა ხნის შემდეგ შალვა ფიქრებში იყო გართული: ის ოცნებობდა იმ საქმეზე, რომლის სასამსახუროდ იგი აქ მოვიდა და რომელზედაც ფიქრი და ზრუნვა მთელ მის არსებას შეადგენდა.

რა გვარად გადადგამს პირველ ნაბიჯს, ვის დაიახლოვებს, საიდან დაიწყებს ლაპარაკს, ვისთან, ვის სახლში?

ყოველივე ეს დიდათ აინტერესებდა და მოუთმენლად ელოდა იმ წუთს, როდესაც თავის საყვარელ საქმეს შეუდგებოდა.

— ამაზე მეტი წინააღმდეგობა იქნება?—სთქვა მან ბოლოს თავისთვის,—მე უნდა შევაკავშირო და ავამოძრაო ღარიბი გლეხობა იმ მემამულის საწინააღმდეგოთ, რომელმაც მე ბინა მომცა და რომელიც დაუსრულებელ მფარველობას მპირდება; სასაცილოა მედაჩემმა ღმერთმა!

ეს მართლაც ასე იყო: შალვასა და ბეჯანის სტუმარ-მასპინძლობაში ძირითადი წინააღმდეგობა იყო ჩამარბული, მაგრამ ამ შეუსაბამობას სინამდვილეში ჯერ აშკარად თავი არ ეჩინა და ბეჯანიც „ახალი მოთავე“ კაცების ხათრისა და გვარიშვილობის პატივისცემისათვის—ბევრი „ახალ თაობის“ მონაწილე თავადაზნაური იყვენ—მხად იყო თუნდაც ცეცხლში ჩავარდნილაყო.

— ღმერთო კი მოშკალი! ჩვენში ვინმე პოლიციის საწინააღმდეგო საქმეს აკეთებს და იმას არ დავეხმარები? კვებნით ამბობდა თავადი ბეჯანი.

— ჩემს დღეში რუსის მთავრობას ვებრძოდი! ვინ იცის, რამდენი პრისტავი მე განიპანღურებია, რამდენი მაზრის უფროსისათვის კბილები ამიკანკალეებია და ახლა ისე წახდება ბეჯან ვეფხვიაშვილი, რომ ახალი თაობის ხალხი, საქართველოს შვილები, ვერ შეინახოს და თავის სახლში ბინა ვერ მისცეს?!

გარდა ამ რაინდულის მოსაზრებისა, ბეჯანს ხანდახან სხვა უფრო პროზაული გრძნობაც ამოძრავებდა: გაეგონა რომ ახალი მოთავენი, ანუ „ცოციალისტები“ თავადებს გლეხებს უჯანყებენ, სახლკარს უწვავენ და მოსამსახურეებს ართმევენო. პო, და როცა ჩემთან ნაპურმარილვეი იქნებიან, ცუდ რამეს როგორ მკადრებენ, პირიქით გლეხებისკან დამითარავენ და უვნებლად გადავრჩები ჩემს სახლ-კარშიო.

IX

სასადილო ოთახში მარტო თავადი ბეჯანი, შალვა და ევა ვახშობდნენ. კედლები შემკული იყო მადის აღმძვრელ სურათებით, ღვინის სასმელ ჭურჭლებით და ძვირფასი საკუჭნაო განჯინით.

ლამბაქებზე დალაგებული ნესვისა და საზაშტროს ნაჭრები, ქარვასავით მოკაშკაშე ყურძენი, ბუსუსიანი სხვილი ატმები ისე გამოსჩანდნენ სურათებიდან, როგორც სინამდვილეში.

საგანგებოდ გაკეთებულ ძვირფას თაროებზე ჩამოლაგებული იყო ყანწები, აზარტაშები, კულები და თასები...

შალვას მთელი ეს მორთულობა ლოდვიით აწვა გულზე და თავს ხელფეხ-შეკრულად გრძნობდა. ათას წილად უკეთ იგრძნობდა თავს, რომ მის გარშემო სრული უბრალოება ყოფილიყო: სადა მაგიდა, უბრალო კედლები, ჩატყვასიანი თეფშები და გადაუფარებელი სუფრა.

ევას პირველი შეხვედრის დროს ოდნავი ყურადღებაც კი არ მიუქცევია შალვასათვის, ეხლა კი როცა სინათლეზე კარგად დააკვირდა, ერთობ მოეწონა იგი.

საკმაოდ მაღალი, შავგვრემანი ყმაწვილი, რომლის ნიკაპი ეხლა იმოსებოდა შავი წვერებით; ქკვიანი და გამომეტყველი თვალები; გაწლილი შუბლი, მიმზიდველ უწესრიგობით დაყრილი შავი თმა; წურბელივით გადაწოლილი წარბები და, რაც ყველაზე უფრო თვალის წარმტაცი იყო—ეს თითქოს მარმარილოსგან ჩამოსხმული ხელები. ნაზი ხმა, დარცხვენილი გამოხედვა, თავშეკავებული და სირწფელით აღსავსე უხერხული მოძრაობა,—ყოველივე ეს საშინლად მიმზიდველ აღამინად ხდიდა უცხო სტუმარს. ევამ განსაკუთრებული ყურადღება მიაქცია შალვას ხელებს და როცა თავისას შეადარა, ერთობ დიდი განსხვავება აღმოაჩინა: ევას ხელები შალვასთან შედარებით ულამაზო იყო. ეს დასკვნა არც ისე სასიამოვნო იქნებოდა ახალგაზდა ქალისათვის და ამიტომაც ევა ვახშმობის დროს სულ იმას სცდილობდა, რომ ხელები ისე დაეჭირა, არავის დაენახა.

ევას ერთობ მოეწონა შალვა, განსაკუთრებით მისმა სტუდენტობამ დაუბნია გზა-კვალი, მაგრამ ერთი გარემოების გამო მაინც უკმაყოფილო იყო: შალვა ოდნავ ყურადღებასაც კი არ აქცევდა მას.

ასე უყურადღებოთ, მოსამსახურე გოგო როა — იმასაც კი არ მოეპყრობიან, ევას აზრით.

მერე ულამაზო მაინც იყოს ევა, ან და ინტელიგენტი არ იყოს?! აკი ეხლა დაასრულა გიმნაზია! მაშ რათ არ აქცევს შალვა ყურადღებას? აკი ისიც ახალგაზდაა, სტუდენტია და გაგონილა, რომ სტუდენტი ყურადღებას არ აქცევდეს გიმნაზია დასრულებულ ქალს?

ბეჟანს დარდიმანდულად ეჭირა თავი: სტუმარს ეპატივებოდა — ბევრი ესვა ბევრი ეჭამა და ემხიარულა. მასპინძელი ერთობ განწყინდა, როცა შალვამ პირდაპირ განუცხადა: ღვინოს არ გიახლებითო.

— შენ საბერო კაცი ყოფილხარ, ჩემო ძმაო — უთხრა თავადმა.

— არა, ქებით არ გეტყვით, ბატონო შალვა, და ჩემისთანა სათნო მემამულე ჩვენს მხარეზე მეორე არ მოიძებნება, — ამბობდა ბეჟანი ვახშმობის დროს, — ერთი გლეხი თუ ჩემი მომდურავი იქნება, მე პირდაპირ საციმბიროდ მოვაწერ ხელს! სიმართლის მოყვარული კაცი ვარ, ყოველთვის პატიოსნურად ვიქცევი... და გლეხი კაცი რაც უნდა შეუგნებელი და გაუნათლებელი იყოს, პატიოსან კაცს მაინც შეამჩნევს და დაათვასებს.

— რასაკვირველია, რასაკვირველია, — ემოწმებოდა შალვა.

— დიახ, ბატონო, დიახ. მართალია გლეხკაცი ყველა ერთი არაა, ნასწავლსა და უსწავლელშუა დიდი გარჩევია, მაგრამ მაინც... ასე ითქმება ხოლ-

მე.—განაგრძობდა ბეჟანი, რომელსაც ლაპარაკის დროს მოაგონდა, რომ შალვა გლეხი იყო და „ვინ თუ ეწყინოს“ო, იფიქრა და ამიტომ, მითხრა ნათქვამის გადასხვაფერებას.

— ჰო, იმას მოგახსენებდით: ვერავის ჩემს მომდურავს ჩვენს სოფელში ვერ ნახავთ მეთქი. და ეს იმ დროს, როცა ღვთის მოცემული მიწა-წყალი ბლომად მომეპოვება: სახნავი, სათესი, საბალახო, ტყე. თითქმის მთელი სოფელი ჩემს ადგილ მამულში ირჩენს თავს... დიახ!..

ევას ბევრი რამ არაფრად ექაშნიკა მამის ნალაპარაკებიდან — უღმერთოდ ტყუისო, — გაიფიქრა.

— მერე რა მოწყობილი მამული მაქვს, რა მორთული!

— მეც გამიგონია თქვენი მამულის ქება, — სთქვა შალვამ, — როცა ამხანაგებმა აქეთკენ გამომისტუმრეს, ასე მითხრეს: ისეთ ადგილას მიდიხარ, რომ იქაურობა სამუდამოთ დაგამახსოვრდებაო.

— ვინ გითხრა, თუ კაცი ხარ მითხარი, ვინ? შეეკითხა ბეჟანი; ძალიან ეამა, რომ მამული უქვს.

— საშამ მითხრა, ბატონო, საშამ... აი ჩვენ რომ...

— ოოო, ვიცი, ვიცი! მან, რასაკვირველია იცის; რამდენჯერ აქ უქეიფნია მამამისს! თითონაც რამდენჯერ ყოფილა! დიახ, დიახ... დიდი განათლება შენო-ვიტანე ჩვენს სოფელში: რა ნერგები გინდა რომ მე არ შექონდეს? ისიც უნდა გითხრა რომ ჩვენი სოფლის გლეხობა სხვა გლეხებივით შეუვანებელი როდია! თქვენც არ მომიკვდეთ! აი, თითონ თქვენ დარწმუნდებით რომ ყველა გლეხი ჩვენში — კაცი თუ ქალი, დიდათ პატროსანი, შეგნებული და განათლებულია. ეს იმიტომ რომ.. ქებით ნუ ჩამომართმევ და ჩვენ გებაძავენ, ჩვენ — თავადი-შვილებს. ჩვენგან იძენენ განათლებას, ზრდილობას, პატროსნებას... ხე... ხე... ხე... დიახ, ბატონო შალვა, დიახ...

ევა დააინტერესა სტუმრის გინაობამ და როცა ვახშამი გაათავეს, მამას ჰკითხა:

— მამა ვინ არის ეს ყმაწვილი და რისთვის მოსულა ჩვენსა?..

ბეჟანმა ხმა გააწყვეტინა და უთხრა: შენი საქმე ეს არ არის და მეორეთ არ მკითხოვო.

X

მეორე დღეს ბეჟანი, გრძელზე გრძელი ბოდის შემდეგ, სადღაც წავიდა; შალვა მარტო დარჩა. ეს გარემოება ერთობ სასიამოვნოდ დაურჩა მას.

ევამ შეატყო რომ სტუმარი შორს იქერდა თავს და თითონაც შორიდებულად იქცეოდა, თუმცა ძალიან დაინტერესებული კი იყო მისი გინაობით.

შალვა წინგს კითხულობდა და თითქმის მთელი დღე ოთახში იჯდა. ხშირად კითხვას თავს შიანებებდა და რალაცაზე ოცნებობდა. ის ისე იყო გატაცებული თავის საქმით, რომ ვერც კი ამჩნევდა ლამაზი ევა იყო მისი სადილის მიმრთმევი, თუ წირპლიანი გოგო.

— ვილაც არის, ან ერთიანად დაუმონებია თავის საქმეს, ან და ერთობ გაუთლელი ვინმე უნდა იყოს, — ფიქრობდა თავის გულში ევა.

— ნეტავი რა საქმე უნდა ჰქონდეს? აშკარად ეტყობა, რომ რაღაც უჩვეულო საქმის გამოა ჩამოსული! ეს ნათესაობა რომ მოჩმახა მამაჩემს, ესეც რაღაც მოსაზრებით უნდა იყოს ნათქვამი:

სალამოზე ბეჟანისას ერთი კაცი მოვიდა და ევას უთხრა: ~~ჩემი~~ სტუმარი მაჩვენეთო.

ევას გაუკვირდა ამ კაცის ასე თამამად მოსვლა; იცნო რომ იგი მათი სოფლის გლეხი იყო, მაგრამ ასეთი სითამამე მისი მხრივ რაღაც უჩვეულო იყო. როცა ევამ ჰკითხა, თუ საიდან იცოდა მან ვინ იყო მათსა სტუმრად, გლეხმა ბეჟანზე მიუთითა—მამათქვენისაგან ვიცოდა და თან რაღაც იდუმალის გამომეტყველებით გაიცინა.

შალვა ამ გლეხს დიდის ხალისით შეხვდა, შორიდან შესცინეს ერთმანეთს და ისე შეხვდნენ, როგორც ახალი მეგობრები.

ევას გაუკვირდა შალვასაგან ასეთი გამოცოცხლება. „მერე როგორ შეგნის გამხიარულება“—გაიფიქრა მან.

შალვა თავიან-ფეხებიანად გამხიარულდა, გამოცოცხლდა და თავისი თეთრი კბილებით, მოთამაშე თვალებით და ლამაზად გაშლილის ხელებით მართლაც რომ საუცხოვო სანახავი იყო.

რა უნდა ამ გლეხს, რისთვის მოვიდა ნეტავი?

მოსამსახურენიც ძალიან დაინტერესდნენ: რისთვის მოვიდა ამ ნასწავლ და განათლებულ მათ სტუმართან, იაგორა ნალბანდის შვილი ნესტორა, რომელიც კარგა ხანია ბათუმიდან ჩამოვიდა და მთელი სოფელი მოჟინა იქაური ამბებით. ეს ნესტორა ოთხი-ხუთი წელიწადი იყო ბათუმში და იქ ნავთის ქარხანაში მუშაობდა.

— იცი ბიჭო, — ჩუმათ უთხრა ერთმა მოსამსახურემ მეორეს, — სოფელში ამბობენ, იაგორას ნესტორა ცოციალისტიაო, ბათუმში რომ იყო, ცოციალისტობა უსწავლია.

— რა უნდა იყოს კაცო ეს ცოციალისტობა? ცეკვას ხომ არ ქვია? ცოციალის ცეკვაში იციან.

— რა ვიცი, დალახვროს ღმერთმან! მაგ კი არა, ამბობენ ხელმწიფე და ღმერთი აღარ სწამთ და იმიტომ ქვიათ ცოციალისტებიო — უთხრა მეორემ.

— აი, კაცი ისა ყოფილა მედაჩემმა ღმერთმან!

არც ღმერთი, არც ხელმწიფე! აბა ვინ ვიწამოთ? — იაგორას ბიჭი — ნესტორა? კაი ამბავია შენმა მზემ!

ევა ერთობ დაინტერესდა ნესტორას ამბავმა — ბათუმში ნაყოფია და „ცოციალისტიაო“. ევას არსებაში უცებ რაღაც სასიამოვნო გრძნობამ გაიფლვა და პირზე ღიმილი მოუვიდა.

— ვინ იცის, ეგების ეს ყმაწვილი ახალი თაობის კაცია. — გაიფიქრა მან აღტაცებით; — სწორეთ ასე იქნება! მაშ რად უჭერია ასეთნაირად თავი?

ნესტორი დიდხანს დარჩა შალვასთან, შუადღემაც კი მოატანა.

ევა გაფაციცებით აღევნებდა მათ თვალყურს და გული სიამით უცემდა. „სწორეთ პრაპაგანდისტია“, — ამბობდა იგი და თან უკვირდა — „როგორ მოხდა, რომ იგი მამაჩემმა მოიპატიუა?“.

ევას საკმაო წარმოდგენა ჰქონდა ახლად დაწყებულ სახალხო მოძრაობაზე, მართალია, ბევრი რამე მისთვის ბნელეთით იყო მოცული, მაგრამ მის მაინც კარგად იცოდა, რომ სოციალისტები უპირველეს ყოვლისა სოფლებს კვლევებს აკავშირებდნენ თავადების საწინააღმდეგოთ.

და აი, უცებ წას თვალწინ დაუდგა ერთგვარი შეუსაბამობა: თუმცა ვალა-რიბებულის, მაგრამ მაინც საკმაოდ მდიდარი თავადი მამამისი—ბეჟანი—მთარ-ველობას უწევს და თავის სოფელში მიუძღვის ისეთ პირს, რომლის მოღვაწეო-ბა კიდევ უფრო გააუარესებს ბეჟანის მდგომარეობას.

ან ეგების ბეჟანიც ახალთაობას თანაუგრძნობს, იცის რომ სიმაართლე იმათ მხარეზეა და მზად არის ხელი აილოს ყოველივე იმაზე, რაც მას უკანო-ნოდ და უსამართლოდ ეკუთვნის? თუ ასეა, ევა ბედნიერი ქალია, ვინაიდან ასე-თი კეთილი მამა ყოლია. ევას საშინლად ასიამოვნა ამ აზრმა და ერთგვარი სიამაყის გრძობამაც კი გაუბრინა ტანში.

ეს ის დრო იყო როცა, ჩვენში პირველად ამოაშუქეს განმანათავისუფლე-ბელი მოძრაობის სხივებმა, საუკუნეთა განმავლობაში ქედმოხრილმა მშრომელ-მა კერამ სიამოვნებით ამოისუნთქა და იმედის უსაზღვრო ზღვა ატივტივდა მისი თვალების წინაშე.

ყველაზე ადრე და თან ყველაზე უფრო ალტაცებით მოსწავლე ახალგაზ-დობა მიეგება ამ ქვეყნის განმაახლებელ სიოს და უნივერსიტეტებიდან მოკი-დებული პროვინციების უკანასკნელ გიმნაზია—სემინარიებამდე ათრთოლებუ-ლის გულით გადაეშვა ახალი ცხოვრების ტალღებში.

ევას საპატიო ადგილი ეჭირა გიმნაზიის ამობოქრებულ შეგირდებ შორის. იგი ყრუთ გრძობდა, რომ „ერთობა“ ხალხისათვის ბედნიერებას მოასწავებდა: თუ რაში უნდა გამოხატულიყო ეს ბედნიერება, მან გარკვეულად არ იცოდა, ვერც დალაგებულ მსჯელობას გამართავდა ამის შესახებ, მაგრამ... სხვები მხიარუ-ლობდნენ და მასაც უნდა ენხიარულა... საერთო აღფრთოვანებას როგორ გა-ნოეთიშებოდა!

XI.

მეორე დღეც წინანდელსავით გაატარა შალვამ. საღამოზე კი კარგა შე-ღამების შემდეგ, საჭირო საიდუმლოების დაცვით, საღამოც გაყვა ხელახლად მოსულ ნესტორას და შუალამემდის შინ არ დაბრუნებულა. ამ გარემოებამ სრულიად დაარწმუნა ევა, რომ შალვა გლეხებში „საჭადაგოდ“ იყო ჩამოსული.

ევა გულის ფანტქალით დადიოდა ყველა იმ კრებებზე, რომელსაც საი-დუმლოთ ახდენდნენ მოწინავე შეგირდები. ასეთ კრებებზე თითქმის ყოველთვის ესწრებოდა თითო ოროლა გარეშე პირი: მათი ვინაობა არც ისე ადვილად გასამედავენებელი იყო. მათი პიროვნება ერთმა ან ორმა შეგირდმა იცოდა, ხო-ლო დანარჩენი მოსწავლენი მარტო ვადარქმეულ სახელებით იცნობდნენ მათ. ერთს ვანოს ეძახდნენ, მეორეს ანდრიას.

ვანო შესანიშნავი მოლაპარაკე იყო, მოწაფე ქალების სიტყვით, მას „პირ-დაპირ ოქრო მოცვივოდა პირიდან“. ანდრიაც საშინელის გატაცებით უხსნიდა

შეგირდებს სხვადასხვა საკითხებს, ის ისე გულწრფელი და თავდავიწყებული იყო, რომ მოსწავლენი ერთიანად იზიბლებოდნენ და არც ერთი მისი სიტყვა არ იკარგებოდა.

კრებები საიდუმლოდ ხდებოდა, ხან ერთ ბინაზე და ხან მეორეზე. შეგირდები უაღრესად შეხაროდნენ იმ დღეს, როცა წრეში მეცადინეობა ჰქონდათ.

ევაც საშინლად იყო ამ კრებებით დაინტერესებული. მისი ნორჩი არსება რაღაც ახალ, ამამაღლებელ და განმაახლებელ სიოს ბერვას გრძნობდა ამ საიდუმლო მეცადინეობაში. რვა წელიწადზე მეტი დაჰყო ქალაქში, ბევრი რამ ისწავლა — საშვალო სასწავლებლის კურსი დაასრულა, მაგრამ არ ახსოვს, რომ რომელიმე ახალი ცოდნის შეძენას ასეთ ნაირად ემოქმედოს მის სულსა და გულზე.

რა მშრალად და უსულგულოთ გადასცემდნენ ხოლმე მას სახაზინო მასწავლებლები სხვა და სხვა გვარ ცოდნას!

რამდენი სიცივე, უგულობა იყო მათ ნათქვამში; პირდაპირ შეაძულეს ევას მეცნიერების ტაძარი...

— როდის იქნება რომ თავს დავახწევ ამ უსულ-გულო ადამიანებსო, — ლაპარაკობდა ევა.

და აი სრულიად მოულოდნელად მან დაინახა, რომ თურმე სწავლება სხეანაირათაც შეიძლება: თბილის გულით, საქმის უსაზღვრო სიყვარულით და შეგირდის გულში ჩაწვდომით.

გიმნაზიის გულ გამოფიტულ მასწავლებელთა გარდა, არიან თურმე ისეთნიც, რომელთაც მთელი თავისი არსებით სწამთ რასაც ლაპარაკობენ, სისხლსა და ხორცში აქვთ გამჯდარი ყოველივე ის, რასაც სხვას ასწავლიან და ყოველ წუთს იმაზე ოცნობობენ, რომ თავიანთი სათაყვანო იღეა სხვასაც შთაუნერგონ და შეასისხლბორცონ.

რამდენი რწმენა, რამდენი ალტაცება იყო ჩაქსოვილი ამ ახალ მასწავლებელთა სულსა და გულში!

როცა ევა თავის სახაზინო მასწავლებლებს ვანოსა და ანდრიას შეადარებდა, ერთის მხრივ თვალწინ დაუდგებოდა კობტად მორთული, გადავარცხნილ-გასპეტაკებული, ფოლაქებ ბრჭყვიალა და სერთუკებში გამოსკვნილი არსებები, რომელთა მთელი ყურადღება გარეგან მორთულებაზე წასულიყო, ხოლო გული კი ერთიანად გაცივებოდათ და განოფიტოდათ.

მეორე მხარეზე ევას გონების თვალს ეხატებოდნენ შავბლუზიანები, ღარიბულად ჩაცმულნი, უწესრიგოდ თმებ დაყრილი ახალგაზრდები, რომელთა არსებაში შეუჩერებელი სცემდა სიცოცხლე და დაუშრეტელი სიყვარულის ნაკადული.

ერთის მხრივ უსულგულობა, ძალდატანებითი მუშაობა და სიცივე, ხოლო მეორეს მხრივ სიცოცხლის ფეთქა და ამყვავებელი სითბო.

ამ წრეებში მეცადინეობის სიომ განმაახლებელ ტალღათ დაჰბერა მოწაფეებს და ბევრ მათგანის გულში გააღვია ჯერ გაუფუჭკენელი ადამიანური გრძნობები... შეუჩინევლად გაცხოველდა მათ შორის: ამხანაგური გრძნობები,

ერთმანეთის გატანა და პატივისცემა, ძმური და მეგობრული დამოკიდებულება, გაცხოველდა გონებრივი მუშაობა.

- რა კარგი საგანი ყოფილა პოლიტიკური ეკონომიკის შესახებ!
- ვინ არიან ბელტოვი და მიხაილოვსკი?
- რა შინაარსიანია ევდოშვილის ლექსი!
- რა კარგი წერილია „ქვალში“ მოთავსებული!
- სად მომხდარა ტერორისტული აქტი?
- მე ამდენი წიგნი წავიკითხე!
- მე კი ამდენი!

ხშირი იყო ასეთი ლაპარაკი.

როცა ევამ გიმნაზია დაასრულა და სოფელში წამოვიდა, საშინელი გულის ტკივილი იგრძნო.

მას უთხრეს: ახლა სოფელშიაც ბევრგან ხდება ასეთი კრებებიო, მაგრამ „აბა ჩვენ სოფლამდის რამ უნდა მიადწიოს“ სთქვა მან წყენით.

„მოდო, მე დავიწყებ ქადოგებასო, — ხანდიხან იფიქრებდა იგი, მაგრამ ეს ფიქრი მიუწვდომელად ეჩვენებოდა, ამდენი გამბედაობა მასში არ იყო.

და აი, დღეს ხედავს, რომ მის სახლში დაბინავდა ეანოსა და ანდრია-სებური პიროვნება. იგი აქ, ნამდვილ მშრომელ ხალხში, დაიწყებს იმ თესლის თესვას, რომელმაც უნდა გამოიღოს მთელი ქვეყნიერების განმაახლებელი ნაყოფი.

ამიტომ იყო რომ ევას საშინელის სიმძლავრით აუტოკდა გული და შალვას პიროვნებამაც ერთიანად დააინტერესა იგი.

ეხლა კი მიხვდა ევა, თუ რად არ აქცევდა მას შალვა განსაკუთრებულ ყურადღებას.

— ასეთი დიდი და წმინდა საქმისათვის მოსულა და რა გასაკვირია, რომ ყურადღება არ მომაქციოს. ქალებთან ფუქსავატობა არ შეშენის ასეთი იდეალების მატარებელსო, — გააფიქრა მან.

XII

შალვაზე წმინდა ადამიანი, მასზე სათაყვანო და სადიდებელი პიროვნება ამ უამად ევასათვის მთელ დედამიწაზე არ არსებობდა:

სიმართლისათვის მებრძოლი.

ტვირთ მძიმეთა და მაშვრალთა მოსარჩლე.

დიად აზრთა და გრძნობათა წყარო...

მეორე დღეს ევა მთვრალივით დადიოდა... ხან გარინდებული იყო, ხან იცინოდა, მხიარულებდა, დარბოდა... ხანაც თვალებს მინაბავდა, ჩაჩუმდებოდა და რაღაცაზე საამუჟრად ოცნებობდა... ოცნებობდა ტკბილად, ქალიშვილურის გატაცებით, წმინდა გრძნობით მიქლემილი...

მთელი დღის განმავლობაში შალვა რამდენჯერმე გამოვიდა აივანზე. არც ერთი ეს გამოსვლა ევას ყურადღებას არ გამოპარვია და ყოველთვის აღტა

ცების ცეცხლით აუბილპილდებოდა ხოლმე ლოყები. მაშინვე შიჩუმდებოდა, ლაპარაკს უკლებდა და სიცილს შეაჩერებდა, — უსაქმო და უსურსებოდ არ ჩამთვალოსო, ის ხომ „იდეური კაცია“ და ადამიანის სიმშატეს ვერ მოითმენსო.

ევას გამხიარულება ყველას თვლაში მოხვდა, ასე აღტაცებული ის კარგი ხანია არავის ენახა.

— ეს ახალგაზრდური სისხლის ჩუბჩუბიაო, — სთქვა ბაბუამ და ღრეჭით გაიხედა იმ ოთახისაკენ, სადაც შალვა იყო.

ევამ შეამჩნია ეს ღიმილი და შეურაცხყოფა იგრძნო. უნდოდა რაიმე სასაყვედურო ეთქვა ბაბუასათვის, მაგრამ თავი შეიკავა. ბაბუა დავითს ვებერთელა ყალიონი ეჭირა ხელში და ზარმაცად ლოკავდა მის ტარს. თან დრო გამოშვებით გაფურთხების შემდეგ გრძელ და გამოყვითლებულ უღვაშებს ისწორებდა.

უღვაშებზე მოსეირნე ბაბუას გაძვალ-ტყავებული ხელი ზარმაცად შეჩერდებოდა ხოლმე ვებერთელა გაყვითლებულ ცხვირზე, რომელიც არწივისებურ გამომეტყველებას აძლევდა მოხუცის სახეს.

ბაბუამ კიდევ განაგრძო თავისებური ლაპარაკი, რითაც მაყურებელთა სიცილი გამოიწვია. ევამ იგრძნო, რომ ეს სიცილი მას და შალვას შეეხებოდა და კიდევ უფრო ნაწყენმა, საყვედურით ჩაილაპარაკა:

— ყოველგვარი წმინდა გრძნობა აქ ყოველთვის შებლალული ყოფილაო, — და ბალისკენ გასწია.

თავად ბეჯანის კარმიდამო, რომელიც მაღალის და თითქმის გარდუვალის წალამიან მესრით იყო შემოთარგლული, საკმაოდ დიდ ადგილს შეიცავდა: მშვენიერი ხეხილის ბაღი, ვებერთელა ზვარი, რამდენიმე ქცევა საყანე მიწა, კარგი ძალი ტყე, საძოვარი მინდორი..

ევას მარტო ამ ადგილმომშლისათვის უყვარდა მამის სახლ-კარი და ეხლაც სიამოვნებით მიაშურა თავის საყვარელ კარმიდამოს. კარგა ხანს იხეტიალა ბაღნარში, ბევრიც იღულუნა და იოცნება.

ერთ ადგილას ვერ გაჩერებულყო, მთელი ტანი უთრთოდა, ყოველი წერტილი უცახცახებდა და სიხარულით სული ეგუბებოდა. ყოველ წუთს შალვა ელანდებოდა და...

ბაბუას შენიშვნაც ყურებში უწიოდა.

„ახ, ნეტავი მართლაც!..“

ევას უნდა ეს ფიქრი ბოლომდის განავითაროს, მაგრამ სცხვენია, „იდეური ადამიანის შესახებ ასე როგორ ვფიქრობო“ ამბობს თავშეკავებული...

ის ჩიტუნისადავით მიფრთხილებს ბაღის ერთი კუთხიდან მეორისაკენ, ხეხილებს ათვალთვრებს, ვენახებში დარბის და უცებ...

ოჰო, საშინელებაჲ! როგორ მოეწამლა მთელი არსება!

მის წინაშე იდგა ნახევრად წასაქცევად გამხადებული კარავი აქ სამი წლის უკან ასე ხეტიალის დროს საშინელ რამეს შეესწრო: მიუახლოვდა თუ არა, დაინახა, რომ ბიძა მისი საჩქაროდ გამოვიდა იქედან და ვენახებში შე-

ინალა. ზიძიაო — უნდოდა დაეძახა ევას, მაგრამ ამ დროს კარავში დაინახა თაეისი დედა, რომელიც ტანისამოსს ისწორებდა და ერთიანად გაწითლებული იყო...

ბიზ...ი...ი...ი...

ევა მიხვდა რაშიაც იყო საქმე. მაშინვე თოფნაკაეივით გაშორდა იქაურობას, მას აქეთ ის ამ ადგილს სიახლოვესაც კი არ მიკარებია...

და აი, დღეს, ტკბილ ოცნებაში გართული, მოულოდნელად ამ საზარელ ადგილზე გაჩნდა!

ნეტავი მიწა გახეთქოდა და ეს ადგილი არ ენახა!

აკი ამ კარავმა იყო, რომ მოწამლა მთელი მისი ახალგაზრდობა, შეაძულა სიცოცხლე, დედა, მამა და სადღაც გადაკარგვაც კი აფიქრებია!

ნუ თუ ასე შეუბრალებელია ეს ბედი, რომ აგრე უღმობელად სდევნის ევას და ნებას არ აძლევს ინეტაროს, დაივიწყოს საშინელი წარსული და ახალ ტალღებს დაეწაფოს!

— ოო, წყეულიმც იყავ აქაურობავ, — თითქმის წამოიკივლა მან და დაშხამული გაიქცა სადღაც.

სწორეთ ამ სამის წლის უკანაც ასე განგმირული გაშორდა იგი ამ საშინელ ადგილს.

ტკბილი აწმყო ერთიანად დააფიწყა ამ მოგონებამ: ერთხელ კიდევ ზიზლით მოაგონდა დედაც, ზიძაც, მამაც, ბაბუაც, მთელი სახლობა და ცრემლმორეთლმა სასოწარკვეთით დაუწყო ცქერა მზის დასავალს.

მოშორებით მალლობზე გლახთა ნოსახლეობა განოჩნდა. ქოხმახები, ეზოები, ბუხრისთავები, ზვინები.

აი აქ, იმ ადგილას, გლახებში, წუხელის შალვა დრუბელიანი ახალ აზრებს ქადაგებდა, ახალ თესლს თესავდა...

ევამ იცის რა ნაყოფს გამოიღებს ეს თესლი!..

რავდენ იმედს, რავდენ აღტაცებას და აღრფთოვანებას გამოიწვევდა იგი!..

იცის რომ ამ ქადაგების გაგონების დროს ყოველივე წმინდა ძალუმად აფეთქებოდა ნაყურებლების სულსა და გულში...

სიამოვნებით ათრთოლდებოდა ობოლი გული და ბრწყინვალე მომავლის თვალწინ დასახვა განუზომელ აღმაფრენას მოგვრიდა მას.

ბედნიერი ადგილი, ბედნიერი ყური!

აქ კი...

ოხ, საშინელო ადგილო!

განა აქაურობას აატოკებს რაიმე წმინდა გრძნობით!

განა ჩქეფდება აქ ვინმეს გული მაღალის გრძნობით?!

— ოოოხ, უბედურო ჩემო ბედო, სად გავიზარდე? ვისი შვილი ვარ? ვინ მაწოვა ძუძუ, ვინ ჩამიდგა პირში სული? ვისი სისხლი და ხორცი ვარ? ოოხ, წყეულიმც იყავ აქაურობავ?

— დაიწყევლე უკუნითი უკუნისამდე აქაურო ხევ... ქვავ... ადაზიანო!. ჩემო დედავ,.. ჩემო მამავ!.. ყველავ!.. ყველავ!..

— იქ, იქ იფურჩქნება განახლების კოკორი!.. იქ ცემს ახალი ცხოვრების ტალღა!

— იქ, იმ ისლით დახურულ ქოხებში იწყება ჯერ უნახავი, ჯერ განუცდელი ცხოვრება!

— იქ იქადაგა ნუგეშის მესიამე.

— იქ გაისმა თავისუფლების პირველი ხმა.

— იქ ირწყება უცხო ქმნილების აკვანი!..

— გაუმარჯოს აქაურობას...

— გაუმარჯოს!.. გაუმარჯოს!.. გაუმარჯოს!..

XIII.

ზაქარია ილაშვილის სახლს ოცზე მეტი სტუმარი წვევოდა.

შავ კედელთან მიდგმულ გრძელ მაგიდაზე კარგა მოზრდილი ჭრაქი ლაპლაპებდა, მისი ალი ბლომად ავრცელებდა ქვარტლს ჰაერში.

ჭრაქის გკერდით ელაგა რამდენიმე „ბოხოხის“ ქუდი, — ზაფხულის სიცხის გამო მათი თავზე ხანგრძლივი დახურვა არც ისე იოლი საქმე იქნებოდა.

სტუმრები სულ განაბული ისხდნენ ჩაშავებულ ტახტებზე და ვიღაცას ელოდნენ. ორ ათეულზე მეტი კაცი იყო ამ სახლში, მაგრამ კარგი დაკვირვებული თვალი იყო საჭირო, რომ ყველა მათგანი გაერჩია: ჭრაქის სინათლე ოდნავათაც ვერ აღწევდა ჩაბნელებულ კუთხეებამდის. მხოლოდ ყალიონის „ჩხუტუნზე“ თუ მიხვდებოდი, რომ ჭრაქის ახლო მჯდომთა უკან კიდევ იყო რამდენიმე გლეხი.

საერთო სიჩუმეს ისევ მასპინძელი — ზაქარია — არღვევდა.

— უკაცრავათ კი ვარ... თქვენ იცით რასაც არ დამძრახავთ, — ბოდიშობდა იგი წამდაუწუმ კეფის ქექით.

— კაი თუ ღმერთი გწამს, ჩვენ ხომ მაგისათვის არ მოვსულვართ.

ბავშვები კარგი ხანია დააძინა დიასახლისმა სახლის უკანა კედელზე მილობილ „სამხად“ განყოფილებაში; თითონ იგი დრო გამოშვებით გამოყოფს თავის უკანა კარებიდან და ხან ერთ გლეხს აწვდის ყალიონისათვის მუგუზაღს და ხან მეორეს.

გლეხებს დიდ ხანს არ უცდიათ: მალე ვიღაცამ კარებს დაურიხუნა, ზაქარია წამსვე მივარდა და კარი გააღო. პირველად შემოვიდა ნესტორა, რომელსაც დავალებული ჰქონდა კრებების მოწვევა, ბინის მოძებნა და „მოქადაგის“ მოყვანა.

— მობრძანდით, ბატონო, მობრძანდით, — მიალაპარაკა ზაქარიამ შალვა ღრუბელიანს, რომელიც ნესტორას შემოყვა.

ყველანი ფეხზე წამოდგნენ და მოწიწებით მიესალმნენ ახალ მოსულებს.

— დაბრძანდით, ამხანაგებო, დაბრძანდით, — ღიმილით სთქვა შალვამ და ყაბალახის გადაძრობის შემდეგ ყველაზე ადრე თითონ დაჯდა.

ზაქარიას უნდოდა განსაკუთრებით მომარაგებული ტაბურეტის სკამი მიერთებია შალვასათვის, მაგრამ შილვა პირდაპირ გლეხებში მოთავსდა.

ის ჩოხა-ახალოხში იყო მორთული და თავზე ყაბალა ან ქუჩა მოყვანილ ბეჭებს და მოხდენილ ტანადობას შესანიშნავად უხერხულა ჩერქეზული მორთულობა.

— სხვა, ამხანაგებო, როგორ მოგეწონათ ჩემი აზრები? თუ მოგვემატა ვინმე, ან დაგვაკლდა? ამბობდა შალვა და ღიმილით აცქერდებოდა ყველას.

ის ცდილობდა ყველასათვის ახლობელი და სანდო პირი ყოფილიყო, ცდილობდა დამეგობრებოდა მათ.

მისი უბრალო ლაპარაკი და ასეთივე მოპყრობა მართლაც კარგ შთაბეჭდილებას ახდენდა გლეხებზე, მაგრამ ხმა მაინც არავინ ამოიღო, ყველანი სდუმდნენ, თუმცა ყველას ლაპარაკი უნდოდა.

— ეგების გაუგებარი რაიმე ვსთქვი და კიდევ ახსნაა საჭირო, ან ეგების თქვენ რომ გინდათ, იმაზე არ მილაპარაკნია!.. მითხარით ყოველივე, ამხანაგებო, ნუ მომერიდებით, მეც თქვენსავით უბრალო ადამიანი ვარ, მამაჩემიც თქვენისთანა გლეხია, მე სწორეთ ასეთ სახლში ვარ დაბადებული და გაზრდილი.

— ღმერთმა დიდი დღე მოგცეს, გიცხონდა მშობელი, ღმერთმა გადღეგრძელოს, — გაისმა გლეხებში.

— თქვით, ძმებო, თუ გაქვს ვინმეს რაიმე სათქმელი, — მიმართა ნესტორამ დანარჩენებს.

— მე... ჩემდა! თავად არაფელი მაქვს სათქმელი. ყველაფერი კარგად ბძანეთ, ყველაფერი მომწონს...

— მეც, მეც... გაისმა ირგვლივ.

— ყველაფერი კაი ილაპარაკეთ, ბატონო, ყველაფერი მართალია... ყველაფერი ჩემი თვალთ მინახავს...

— დიახ... დიახ... რასაკვირველია... მე და ჩემმა ღმერთმა რო კარგი იყო!

შალვა ამჩნევდა რომ გლეხები სრულიად გულწრფელნი არ იყვნენ, მაგრამ თუ მაინც გაიძახოდნენ ყველაფერი გავიგეთო, ეს იმიტომ რომ არ იცოდნენ რაფერად გამოეთქვათ თავისი აზრი.

— ვერ ვიტყვი ისე როგორც უნდა და სასაცილოდ ამიგდებენო, — ფიქრობდა თითოეული მათგანი.

ბოლოს როგორც იქნა ერთმა გლეხმა გაბედა და ენის ბორძიკით დაიწყო:

— უკაცრავად თუ არ ვიყო... ერთი რამე მინდა ვთქვა. რა ვქნა, უსტავლელი კაცი ვარ და გლახათ ნუ ჩამომართმევთ.

— სთქვი ამხანაგო, სთქვი, რას ქვია ცუდათ ჩამორთმევა.

— ბოდიშს ვიხთი, მარა... ეგება მე არ მესმის, მარა... უსტავლელ კაცს ბევრი არ ეძრახვის... რას იზამ შენი ქირიმე...

ზოსიმეს — ისე ეძახდნენ ამ გლეხს — სირცხვილის გამო ენა უჩერდებოდა.

— ისა... ბატონო, — განაგრძო ზოსიმემ, — ეს მიწაო გვიბრძანეთ... დაგი-
რიგდებათო... ხო... ასე ბრძანეთ ბატონო დაგირიგებენო, სხვას წაართმევენ
და თქვენ მოგცემენო, ასე არ თქვით, ბატონო?..

— დიახ, მართალი ბრძანებაა, სწორეთ მასე ვსთქვი, — დაეხმარა შალვა.
ზოსიმე უფრო გათამამდა.

— ახლა ესეც გვიბრძანეთ, შენი ჭირიმე, სხვას რო წაართმევენ, ეგი სა-
მართალი იქნება? წართმევა... წართმევა... ეგება მე არ მესმის, ვერ გავიგე,
უსტავლელი ვარ, შეუგნებელი... შეუსმენელი... და...

— გავიგე, გავიგე, მიაძახა შალვამ, ეხლავე მოგახსენებთ, ეს ძალიან კარ-
გი შეკითხვაა, ძალიან კარგი... აი, ასე უნდა მკითხოთ ყოველთვის, რასაც ვერ
გავიგებთ, ამხანაგებო, ან რაშიც დაეჭვდებით.

და შალვამ დაიწყო წამოყენებული საკითხის ახსნა-განმარტება. კარგა
ხანს ელაპარაკა, ათასნაირი მაგალითები და საბუთები მოუყვანა თავისი აზრის
დასამტკიცებლად, მაგრამ ყველაფრიდან ჩანდა, რომ ზოსიმე მაინც ვერ დააქ-
მაყოფილა.

— უსტავლელი კაცი ვარ და არაფერი ვიცი, მაგრამ... წართმევა მაინც...
ეგება იმ კაცს ურიის ვალი ოულია და ისე შეუძენია მიწა!.. ეგება მე მაშინ
კაკლის ჩრდილში ვგორავდი, ან და დუქანში ვქეიფობდი... და ახლა მე... წა-
ვართვა?

საზოგადო სულიერი განწყობილება ისეთი იყო, რომ არავის არ უნდოდა
რაიმეში ეჭვი შეეტანა, შალვას ნათქვამი ყოველივე შეურყეველ ქეშმარიტებად
იყო მიჩნეული. ამიტომ შალვას განმარტება ყველამ შეუმცდარ სიმართლეთ
მიიღო.

სულისასა და გულის დამაამებელმა სიომ მოჰბერა, წარმტაცმა ქარმა დაიქ-
როლა, ჭირ-ვარამის გამანიავებელმა გრივალმა აღმოხეთქა და ვინ იქნებოდა
ისეთი, რომ ამ დროს ეჭვიანობით მოეწამლა თავისი სიტკბოება!

თითქმის შუალამემდის გაგრძელდა შალვა ქადაგება; შალვა ლაპარაკო-
ბდა ნელა, გარკვევით და მდაბიოთ, ხალხური ენით. მთელი მისი საუბარი
გადაჭრულებული იყო უბრალო, ყოველდღიური ცხოვრებიდან ამოღებული მა-
გალითებით, რაც ერთობ აინტერესებდა გლეხებს.

— კაცო, რა უსამართლობა ყოფილა ჩვენს გარშემო და ახლობამდის ვერ
შეგვიმჩნევია!

— პირდაპირ თვალები აგვიხილა ამ კურთხეულის შვილმა!

— ღმერთო, შენ მოხედე საწყალ კაცს! ღმერთო; შენ უწინამძღვრე მის
მაწინამძღვრებელს!

— თქვენ რომ გკონიათ არც ისე იოლია ეს ამბავი, — ჩაილაპარაკა თა-
ვისთვის დაეჭვებულმა ზოსიმემ.

კრება ნელ-ნელა დაიშალა. შალვას გარშემო მარტო ნესტორა და სახლის
პატრონი-ზაქარია დარჩა.

— თქვენც აქ ბრძანდებით, ამხანაგო? შეეკითხა შალვა თბელ შალში გახ-
ვეულ ქალს, რომელიც ზაქარიას ცოლის ახლო იდგა.

— დიახ, მეც აქა ვარ! და ამ სიტყვებით ღიმილით ხელი გაუწოდა, ეს ქალი იყო ევა.

ევა კრებაზე მოიყვანა ერთმა მათმა მოსამსახურე გლეხმა შიომ, რომელიც, თურნე, პირველიდანვე ესწრებოდა შალეას კრებებს.

შიო სანდო, კკვიანი და ღვთისნიერი ადამიანი იყო და ევასაც ბავშობიდანვე უყვარდა იგი. ამ გლეხმა მშვენივრად იცოდა თავისი ბატონების! — ავ-კარგი.

— ცოდვილიანი ხალხი ცხოვრობს ამ ეზო-გარემოში, ცოდვილიანი, ხშირად უთქვამს შიოს ევას გასაგონათ და თანაც ისეთი ამოუხვანეშია, თითქოს გული უნდა ამოიტანოსო.

ევას არა ერთხელ ჩაუკთხავს შიოსათვის, რისთვის არის აქაურობა ცოდვიანიო, მაგრამ შიოს არასოდეს არ უთქვამს რაში იყო საქმე.

— გაიზრდები და მეზე შეიგნებო, — მხოლოდ ამას ჩაილაპარაკებდა შიო.

და ეს მართალიც შეიქნა: ევა აშკარად დარწმუნდა, რომ მამამისის ოჯახი მართლაც ცოდვილიანი იყო და შიოსადმი პატივისცემაც გაუძლიერდა: ღვიძლ მამას არ ექცეოდა იგი ისეთის მოწიწებით, როგორც ამ მოსამსახურეს, რომელსაც მთელი თავისი სიცოცხლე ბატონ-ყმობის დროიდან ბეჟანის ოჯახში გაეტარებია და საკუთარი თავი ისე დავიწყებოდა, რომ ცოლიც კი არ შეერთო.

შიომ პირველიდანვე გაიგო, რომ მათ სოფელში ვიღაც „მოქადაგე“ ჩამოვიდა და ისიც, როგორც სანდო და პატიოსანი ადამიანი, გლეხებმა თავიდანვე დაისწრეს კრებებზე.

— ერთი ეს მითხარი, ევა შენს გაზდას, ეს ერთობააო რომ იძახიან, ქალაქებშიაც არის? — ამ სიტყვებით შიომ ტკბილად გაიღიმა.

ევასაც ღიმილი ნოუვიდა, თანაც ეამა, რომ ამ დიად მოძრაობას აქამდის, ამ ყრუ სოფლამდისაც კი მოეწია.

ამ საგანზე ლაპარაკი ევასა და შიოს შორის ამით არ დასრულებულა: შიო შემდეგაც ეკითხებოდა ევას, რომელმაც შეამჩნია, რომ შიოს რაღაც საიდუმლოება აწუხებდა ამ „ერთობაზე“ ლაპარაკის დროს.

ბოლოს, მართლაც, გამოიჩინა, რომ მათ სოფელშიც ჩამოსულიყო „ვიღაც ცოცხალისტი და ერთობას ქადაგობდა.“ ევამ მაშინვე ყურები სცქვიტა.

შიოს პირველად შიში დაეტყო-არ გამცეს ბაბუა მისი ძველი თავადია და მთავრობას შეატყობინებსო.

— ნუ გეშინია, ჩემო შიო, მე არ გაგთქვამ, მე თითონ სოცხალისტი ვარ, გლეხების მომხრე ვარ...

— ვიცო, შვილო, ვიცო, შენ ღვთისნიერი ადამიანი ხარ და საწყალ ხალხს არ უღალატებ, — უთხრა შიომ და მოყვა მოქადაგის ქებას და დიდებას.

— რას ამბობს მაინც, მითხარი, გამაგებინე.

— ყველაფერ კარგს ამბობს, შვილო, ყველაფერს...

ბოლოს ეს საუბრები იმით დასრულდა, რომ შიომ პირდაპირ მიიყვანა ევა კრებაზე და თავისი ყურით მოასმენინა მოქადაგის აზრები.

ევას იქ მისვლა მაინც და მაინც არავის ესიამოვნა: თავადის ქალია და ღმერთი არ გაუწყურეს არ გაგვცეს, თვარა ყველას ციხეებში გამოგვალობენო-

- კაცო, რა უნდოდა ჩვენთან დავითის შვილი შეიღწეო?
- არა, ძმაო, ის ნასტაელი ქალია და მაგისტანობას რაფა იკადრებს!
- დედა ნახე, მამა ნახე, შვილი ისე გამონახეო, — დაუმატა მესამემ.

გლეხებმა მხოლოდ მაშინ შესწყვიტეს ამ საგანზე ლაპარაკი, როცა ერთმა ამხანაგმა გადაჭრით განაცხადა: შიომ მითხრა მაგისტანა ღვთისნიერი ადამიანი გლეხებშიც კი არ გამოინახებო.

შიოს ისიც ეთქვა რომ ევა ქალაქში ერთობის ხალხში ყოფილა და საწყალი ხალხის მომხრეაო.

- ღმერთმა უშველოს, თუ ასეა...
- ერთი ხიდან ბარიც გამოვა და ჯვარიცო, ამბობენ...

XVI.

ევა მოუთმენლად მოელოდა გათენებას.

რას იტყვის შალვა, როგორ შეეყრება ევას?

კიდევ ცივად იქნება, თუ ისე ტკბილად დაუწყებს საუბარს, როგორ წუხელის—კრების შემდეგ?

ევას შიში არ გამართლდა: შალვა აღფრთოვანებული შეხვდა მას და კარგა ხანს ეკითხებოდა, თუ ვის წრეებში უმეცადინია ქალაქში, ვის იცნობს და რომელ მიმართულებას თანაუგრძნობს.

გამოირკვა, რომ ის ვანო და ანდრია, რომელთა ხელმძღვანელობით იწვრთნებოდა ევა, შალვას პირად ნაცნობობის გარდა, მისი ახლო თანამოაზრენიც ყოფილან.

ამ გარემოებამ ძალზე გაახარა ევა. წუხელის მათ შორის გადებული ზნეობრივი თანაგრძნობის ხიდი, დღეს ერთი ორად გამაგრდა და მეგობრობასაც კვიდრი საფუძველი ჩაეყარა.

ევას აღფრთოვანებას საზღვარი არ ჰქონდა, მასავით ბედნიერი არავინ იყო ქვეყანაში: „ახლა კი მიეცა ჩემს სიცოხლეს აზრი და მიზანიც“, — ამბობდა გულში და თანდათან ადგებოდა იმ გადაწყვეტილებას, რომ თითონაც შემდგარიყო იმ გსაზე, რომლითაც შალვა მიდიოდა.

ევა ერთიანად გაიტაცა ხალხის სამსახურზე ფიქრმა, საშინელ ქარტეხილად დატრიალდა მის არსებაში ეს ახალი გრძნობა და დევ-გმირის სული ჩაბერა.

ასეთის ძალით ჯერ ევა არ გაუტაცნია ამ აზრს. მართალია, ქალაქში მან უკვე იგრძნო ამ განმაახლებელი მოვლენის ძალა, მაგრამ მაშინ როგორც ეხლად რწმუნდება, ნამდვილი აზრი და შინაარსი ვერ ჩაუდევს შიგ.

ოო, აქაური კრებები კი პირდაპირ განუზომელის მნიშვნელობისაა!

იქ, ქალაქში, წრეებში მეცადინეობას თეორეტიული ლეჩაქი ფარავდა, სამოწაფო ხასიათი ჰქონდა და უბრალო ლაპარაკით განისაზღვრებოდა.

აქ კი პირდაპირ საქმე კეთდებოდა. ცხოვრების ნამდვილ შვილებთან

ერთად.

თვით ცხოვრების ღერძთან რომლის პირადი მონაწილეობით უნდა მოხდეს ყოველივე ის, რაზედაც მიგვითითებს მოქადაგე.

იქ, ქალაქში, ტვირთმძიმეთა და მაშვრალთა შესახებ შორიდან ლაპარაკობდნენ... აქ კი, სოფელში, ყველა ესენი თვალწინ უდგანან ევას.

— ამათ უნდა განაახლონ ჩვენი ცხოვრება, ამათ, — აღტაცებით ამბობდა ევა, — მეც ამ ხალხის სასამსახუროთ უნდა ვადავდო თავი, მას უნდა დავედო მტლედ. მას უნდა ვენაცვალო, შალვა მასწავლის რაც საჭიროა, მას ამოვუღებ გვერდით

პირდაპირ გაგიყებულს ჰგავდა ახალგაზდა ქალი, ასე გატაცებული და და აღფრთოვანებული არასოდეს არ ყოფილა. ასეთ ნაირად ჯერ არავის აუშუშავებია ევას აზრი და გრძნობა, ასე მძლავრად ჯერ არავისი ხელი შეხებია მისი გულის სიმებს!

შალვაც ერთობ ნასიამოვნები დარჩა, რომ ასეთ გარიყულ ადგილას აღმოაჩინა ისეთი ადამიანი, რომელსაც შეეძლო მისთვის მრავალგვარი დახმარების აღმოჩენა.

მას ერთხელაც კი არ შეპარვია ეჭვი ევას გულწრფელობაში და სრული დარწმუნებული იყო, რომ მის წინაშე იდგა უსაზღვროდ სპეტაკი და პატიოსანი არსება.

ევა რომ გამოიცვალა, გახალისდა და გარდაიქმნა, ეს მთელმა ოჯახმა შენიშნა. თუმც იგი თავს იკავებდა, მაგრამ დრო და დრო ისეთის ძალით იფეთქდა მის არსებაში ეს ხვლოვნურად შეკავებული გრძნობა, რომ ერთიანად სპობდა მისს მოჩვენებით სიმშვიდეს. ეს ცვლილება დედამაც კი შეამჩნია და აღერსით უთხრა:

— შენ რალაც კაი გუნებაზე გხედავ და ის ვილაც სტუმარი რომ მოუყვანია მამაშენს, იმისი ბრალი ხომ არ არისო?

ლაპარაკის კილოზე ეტყობოდა, რომ ევას დედას არ სიამოვნებდა ამ სტუდენტის მათ სახლში ყოფნა. — რა კარგი იქნებოდა, რომ ევა ახლა, ამ ზაფხულს არ მოსულიყო შინ და ის ლამაზი ყმაწვილიც უმისოდ ყოფილიყო აქაო, — ფიქრობდა იგი გულში.

ევას არ ეამა დედის შენიშვნის კილო, — ტუჩები მოკუმბა და წარბები შეიკრა. თანაც უცებ მოაგონდა ამ რამდენიმე წლის უკან ვენახის კარავში ნანახი სურათი და საშინელშა სიძულელიშა შეიპყრო იგი.

XV

შალვას წრე ჩქარის ნაბიჯით იზრდებოდა. ცოტა ხანში მთელ სოფელს მოედო ახალი ქადაგების ამბავი, რომელმაც ძირიანად შეარყია ამ სოფლის მდორე და მიყუჩებული ცხოვრება.

ხმა მალლა ვერას ბედავდენ, მაგრამ სამაგიეროდ დაუსრულებელი ჩურჩული იყო, ჩაფიქრებული აზრთა გაცვლა-გამოცვლა.

უჩვეულო იყო ეს ჩურჩული, ჯერ უნახავი. არვისგან განცდილი!

რუებია, კანცელარიებში მტყუანივით შემალულიყო და დიდით როდი აქცევდა ყურადღებას თავადებისა და მღვდელების წუწუნს.

— კარგი უქნია ვისაც არ უმუშავებია და უსაქმოდ უდგას, — იძახიან ყველას ერთნაირი ქონება უნდა ჰქონდეს, ყველა უნდა გათანასწორდეს მდიდარი და ღარიბიო... მოხედა ღმერთმა ზარმაცებს დოყლაპიებს... მათი დროც დგება... მაგრამ... ვნახოთ.

— ზოგს რო ჰგონია, არც ისე აგვიშვებენ, — იტყოდენ აგერ-ეგერ უფრო ხნოვანი და დაკვირვებული გლეხები. — ასე ჩვენს ნებაზე არ გვათანაშვებენ, თვარა მალე ნახავთო...

— რუს ხენწიფეს ჩვენ კი არა, ხვანთქარმა ვერაფელი უქნაო, გამიგონია...

— მაგრამ ნუ გგონია შენ, — ეტყოდა ამისთანებს ზაქარია ილაშვილი, რომლის სახლშიაც ხშირად იმართებოდა კრებები, — ხალხმა თუ მოინდომა, ეს ქვეყანა ახლა ასე რომ არის, აი ასე გადატრიალდებაო, — და თან გამოწვდილ ხელს ჯერ რომ ხელის გულით ზევით გაშლიდა, მერე უცებ გადაატრიალებდა და ხელის გულს ქვევით მოაქცევდა.

ზაქარია სოფელში ჰკვიან კაცად ითვლებოდა და ბევრს მართლა სწამდა მისი სურათოვანი შედარება ქვეყნიერების გადატრიალების შესახებ.

— ცოტა მომიცადე, ქალო და მალე სულ თეთრი პურით გარჩენ ბალღებიანათო, — ხშირად უთქვამს ზაქარიას ცოლისათვის.

თავად დავითს — ევას ბაბუას, დაწყებული ნოდრაობის ამბავი კარგს ხანს არ გაუმხილეს; მაგრამ, როდესაც ხე და ქვაც კი ალაპარაკდა, მოხუცის ყურამდე თავისთავად მიახწია ყველაფერმა.

— გლეხები ამბობენ: თავადი და აზნაური არ იქნება, ყველა გლეხად იქცევა, სუყველა უნდა გაერთიანდენ... თავადებს მიწები უნდა წაერთვას, მოსამსახურეები არ უნდა ყავდეთ, ხენწიფე არ გვინდაო, წირვა-ლოცვა არაა საჭირო, ნათესაობა არააო... ასე გააცვენეს თავად დავითს ახალი თაობა.

პირველად დავითს არ სჯეროდა და — ალბად მესუმრებიანო ფიქრობდა, მაგრამ ბოლოს ეტვი შეეპარა და ბეჯანი მოიხმო მოსალაპარაკებლად: გამაგებინე კარგად რაშია საქმეო. ბეჯანმა, რომელიც გლეხებთან ლაპარაკში ვითომ მათი თანამგრძნობი იყო, მანასთან ერთობ უნიადაგოდ და სასაცილოდ დახატა ეს მოძრაობა და თან დაატანა:

— ჯერ ეს ამბები არ გაუგია რუს ხელმწიფეს, თვარა იცოცხლე და ვიცოცხლე, მიმა ჩემო, მაგათ დღე დააყენოს, სულ ბუდავალას აძახებს მაგ წუპაკებსო.

დავითს ისიც გააგონეს, რომ ერთი „ბუნტოვჩიკი“ და ხალხის ამრევი შენს ეზო-გარენოშიც კი ცხოვრობს, — ბეჯანმა მოიყვანა, აი ის ლამაზ-ლამაზი ყმაწვილი გახლავს, ხშირ-ხშირად რომ ევას ელაპარაკებო.

დავითმა ამის შესახებაც გამოკითხა შვილს:

ბეჯანი დაბნეულ პასუხს აძლევდა.

დავითს კარგა ხანს ხმა არ გაუღია, ის რალაც უგუნებოდ ათვალთვრებდა

იქაურობას და ბეჟანსაც ზიზღით გადახედავდა ხოლმე, ბოლოს ^{ზევით} წამოდ-
გა და შტკიცედ უთხრა:

— მე იმას არ ვიკადრებ, რომ ეს ამბავი პოლიტიკას ^{ჩაქნებო} მაგრამ
იმას კი ვიზამ, რომ იმ ვაჟბატონს, აი იმას, — და ხელი შალვას ^{ოთახისკენ} გააშ-
ვირა, — ჩემი ხელით ვავაგორებ, ეს იცოდე შენ!..

ბეჟანი გაშრა, ენა ჩაუვარდა.

— წადი, დამეკარგე თვალიდან, — შენ არასოდეს ვაჟკაცი არ ყოფილხარ,
შენში თავადის სისხლი არ დუღს!.. შენი საქმეა ქალების დევნა და პადლოგე-
ბის ჯღაბნა! შენ რო სისხლი გერჩოდეს და ვაჟკაცი იყო, მაგისტანა წუბაკ
გლებებს სიახლოვესაც კი არ წაიკარებდი! ვერც ნასწავლი და ვერც უსწავლი
გლები თავადს ვერ გაუტოლდებ! გლები მუდამ გლები იქნება! შენ კი აქ ვილაც
უღირსი მოგითრევია და ქალიშვილიც კი მიგიჩენია საარზიყოდ!.. სირცხვილი
შენი, დედაკაცო შენა, გლებებშიც ხარ და თავადებშიც! ტფუ, შენს კაცობას,
შე ორპირო, შე ორქოფო!..

ორ სკამზე ჯდები, მაგრამ გნახავ, რომ ორივე აქეთ-იქით გაგეშკეს და
კისერი მოიტეხო!

ბეჟანი გაფითრებული იდგა და თავს იმით ინუგეშებდა, რომ გულში
ფიქრობდა:

— რა იცის ბებერმა, ის ძველი კერპია და მისი დროი გონია! მაგას არ
გაუგონია, რომ დროება გადაბრუნებულია და ძველებურად არაფერი გადის!
ყველას თუ არ აყევ-დაყევი, ისე ჩვენს დროში პურს ვერ ჭამს კაციო.

— მამა ჩემო, მოკრძალებით უთხრა ბეჟანმა მეორე დღეს მამას, — თუ გი-
ყვარდე ცოტა ხანს კიდევ მაცალე, ეგება ევაზე დავწერო ჯვარი... რაღაც ისე
ვატყობ, რომ კარგადაა საქმე და მერე მე ვიცი როგორ მოვატკევიანებ... სასარ-
გებლო კაცია, ამ არეულობის დროს დაგვიფარავს...

დავითი უსმენდა შვილს, მაგრამ ეტყობოდა, რომ მისი არა სჯეროდა
რა, — მეც მატყუილებს და თავსაც იტყუილებს ეს საცოდავიო, — ფიქრობდა იგი.

(გაგრძელება იქნება)..



თეთრი საალო

I

— საით მივდივართ?

— იქით, შენი ქირი მე.

და ახმეტელმა ნაჩაფრალმა ჩრდილოეთისკენ გაიშვირა გაქონილი თითი. ცხენები დავსძარით და პირი კავკასიონის თეთრი ქედისკენ ვიბრუნეთ. შავი ტყით მობურულ შახვეტილას, გომბორის მკლავებსა და ნაქერალას ჩამოგლეჯილ ფერდებს თითქო კბილებით და კლანჭებით ჩაუბლუჯავთ კახეთის გაშლილი კალთა.

კახეთი გათავდა და ლეგენდა დაიწყო: ლაშქარი პარუკულმა დაქედილი ბედაურებით, აგერ ის ბახტრიონი რომ გამოჰგლიჯა შაჰინ-შაჰს ხეპრული ხერხით; მაძლარი თუშები, თავიანთი ნასუქი ყოჩებივით რომ გაფუფებულან; ვაჟაფშაელები, გაპოხილი მიწის საძებნელად არაგვიდან ალაზნისკენ რომ გადმოულაჯნიათ; ტანით და სულით ასვეტილი ქისტები, რუს-კახაკებს რომ პირაქეთ გადმოუყრიათ; დღესაც აბჯარ-დაშნა-ჩაფხუტით შექედილი ხევსურები, ჯერ-ჯერობით ჯაჭვის ხანაში რომ დაბორიალებენ, და თვალცეცია, გრძელ-ჯუბა ჯაყობი, ჯავიდან რომ ჯავარიან პანკისის უბეში შეხიზნულან.

იქ ყველანი და ყოველნი ზღაპრისა და ლეგენდის ხავსით შეხავსულან: თითო ბუჩქის ძირში ბუნდოვანი მითი ფუსფუსებს, პიტალო კლდეზე რაინდული არაკია გაკრული, ხოლო გარინდულ ხეებსა და გალიბულ ქვებზე ჟანგიანი ლურსმანით გალექსილი ეპოსია ამოჭრილი. კლდოვან ქვაბებში ცალთვალა დევები სცხოვრობენ, ხოლო ხევ-ხუვები სავსეა კუდიანი ილბისებით, ტიტველა ალქაჯებით, ოქროსთმიანი მიონებით, რქოსანი ლვირღვებით და ბანჯვლიან ეშნებით, — ქუსლები რომ წინ აქვთ წამოყრილი, პირიდან რომ ცეცხლს ჰყრიან და საკუთარ დაჩვრეტელ მკლავებზე რომ სალამურივით უკრავენ.

მთების ფერდებზე საქონელი და ცხვარი ისე შეფენილა, თითქოს მწვანე ხალიჩებზე ვილაცას ქრელ-წითელი ლობიო და დახალული სიმინდი გაუბნევიათ. უღრანი ტყეები ალაგ-ალაგ შეუკრეჭიათ და შეუპარსავთ. ხშირად მოსჩანს შენაცრული ყავარი, მინგრეული ნიში, დაგლეჯილი კოშკი, საღორის-ოდენა წისქვილი, კვამლის სვეტი და აპენტილი სოფელი. კოკიანი დედაკაცები გაშლილი

ლიმილით გვიხვდებიან და თამაში სიტყვა-სიტყვით გვაცილებენ. სულსუფუნა ბალები ჯოხებს გვიქნევენ და ჟივილ-ხივილით მოგედევნენ. ძაღლის ოდენა ძროხები გაოცებით გვიცქერიან, ხოლო ხევსურული ძროხის-ოდენა ძაღლები ვიწრო ხეობას ყეფით აყრუებენ და უნაგირებიდან ჩვენს გადმოთრევას პლამობენ. და იმ ძაღლებს, ჩვენს საშველად, ხუთნაირი ხალხი მოსდევს— ქვებით, კომბლებით და ყვირილით: ხან ფხოველი, ხან თუში, ზოგჯერ ოსი, ხან ქისტი და ხან ხევსურიც. ოდნავ გვაცილებენ და გვეკითხებიან:

— ქადამჩაუ?.. სადაურ იქნების?.. საით მიბრძანდებ?

მეც თუშეთის მთებისკენ ვიშვერ ხელს და ვეუბნები:

— იქით... ალაზნის სათავეში.

მართლა ალაზნის სათავესკენ მივდიოდით. ხურჯინში მეწყო ჰაბიხის გეოლოგია, ინსტრუმენტები და დიდი რუკა, ხოლო გულში—იმედი სპილენძის და მოწყალე ბედის პოვნისა.

ღამე პანკისში გავათენე. მეორე დღეს ომალოს გავცდი და მახილი-ხორჯაში დავიღამე. მესამე დღეს ისევ გზას შევუდექი. ხეობა დავიწროვდა, ხოლო ალაზანი ისე დაიღია, რომ მისი ჩიფჩიფი ძლივსლა ისმოდა. ისევ იმის კალაპოტს მივდევდით და ბორბალოს მწვერვალს შევსცქეროდით, რომელიც კანკელივით მოსჩანდა უუზარმაზარ მწვანე ტალღებში. მერმე მარცხნივ გადავუხვიეთ. გზა ჯერ გაბილიკდა, მერმე ისიც წაიშალა და დაიკარგა. ხელუხლები ტყე გაულრანდა და ბინდ-ბუნდში ჩაწვა. აღარც სოფელი, არც ხმაური, არც სულიერი.

— ძმობილო, გზა ხომ არ აგვერია?

— დასწყევლა ღმერთმა!—ბუტბუტებს ნაჩაფრალი.—ბარე ხუთჯერაც ვყოფილვარ ამ ტიელ ტყეში. ეხლა კი...

ხან იკუხება, ხან უნაგირზე დგება; ზოგჯერ ცხენიდან ჩამოდის და სადღაც ჯურღმულში იკარგება. მერმე მეორე მხრიდან მაჩვივით ამოდის მიწიდან, თავს იქეჭავს და ნაკვალევს ეძებს. მაგრამ ამაოდ: არც ადამიანის ნატერფალი, აღარც ქაშანი, არც ნადირის ნაფეხარი.

მზეს შევსცქერით და გეზი ჩრდილოეთისკენ გვაქვს. მაგრამ აუვალ ფერდობებს და ხევ-ხუვებს დასავლეთისკენ მიჰყავთ ჩვენი დაღლილი თავები. დაღვარული ცხენები ძლივს-ლა მოათრევენ მოწყვეტილ ფეხებს. ხან ერთი წაიჩოქებს, ხან მეორე წაიბოროძიკებს. მზე დასავალს იყო, რომ ერთ ღრმა ხეობაში ჩავედით.

— რა ვქნა, ეს მგონი ხევის ქალა უნდა იყოს.—ამბობს ჩემი სანჩო-პანჩო.

— ეხლა საით უნდა წავიდეთ?

— აბა რა ვიცი!

არც მე ვიცი. ეშმაკსაც წაუღია სპილენძის მადანი, ოღონდ სოფელს წავაწყდეთ და ღამე ქერქვეშ გავათენოთ.

მშინან. საგზალი არ წამოვიღეთ. სადღაც თუშებთან ვაპირებდით მომარა-

გებას. წყალი დავლიეთ და მეოთხე თუ მეხუთე გოლგოთას შევუღებოთ. თხემზე რომ ავედით, გაოცებულნი შევდექით.



ჩამავალი მზე ფრთებგაშლილ, უუხარმახარ წითელ მარჯვენაში მიექანებოდა თვალხილულ სივრცის გადაღმა. ირგვლივ უსაზღვრო, უდაბური, მწვანე ოკეანე მთების, გორების, გორაკებისა და სერების. ამ ზღვაში თავწითელა ბორბალო ეხლა კუნძულს ჰგავს, უკვე მარჯვნივ წაწეულს, ხოლო კავკასიონის თეთრი გრეხილი—საარაკო ნაპირს, შორეულს, მიუვალსა და გარდუვალს.

ბოლს ვეძებ, მაგრამ არსად მოსჩანს. ძაღლის ყუფა მაინც გავიგონო. არც ის ისმის. ჩვენი ნაფი—ორი კიცი და ორი ცხენი—მწვანე ზვირთის თხემზე დაიკარგა. ღამე მოდის, — შიშით, თრთოლვით და იღუმალეებით სავსე. ღამე უტეხ ტყეში, შუა ზღვაში, ყრუ და უკაცურ უდაბნოში, სადაც არც საფარია, არც მშველელი, — გარდა ბუნაგებისა და მწიფრი ნადირის!

— ღამე აქ უნდა გავათენოთ? — ვეკითხები ჩემს უგზო წინამძღოლს.

— მაშ რა ვუყოთ, უნდა გავათენოთ. — მეთანხმება სანჩო და უკვე ფიჩხს ეძებს. ცხენები საძოვნელად გაეუშვიეთ, კლდის ძირში ცეცხლი ავანთეთ, ნაბდეში გავეხვიეთ და გვერდით მივუწექით.

ჩემს მესაჭურჭლეს ხანჯლის გარდა არაფერი აქვს. მე თითის სიგრძე დანა მიდევს ჯიბეში. თუ ნადირი მოგვეტანა, ნუგუზლებით მოვიგერიებთ. ცარიელ კუჭებსაც ზღაპრებით ვამშვიდებთ.

— იყო და არა იყო-რა, ღუთის უკეთესი რა იქნებოდა.. — დაიწყო პანჩომ და კვლავ გამახსენა ილბისი, ოჩოპინტე, მაძახურა, დევი, ეშმა, ალი და ათასი ავი სული. მერმე პირიქეთელი ქისტები მოშალანდა, პირაქეთ ათასობით რომ გადმოდიან და ყოველი ბუჩქის ძირას იმალებიან. შემდეგ ყაჩაღებიც მოაგონდა. ბოლოს, მგონი თვითონვე შეეშინდა და გაყუჩდა.

ღამე ჩამოწვა, მთის ღამე, — შავი ხავერდით ბნელი და ვერცხლის კურცხალებით დაწინწკლული. თეთრი მთებიდან ყინულის ნიავი მოდის. უღრანი ტყე დელავს. ფუსფუსებს და ღრმა ოხვრით ოხრავს. ქვეით ქოტი გაჰკივის. აქვე ახლოს ფრთოსნები ფართხალებენ. წიფლის კენწეროზე ციყვი ცუღლუტობს. ხევში თითქო დათვი ბუტბუტებს. სადღაც მაჩვი მიწას სთხრის და თანაც თითქო იფურთხება. ცხენები შორი-ახლოს ფრუტუნებენ. ცეცხლი გიზგიზებს.

უცებ გაღმა ხრიალი მოისმა. მერმე საზარელმა ხარხარმა ამოხეთქა, შემდეგ ის გიჟური სიცილი უძირო ხეობას სასოწარკვეთილ ვოდებად და დრტვინვად მოედო. ბოლოს, ის თავგანწირული ვალალი და ძრწუნეა, ხევით-ხევამდე არეკილი, სადღაც წყვდიადში გადაიკარგა.

ციყვი გატვრინდა. ცხენებიც გაინაბნენ. ლულიდან გამოსულმა ნაჩაფრალმა წამოიწია დი წაიბურტყუნა:

— აი, ეშმაკმა წაიღოს შენი წუწკი თავი, აჰა! შენი რავი ამოიჭამე, შენი! ტურა გაჩუმდა. ჩემმა თანამგზავრმა ცეცხლს კუნძები დააყარა, ისევ აბედზე მისდო თავი და ახვრინდა. ცხენები აღარ ფრუტუნებენ. აღარც ქოტის კი-

ვილი ისმის, არც ციყვის ფაჩუნი და აღარც ფრინველთა ბურტყული./მხოლოდ
შენა ტკაცუნებს. ტყე ჩურჩულებს. ნიაფი ფუსფუსებს.
მძიმე ძილი დააწვა ყველას და ყოველივეს.



ქართული
საბჭოთაო გამომცემლობა

* * *

მეორე დღეს კიდევ გადავლახეთ ორი სერი; და მესამეზე რომ ავედით, ისე გაგვეხარდა, როგორც რომინზონს, როცა მხსნელი ხომალდი დაინახა. ჯერ ბოლის სვეტის თავს მოვკარით თვალი, მერმე დიდსა და მწვანე ქვაბს გადავხედეთ. ჩვენს ფეხქვეშ ტაფობი იწვა, ირგვლივ გორაკებით შემოვლებული. შუაში—პატარა სოფელი, ისიც სათიბებით და ნათესებით შემორტყმული. შორეული ძაღლის ყეფა და კვიცის ჭიხინი შემოგვისმა. ჩვენმა ცხენებმაც ჭიხინფრუტუნით გადასძახეს და ნაბიჯს მოუხშირეს. მალე ბილიკს წავაწყდით, ხოლო ნახევარი საათის შემდეგ ტყის ნაპირზე ვავედით.

უცვებ მეხუთე თუ მეათე საუკუნეში გავჩნდი. იქვე—გაუთლელი ლოდებისგან ახუხულებული, საქათმის-ოდენა ნიში. გვერდით—დროშა, ახოვანი მედროშე და ასი წლის დეკანოზი თუ ხევისბერი. დროშისა და დეკანოზის წინ—რკინით შეჭედილი ოციოდე ლანდი „ჟამა წარსულთა“: ჩათხუტებით, პერანგებით, სამკლავეებით, სამუხლევებით, მრგვალი ფარებით, დიდი დაშნებით, ბუნგრძელი შუბებით და ბუნმოკლე სათხედებით. ირგვლივ—ჭაბუკები და ყრმები, ისინიც ხანჯლებით, შვილდ-ისრებით, კაპარჭებით, ხის მუზარადებით, კაჟიანო თოფებით და გრძელი ხმლებით, რომელნიც ტანმორჩილ ბაღლებს მიწაზე დასთრევენ. შორიახლოს დედაკაცები იდგნენ. ცოტა მოშორებით რამდენიმე ცეცხლი და ბოლ-ორთქლში გახვეული უუზარმაზარი ქვაბი.

დეკანოზი თუ ხევის ბერი სამწყსოს არიგებდა:

— აი, ხალხნო: ვინაც იშუღლებო, წინ-წინ შულლა გამხდელს დაგაკვლევთ კურეტს. ხანჯრის დამკრავს—კურეტს, სათითოთ მცემელს—ვერძს, ცალე ხელით მცემელს—ცხვარს. იცოდეთ ყველამ...

ცხენები ხის ძირში გვეყვანდნენ შეყენებული. ძაღლები ყეფით გამოქანდნენ. ძაღლებს პატრონები დეედევნენ,—საჭურველის ჟღარუნით და „ჰაი-ჰაის“ ძახილით.

— გამარჯვება, ხევსურებო!—მივაძახე.

ხევსურები ისე აირივნენ, თითქო ციდან სულაერი ჩამოვარდაო. ჩოჩქოლი და ჩურჩული ასტეხეს. ზოგნი კი ჩვენსკენ გამოიქცნენ.

— გიშველას გამარჯვებულმ

— წყალობა მაგვიტანე მგზავრის ანგელოზისა, წყალობაი!

— თუ ქრისტიან მოყვარ იქნების, მოგვიხ მშვიდობით. ჯვარიონ გვაქნ, ჯვარიონ.

— ქართველ იქნებივ თუ ურჯულოი?

კითხვა-სალამს ერთმანეთზე გვაყრიან. მაგრამ მე პასუხს ვერ ვაძლევ. ჩემი თვალი და გულისყური ერთმა ახოვანმა რკინის კაცმა მიიჯაჭვა. დინჯად მოდის და მაშტერდება. ფარიანი ხელი დაშნის ვადაზე აქვს დაყრდნობილი. მეორე ხელით ჯაჭვის პირსაბურავი აუწევია. ვხედავ იმის ლომურ პირისახეს

რკინის ჩარჩოში ჩამჯდარს, და ლომის კუდის-ოდენა ქერა უღვავებს, ყურებამდე რომ სწვდებიან.

— „ღმერთო ჩემო, — ვფიქრობ და ვიღიმები, — ის აბნის! ანუ თუ მართლა?.. ვითომ?“ — და მგლური კბილები რომ გააეღვას, ისევე მისი კბილები: — ჯურხა! ძმაო ჯურხა!

— მე ვარ, ვაჟიკავ, მე!

და დათვური ბაჯბაჯით გამოიქცა. ფეხი მიწაზე აღარ დამადგმევინა: რკინის მკლავები მომხვია, შერკინულ მკერდზე მიმიხუტა და გაოცებულ ცხენიდან წისკვილის მსგავსი რახუნ-რახრახით გადამიტაცა.

II

თხუთმეტი წლის ჯურხა ოდესღაც ისე შემოვიდა დედა-ქალაქში, როგორც იმ მნათობიდან ამ ქვეყნად ჩამოვარდნილი სულიერი: ხევსურული სირმებით დახაზული, ჯვაროსნული ჯვრებით დაწინწკლული, თხემით-ტერფამდე გაპოხილი, მბზინავი და ბავშვური გაოცებით გატენილი. ხელში სქელი კომბალი ეჭირა, წელზე — გრძელი ხანჯალი, ცერა თითზე — კბილებიანი საცერული — „ლაჯია“, და ზურგზე — გუდა, ხოლო გუდაში — გაქონილი წიგნები, ერბო, ყაურმა და ხმიალი.

ვერის-ხევს რომ გამოსცდა, უუზარმაზარ ჯვარს წააწყდა. რკინის მოაჯირს გადააღაჯა, ქვის კვარცხლბეკზე აკოცდა და ჯვარს ემთხვია. მერმე ისევ ჩამოცოცდა და გზას გაუდგა. შუა ქუჩაზე პირღია მიდიოდა და გაოცებისგან თანდათან იბანგებოდა. უცებ შესდგა და ფეხებ-წინ ოთხ რიგად გაჭიმულ რკინის ლარებს დააშტერდა.

ღმერთო ჩემო! ჯურხას ხევსურეთში ნალის ნატეხიც კი ენატრებოდა. აქ კი, ამოდენა რკინა დაუყრიათ გზაში. ზოდს დასწვდა და წვალება დაუწყო, თან დათვურად გაუგებარს ბურტყუნებდა. იმავე წამს ხარის ხმა მოესმა. აიხედა და გარეული ზაქივით დაფრთხა: ერთი გაკრიალებული ქობი ეღარუნ-ხრიალით პირდაპირ ჯურხასკენ მოდიოდა. ქობის წინ ვიღაც იდგა და ხევსურს რალაცას უყვიროდა. მთიელი მიტრიალდა და კუნტრუშით გაიქცა. კუთხიდინ უუზარმაზარი ვარცლი გამოვარდა, — ისიც კრიალა და თვლებზე შემდგარი. იმ ვარცლმაც მიქელ-გაბრიელის ღორბოტოსავით დაუღრიალა. ჯურხა დაბორიალდა: ხან ეტლს წააწყდა, ხან ისევ აეტოს შეეფეთა, შემდეგ ცხენოსანს მიეხეთქა. ბოლოს, რელსებზე გაიშალა, ზედ-წამდგარ რონოდას ტლინკები დააყარა და განწირულ მოხვერივით აბლუვდა. ვარცლი და ქობიც შესდგენ. ჯურხა კი წამოხტა, ისევ გაიქცა და თან ხალხის ხარხარი გაიყოლა. მეომე ვიღაც კინტოს ჩაუვარდა მკლავებში.

— ვაჰ, ბნელა? — მშვიდად ჰკითხა კინტომ და მეორეს გადაჰხედა.

— ვის ეძებ, ძმობილო? — ჰკითხა მეორემ.

ჯურხა მიმავალ როდონას უბღვეროდა და მთიულურად სწყევლიდა:

— ჰაი შე უჯილაგოვ!.. შმორო!.. დამპალო!.. ნიავის საღვერაო!.. უჯიშო!

ვირ იყოს შენის მკვდრის უნცროსი, ძაღლ იყოს, ციცაი, ჯორაკაი! სად წამიხოლ? ისე გონავა რო შამაშინებაე?! არ შაგარჩენსაე, არა!

ემუქრებოდა და თანაც კომბალს უღერებდა. მერმე კინტოებს მოუბრუნდა და აპყვა.

რა ღვთისნიერ ხალხს წააწყდა ჯურხა! ყოველივე გამოჰკითხეს და გაიგეს: ჯურხა თავის ბიძასთან ჩამოვიდა, ტოტიასთან, ტოტია წიკლაურთან. მაშ იცნობთ ტოტია მხერხავს?

კინტოები, რა თქმა უნდა, იცნობენ ტოტიას.

— შაგეწივენ ლაშარის ჯვარი, შაგეწივენ!

მაგრამ სანამ ამბის მიმტანს, — „მაწევარს წაღლაღავენ“, თითო არაყი უნდა დალიონ და ხევსურს ძმად უნდა გაეფიცნენ.

მიუხვ-მოუხვიეს და დუქანში შევიდნენ. ჯურხა „აწყალობნებს“ მასპინძელ კინტოებს და წამდაუწუმ ახსენებს ლაშარის ჯვარს, ბარისახოს დროშას, ხევის ბერს, მთავარანგელოზს და ხევსურთა წმიდანებს — ხატებს, ნიშებს და საფიცვარს.

სასაფლაოზე გამოელევიდა. აღარც მასპინძლები სჩანდნენ, არც გატენილი გუდა. ერბო რა დასანანი იყო, მაგრამ გაქონილ-დაფლეთილი „დედა ენა“ და „ბუნების კარი“ სადღა იშოვნოს ხევსურმა!

— შმორო! უჯიშო! ნიავის საღვერაო! ვირ იყოს თქვენი მკვდრის უნცროსი, ციცაი, ჯორაკაი! სად წამიხოლო, სად? ისე გონავა რო შაგარჩენსაე?!

ის დღე და ღამე დედა-დაკარგულ კვიცივით იბორიალა. მერმე მე წამაწყდა. მხერხავი ტოტია მტკვრის ნაპირზე ვიპოვნეთ. ერთ სამხერხაოში დარაჯად ჰყავდათ. ისე მიეგებნენ ერთმანერთს, თითქო ერთი დღის უნახავნი იყვნენო: დინჯად, მშრალად, გულგრილად. მრავლად მოიკითხეს ნათესაეები: მინდია და გაგა, აპარეკა და ბაიკა, წიქა და დათვია, მგელა და ძილუკა, სამძიმარა და თია, ნანუკა და კმარა.

ტოტიას კაცი შემოაკვდა და აუცილებელ შურის ძიებას მოეწიდა. გავაქრებულმა მთიელმა ძიძიგურმა შეიკედლა და სამხერხაოს დარაჯობა ჩააბარა. ტოტიამ ჯალაბობაც ჩამოიყვანა: ცოლი იამზე და ორი პატარა ქალიშვილი, — თორმეტი წლის მზექალო და სამი წლის ხათუსა.

ერთ თავგანწირულ ადამიანს ბარისახოში დიაკვნობა ეკისრნა. ჯურხას სწავლის ქავილი გაუჩნდა. იმ დიაკვანს მიებარა და წიგნებს ხინკალივით ჰყლაპავდა. მერმე, საკვები რომ გამოელოა, და ერთი ხევსურიც შემოაკვდა, მგელას გამოეპარა და ბიძა ტოტიას მოადგა.

ხევსურების სული, კილო და ქვეყანა ისევე უცნაური იყო ჩემთვის, როგორც ემარის და კუპერის წითელკანიანები. ამიტომ შევეჩვიე ტოტიას ქოხს. ოჯახის თავი, ჯურხა და იამზე ქალაქშიც არ იცვლიდნენ ხევსურულ ადათებს, კილოს და ტანთსაცმელს. იამზე კვლავ ატარებდა მანდილს, სათაურას, ვერცხლის შიბს, ჯუბას და ქათიბს — „ფაფანაკს“. კოკოშის ქვეშ ბურნუფს ინახავდა, ხოლო ჯუბის ქვეშ — ხევსურული ძროხის ცურის-ოდენა ძუძუებს.

ტოტიას თან წამოელო თვისი სრული საქურქლე: ჯაჭვის პერანგი, პირ-

საბური, ჩაფხუტი, დაშნა, ფარი, შუბი და კაეიანი თოფი ეს საჭურჭლე კედელზე ეკიდა. შაბათობით, როცა დაღამდებოდა, ტოტია იმ რკინულს აისხავდა და ბნელ ეზოში იმ ქვეყნიდან დაბრუნებულ ლანდივით დამპაჟებდა. მთვარის შუქზე რკინის მოჩვენება შორეულის ანარეკლივით მზინავდა და უცაბედ მავალებს აფრთხოვდა. ზოგჯერ კაეიან თოფს უხილავ მტერს უმიზნებდა და ჩახმახს აჩხაკუნებდა, ზოგჯერ კი დაშნას აპრილებდა, უჩინარს რისხვით შეუტევდა, თანაც ფარს შეაშველებდა და ფუტკრისგან დაკბენილ დათვივით ბურტყუნებდა:

— უჯილაგოვ!.. შმორო! . დამპალო! შასდექ, თუ ციცაი არა ხარ!

და ბნელ ეზოში ყრუდ მოისმოდა ფარისა და დაშნის რახუნი, ჯაქვის ელარუნი და ბრძოლის ყიჟინი.

ჯურხა რომ ჩამოვიდა, ტოტია გამოცოცხლდა: ტოლი იპოვნა და მეფარიკე გაიჩინა. ხან ერთი ჩაიცვამდა იმ აბჯარს, ხან მეორე. ერთს რომ მახვილი და რკინის ფარი ეჭირა, მეორეს უბრალო ჯოხი და ტოტიას ნაცოდვილვეფი ფიცრის ფარი ჰქონდა ხელში. პოლიციელს და მეზობლებს შიშისგან გულები ელევოდათ. მერმე კი ძლივს შეეჩვივნენ მებუთე თუ შეათე საუკუნის რაინდებს, შეტევის შეძახილს, იარაღის ჩახუნსა და რკინის ელარუნს. ფარიკაობის დასასრულს ეზოში რამდენიმე გადაჭრილი და დაკორტნილი ჯოხი ეგდო, ხოლო მეორე დილით მიწაზე სისხლის წვეთებიც მოსჩანდა. ძიძიგურის მასალიდან ტოტია ახალ ჯოხებს და ფარებს ამზადებდა, ჯურხა კი ისევ წიგნებს ჩაჰკირკიტებდა. იამზე დოსტაქრობდა და მსაჯულობდა: იარაში ქერის მარცვლებს ჩააწყობდა და გაზომავდა. ვისაც ნაკლები განაკაწრი ჰქონდა, გამარჯვებაც იმას ერგებოდა. თუ მარცვალი ჭრილობაში ჩაიძალებოდა, დამჭრელი, — „ციცაი და ლაჩარი“, — სირცხვილით იწვოდა. ორივეს მუდამ მაღამოს სუნი ასდიოდათ და თაეპირი და ხელფეხი ხუთგან მაინც ჰქონდათ შეხვეული.

ჯურხამ ვაეიკა დამარქვა, და იმ დღიდან ბევსურებმა ჩემი ნამდვილი სახელი დაივიწყეს.

ტოტიას უმფროსი ქალიშვილი — მხექალო სკოლაში დადიოდა, ხოლო ჯურხა მე ავიკიდე. ჩვიდმეტე წლის ჰაბუკები ვიყავით. მე გიმნაზიას ვათავებდი, ის კი ხუთი წლით მაინც იყო ჩამორჩენილი. მაგრამ ისეთი ნიჭიერი და ბეჯითი გამოდგა, რომ ერთ დღეში ერთი კვირის გაკვეთილებს ინელებდა.

ჯურხას მამა — მგელა შვილის ეინს შეურიგდა და ფულის მაგიერ ერბოს და ძროხებს უგზავნიდა. ჩემმა შეგირდმა ერთხელ ჯილდოც მომართვა: ერთი კასრი ერბო მომიტანა და კარზე ძროხა მომაყენა. ერბო მივიღე, ძროხა კი დავუბრუნე. იმ დღიდან ერბო აღარ მელევოდა, ძროხა კი რიყეზე იყიდებოდა.

ჯურხა ამიხირდა: ძმადნაფიცები უნდა გავხდეთო. უკვე ძმები ვიყავით, მაგრამ ფიციც დავდევი. ტოტიას ქოხი იმ საღამოს ლაშარის ჯვარს ჰგავდა, ხოლო თვითონ ტოტია — ხევის ბერს თხემით-ტერფამდე ისევ რკინით იყო შეკედილი. ფარჩისგან პატარა დროშა შეემხადებინა, ზედ ორი პაწაწა ექვანი ჩამოეკიდნა და დროშის წვერზე ხის ჯვარი დეკდგა. ის ალაში შეაქლარუნა და სახეიმოდ გაიჭიმა. ჯერ მომესალმა:

— მოგვიხვე მწვიდობით! წყალობა ლაშარის ჯვარისა, წყალობა! წაღმ
მაგეგებას ჩვენის ჯვარის დავლათი!

მერმე მოგვისებური დარიგება მოგვცა:

— ფიც-ვერცხლ ნაჭამ ძმას არ ელაღატების.

ძმად-ნათციები ნამდვილი ძმები არიან. ორივეს ვითომ ერთი ძუძუ უწოვ-
ნიათ, ერთის სისხლიც მეორესია, ჭირიც, ლხინიც და სიცოცხლაც.

შემდეგ იამზემ რძით სავსე თასი მოიტანა. ტოტიამ ხანჯლის ქარქაშის
წვერს ვერცხლი ჩააფხიკა თა'ში, ორივენი დაგვაჩოქა და ცალ-ცალკე დაგვამ-
წყალობა:

— ორთავეს მოგვცასო წყალობაი ლაშარის ჯვარმ. ნუ მაგიშალას მტერ-
თან ხმალი და გამარჯვება! თუ ჩემის ხელისა გეკადრებოდას, შეგინდნას ეს
თას, შაგარგოს და მაგახმარას!

მე და ჯურხამ თასი გამოვცალეთ და ერთმანერთს გადავებვიეთ. მერმე
ლხინი დაიწყო: ვჭამდით წენიან ხინკლებს, მსუქან ყაურმას, დამდნარ ერბოში
ამოვლებულ ხმიადს, და თასებით ვსვამდით კახურ არაყს და იამზესგან დიდ
ქვაბში მოხარშულს ქერის ლუდს. ბევრი ვებგეწე ტოტიას, მაგრამ ხევსურული
ჩვეულება წმიდად შეასრულა: მე, სტუმარს, ცალ მუხლზე დაჩოქილი მემსახუ-
რებოდა და ამბობდა:

— სტუმარ-მასპინძლობის წესი დასაფიწყ არ ას. დალიე, ვაჟიკავ, დალიე-
კარგად რომ გავიქყიპეთ, თორმეტი წლის მზექალო ფანდურით მომიჯდა
და მიმღურა:

თავს ვერ გაგიხრით ხევსურნი, უნჯნი ყნანი ვართ შენნია;

თეორს ვინც აიღებს ხევსური, ვინაც მახკიდას ხელია,

გაუწყრას, ნეფევე ერეკლევე, ის სალოცავი ჩვენია!

დეემზადენით ხევსურხო, ჩაჩქნებ დაიდვით თავზედა!

თათრების მალოდინი გვოქვ, განთ ვასხევართ ლუდის სმაზედა?

გავვიძეო, ნეფევე ერეკლევე, წავდგათ კრწანისის გზაზედა!“

სანამ მზექალო მღეროდა, ტოტია მალვით ცრემლს იწმენდა. მერმე
მომიბრუნდა და ყურში ჩამჩურჩულა:

— ნეტა სად იქნების ახლა ნეფევე ერეკლეს მამკვიდრე ბატონისშვილი? არ
იცევ, როდის ჩამავა საქართველოში?

* * *

ქალაქელები ჯურხას სავალს არ აძლევდნენ და იშვიათ ნადირივით ათ-
ვალთებდნენ. ასჯერ ვურჩიე ტანისამოსის გამოცვლა, მაგრამ ტოტიაც და
მისი ძმისწულიც მუდამ ერთს იმეორებდნენ:

— შამა-პაპაის ადათს არ ელაღატების.

ბოლოს, ბიჭ-ბუჭებისგან დატანჯული ჯურხა მოტყდა: სირმიან-ჯვრიანი
ხევსურული გაიხადა და ქართული ჩოხა ჩაიცვა. მაგრამ თითიდან საცერული
მაინც არ მოიხსნა და არც ყელამოჭრილი ახალუბნი მოიშორა.

იზრდებოდა ჯურხა, სული და ხასიათი კი ისევ ბავშვური ჰქონდა: მინ-

დობილი, ხალვათი, მუდამ გაშლილი და გაცეცხვებული. რონოდებს აღარ გაურბოდა, თუმცა ზედ ასვლა მაინც ვერ გაჰბედა. ავტოს კი ისევ უბლოკროდა და ერიდებოდა. პიანინოს ეშმას ფანდური დაარქვა, ლითონის საკრავებს და ბახტებს — რუსული ღორთოტოტო, აქრელებულ მოხელე-გენერლებს — ქრელა, ხოლო სტამბას — საბეჭდელა.

ერთხელ „ლალატი“ ვაჩვენე. ჯურხას სახე და ტანი უცოდველი სარკე იყო იმ დრამის. ხევსურის სახეზე ყოველივე უმაღლესობადა პირუთვნელ ანარეკლს: მადლი და ბოროტება, გპირობა და მზაკვრობა, სასაცილო და საგოდებელი. ხევსური ხან რახრახებდა, ხან ჰკენესოდა, ხან მხნეობდა, ხანაც ჰგმინავდა, თან ხელფეხს იქნევდა. იმუქრებოდა და მოუსვენრად ცქმუტავდა. ბევრს ვარიგებდი, მაგრამ ამოდ. ბოლოს, ერეკლემ რომ ლალატი იკადრა, ხევსურმა ველარ მოითმინა: წამოვარდა, სცენისკენ გაიწია და აყვირდა:

— ჰაი, შე მალალატივე შენა! უჯილაგოვ!?. დამძალო!.. მახკალით ეგ ციცაი, მახკალით!

წარმოდგენა ხუთიოდე წუთით შესწყდა. მსახიობნი აიოივნენ, ხალხი აიშალა. ხევსური ძლივს დავამშვიდეთ და ცხადი და მოჩვენება ძლივს გავარჩევინეთ. ერთხელ კიდევ მაინც იფეთქა: როცა მეტეხი აფეთქდა, ჯურხა ისევ მოსხლტა, სცენაზე აბობლდა, მედროშეს დროშა გამოსტაცა, ალტაცებით ააფრიალა და გამარჯვების საერთო გუგუნნი დაჰტარა:

— გაუმარჯოს საქართველოს! გაუმარჯოს!.. გაუმარჯოს!

შემდეგში ველარ გავბედე შეფოთიანი ხევსურის აყოლება. მაგრამ თვითონვე გაიკვლია გზა და უფასო სტატიტად ჩაეწერა, მხოლოდ ერთი პირობით: სცენაზე ისე არ გამოვიდოდა, თუ ხელში დროშას არ მისცემდნენ, ან იარაღში არ ჩასვამდნენ და რამე საგმიროს არ გამოაჩენინებდნენ. ხოლო როცა „გაუმარჯოს“-ის დრო მოვიდოდა, ჯურხას ქუხილით და ხარხარით თეატრი ქერამდე იტენებოდა და ზანზარებდა.

* * *

ჯურხას თავში ერთმა აზრმა დაიბუდა: ფრანგების ქვეყანა უნდა ვნახო. და იმ დღიდან ფრანგული ლექსიკონი ხევსურის უბიდან ველარ ამოვიდა. სამაგიეროდ რუსულს დაუკლო.

გულუვიწყი მთიელი ისტორიის ჩაუჯდა. „ქართლის ცხოვრება“, ყაზბეგის წიგნი, როსტომიანი, ვაჟა ფშაველა, ყარაამანიანი, აკაკი და ილია თითქმის გაიზებირა.

ერთ ხანს სასახლის მიდამოებს შეეჩვია. მერნე გამომიტყდა:

— ნამესტნიკ უნდა მიხვკლა.

ძლივს დავაჯერე, რომ რევოლაციის დაღმართზე ჯურხას ვაჯკაცობა ნაყოფს ვერ მოგვიტანდა.

ტოტია სამხერხაოს ეზოში კვლავ ფარიკაობდა. იამზე ლუდს ხარშავდა. შაბათობით ხევსურის ქოხში „ღრეობა“ იმართებოდა. დამდნარ ვრბოში დავცუ-

რავდით და ქერის ლუდით ვიჭყიბებოდით. მზექალო ფანდურს აფრატუნებდა და მობობებულნი ხმით ისევ კრწანისსა და ბაგრატიონებს ედასტურებოდნენ:

„ერეკლეს ცხენი ჩაიქცა, ყმანი სხვას მიღგვრიდია და რაშზე შესვიან მსახურთა, ავჯანტას უქერდიახო“.

* * *

ერთხელ თვალი ავახილე: მზექალო თითქო ერთ ლამეში დამწიფებულყო. თოთხმეტი წლისა იყო, მაგრამ გასათხოვარ ქალისას აღარაფერი აკლდა: არც ტანი, არც მკერდი, არც თეძოები.

იამზე ხინკალს ხარშავდა. ჯურხა საფარეოთა ჯოხს სთლიდა. მე კი დასრულებულ მზექალოს შევსცქეროდი და პირველი ზვირთით ვღელავდი. კედელთან ასვეტილი მზექალო ფანჯრიდან ეზოს გასცქეროდა. ხოლო მეორე „ქალუკა“, ექვსი წლის ხათუთა ხან მე შემომცქეროდა, ხან მზექალოს აშტერდებოდა და ეშმაკურად იღიმებოდა. მერმე მოსხლტა, მუხლებზე ამომაყოცდა, კისერზე მომეხვია და ჩამჩურჩულა:

— ჯულხამ მზექალო დალიშნა.

— მართლა?

— ლაშალის ჯვალს ვფიცავ, დალიშნა. ეხლა მე და შენ დავილიშნოთ.

გავიციე, გადაგვოცნე და გავიკვირე: რატომ არაფერი მითხრა ჯურხამ? რად დამიმალა? მხოლოდ შემდეგ გავიგე: მგელა თურმე მთებიდან უთვლიდა, ჯერ მოიციადე, ადრეაო. უჩემოდ „ლიშნობაი“ არ გაჰბედოო.

ჯურხა უჩემოდ ველარ სძლებდა. დღე არ გავიდოდა, რომ ორი გროშის ხილი ან სხვა ტკბილეული არ მოეტანა. სანამ ჩემს გაკვეთილს შევამზადებდი, კუთხეში თავის გაკვეთილს ამზადებდა. სტუმრად რომ წავიდოდი, უეჭველად მიმაცილებდა. თუ ამხანაგებს ავყვებოდი, ჯურხაც ლანდივით ამყვებოდა. სადაც უნდა ვყოფილიყავ, ძმად-ნაფიცი შორი-ახლოს მეგულებოდა. დამდეგდა და თავს იმართლებდა:

— ფიც-ვერცხლ ნაქამ ვართ. აბეზარ ხალხ ბევრ ას ქალაქში, არ გაგაფუქებდეს ვინმეი, თორემ ცოდო მე დამედეგივ.

მე სწავლა დაუასრულე, ჯურხა ერთ ჩემს მეგობარს გადავეცი და რუსეთში წასასვლელად შევემზადე. უკანასკნელი საღამო გავატარე მტკვრის ნაპირას — ტოტიას ციხე-კოშკში, და უკანასკნელად ვნახე ფარსმან მეფის დროინდელი ლანდები, რკინის ჯავშან-საქურველი, დაშნისა და ფარის კოიალი, მოგერიება და შეტევა. ერთხელ კიდევ ვიგემე ხინკალი და ლუდი, ხმელი ხმიადი და დამდნარი ერბო, მსუქანი ყაურმა და კახური არაყი. მზექალომ სამგზავრო ჰანგი მიმღერა. იამზემ განიერ მკერდზე მიმიკრა. ტოტიამ დროშა გაშალა, ევეანები ააუღარუნა და გზა დამილოცა:

— ჩვენი პურნარულ დასავიწყ არ ას. არც შენი მადლ ას დასაკარგველ. ლაშარის ჯვარიმც იყოს შენი შამწე და მწყალობელ.

პატარა ხათუთა კისერზე ჩამომეკიდა და ატირდა. ძლივს მოვსწყდით ერთმანერთს. ჯურხა სდუმდა და საკუთარ ფეხებს უნღვეროდა. მხოლოდ სადგურზე

მომეხვია, ნეკნები ამიტკაცუნა და ორი წლის ბაღლივით ატირდა. შერცხვა ხევსური, რამეთუ „ტირილ დიაცთა ხვედრ ას“.

თვეში ძმად-ნათციისგან ორი წერილი მაინც მომდგომდა. წერდა: „ერთი წერილი ავსტრიის ტიროლიდან მომივიდა. მწერდა:

„საქონლის საქმე უნდა შევისწავლო. ხევსურთ გამაადგებზე. მეწველ ბევრ ვეყვანან. ბოსელში რაი გინდა? სამოთხეში წამადი. აქაურ ხალხ ხევსურებ ჰგვანავ. ვაჟკაცებ ას და პატროსნებ. ვაჟიკავ, უშენოდ ძალიან მამწყინდის. მთაში ძმაი მყავს, მაგრამ ნამდვილ ძმაი მარტო შენ ორავ. ლაშარის მადლ ვფიცავ: უნდა წამახვიდე. თუ შენ არ მახველ, ეშმას მივაფურობებ და მე თვითან ამაველ მანდ, მარტო შენი ნახვისთვის, თორე ჩემი ფეხ მანდ არ იქნებოდის. ვაჟიკავ, შენი ძმად-ნათცი გელოდების“.

ეს იყო ჯურხას უკანასკნელი წერილიც. ომის მეხი ჩამოვარდა და ურთიერთს მოგვწყვიტა.

შვიდი წელიწადი გავიდა. ბრძოლის ქუხილი შენედა. რფილისში რომ დავბრუნდი, უმაღვე სამხერხაოს მივადექი. ტოტიას ქობში ლტოლვილი იეხიდები იდგნენ. ძიძიგური მომკვდარიყო. ბევრი ვიკითხე, მაგრამ ვერც ტოტიასი გავიგე რამ, ვერც ჯურხას კვალს მივაგენი.

— წავიდნენ... არ ვიცნობთ... არ გაგვიგია.

კიდევ გავიდა ხანი. ვფიქრობდი: თუ ჯურხა ცოცხალია, მომძებნის. მაგრამ აღარ გამოჩნდა. ბოლოს გადაწყვიტე: ძმად-ნათცი დამეკარგა. ან მსოფლიო ქარტეხილმა მოუგრიხა სადმე ამაყი კისერი, ან საქართველოს სასღვრებზე დაიღუპა, ან კიდევ... ერთი სიტყვით, დამეკარგა ქერა გოლიათი!

III.

რკინის მკლავებმა რამდენჯერმე მომიშვეს, ამომასუნთქვინეს და ნეკნები კვლავ ჩამიხნიტეს.

— ვაჟიკავ!.. ჩემო ძმად-ნათციო ვაჟიკავ!—მღულარე ხმით ბურტყუნებდა ჩემი ნაპონვი ძმა.—ცხად ხარ თუ ნაჩვენებაი?—მერმე გამიშვა და თავისიანებს მიუბრუნდა:—აი, ხალხნო, ეს გეცოდინებოდასთ ყველას: ვაჟიკაი ჩემი ძმაი ას. ფიც-ვერცხლ ნაქამ ას ჩემთან. იმოდენა მადლ დაუდვიე ჩემზედა, რო ამის ვალით ვერ ამოვალ, თუნდ კახეთიც რო ჩემი იყოს და ვაჩუქო. ძმად მიიღეთ: ხალხნო, და ჩემივით ნდობაი მავციო.

— მიგვიღის, მიგვიღის!—იგრიალეს ხევსურებმა და გზა მოგვცეს.

ხვეის ბერიც წყალობით დამიხვდა:

— მოგვიხე მშვიდობით! წყალობა ლაშარის ჯვარისა, წყალობა!

— გამარჯვება, ვაჟიკავ!—მომესმა რამდენიმე მხრიდან.

— ტოტია!.. ნგელა!

აგერ, ტოტიას ცოლიც მოდის. ოდნავ დაღარულა. მაინც სავსე ხონჩასავით მოაქვს ცურებით სავსე მკერდი.

— გამარჯვება, იამზე!

— მოგვიხე მშვიდობით, ვაჟიკავ, მოგვიხე!

იამზეს ორნი მოპყვნენ. ღმერთო ჩემო!

— ჩემი ცოლ ას, ვაჟიკავ, ჩემი ცოლ. — მეუბნება ჯურბა-
ძმად-ნათიცის ცოლი — მზექალო — მკერდზე მივიხუტე. ხათუთას კი ხელი
ვეღარ გამოვართვი. ყველანი მეხევეიან და მეკითხებიან: როგორა ვარ? საიდან
მოვდივარ? ან გზა როგორ ვიპოვნე?

მე ვიღიმი. რალაცას ვბუტბუტებ და ხათუთას თვალს ვეღარ ვაშორებ.
ჩემს წინ ცოცხალი ბუნება სდგას: ლაღი, სავსე და გაშლილი. ლოყები — ატმის
ფერი; პირი — გაჩეხილი ბროწეული; კბილები — იმ ბროწეულში ჩაწყობილი უგარ-
სო ნუში; თვალები — ორი დიდრონი მაყვალი, ხოლო თმა — მაჯის სისქე ოთხი
თუ ექვსი ნაწნაეი, თითქო მუქ ქარვაში ამოვლებული. ტანითაც იამზეს მისდევ-
და: მაღალი, სრული და მკერდიანი.

გამოვტყდები: ქალაქელმა ქალებმა კბილები მომჭამეს. ჩემს თვალში უკვე
გახუნდა მშვენება ტანთხელის, გაცრეცილის, მოსწეულო და ეთეროვანი ქალი-
სა. მომბეზრდა უსისხლო და მკლე სხეული. ამიტომ მეცნენ თეილსა და გულში
ლაქლაქა და სისხლიანი ქალუკები და ვაჟიკები, — ტოტიები და ჯურბები, შუ-
ქიები და ლელიკები, თუთიები და ხათუთები.

მთელი სოფლის ხევსურები ჩემს გარსშემო ტრიალებენ და ცოცხალ ოჩო-
პინტესავით მსინჯავენ. მოკლედ უამბე წიკლაურებს გზის არევა. ისიც ვუთხარი,
ქალაქში ბევრი გეძებეთ მეთქი, და ჯურბას საყვედურიც მივეცი: თუ ცოცხალი
იყავი, რატომ ხმა არ მომეცი მეთქი. თავი იმართლა: ადრე მოგიკითხე, მაგრამ
შენი კვალი ვერ ვიპოვნე; ეხლა კი, აგერ ოთხი წელიწადიც იქნება, ქალაქში
აღარ დავდივარო.

ხევსურებს ფარიკაობა გაეთავებინათ და ღრეობისთვის ემზადებოდნენ.
ზოგმა აბჯარ-საქურველი მოიხსნა და შინ-ნაქსოვი გამოიჩინა. სუფრა — მწვანე ბა-
ლახი — მზად იყო, სკამების მაგიერ თავიკაცებისთვის — ხუთიოდე სიპი ქვა. ძა-
ლით დამსვენს სუფრის თავზე. რიგზე მომისხდნენ ხევის ბერი, მგელა, ტოტია
და გავა. ბალახზე ჰყრია ხშიადი, ქადი, ხაქაბური, ქადა, ყველი და ცივი ყაურ-
მა. თასებით სდგას გამდნარი ერბო. უუხარმახარი ქვაბებით მოგვიდგეს მუქი
ლუდი. პატარა ჯამებს ავსებენ შინაური არაყით. განზე, დამკლავებული მზა-
რეულები ორთქლიან ქვაბებს დასტრიალებენ, სადაც იხარშება ხინკალი და
ძროხის ხორცი.

ოციოდე ნაბიჯზე ქალებისთვის მეორე „სუფრა გაიშალა“. შემთხვევით
თუ განზრახ, ხათუთამ ისეთ ალაგზე მოიკეცა, რომ პირი ჩემსკენ ჰქონდა და
მუდამ ერთმანერთს ვხედავდით.

მიმზერდა და მიცინოდა. და იმ დღიდან საჩემო ღიმილი დასახლდა ხა-
თუთას მაყვალა-თვალებში და ბროწეულის ტუჩებზე.

ღრეობა იწყება.

ჯურბა აჩრდილივით დამდევს, ბავშვივით შემომხარის და მალი-მალ მე-
უბნება:

— ბევრ მაქვს სათქმელი, ვაჟიკავ, ბევრ!

მე ვეკითხები:



— ჯურხა, რატომ არ დაჯდები?

ვერა, ჯურხა ვერ დაჯდება. ასეთია მთის ადათი. ჯურხა მასპინძელია და მე უნდა მემსახუროს. ვერც ჩემმა მუდარამ გასჭრა და ვერც მეტყუარამ მესამედ დამსვა და თავთ დამადგა. მერმე ცალი მუხლით დამიჩოქა და არაყით სავსე ჯამი მომაწოდა. წელანაც ტყუილად ავიხირე: ჯურხა ხევსურია და ხევსურული სიკერპით ასრულებს ყოველ ადათს—წვრილმანსა და მსხვილმანსაც. თასი მომცა და მითხრა:

— ჯვარ დაგიწერას ღმერთმ, ვაჟიკავ!

მე ჩვენებურად დავილოცე: ვუსურვე მრავალი საქონელი, ჯანმრთელობა და მშვიდობა. მერმე ას-ოცი წლის გაგამ დაგვლოცა და ხევსურული ენამჭევრობა გამაგონა:

— სოფლელნო! გამარჯვება ჩვენს ჯვარსა და იმის წყალობა გქონდასთ თაობით დასტურ-ხელოსანს. დასტურს დასტურობა ნუ შეგანანსთ, ხელოსან დიდხან გაგიყოლიათ. ნუ შეგანანსთ კეთილის კაზმვა, უღლის დება. გწყალობდასთ ყველას, სოფელს სოფლეულად. ბევრ ა ეს დრო მაგვვარასთ მშვიდობისა, გახარებისა, ერთუცის სიცოცხლისა. თასიანებს ხელთა გაამასთ, მემუხლეებს მუხლებ შეგარჩინასთ. მე გლოცენით. ხატისაგანამც ილოცებით.—ლუდი მოსვა და სთქვა:—ოჰ, კა ლუდ არ მოგცდომივიათ! ცოტას სვე აკლავ და ნაფუფარიც ას.—კიდევ მოსვა და განაგრძო:—აი თქვენც გწყალობსთ ნახსენებ ანგელოზი! შავსვი თქვენის გამარჯვებისა.

— ღმერთმე გაამასთ, ჩამაიყარი!—ნიაძახეს აქეთ-იქიდან.

გაგამ თასი სხვას გადასცა და წიაყოლა:

— მტერსამც ჩამაყრით იარაღს, მტერ იყოს თქვენ ხელმარეული.

დადის თასი ხელით-ხელში. ყველა ილოცება და გაგასავით ათავებს:

— ოჰ, კა ლუდ არ მოგცდომივიათ! შავსვი თქვენი გამარჯვებისა.

— ჩამაიყარი, ჩამაიყარი!—შესძახიან სხვები.

— მტერსამც ჩამახყრით იარაღს! მტერ იყოს თქვენ ხელმარეული!—იმეორებსა მსმელი და თასი სხვის ხელში გადადის.

ახალგაზრდები ჩოქით სხედან და სმის დროს ზეზე დგებიან. ზოგი არაყს სვამს, ზოგი ლუდს. დასტურები—მერიქიფენი—თასებს გვივსებენ. ყველანი მშიერი მგლებივით ვიღმურძლებით და გატენილი პირებით ვლულლულებით. სასმელს თავისი გააქვს. ენები გვებმება და სიცხე გვემატება.

ერთმა ქაბუკმა ფანდური ააფრუტუნა და დაიძახა:

— გამარჯვება ჩვენს ჯვარს, ჩვენის ჯვარის მიცემით, ხთის წესით, მღდლის წესით, იერუსალეთის ნათლით, ქრისტეს გარიგებით, ჩემი სიტყვის მახსენებით! სააქაოს ნათქვამ თუ საიქიოს მიდიოდას, სულწმინდას შანდობა მიუდიოდას! ზედამჩიოების სიმთელით, კარგა ყოფით, ე ეს თას როგორც ჩემ ხელთ ას, ისრე სულსამც მინდიასას შეეხმარების.

— მინდია ჩემი ძმა იყო,—ჩამჩურჩულა ჯურხამ,—ქისტებ მახკლეს.

— შაუნდას! მახმარა ღმერთმ!—მიაძახეს ხევსურებმა.

— თქვენ კაი მოგიგონნასთ,—უპასუხა მოკლულის მამამ, მგელამ,—მარხე ნურაფის მაგცასთ.

მეფანდურე აღიღინდა:

მეწყალი ჭირის პატრონო, ჭირის გონობა ძნელია.

ჭირი არ წაეა უჭიროდ, თუ ჭირის დედა მთელია.

მკვდარ შინით დაემარხების, სოფელი ღონიერია.

ფანდური მეორეს გადასცა, სათქმელიც მიაყოლა და დაჯდა. მეორემაც იმღერა, საკრავი მესამეს გადასცა და ისიც დაჯდა.

ყველანი მკვახედ მღეროიან. მათი ლექსები ეპიურია. სიტყვაში ისმის ფოლადის ელარუნი, სისხლის თქრიალი, ბრძოლის კიჟინი, იარაღის ჩახუნნი; ერეკლე „ნეფე“ და კრწანისის ველი, ალუდაურ გაბური და „სისხლის წვიმები“, ნუგზარ ერისთავი და დიდი ზურაბი, მამუკა ქალუნდაური და „ურჯულო“ ქისტი, შატილი, ბარისახო, არხვატი და ასი სხვა გმირი, ციხე და საშლაპრო ამბავი. როდის მოხდა ეს ამბავი, ვინ, სად, როგორ, ან ვის—ზოგჯერ ასი წლის მუხა-ხევსურმაც არ იცის. მაინც მღეროიან, აცხოვრებენ და თაობით თაობამდე გადააქვთ.

ხან უცნაურს გაჰკივიან ხევსურები, ხან კიდევ თავებს დიდრონ ჯამებში ჰყოფენ და წყურვილით დატანჯულ ზაქებივით სვრებენ ახლად მოხარშულ ლუდს.

მერმე ყველანი ხევსურულად ამღერდნენ,—კვენესით, გმინვით და ოხვრით: დაგძინებია, ხინკაიალოოო!

გამაგალვიძებ ჭამა-ა-აში!

ჯურხა ისევ თავთ მადგია. ზოგჯერ დამიჩოქებს, თასს ან საჭმელს მომაწვდის და ალერსით ჩამჩურჩულებს:

— მიირთვივ, ვაჟიკავ, მიირთვივ, ბევრ მაქვს სათქმელ. მერე ვიუბნოთ.

— სთქვი ჯურხა, ეხლაც სთქვი.

— მეომ იყოს, მერმ.

სუფრის ბოლოში ჩოჩქოლი ისმის. ორნი შეძიძგილავდნენ. ორს ოცი შემოეხვია. ასტყდა ყაყანი, ქოთი, მიწევ-მოწვეა და იარაღის ელარუნი. იქ დაშინამ გაიელვა, აქ „ხანჯარი“ აპრიალდა. ხვეის ბერი დროშას აჟანჟლარებს და იძახის:

— ხალხნო! აუგ ას, ხალხნო! ყურებ მათხოვეთ, ყურებ!

ჯურხამ უმაღ გაჰფანტა მოჩაუბარნი.

— აბა რად შულლობთ, ხალხნო!—განაგრძო ხვეის ბერმა.—ეს სასმელ ჩადის ყველას უფერს. სასმელ მამეტებულ რაის მაქმელი ას?

— სასმელ, მართალი ას,—გააწყვეტინა, თანახმად წესისა, ერთმა ხევსურმა,—ბევრას ცუდს ჩადის, მაგრამ სასმელ რო არ იყოს, მაკეთე რაითად გავიგათ, მტერ რაით შავარიგნათ?

და ორთა შორის იმართება ადათური დიალოგი. ხვეის ბერი არიგებს, „კაც არ მახკლათო“, მეორე კი ეკითხება, „ჩვენი შულლით შენ რაიმ წაგერთმისო?“ ხვეის ბერი არა სტყდება, მაგრამ არც ხალხი უთმობს.



— კაციც მარჯვედ მაკვდების.— გაიძახის ერთი.

— ვინ იცის, კაცის სულნ რაში დგან.— იტყვნეულობს მჭირნი. — დიდხანს დავობენ, „მახვკლათ“ კაცი თუ არ მოვკლბთო. ხუყის ბერი იმუქრება: თუ სისხლი დაიღვარა, „ე დროშა კარში იქნების, სანამდე მაშუღლარ საკლავს არ მაიყონს“.

— დროშიაივ გარმაყუდებულივ, ჯვარ გაგვიწყობისავ.— შიშობენ ზოგნი.

— მთხილად ვიყვნეთავ, ჯვარს არ შავცოდათავ.— აფრთხილებენ მეშულღეებს მეორენი.

მაგრამ მეშულღეებმა უკვე აბჯარი ააქღერეს და დაშნები „ამოზიდნეს“. ძველი ანგარიში ჰქონიათ. სხვებმაც იციან, რომ ის ანგარიში დაშნით უნდა გასწორდეს. ამიტომ აღარც ერთმანერთს აშველებენ და არც ხევის ბერს ეღავეებიან. ჯურხამ უმაღ ალაღგინა წესი და სიჩუშე. ხალხმა წრე შეჰკრა.

— გამადით! — დაიძახა ჩემმა ძმად-ნათყიმა.

პატარა მოედანზე ორი რაინდი „გამავიდა“, ორი კაცი, რკინაში და ფოლადში ჩამჯდარი. ერთს ეცვა ზეიდალი, — დაწნული პერანგი, ჯაჭვისგან ნაქსოვი, ხოლო მეორეს პოლოტიკი, ანუ თორნი, — რკინის ფიცრებისგან შეხლართული. თავები ზუჩებით ჰქონდათ შემოსილი. ხელთ ეჭირათ მრგვალი ფარები და ორპირი დაშნები.

უმაღ გამახსენდა ვალტერ სკოტის რომანტიკა: აივენგო, რიჩარდ ლომგული, შეჯაჭული რაინდები და ბრძოლის ასპარეზი. გვაკლდა მხოლოდ თავადის ასული, შავი მარაო და აბრეშუმის ხელსახოცი.

ჯურხა სეკუნდანტობდა. მსაჯულიც ის იყო. მეშულღეებმა სასიკვდილო ბრძოლა მოითხოვეს. ხალხი აყაყანდა. არც მსაჯული დასთანხმდა. მებრძოლებმა დასთმეს და კრილობა დაიჟინეს. ხალხმა არც ამის ნება მისცა.

— კრილობაი ზოგჯერ მახვკლავს კაცს.

დიდხანს ივაჭრეს და იყაყანეს. ბოლოს, გაკაწვრაზე „მარივდნენ“.

— კა, გეუოფივ. აბა, დაიწყებდივ! — ანიშნა ჯურხამ და „ყალივანი“ გააბოლა.

პირსაბურავები ჩამოიფარეს და დაიწყეს. ყაყანი თითქო მახვილით მოსხიპეს. ჩაჩუნიც კი შესწყდა. ისმის მხოლოდ რკინისა და ფოლადის ჩახუნი, ბზრიალი და ეღარუნი. მოქნეულ მახვილს ფარი უხვდება, დაშნას დაშნა ეჯახება, სასიკვდილოდ წამოსულ წვერს რკინის ქსოვილი იცავს. მებრძოლნი უფრო კისრის ყელებს და ქვედატანს უფრთხილდებიან. მუხლები საბარკულებით აქვთ შექედილი, მაგრამ მახვილის მისაწვდენი ალაგები მაინც მოსჩანან.

— მახვდა! — დაიძახა დათვიამ.

აპარეკას ყელთან განაკაწრი გამოუჩნდა.

— ას! ეგეც შენ! — უმაღ მიაძახა აპარეკამ, და დათვიას ცერი სისხლით შეუღება.

მოსარჩლე ან შემტევი არსად მოსჩანს. ყაყანი და შეძახილი აკრძალულია, რადგან „მეშულღე აირევივ, დაიბნევივ“.

ისევ ბზინავს აბჯარი. ისევ კრიალებს მახვილი. კვლავ ისმის შებრძოლთა ქშინვა, მაყურებელთა ოხვრა, ლითონის ჯახუნი, და მეშუღლეთა შეძახილი:

— მახვდა!.. აას!.. ვეცე შენ!

ქრქინულნი

წითელი წვეთებით იღებება მწვანე ბალახი. სისხლს მოსწავს მტანებმა და საჭურველზეც.

უცებ ხალხის წრე ქალებმა შემოარღვიეს. მზექალომ მანდილი მოიგლიჯა და მეშუღლეთა შორის ჩაიქნია. მეორე ქალმა— შუქიამ დათვიას მხარზე დაადო ხელი, მესამე— ლელა აპარეკას მისწვდა. ხოლო ხათუთას მაყვალა თვალები ისევ მე მილიმოდნენ და მისი ნუშა-კბილები ისევ ჩემთვის ელავდნენ.

— „ნეტა ხათუთასთვის ხომ არ იბრძვიან ეს რაინდები?“ — უმაღ გამკაწრა ფიქრმა და... გული ამიტოკდა. არც მოვტყუვდი.

ისევ გამახსენდა აივენგო და რიჩარდ ლონგული. ეხლა კი სურათი დასრულებულია: ორი რაინდი იბრძვის. მათი მიჯნურიც აქ არის. ხელსახოცის ნაცვლად— შავი მანდილი. ხათუთას მხოლოდ მარაო აკლია.

მოჩხუბარნი უნალ გახვედნენ. ხალხი აჩოჩქოლდა. დათვიამ აპარეკას ესროლა:

— ა ეგრე კი არ მაგექცეოდივ, რო ქალს არ დავეჭვირე!

აპარეკამ დათვიას გადაქაზა:

— აბა ეხლა შენაც იცივ, რო ვერცაით წამავალავ, ქალის ხელში ორავ-დალაქი დოსტაქრობს. ჯურხა მსაჯულობს. დათვია ექვსგან არის გაკაწრული, აპარეკა შეიდგან. თითო ზედმეტი კრილობა ერთ ძროხას უდრის. დათვიამ აპარეკას ერთი ძროხა მოუგო.

მაგრამ გამარჯვება ნაადრევია. აპარეკას ერთი კრილობა დალაქს საეჭვოდ მოეჩვენა. კრილობაში ქერის მარცვლები ჩაალაგა და გაზომა. კრილობა მარცვალზე ღრმა გამოდგა.

— სირცხილ ას, დათვიავ, სირცხილ! — მიამახეს მოგებულს და იქვე ციკას და ლაჩარის სახელი მიაკერეს.

შერცხვა ხევსური! თავი ჩაღუნა და გაიქცა. ძროხა ისევ აპარეკას შერჩა.

სამოცი „ჩხუტი“ ლუდი დავლიეთ და ორი პატარა ძროხა შევქამეთ. უკვე დამდება. კვლავ ისმის ჩოჩქოლი, ლიღონი, ფანდური და სიმღერა. ხევსურები ჯგუფ-ჯგუფად, ბორძიკ-ბარბაცით მოდიან მასპინძელთან, „დასტურ-ხელოსნებთან“ და ენაბლუდ ლულლულენ:

— ჯვარ გეწერასთ, ჯვარიონნო, ჯვარსაც და კაცსაც!

— მშვიდობით, სოფლებო! — უპასუხებენ მგელა, ტოტია და ჯურხა.

წყალობა წაიღით ჩვენის ჯვარისა, წყალობაი. წაღმ გამოგყვასთ ჩვენი ჯვარის დავლათი.

ღრეობა თავდება. „დასტურ-ხელოსნები“ კურქელს ჰკრეფენ. ძაღლები ძვლებს ეძებენ და იღრინებიან. ხევის ბერს დროშა „კარში გარმაყუდების“ მაგიერ ნიშში შეაქვს. მერმე ერთხელ კიდევ „იმწყალობნების“ და კალთით მიაქვს ყაურმა და ხინკალი. ჯურხას უნცროსი ძმა წიქა ზურგით მიათრევს ქვაბს, რომელიც უუხარმაზარ კუხს ჰგავს. ტოტია, იამზე და მზექალო, — ისინიც დატვირთულნი, შორიახლოს მისდევენ. ტორტმანით მიბაჯბაჯებენ სოფლის

უხუცესნი—გაგა, ბალათერა და მგელა. ილღიაში მგელას ხათუთა ჰყავს შემ-
ჯდარი, და ჩემი თვალიც იმ ქალს აქვს მიბჯენილი.

— „ნეტა წათხოვილია, თუ გასათხოვარი“?

ხათუთამ მოიხედა და გამიცინა.

ჯურხა — აბჯარ-მუხარადში ჩამჯდარი ლომი, მადებს და მეუბნება:

— წავიდნასთ, ვაჟიკავ, ჩვენც წავიდნასთ.

ღირეს გადავამბიჯე და ვილაცას დავეჯახე. სიბნელეში ნელი ხითხითი ისმის.

— ხათუთი, შენა ხარ?—ვეკითხები.

— ფეხ არ მაიტეხვდე, ვაჟიკავ, თორე...

კიდევ წავდგი ხუთიოდე ნაბიჯი და ისევ ქალს მოვხვიე ხელები. ხათუთა
ერთის წუთით გაინაბა ჩენს მკლავებში. მერმე გასხლტა და ბუხარში ნალეერ-
დალს ჩინჩხვარი წააყარა.

— დაჯექ, შენი ჭირი მე, დაჯექ. ზაფხულ არ, მაგრამ ცივა,— მეუბნება
ჯურხა. ბუხრის წინ სამფეხაზე მსვამს და თვითონ გარეთ გადის.

— რომელ ანგელოზმ მოგიყვანივ ჩვენსა, ვაჟიკავ?—მეჩურჩულება ჩაკუნ-
ტული ხათუთა და ქვეიდან შემომცქერის.

ავარდნილ აღზე მისი თვალები ორს უუზარმაზარ შავს აღმასს ჰგვანან,
ხოლო კბილები დიდრონ მარგალიტებივით პრიალებენ.

— შენმა ანგელოზმა მომიყვანა, ხათუთი, შენმა.

— ჩემს თუ შენს ანგელოზმა?

და ისევ ჩაიხითხითა.

მზექალო ქონის კრაქს ანთებს და ბუხრის თავზე ჰკიდებს. ჯურხა შემო-
დის და მეუბნება:

— ვაჟიკავ, ძვირ სტუმარ ხარ. სოფელში მაწევარ წალვალავ და სხობ-
საც მაგიწვევ.

მე უარზე ვარ. დავილაღე, ძილისაგან თვალები შელულება.

— მაშ ხვალ იყოს. მზექალო, მაიტავ ლუდ, არაყ და რაიც გექნების.

თვითონაც ჩამოჯდა, გამიღიმა და ყალიონი ჭაბოლა. მთვრალმა მგელამ
კიბე ააჭრაჭუნა და პატარა ამონაჭერით ჭერხოში—ზემო სართულში აცოცდა.

ტოტია, იმაზე და ხათუთა თურმე აქვე გვერდით სცხოვრობენ. მთვრალ
ტოტიას უკვე დაუძინია, იამზე და ხათუთა კი მზექალოს ეხმარებიან.

ბუხრის წინ ახალი სუფრა იშლება. დედაკაცები ბნელ კუთხეში ფუსფუ-
სებენ. მხოლოდ ხათუთა ტრიალებს მახლობლად. ბინდ-ბუნდში ხშირად ვხედავ
იმის კრიალა კბილებს და დიდრონ თვალებს. ეს თვალები ეხლა შავი მინის
ბუშტებს ჰგვანან, სადაც მინელებული სანთლები ანთია.

ჯურხა ბუხარს ჩასცქერის და თითქო თავისთვის ლაპარაკობს. ხანდახან
მობრუნდება და მეტყვის:

* * *

— ვაჟიკავ, თითო კიდევ დავლივავ.

ჯურხა ისე გააკვირვა უცხოეთმა, როგორც ტფილისმა, ოდეს ხევსურეთი-

დან ჩამოვიდა. მეტი გზა არ იყო: თავით-ფეხამდე იქაური ტანისამოსი ჩაიცვა, მაგრამ ჩვენი ნიშანი მაინც დაიტოვა: ბეჭებზე ორი ჯვარი დაიკერა, ხოლო ცერზე „ლაჯია“ შეინარჩუნა.

იმ ჯვრების გამო ჯურხას მოსვენებას არ აძლევდნენ. ბაღლები ლიკვებივით დასდევდნენ. ბოლოს, მაინც მოსტეხეს: ხევსურმა ის ჯვრები ეილეთის ხურგზე გადაიკერა და მაინც თავისი გაიტანა: ხურგზე—დამალული ჯვრები, ცერზე—რკინის ხვიული, ხოლო მკერდზე—ავგაროზი, დედა-ქალაქის მიწით გატენილი.

ავსტრიის ტიროლში დასახლდა, ინსბრუკის მახლობლად.

— კა ალაგას, მთიან, ჩონს ქვეყანას წააგავს.

ხალხიც „ძალუმ ლონიერ და შენახულ ას“, ათასი წლის ადათებს ინახავენ. ქულებში მფრინველის ფრთას „ირკობივ“. იმათ ძროხაში ხუთი ჩვენებური „გამავა“. ქალებიც ისეთი „ჯიშიანი ას, როგორც ძროხებ“.

ერთ ფერმაში მოჯამაგირედ მუშაობდა და მესაქონლეობას სწავლობდა. ერთი წელიწადი გავიდა. ჯურხას „ბევრ არაფერ შეემთხვის“. მხოლოდ კლდიდან დაგორდა და სამი ნეკნი ჩაემტვრია. სამ კაცს სცემა, და ორი კვირით დაამწყვდიეს. ქალები ხომ იმდენნი იყვნენ, რომ...

— ქალაის მადლ გაგიწყრივ, ქალაისა!—აწყვეტინებს ბნელ კუთხიდან მზექალო.

ჯურხა ხარხარებს და ბუხარში იწითება. ხათუთა ხითხითებს.

ტიროლიდან ხევსური შვარცვალდში გადავიდა. ომი დაიწყო. ჯურხამ მოიფიქრა და გერმანელებს განუცხადა:

— რაის მერჩით! ჯურხაი ქართველ ას, რუსის შტერ ას.

ჯერ ტყვეთა ბანაკში დაამწყვდიეს, მერმე თითქო დაუჯერეს და აუგსბურგის ქარხანაში გადაიყვანეს. ჯერ კონდახებს აკეთებდა, მერმე თოფის ნაწილებს ასხავდა, ბოლოს ზარბაზნებზედაც გადავიდა. ისეთი ხელოსანი „გამავიდის“, რომ ზოგჯერ ინჟინერის მაგიერობასაც ასრულებდა.

— ეს ჩახმახ ჩემ გაკეთებულ ას.—და ავსტრიული კარაბინი მაჩვენა.—რო გამიფუჭდის, ქალაქის არსენალში შე თაოთ გავაკეთივ.

ის ჩახმახი უფრო ჩამოსხმულს ჰგავდა, ვიდრე ხელით ნაკეთებს. „მაშ ჯურხა მშვენიერი ხელოსანი ყოფილა!“

— კა ქალაქ ას ი ტიელ ქალაქ!

მხოლოდ საკმელი აკლდა ჯურხას. ერთ ციციქნა პურს აძლევდნენ და ეუბნებოდნენ: „შულლ გვაქენ, პურ არ ასო.“ საქაგიეროდ—

— ლუდ იყო მრავალ და თეთრ ქალაიები. თითო ვაჟიკაზე ათ ქალაი მავიდოდეს. ხო-ხო-ხო!

— სიცხვილ ას, სიცხვილ!—იძახის კუთხეში მზექალო. ხათუთა გულიანად იცინის და თვალებს მიბჟუტავს.

— რაის სიცხვილ ას?—ბუხარს უპასუხებს ჯურხა.—ვაჟებ ომში წავიდოდავ, ქალებ უვაჟოდ დარჩებოდავ. ცოდო ას უვაჟო ქალაი, ცოდო.

და ჯურხაც საცოდავ ქალებს სწყალობდა და მადლს სთესავდა.

ძირამდე იგემა ჯურხამ ევროპული ცხოვრება: სუფთა ლოგინი და გა-
კრიალებული ყავახანები, კვირაში ორი აბანო და გახამებული პერუანე, მბზი-
ნავი ცილინდრი და ხელთათმანი, მარმარილოს პირსაბანი და ფარჩის ავეჯი.
მერმე—

— გერმანელმ რუს დაჯაბნივ.

ქართული ლეგიონი რომ შესდგა, ჯურხას „გულმ გაიწივის საქართველოში“. ბევრ ქალს ეჭირა „თოლი“ ჯურხაზე, ბევრი მზითევიც შეაძლიეს, სამსახურში დაწინაურებაც შესთავაზეს, მაგრამ ხევსურმა ყოველივე უარჰყო, რადგან—

— აქ „მაღადინ“ ჰქონდა ქვეყანას, დედ-მამას და... მზექალოს.

ეხლა კი სიამით გაიცინა მზექალომ.

— ლალიონს წამავეყვე და წამავად.

ტფილისში რომ „ჩამავიდის“, მთელი ქალაქი გადაატრიალა, მაგრამ მე ვერ მიპოვნა. ხუთი ბრძოლა მოიხადა ჯურხამ. სამჯერ გადარჩა, ორჯერ დასჭ-
რეს,—საფეთქელში და ბარკალში. წელანაც შევნიშნე ჯურხას ყურთან გრძელი ნაქრილობევი. ნადაშნევი მეგონა, თურმე ნატყვიარი ყოფილა.

— ერთ ძმაიც მყავდა, მინდრიაი, წელან იმის სულის მასახსენებელ რო დალევდით.

მინდია და „სხო ხევსურებ“ შატილთან დარაჯად იდგნენ, ქისტებისთვის გზების შესაკვრელად.

— წუნკალ ურჯულოებ გადმადივავ და ჩვენი საქონელ იპარავდივ.

ჯურხას გვარს „პირიქითაში“ მტერი ჰყავდა. ოდესღაც, ორი წლის წი-
ნათ ჯურხას მამამ—მგელამ ერთი „ურჯულო მახკლა“,—აღდიმ გეეზი. იმისი შვილი,—ბატირ მუტო რომ წამოიზარდა, ჯურხას ძმას მინდიას მოასწრო და „სისალ აიღებდივ,—მინდიაი მახკლავდივ“.

— მინდიას შენი ჭირიც წაუღრვ. ურჯულოებმ ხატი გატეხის და ჩვენი დროშიაი წაიღის.

მაშინ ჯურხა ბორჩალოში ომობდა. ეს ამბავი რომ გაიგო, უმაღვე დაბ-
რუნდა. მაგრამ ზანთარი იყო და ხევსურეთში ვეღარ ავიდა. ხანი აღარ დააყოვნა:

— ძაუგს გადავედის და მტერს ზურგით გაუარავ.

— ჯარახის ხეობას აჰყვა და ნელ-ნელა ქისტების ქვეყანაში შევიდა. ქი-
სტური ენა ადრევე იცოდა, ეხლა კი ისე „მავრიავე ხელ, რომ ნამდვილ ურ-
ჯულოი გაგენებოდივ“. ყონალი გაიჩინა და ბატირ მუტოს სოფელში ავიდა. ქისტებს ოდნავი ექვიც რომ აეღოთ ჯურხას ვინაობისა, „ცხორივით დამხკლავ-
დიან. „ბატირ მუტოც გავიცნივ თოლი ავაყოლებდივ“.

— ერთხელ ხევსურეთს წამავიდიათ საქონლის მასატაცებელ. ბატირ მუ-
ტო კა ვაჟკაც იყო და წინ გაუძღვებდის.

ქისტებს ხევსურების დროშა თავიანთ სალოცავში შეენახათ. წინა ღამეს ეჯურხამ ის დროშა წამოიღო და წელზემოიხვია.

ქისტებს ჯურხაც ეედევნა. ქისტობა დაუჯერეს. საზღვარს რომ გავიდნენ,

ბატირ მუტო „წინ წამაეიდის საზვერავად“. ჯურხაც გაძყვა. სხვებს რომ „მა-
შორდივან“, ჯურხა წინ აეშოტა და უთხრა:

— ბატირ მუტო! მე მინდიას ძმაი ვარ, ჯურხაი, ანგაროშ მაქვენ შენთან.
შენი ხანჯარ ამაილებდივ.

ბატირ მუტო გაფითრდა და ჯურხას ძალლი უწოდა, მაგრამ ხანჯალი
მაინც იშიშვლა და ისე შეუტია ხევსურს, რომ ჩემს ძმად-ნათესს ერთ წუთს
თვისი თავი გათავებულად მოეჩვენა.

— დალივავ, ვაჟიკავ!—ცოტა ხნით სწყვეტს ამბავს მასპინძელი და ჯამს
სცლის. მერმე „ყალივანს“ სწუწნის, იწიტება ბუხარში და ათავებს:

— მახვკალ.

და წუთიერი სიჩუმის შემდეგ უმატებს:

— მახვკალ და შატილის გზით წამაველ.

ამბავი ამით არ თავდება. მგელას ერთი მტერიც ჰყავდა,—ვინმე ბერდია
არაბული, თვითონაც განთქმული მეშუღლე და ძლიერი გვარის ჩამომავალი.

— ბევრ მავერიდივ ერთუცს, მაგრამ ბედმ მაინც შაგვახვედრივ.

ჯურხა ისევ იწიტება, სღუმს და ისევ ცეცხლს ეუბნება:

— ისიც მავხკალ.

ჯურხას თავი რომ არ მოერიდებინა, არაბულები იმის გვარეულობას შე-
მუსრავდნენ. არაბულები მართლა მოადგნენ არხვატს. არხოტელებმა არაბულთა
ჯარი ნახევარი საათით შეაჩერეს,—ხვეწნით, საკლავით და მოლაპარაკებით.
მგელას გვარეულობა უკვე ქედზე იყო ასული, როცა არაბულები იმათ სახლს
ჭიანჭველასავეთ მიესივნენ და ათიოდე წუთში მიწასთან გაასწორეს.

არხოტიდან წიკლაურები გომბორზე გადმოვიდნენ.

— კა ალაგ ას. მაგრამ...

მაგრამ წითლები „მაეიდის და შაგვაწუხებდის“. ჯურხა ნათესავებით
იქიდანაც აიყარა და აქ დასახლდა.

— კა ალაგ ას—ათავებს ჯურხა.—არც ჩვენ ვიცნობდივ წითელ მთავრობას,
არც მთავრობაი გვიცნობდივ ამ სოფელს.—ყალიონის ავლი ხელის გულზე გა-
მოჰპანტა, კმაყოფილებით გაიღიმა და დააყოლა:

— გზაი აქეთ არ მაეიდის და აღამიანც ამ სოფელს არ მახვდების. წელი-
წადში ერთხელ წალვლალავთ ბიქებ თიანეთს, ერბოს და საქონს გავყიდისთ,
სასყიდელ ვიყიდისთ და ამით გათავდების. ამაზე კა ცხოვრებაი ქვეყანაზე არ
იქნების;—და უცებ გაცოცხლდა.—აბა, ვაჟიკავ, ნუ მაგაწყინავ. დანარჩენ მერე
იყოს. შესვი, გენაცვალავს ჯურხაი. ხათუთავ, ზღაპარ რასმ ეტყოდევ სტუმარს.

ხათუთა თითქო ამას ელოდებოდა. ფეხითთ მონიჯდა, იდაყვი მუხლზე
დაიდო, თავი ხელის გულზე დაიბჯინა, თვალი თვალში გამიყარა. ნელის რხე-
ვით აქანავდა და ჩუმის ხმით ნანასავით დაიწყო:

— იყო და არა იყო რა, ღვთის უკეთეს რაი იქნებოდის...

და ჩემს დაღლილ თავს ასი უცნაური ლანდი მოახვია. კუდიანები, მეჯა-
ლაფენი, ეშმები, მაძახურები, დევები და ოჩოპინტები. ზღაპარს ლეგენდა
დაასხა და ვაჟკაცური ამბებიც დააყოლა: გალექსილი მარტია მისირაული, ბერ-

დია მამუკაური, „ნეფე“ ერეკლე და კრწანისი, ხირჩლა ბაბურაული და ზურაბ ერისთავი, ხოშურაული და ნუგზარი.

ხათუთას ჩაშტერებული თვალეზი, ოდნავი ღიმილი და წარსწევით ერთნაირი ტემპით და რითმით მოჩუხჩუხე ხმა იღუშალ ლულს მგვრიან და უცნაური ბურანით წნისლავენ. თვალეზს ვხუჟავ და მეც ხათუთასავით ვქანაობ. უცებ ამბავის რითში შეიცვალა. ცალი თვალი გავახილე. ჯურხა, ხათუთას უღიმის და ჩურჩულით ეხვეწება:

— ჩემი ძმაი ას, ძმაი. ქალავ, ნუ გცხვენის.

ხათუთა მორცხვობს. პირისახეს ხელეზში იმალავს, თავს აქნევს და ბუტბუტებს:

— არ შამიძლივ, არა. ნერცხვეზის.

— ქალავ!— შეუტია ჯურხამ.

ხათუთა წამოვარდა, ფანდური მოიტანა, ისევ ფეხთ მომიჯდა და ბუხარს უმღერა:

ჩაგიღლაღე ციკნებო,

მე შენ წაწალ ვიქნებო.

— ხათუთი, რა არის „წაწალ“? შევაწყვეტინე სიმღერა.

ბინდიან კუთხეში მხეჟალომ ჩაიფრუტუნა. იამზემ ჩაიხითხითა. ჯურხას ყელიდან რახრახის შადრევანი ამოვარდა. დარცხვენილი ხათუთა წამოხტა და გარეთ გავარდა.

— ჯურხა, რა არის მეთქი „წაწალ“?

ისევ რახრახი, ფრუტუნი და ხითხითი.

— მერმ გეტყოდივ, ვაჟიკავ, მერმ. თუ გეძინების...

— ჰო, ჩემო ჯურხა, მეძინება, ძალიან მეძინება.

— აბა, წამახვედ. ბანხედ დაგაძინავ, სიცივის ხომ არ გეშინადავ?

— არ შეშინიან. ნაბადი მაქვს.

ბანხე ამიყვანა, მომეხვია, ერთხელ კიდევ გაღიხარხარა და სანათურში ჩაძვრა. უცებ ისევ ამოჰყო ლომური თავი და სიცილით გამაფრთხილა:

— არ შავაშინდისავ, ვაჟიკავ!

და თითქო ქვესკნელში შთაინთქა.

„ლოგინი“ მიცდის. ქვეშ—დათვის ბეწვი, საბნად—სქელი ქურქი, ბალიშის ნაცვლად—სამიოდე ტყავი.

გავიხადე და უშალ თვალეზი მივლულე. მომელანდა: თითქო ვილაც ფეხაკრეფით ამოდის ბანხე, თითქო ვილაც მეპარება. თვალეზი გავახილე. ღამეა, ბნელი და ჩუმი. მახლობელი მთები შავი დევებივით ჩასაფრებულან. კავკასიონის ქედზე თეთრი დევები გუშაგებივით ასფეტილან. ჩამუქებული ცა უთვალავ თვალეზს ახამხამებს. ერთი შავი დევის ზურგზე ნამგალა მთვარე შემჯდარა. სოფელში ძაღლები იღრინებიან. უცებ უკან მივიხედე. ქურქში გახვეული ვილაც ატუხულა ჩემ თავთან.

— ხათუთა!

— სუ, იყუჩე!

ქურქიდან თავით-ფეხამდე ტიტველი ქალი გამოსხლტა და თავის და-ხამხამებაზე ჩემი ქურქის ქვეშ შეძვრა.

— ხათუთ... ჩემო ხათუთი... — და მეც ტყავში ჩავიძირე.

— იყურე მეოქი, ვაეიკავ... იყურე.

კვანძივით მოკუნჭულიყო. გაყინულივით ძაგდაგებდა და კბილებს აწყაპუნებდა.

— ხათუთი... შენა ხარ?... მართლა შენა ხარ?..

— ხელ არ მახლო... საწაწალოდ მავედივ... ჯურხას ფიც-ვერცხლ ნაქამთან მავედივ.

ეხლა კი მივხვდი. გამახსენდა ოდესღაც ნაამბობი უცნაური ხევისჭრული ჩვეულება, სასტიკი „წაწალობა“, უუზენაესი ძმური სიყვარულის მკაცრი ადათი, — დღესაც არ ვიცი, ველური თუ ხეკაცური, ღვთიური თუ სატანური. ხევისჭრის თავისავე გვარის სტუმარს, ან ძმად-ნათეს უცხოელს ლოგინში შიშველ ქალს ჩაუწვენს, მაგრამ დილით ის ქალი იმ ლოგინიდან ისევ უბიწო უნდა წამოდგეს.

რიტრაჟზე ხათუთა ქალწულად წამოდგა. მაგრამ ძლივს წამოდგა. ორივემ ერთმანერთი დავეთენთეთ და უსრული სიტკბოების ჯვარზე ავწიეთ.

ოოპ, ხათუთა ქალო! შენი მკერდი! შენი ძუძუები! შენი მოხვევა! შენი ტუჩები და შენი კოცნა!

V

უუხარმახარი წიფლის ქვეშ ვწევარ. ქვეშ ნაბადი მაქვს გაშლილი. ჩემი სხეული და სული დაქინებით მოითხოვენ გახეგებას და გარინდებას. თითქო თვითონვე იპოვნეს თავიანთი წამალი. აგერ ოთხი დღეა, რაც დილიდანვე ტყეში დავბორიალებ, და მარწყვსა და საუკხოვო ყვავილებს ვკრეფავ. მერმე უთუოდ ამ წიფელს მოვინახავ და მკვდარივით გავიშოტები. შუადღემდე არც ვდგები, არც ვინძრევი, არც ვფიქრობ.

გვერდით ლომა-ძაღლი მიწევს. ზევით ციყვი სცხოვრობს. ჩემი მისვლა ჯერ იუცხოვა და კენწეროზე ავარდა. მერმე ჩემი გაცნობა მოინდომა და ქვემო ტოტზე ჩამოცოცდა. ზის, დამცქერის, ჩინჩხვარს ახრამუნებს და მათურთბებს. ხათუთა დავარქვი.

ჩემი ახალი სადგური ჯურხამაც იცის და ხათუთამაც. ხან ერთი ამოვა, ხან მეორე. თუ ხათუთა მოვიდა, მარწყვს ვაქმევ და თავზე ყვავილების გვირგვინს დავადგამ. ჩემი სტუმარი ჩემს უბის სარკეში იხედება და თავის-თავს უღიმის.

წელანაც იყო. სარკე ვაჩუქე და ვუთხარი:

— ხათუთი, ახლო მოიწიე.

ხათუთი გვერდით მომიწვა და ჩემსავით ცის ნაგლეჯს დააშტერდა. ჯერ ილიმებოდა, მერმე გადიკისკისა.

— რა მოგაგონდა, ხათუთი?

ხათუთას ჩვენი უკანასკნელი საღამო გაახსენდა, ტფილისში რომ გავატა-

რეთ. მეც მაგონდება: მე ხარბი თვალით შევსცქეროდი მზექალას. ექვსი წლის ხათუთა კი ორივეს გვაშტერდებოდა და... თურმე შურვილით იხერხებოდა. უცებ მუხლებზე ამომიციოცდა, მომეხვია და ათჯერ მაინც მაყრუდა. მე კი უგულოდ წავედი და ხათუთას აღერსი ვერ გავიგე.

— გახსოვდის?

— მახსოვს, ხათუთი, კარგად მახსოვს. მაგრამ შენი კოცნა ღმამავიწყდა. აბა, გამახსენე, როგორ მკოცნიდი მაშინ.

ხათუთა იცინის და მკოცნის: ხუთჯერ, ათჯერ, ოცჯერ.

— რატომ საწაწალოდ აღარ ამოდინხარ ბანზე, ხათუთი?

იმიტომ, რომ ჩემი დატანჯვა არ უნდა.

— შენ კი არ იტანჯები?

— მეც ვიტანჯ, ძალუშად ვიტანჯ, მაგრამ...

საღერდელი ამეშალა. ხათუთას ხელი მოვრიე და მოვიხდომე აქვე, წიფლის ძირშივე ხელმეორედ განმეცადნა გიჟური წაწლობა. ჯერ ამყვა, მერმე განისხლტა, აღანძული პირისახე მომარიადა, წელამდე ჩამოყრილი მოწითალო თმა გაისწორა და მითხრა:

— ჭამის დრო მავიდის. წავიდეთ თორე... ან დათვია მავიდის, ან აპარეკაი.

„ჰოოო, ეხლა კი მესმის მათი შულლის საბაბი!“

— ხათუთი, შენთვის ხომ არ შულლობენ დათვია და აპარეკა? მისი კისკისი ტყემ განიმეორა.

— შენთანაც იშულლებდივავ, ხომ არ გეშინიავ?

ტყემ ჩემი ხითხითი და ხათუთას კისკისი შთანთქა.

და ჩემი თავი ჯავშნით შეჭედილი მომეჩვენა. ფარს ვატრიალებ, დაშნას ვიქნევ და ვკივი: „დამიდექ, თუ ვაუკაც ხარავ!.. მახვდა!.. ას!... მახვდა!“

და განგმირული დათვია აქეთ გაიწოტა, ხოლო აპარეკა იქით გაიჭიმა. ხა-ხა-ხა! არა, მე რკინაში არ ჩავჯდები. როგორც ვწევარ, ისევ ესე დაეხვდები. თითსაც არ გავანძრევ, თუნდ დათვია „მავიდეს“, თუნდ აპარეკა, თუნდ დაშნით გადამჭრან, თუნდ „ხანჯრით“ გამხვრიტონ. ჩემთვის სულ ერთია.

ხათუთას კი მაინც არ დავთმობ.

გუშინ ჩემი კბილ-საწმენდი ვაჩუქე. დაჯდა და იმ საწმენდით ვერცხლის შიბი, სანაჯური და საყურეები დაიფერა. ხათუთა მეფიცება, საყურეებიც „ნამდვილ ვერცხ ას-“ო. მეც შევეყურებ პატარა რგოლებს და მაგონდება ორი პაწაწა ნამგალა მთვარე, დიდრომ ატამზე ჩამოკიდული.

ვერა, ხათუთას ვერც დათვიას დავუთმობ, ვერც აპარეკას.

* * *

— ვაეიკავ, რას ოხრად გინდვის სპილენძი?—მეკითხება წიფლის ქვეშ ჩემი გვერდით მწოლარე ჯურხა.—ჩვენთან დარჩიე.

ჩვენთან დარჩიო! როგორ მალე მიაგნო ჩემი სულის გაფხრეწილ კუთხეს!

— ან რაი ბედენაა თქვენი ქალაქ? ხაშშიან ალაგ ას. ხალხიც/ ცხო ას, დამპალ, უჯილაგო, უჯიშო. აც გული აქვენ, აც სინდის, აც რჯულ, ჩვეულებათ, სიტყვათ. მართალს ვუბნობ თუ არა, ვაჟიკავჭიშვილი

ბედსაგან მოთელილი და ნაბურთალი ვიყავი. ცხოვრებამ განომფიტა, მომქანცა და ფულურო მყო. რაც მქონდა და ვინც მყავდა, თითქმის სულ დაგკარგე: მამა, ძმა და სამიოდუ სხვა ნათესავი; მამა-პაპების მონაგარი და უკანასკნელი თავშესაფარი; სულოს სიმხნევე და გულის სიმტკიცეც ყოველივე მქონდა და აღარადფერი არ შემრჩა. ქალაქმა გამომშიგნა, გამომადფუტუროვა და ხანგადასული ბოლოკივით გამაფუყა. ამიტომ იყო, რომ ჩემი ტანიც და სულიც წიფლის ქვეშ ასე უცბად გალხენენ და გაინაბნენ. ისეთი საანური ბანგით ვარ გაქლენთილი, რომ უძრავად თუნდ ერთ წელიწადსაც გავძლებ, თუნდ სამუდამოდაც დავრჩები. ჩემი გუმანი აღრევე ელოდებოდა, ჯურხას პატიუს. ჯერ გავილიმე:

— ისე მპატიეობ, ჩემო ჯურხა, თითქო აქ სახლ-კარი და მამული მქონდეს.

— ვაჟიკავ, მაგას რად უბნობ!—იწყინა ჩემმა ძმამ—ჩემი ძმათ ხარ, ნამდვილ ძმათ. ჩემი საქონელიც შენი ას, სახლიც და სახნავიც. მგელა და ტოტია შენი მამებ ორაგან, ნანუკათ და იამზეთ—შენი დედებ, მზექალოთ და ხათუთათ—შენი დებ. ჯურხას-კარში მარტო წიკლაურებ ორაგთ, ყველათ შენი ნათესავ ას.—ზედ გადამეყუდა და განაგრძო:—დარჩივ, ვაჟიკავ, დარჩივ. რამდენც მაგინდების, იმდენ იცხოვრავ. ახლა ჯანსალ პირათ არა გაქვს. ისე მაკეთლებთ, როც ჩონი კაცი. მარმე შენ იცივ.

განაბული ვუგდებ ყურს ჯურხას კილოს. ძმა მელაპარაკება თუ მასპინძელი? ხევსურული ადათი მეძახის თუ ძმად-ნათესავის გული? და ჯურხას ხმაში ერთი ბეწვის ოდენა განაბხარიც რომ ვერ ვიპოვნე, წამოვიწიე და ხელი გავუწოდე.

მართლა? მაშ ვრჩები? „ჰათ, აგაშენ ღმერთმ, აგაშენ!“ ჩემი მომცილებელი? ებლავე გაისტუმრებს ჯურხათ.

— წავიდივ, ერთ წერილ რამ დასწერავ ქალაქშიდ. მშვიდობით იყავნთქო!

„ამხანაგოს“ მაგიერ ვსწერ: „მოქალაქე თავმჯდომარევე!“ ვატყობინებ, რომ აღარ დავბრუნდები. ვსთხოვ, მკვდრად ჩამთვალეთ მეთქი. მე თქვენი არაფერი მმართევს. მე გადავსახლდი მეორე ქვეყანაში. ნურც ჩემს ახალ ქვეყანას ეძებთ, ნურც ჩემთვის შესწუხდებით. „ნახვამდის“ კი არ გისურვებთ, არამედ მშვიდობით! სამუდამოდ!

ორი ცხენი უკვე შეკაზმულიათ. ჩემი სანჩო და ჯურხას უნცროსი ძმა წიქამე მელოდებიან. წერილი სანჩოს გადავეცი და ვეუბნები: ახმეტის ფოსტაში ჩაავდე მეთქი.

ჯურხამ ის წერილი გამოსტაცათ, წიქას გადასცათ და ჩემი დარიგება მისცათ. მერმე უთხრათ:

— თოლებ აუბავდი, გზათ არ ისწავდოს,—და სანჩოს მიუბრუნდა:—კა

კაცო! მე გიცნავ. ახმეტელ ნაჩაფრალ ხარ, გივარგის შვილ. ^{ყურად} მამიგდე: თუ ეს სოფელ გისწავლებივ ვინმესთვის, ვაი შენი ბრალ! მიწაშიდ რო ჩასძვრივ, მაც გიპაენივ და დაგახრჩობივ. ახლა მშვიდაბით!

ჯურხამ მართლა თვალეზი აუხვია ჩემს მხლებელს და იქით გაიყოლა, საიდანაც არ მოვსულვართ. მგონი, გზის ასარევად.

* *

წიკლაურები დღითი-დღე მენათესავეებიან. მზექალოც ჩემ დად მიმაჩნია, მაგრამ ხათუთა... არა, არ მინდა ხათუთას დობა, არ მინდა!

* *

— ხათუთი, მოწითალო თმა რათა გაქვს, ქალო?

— არ მაგწინს განა?

— მომწონს, ძალიან მომწონს. იამზესაც მაგ ფერის თმა აქვს, მზექალო-საც, შუქიასაც, ლეილასაც. მართლა, რა ლამაზი სახელია ლეილა! სპარსულს ჰგავს, ლეილა და მეჯუნუნ.

— რომელ სჯობნის, ხათუთაი თუ ლეილაი?

— ხათუთა... ლეილა... ხათუთა... ლეილა. ისევ ხათუთა სჯობია. ხართუ-თას ჰგავს.

უხარიან ბავშვივით. უცებ შუბლს იკრავს:

— რაის უბნობდივ გუშინ შენ და შუქიაი?

— გუშინ? მართალი გინდა?

— მართალ, მართალ!

— შუქიამ მითხრა, მიყვარხარო.

— მართალ ანობ? მართალ? მიყორხარო?—და ძუ ვეფხივით წამოიჭრა.—

შენ რაღაი უთხარივ, შენ?

-- დაჯექი და ყურში გეტყვი.—და ჩავჩურჩულე:—მე ხათუთა მიყვარს მეტქი.

და კინალამ ნამგალა და ყურის ბიბილო მოვაკენიტე. ხათუთას ელი-ტინება. ხითხითებს და ფართხალებს.

— ხათუთი, მე მზექალოს ძმა ვარ. შენ რას იტყვი?

— ვიცვი. ჩემ ძმაც ხარ.

— არა, მე შენი ძმობა არ მინდა. რატომ? იმიტომ, რომ... რომ... ვითომ

არ გესმის?

ესმის მაგრამ ატმის პირისახე განზე მიაქვს, რომელიც თურაშაულის ვაშ-ლად გადაიქცა.

მაგონდება ქალაქი. ხათუთა ხუთი თუ ექვსი წლისა იქნება. ძიძიგურის ქარხანაში რომ მივდივარ, თან ყურძენი მიმაქვს.

— ხათუთი, —ვეკითხები შორიდანვე, —რამდენჯერ მაკოცნინებ, ეს ყურ-ძენი რომ გაჩუქო?

— ელთხელ.—და საკოცნელად მეტანება.



ქართული

— არა, დაიცა: ოცჯერ.

— ხუთჯელ.

— არა თხუთმეტჯერ.

ბოლოს, ათზე ვრიგდებით. იწყება კოცნა. ერთს მე ვაკოცებ, მეორეს ხათუთა. მე ვთვლი:

— ეს ერთი, ორი, სამი, ოთხი, ესეც სამი.

— ალა, ხუთია, ხუთი!

— ხუთი კი არა, სამი.

— ხუთია მეთქი, ხუთი!

— მაშ თავიდან დავიწყით.

— დავიწყით. — უმალ მეთანხმება ხათუთა.

ჩემი შარი ორჯელ ან სამჯერ სკრის. ხუთ-ხუთის მაგიერ ათჯერ მე ვაკოცნი და ათჯერ — ხათუთა. მაგონდება ეს ამბავი და მეცინება.

— რას იცინივ?

— ხათუთი, გახსოვს ყურძენი?

— ყურძენი? — უცებ შორეულს იგონებს და კისკისებს.

— ხათუთი, გავიხსენოთ მაშინდელი.

— ყურძენ რო არა გაქვენ?

— მაშინ შენზე ოცი კოცნა დარჩა.

— მართალს უბნობ.

მართალს არ ვუბნობ*, მაგრამ, — სულერთია, — საბაბი ვიშოვნეთ.

— ეს რვა... ცხრა... ესეც რვა. — წითელი მე.

— რვაი კი არა, ათი, ათი!

კვლავ მეორდება ძველი ცელქობა და შარი:

— მაშ ახლად დავიწყით.

— კა, დამიწყითაგ.

დავიღალეთ. ციყვი ზევიდან გვაფურთხებს. გაოცებული ლომა კუდს ასაგ-სავეებს. ხათუთა აქეთ-იქით იხედება: ან დათვიასი ეშინიან, ან აპარეკასი.

— ხათუთი, ამალამ ვიწაწალოთ.

ხათუთა სდუმს. მერმე ცას ეჩურჩულება.

— კა. მებრალებ, ვაჟიკავ, მაგრამ რაილა აგრე გინდვის...

* * *

წიქა მესუთე დღეს დაბრუნდა. თურმე ჩემი წერილი თიანელ ნათლიმამას გაატანა ქალაქში. უკეთესი! იმასაც ვერ გაიგებენ, რომელ მხარესა ვარ: თუ-შეთში თუ საინგილოში, აფხაზეთში თუ ჯავახეთში.

არც გაზეთი მოუტანია, არც წიგნი. მადლობა უფალსა! რამდენიმე ამბავი მაინც შეგვატყობინა:

ფრანგ და ინგლის ძმად-ნათიც გამხდარივ. ჯარ თურმე შაუყრივ და მავიდის... გერმანიც მაუმხრივ... ერთ ყუმბარაი გამაიგონივ თურმ. რაც ქალაქ ხალხს ას, ერთ ყუმბარაი სუ დაახრჩვის... კიდევ უბნობდის: თათარ და რუსიც

ძმად-ნაფიც გამხდარივ... კიდევ უბნობდის: ცხოში ახალ ბატონიშვილ გამაჩნ-



დის, ნამდვილ ბაგრატიონ, ნეფე ერეკლეს შვილის-შვილ.

ჯურხა წამოიჭრა: — ის ას, ის! თეიმურაზ ბატონიშვილ უთქომთ, თეიმურაზ ვიცნობ თუ არა თეიმურაზ ბატონიშვილს? არა, არ ვიცნობ. არც გამიგია. ბაგრატიონები ბევრნი არიან, მაგრამ ერეკლეს შვილის-შვილები ყველანი დაიხოცნენ.

— მაშ შვილის-შვილის-შვილ იქნების.

— მერმე, თუნდ ეგრეც იყოს, მერმე?

როგორ თუ „მერმე“?! — უკვირს ჯურხას. — არ მესმის? მაშ მე ქართველი არ ვყოფილვარ, თუ ეგრე ადვილად შეურიგდი „პირობის წიგნის გაუუქებას“!

— ბაგრატიონ უნდა მაგიდის და მცხეთას უნდა იგვირგვინის! — გადასჭრა ჯურხამ და სხვებმაც ყაყანით დაუდასტურეს.

— „იქნებ კვლავ აღზდგეს ძველი სიონი, მაგრამ ვერ ვნახოთ ბაგრატიონი“ — მოვიგონე პოეტის ნათქვამი.

ჯურხამ ჯერ ვერ გაიგო. მერმე მიხვდა და აჯანყდა. ტყუილია, ტყუილი, ვითომ უბაგრატიონოდ სიონმა წამოიწიოს!

— აკი წამაიწიე, მაგრამ ისევ დაინგრივ. ახლა ბაგრატიონთა ჯერ ას, ბაგრატიონთა!

კიდევ დიდხანს შეოთავეს ჯურხა, დიდხანს ცახცარებს მისი ლომური თავი და ლოროტოტოსავით ხრიალებს მისი განიერი ყანყრატო. ხევსურები სიამით უგდებენ ყურს. ზოგნი ყალიონებს აბოლებენ, ზოგნი თამბაქოს ლეჭავენ, ზოგნი კიდევ „ბანჯრებით“ ჩხირებს სთლიან და თავიანთ ბელადს წამდაუწუმ კვერს უკრავენ:

— აგრე ას, აგრე!.. მართალს უბნობს ჯურხაი, მართალს!

აღარც მე ვედავები. ან რა ჩემი საქმეა! პოლიტგანათლებისთვის კი არ დავრჩი ამ ბუნაგში, არამედ განკურნებისთვის. მაინც მშურს თქვენი, ხევსურებო! ჰოი, ხირჩლებო, დათვიებო და ჯურხებო! ნეტა თქვენ, რამეთუ ბავშვივით გრწმენისთ! ნეტა თქვენ, რამეთუ გული თქვენი უხავსოა და სული თქვენი უბზარი! ნეტავი თქვენ, ჩემო ძმად-ნაფიცებო, რამეთუ თვალი თქვენი უჩინოა და ყური თქვენი უსმენო!

მართლა, წელანაც ვთვალე და ვერ დავთვალე:

— რა დღეა დღეს, ჯურხა?

— ხუთშაბათ ას,

— რიცხვი? თვე?

ჯურხამ ხევის ბერს გადახედა. ეს არის ამათი ცოცხალი კალენდარი. ხევის ბერი გაიჭინთა. ათივე თითი მოიშველა, გაგასიც მოიხმარა, სთვალა, სთვალა და დასთვალა:

— ამაღლებამდ თერთმეტ დღეი დარჩის.

— რიცხვი მეთქი, რიცხვი! რა თვეში ვცხოვრობთ? რამდენია დღეს ამ თვისა?

გამოჩნდა. აჰა, ლელაც მორბის, თუთაც, კმარაც, თიაც, ძილაც, წყარო აქ-
ვეა, — გაყინული და აქაური ჰაერივით სუფთა.



წყარო აქვეა
ბიზნიშისა

— გამარჯვება, ქალაიებო!

— ღმერთმ გაგიმარჯოს, ვაჟიკავ!

— წაწალმ წუხელ როგორ გარგის, ვაჟიკავ? — იკბინება შუქია.

სხვები ხითხითებენ. თავჩალუნული ხათუთა თითქმის მირბის.

ჯურხა არაყს და ლუდს მასმევს. მზექალო ხორცეულს, ნალებს, ქადას და
ერბოს მაჭმევს. მერმე ჩემი ძმად-ნათიცი სამუშაოდ მიდის. მე კი ტყეში ვიკარ-
გები. ვიცი, სადაც არის ნახირი, წყარო, მარწყვი, ყვავილები. ზოგჯერ ცულს
წავილებ და შეშას ვამზადებ. ხელები უკვე მიკოყრდება. ზოგჯერ მენახირეებს
ვეწვევი და ზღაპრებს ვათქმევინებ. შეასეჯერ მესმის შიშნია ბალახურისძე, წიქა
ალუდაური, ზურაბ ერისთავი, „სისხლის წვიმები“, ერეკლე და კრწანისი,
კუდიანები და მეჯალაფენი, მამახურები და ოჩოპინტები. მერმე მეც ვუამბობ
ჩვენებურს: რადიო, წყალქვეშა, პაეროპლანი, ელექტრონი და რენტგენი. ხეგ-
სურები პირღია მოშიებევით მიყურებენ და იცინიან. არ სჯერათ ჩემი. არც
საჭიროა!

შუადღე რომ მოატანს, ჩემს წითელს ვეძებ. ნაბადზე გავიშოტები და თვა-
ლებს მივლულავ. სანამ ხათუთა მოვიდოდეს, არც კი შევინძრევი.

ნამდვილ უდაბნოში ვარ: არც ხელისუფლება, არც მანქანა, არც გადა-
სახადი, არც ადგილკომი, არც ელექტრონი, არც კომკავშირი, არც ბინის კრი-
ზისი მაწუხებს, არც პროფკავშირის წევრობა; წყალსადენი არ მიფუჭდება და
ელექტრონიც არ მიჭრება; მილიციელი არ მიბღვერის და დღეში ხუთ კანონს
არ ციხებირებ; აღარც გაზეთს ვკითხულობ, აღარც მე მკითხულობენ. აღარ
ვიცი, რა არის ინდექსი, ვინ მღერის ოპერაში, რა სიტყვა ჩიკინჯილაძემ, ვინ
რამდენი გაჰტლანგა, ჯამაგირს როდის დაგვირიგებენ, ვისი ბიხა გასტეხეს, ან
წუხელის ვინ დაიბრჩო თავი. აღარც წითელ ფერს ვხედავ, აღარც თეთრი მახ-
სოვს. ვხედავ მხოლოდ მწვანეს, ვსცხოვრობ თარსმან შეფის დროს, ვსვამ იამხეს
არაყს, ვსჭამ მზექალოს ხინკლებს, ვეწვევი მყრალ ყალივანს, ყურს ვუვდებ ჯურ-
ხას თეიმურაზიანს და ვთვრები ხათუთას წითელ ტუჩებით.

ღანარჩენი დროს გავატანე და დროც დავიწყებას გავაყოლე.

მართლა, რომელი თვე გათავდა? რომელი დაიწყო? ამაღლება დიდი ხანია
გავიდა. მაისია თუ ივნისი? შეიძლება ხევის ბერი მოკვდეს. მაშინ წელიწადსაც
დავკარგავთ!

არც ვინანებ. „კისერიმც მაუტეხნია!“

წითელი ერთგან გარანდულია. ზედ ლექსი სწერია:

გამავედ ვერძის ტყის გორა, ქალავ, მაგავლებ თვალსაო.

კარგი ხარ, ჩემო ხათუთი, ა ვხლა დაგწერ ჯვარსაო.

„ხათუთა ჩემია. ხელი აიღეთ“. — წავაწერე და ნაბადზე გავიშოტე.

— გუშინ რაის კუსკუსობლით შენ და შუქიაი? — მეკითხება ხათუთა.

მე ობლური ღიმილით ვიღიმები და ვსდუმვარ. ხათუთა ოხრავს. მე კი
მაგონდებიან ხევსურული ძროხები, რომელნიც ხათუთასავით ოხრავენ, როდეს-

საც წვიმის მოლოდინში არიან. ციდან არწივი თითქო გვითვალთვალებს, ციყვი იკრიჭება. ლომა იზმორება. ხათუთამ შეზულულელებული თევზის ცხენდზე ჩამოიგდო და წავიდა.

გ ი ზ ლ ი მ ი მ ე ჯ ა

ოჰ, ხათუთი, ჩემო ხათუთავ! არც კი იცი, რომ ჩემი სული შენში გადმო-სახლდა. არც საჭიროა! როცა საბოლოოდ გავწიკლაურდები, მაშინ-ღა გაიგებ.

* * *

მამა-ჩემი მიწას მოსწყდა და ქალაქს მიეკედლა. მეც მიწა ვიყავი და ისევ მიწას დავუბრუნდი. ქალაქმა, ომებმა და რევოლუციის ქარიშხალმა ბუნებუ-ღით მამორიილეს და ბოლოს, ამ ბუნავში ჩამომადგეს.

იმ ქვეყანამ, რომელსაც მე, ჯურხა, ტოტია და მათი ჯალაზნი მოვსწყდით, ვერ მოგვინელა და უკანვე გადმოგვანთხია. ვერც ჩვენ მოვინელეთ, და საიღა-ნაც დავიწყეთ, ისევ იმას დავუბრუნდით,— მიწას, ბუნებას, ჯურხას-კარს! ჩემს ფიც-ნაქან იმას ისიც კი არ ეტყობა, რომ ოდესმე თელავში ყოფილიყო, თორემ ტფილისში ყოფნას და ევროპულ განათლებას ვინ დაუჯერებს! დღევანდელი კულტურა ქალაქურ მტვერივით ჩამოირეცხა. მეც ამ გზით მივდივარ, მივრბი-ვარ, ნივქრი!

უკვე ერთი ციდა წვერი გამეზარდა. ჩემი სავარცხელი და კბილის საწმენ-დი ხათუთას ვაჩუქე და მას შემდეგ ხელშიც აღარ ამიღია. სავარცხელს ვხედავ, კბილის საწმენდით კი ვხლა ჯურხა და წიქა ჰტერავენ აბჯარ-საკურველს.

ამას წინათ გულმავიწყობამ მათქმევინა:

— ხათუთი, საპონი მათხოვე.

— საპონი?.. საპონ რაი ას?

მერმე, თეთრი ქაფი რომ მოვავონე, გადიკისკისა და საპნის მაგიერ სიპი ქვა მომაწოდა.

ვითომ რაო! თუნდ სიპი ქვა იყოს, თუნდ ესეც არ იყოს!

ერთი მარცხიც მომივიდა: თან ათიოდე კოლოფი წუმწუმა მომყვა. რომ გამითავდა, ჯურხას ხელი გაუწოდე:

— ჯურხა ასანთი მომეცი.

— რომელ ასანთ, სპიჩკაი?

ხო-ხო-ხო! რა ხუმარა ვყოფილვარ! ჯერაც ვერ გადავეჩვიე ქალაქურს?! ხათუთას ნაჩუქარ ქისაში აბედი და ტალკვესი ჩამნიწყო და დამარიგა:

— აბედ-მოკიდებულ ყალივანს ცხო გემო აქ, კა გემო.

მეც მჯერა. მეც ჯურხასავით „ყალივანი“ საყელოში მაქვს ჩარქობილი, ხოლო ქისა—პრტყელ ქამარში, რომელიც წიქამ ხარის ტყავისგან გამომიქრა.

ნურავინ შემედავება: ალუბლის „ყალივან“ ინგლისურს სჯობია, ხოლო ხათუ-თას ხელით მოყვანილი, ხელის სიბრტყე თამბაქო სამსუნის თამბაქოს მირჩევ-ნიან. ყალიონის მოწვევაც ჯურხასგან ვისწავლე. დინჯად, გარინდულად, დალა-გებით, მადით და ტკეპნით ვეწევი. ნაცარს ფეხის ცხვირზე გამოვიყრი, ცეცხლს ხელის გულით ვიღებ და შემდეგ ნეკით ვასწორებ. თითები ხშირად მეწვის, მაგრამ ტკივილის შემჩნევა „მცხვენისავ“. ბოლს რომ გამოვუშვებ, თან მივაყო-

ლებ: „მპა!“ დროგამოშვებით ჯურხასავით ვიწიტები: შეკრულ კბილებიდან დუეს გამოვასხაე, — „წიტ!“ — და ტუჩებს ხელით მოვიწმინდავ.

ქალაქურ-ლიტერატურული სიტყვებიც მეკარგებიან საბავშვო დღეში სამიოდეს ვკრეფავ ხევსურულს და ვამბობ:

— ხუთ ძროხაი ას... ჯურხას სტუმარ ხყავნ... ხათუთი, ხედავავ?... ჯურხა, აქ ორავ, აქ (აქა ვარ, აქ)!.. მზექალო, არ გცხვენისაევ?... ჩვენ მამ-პაპან ამა-გაში მადიოდეს, უფრო ჩვენზედ კაად სცოდნივ სრუ ყველაი, — უქმიცდ, საქმიც... ჯურხა „ნადვილ ქართულს“ მასწავლის და ყველას არწმუნებს, რომ ექვს თვეში მე არხვატელ ხევსურისგან ველარავინ გამარჩევს. სხვებზე მეტად ეს აბ-ბავი ხათუთას უხარია:

— ჩემ დალიშნულ ხევსურ ას! ქალაქის სუნ აღარ აქვნი!

სუნზე გამახსენდა: პირველ ხანებში ხევსურული სიმყრალე მახრჩობდა. ხათუთასაც თავისი სუნი ჰქონდა: ერთად არეული დამძალებული კომპოსტო, დამ-პალი ქონი, ძმარი, მუშკი და ხარდალი. მაგრამ ამ ქვეყნად ყოველივე წარწავალი ყოფილა, — ხათუთას სუნიც და ლოგინის სიმყრალეც. ყნოსვა ნელ-ნელა დაძირლუნგდა და მხოლოდ რამდენიმე სუნის გარჩევის უნარი შემრჩა: რძის, ციკნის, არყის, მოხრაკული დუმისა და ხათუთას ტანის, რომელსაც მათრობელა ოხშივარი ასდის. მგონი, რძით იზელავს ტანს. ის კი ვიცი, რომ ძროხის შარდით იბანს თმას. ამიტომ გადააჭრავს იმის დალალებს ძუქი სპილენძის ფერი.

ადრე მკბენარიც მაწუხებდა. არ ვიცი, რომელი უფრო მეტია ხევსურულ ლოგინში, ცხვრის მატყლი თუ მკბენარი. ეხლა კი ამასაც ველარ ვამჩნევ. ჯერ საწოლში საცვლებით ვწვებოდი. წაწალობამ გამახდევინა, რადგან ხათუთა შიშვლად წაწლობდა. მერმე ხათუთამ და ჯურხამ მასხარადაც ამიგდეს. მეც დავრწმუნდი, რომ ხევსურეთში სიტყვა „საცვალიც“ არ იციან, შალს ტიტველ ტანზე იცვამენ და ტყავებშიც ისე სწვებიან, როგორნიც დაბადებულან.

ჩემი საცვალიც ხათუთამ თავისებურად გამოიყენა: ზოგი დასკრა და თახჩებს ჩამოაფარა, ზოგი კი დალაქ-დოსტაქარმა წაიღო კრილობების შესახვევად.

თანდათან სოფლურ შრომასაც შევეჩვიე. ჯერ სახლში დავტრიადლ: ცეცხლი ავანთე, ქვაბები გავრეცხე, ცოცხსაც კი მოვკიდე ხელი. ქალუკები ჯერ ხითხითებდნენ, მერმე ხათუთამ შემარცხვინა.

— ვაყიკავ, არ გცხვენისაევ! სოფელ რო შეიტყვის, სიცილ მართავავ.

ჯურხას გავყევი და მამაკაცის საქმეს მივაგენი: აბჯარ-საქურველის წმენდა, ნადირობა, შულლი, მუდამ ომისთვის სამზადისი, „ყალივანი“, ლექსის გამოკრა, ლუდი, ღრეობა, ფარიკაობა და... ზოგჯერ მიწის აჩიქნა.

მგელა ჩვენს ოჯახზე კრუხივით ზის, ჯურხა კი წაწილებს გარსშემო უვლის.

VI.

დათვია შემხვდა და შემომიტია:

— უჯიშო! უჯილაგო! დამპალო! ნიავის საღვერაო! სად ას შენი დაშნა?!

არც დაშნა მტონდა, არც დანა. ამიტომ დათვიამ ხაზლით მომაწილა და აბჯრიანი ზურგი მაჩვენა.

ჯურხამ რომ გაიგო, მეხვიით დაიქუხა. ნისი ლომუნის მსგავსი სოფელს ხანხარი გაჰქონდა. უმაღლესი რკინა-ფოლადში ჩაჯდა და ხეში უბნისკენ გაიწია. მაგრამ ქვემო უბანმა აწყვეტილი ლომი ძლივს-ძლიობით შეიმაგრა. „მაწევარ“ მაინც გაუგზავნა და შეუთვალა: დათვიავ, ვაი დედისშენის ბრალი, თუ სადმე წაგაწყდო.

წიკლაურთა გვარმა გლოვის ჰანგზე დაიგმინა და ძაძის იერი ჩაიკვა. იმ დღეს ღიმილი აღარ დამინახავს. ჯურხა ჰბორგავდა, წიქა იხერხებოდა, მგელა მგელივით ღმუოდა, ტოტია ბურტყუნებდა, ხოლო დედაკაცები იფხრიწებოდნენ და ისეთს მოსთქვამდნენ, თითქო ექვსი შვილი მაინც დაუბოცესო. ხათუთამ პირი მომარბდა და საწაწალოდ აღარ მოვიდა.

შერცხვა წიკლაურთა გვარი! შერცხვა და დაიღუპა! მათი ოჯახის წევრი, ჯურხას ძმად-ნათიცი და ტოტიას სიძე ლაჩარი გამოდგა! აღარავინ იმოყვრებს წიკლაურებს, არც არავინ მიეკარება. ტყუილ-უბრალოდ გაიბნა გვარის სახელი, ასი თაობისგან შექმნილი! უნაყოფოდ დაიღვარა არაბულის, ალდომ გეგზისა და ბატირ მუტოს სისხლი!

— „კმარა!—დავიძახე მეორე დღეს გულში.—მეც ხევსური ვარ, ნამდვილი ხევსური! გაფრთხილდი, დათვიავ! შენც მერიდე, აპარეკავ!“—და ძმად-ნათიცს მივაძახე:—ჰეი, ჯურხავ, მაიტა ჯავშანი, ზუჩი, ფარი და დაშნა! მე ის არ ორავ, ვინც გგონივართ! მეც ხევსურ ვარ, ხევსური!

უცებ გამოიღარა. წიკლაურებს თითქო ექვსივე დახოცილი შვილი გაუცოცხლდათ. იმედი და ღიმილი კვლავ დასახლდნენ ტოტიას და მგელას ოჯახებში. ჯურხა გადამეხვია, ხათუთამ ადგილი იხელთა და ცხელი კოცნა მაჩუქა.

ერთი რამ ვიცი: არც დათვიას დავეუარდები ღონით, არც აპარეკას. სიმარდით კი ამ სოფელში ყველას ვსჯობნი. ჩემმა გინნასტურმა ვარჯიშობამ და კიდაობამ ტყუილად არ ჩამიარეს. ჯურხას-კარში ქალაქურ სენისგან განვიკურნე. ჩემი კუნთები თავის-თავად იბურთებიან. გაქცეულ მოხვევს ვეწევი და შვიდ ნაბიჯზე ვბტი.

წიქა თავის საჭურველს მოარბეინებს. ხათუთა ორ-ადლიან დაშნას მოათრევს! იამზეს ჩაჩქანი უჭირავს. მხექალო ფარს მაწვდის. ჯურხა უკვე რკინაშია ჩაქედილი. ჯერ-ჯერობით უნდა ვივარჯიშო. ჯურხა ჩემი ოსტატია.

ეზოში გავდივართ და დაშნების მაგიერ ჯერ ჯოხებით ვიბრძვით.

— აათ, მაგხვდა!—მალიმალ ბლუის ჯურხა.—კიდევ მაგხვდა!.. ასს!..

— ფარი დაუბვედრავ, ფარი!—მიყვირის წიქა.

— ფეხი დამალავ, ფეხი!—მარიგებს ტოტია.

სხვები იცინიან. მე კი ვიბრძვი, —ვიბრძვი შმაგიანად, მარდად, თავგანწირვით. ღონეზე რომ იყოს, ჯურხა ერთის დაკვრით გამაპობდა. მაგრამ მე სიმარდე მშველის. უფრო და უფრო იშვიათად ისმის მისი „მაგხვდა! ასს!“ ბოლოს, როგორც იყო, მეც მივაძახე:

— მაგხვდა!

და ჩემი „მაგხვდა“ თანდათან ხშირდება. დავიღალეთ. ყველანი ვგრძნობთ, რომ ფარიკაობაში უცებ ასი ნაბიჯით გადავხტი. წიკლაურებს უბარდნათ, მაქებენ და მამხნევენ. ზეგ ან მაზეგ დაშნაზე გადავალ. გაფრთხილდი, დათვიავ! მერიდე, აპარეკავ! ნურც თქვენ გათამამდებით, ბარკა, აფშინა, გაგა, ქორია! მაინც, რა მძიმე ყოფილა ეს საქურველი!

* * *

როგორ მოხდა, რაც მოხდა, ბინდ-ბუნდად მაგონდება.

სამი დღე ჯოხებით ვივარჯიშეთ. მეოთხეზე დაშნები ავიღეთ. ჯავშანი აღარ მემძიმებოდა. სისხლი უნდა დაიღვაროს, ამიტომ მგელაც აქ არის. ესეც დოსტაქარია. ხან ზეხე ვიბრძვით, ხან ცალ მუხლზე დაჩოქილები, ხან კიდევ ჩაკუნტულები. თანდათან შევხურდით.

— მაგხვდა! — მივაძახე ჯურხას და სისხლი დავინახე. სისხლმა უფრო შემაფიცა.

— აათ, კიდევ მაგხვდა! იას!

ნახევარი საათის შემდეგ იარებს ვითვლით, ქერით ვიზომავთ და ვიხვევთ. მეორე ვარ გაკაწრული, ჯურხა — ხუთვან. არ შევრცხვით: არც ერთ განაკაწრში ქერის მარცვალი არ ჩაიფლო. გაფითრებული ხათუთა წყალს უსხამს მგელას. ბებერი მგელი იარებს მიხვევს და მარიკებს:

— თუ არ აჩქარდივ, დათვიაი ვერ გაგიძლებივ. დაშნას თოლი არ მაშორებივ, გულში შიშ არ ჩაიდებივ. დათვიას არ მახკლავდავ. ისც კაც ას.

— მახკალ! მახკალ! — შემომძახა ჯურხამ. — თუ არ მახკალ, ი მახგკლავს.

ერთი კვირა კიდევ გავიდა. დილით და საღამოთი ისევ ჯოხებით ვფარიკაობთ, რადგან ახალი სისხლის დახარჯვისა გვეშინიან: დავსუსტდებით და დავიძლევით. ჯურხა იმუქრება: თუ გაჯობა, იმ დათვს მე თვითონ დავაბრჩობო. და ხშირად იმეორებს:

— მახკალ! მახკალ, თორე ი თაოთ მახგკლავს!

ჯურხა კეკუიანი კაცია: უნდა მოვკლა!

ბალათერას ქორწილი იყო. დათვია ჯაჭვით შემოსილი მისულიყო და ეთქვა:

— ი ქალაქელ დამპალაი არ მავას, ჩემი ეშინივ.

ჩვენ კი უკვე რკინით ვიყავით შექედნილი.

— დათვიაშ არ დაგასწრავ. — მომაგონა ჯურხამ.

ვერა, ვერ დამასწრობს!

ხუთი ვაჟეკაცი, ხუთიფენი შერკინულნი, ერთად მივადექით ბალათერას. მე მაშინვე გავნაპირდი. მგონი მეშინოდა, არ დაგვიჭირონ, ან მანდილი არ ჩავვიქნიონ მეთქი. დათვია გარსშემო მივლიდა და მიბღვეროდა. რომ განაპირდა, დრო ვიხელთე, რამდენიმე ნახტომით პირწინ ავესვეტე და მივაძახე:

— რას იბღვირებ, დათვიავ! თუ ხათუთაი გინდავ, დაივიწყივ.

და იმავ წუთს ხათუთას მოვკარი თვალი. დაშნები ქარქაშებიდან თავისთავად ამოსხლტნენ.

— განი! არ მოგვეკაროთ! — შევძახე ჩვენსკენ გამოქცეულებს და მოეტ-
რიალდი. ამავე წუთს ჩემმა თავმა დაიბზრიალა. თვალთ დამიბზნებოდა. წავტორ-
ტმანდი, მაგრამ თვალის ჩინი უმაღლეს დამიბზრუნდა. ზუზუნმა მიწრთვლია. დათ-
ვიას დაშნა ერთხელ კიდევ წამოვიდა პოიალით და სხივილით. ფარი შევაშვე-
ლე, განზე გადავიწიე და იმავე წუთს ჩემი დაშნის წვერი დათვიას ყელში მივე-
ცი, — სწორედ ყელში, რომელიც პარსაბურავმა გამიხსნა. დაშნამ დათვიას კი-
სურში გზა გაიკვლია და ერთი მტკაველით გაიხედა.

„მახვკალ! მახვკალ! ცოცხალ ადამიან მახვკალ?“

* * *

ხევსურების თვალში მხოლოდ იმ დღეს გაეხდი ადამიანი, რადგან ადამი-
ანი „მახვკალ“. ჯურხამ ნეკნები ჩამიხნიქა, იამზემ და მზექალომ ახალი რაინდი
გადაჰკოცნეს, ხოლო ხათუთამ იმ ღამეს ისე იწაწალა, რომ მეორე დღეს ფეხე-
ბი მედრიკებოდა.

მაშ ესე: ადამიანი მოკვალი. ხათუთას, სულ ერთია, ვერ წამართმევდა.
მაშ რატომ გავიმეტე? იმიტომ, რომ მომაწიტა? მაგონდება: დათვიამ მგონი გა-
ნზე გადააწიტა. თამბაქოს ღეჭავდა და დღეში ხუთასჯერ მაინც იწიტებოდა. და-
მპალი რომ დამარქვა? ჰო, ამიტომ, მგონი ამიტომ. და იმიტომაც, რომ წიკ-
ლაურები შეშფოთდნენ. უფრო კი იმიტომ, რომ ჯურხამ მირჩია, „მახვკალ“.
კიდევ იმიტომ, რომ აქაური ადათი ესეთია. „სადაც წახვიდე, იქაური ქუდი
დაიხურეო“. მეც ხევსურული ქუდი მხურავს, თუმცა არც ისეთი მსუბუქი ყო-
ფილა ეს ქუდი, როგორც პირველად მომიჩვენა.

ან იქნება დათვიამ მართალი სახელი დამარქვა? იქნება მართლა დამპა-
ლი ვარ?

არ ვიცი... ჯერ კიდევ არ ვიცი.

მე და ლომა-ძალდი ჩვენი წიფლის ქვეშ ვწევართ. ჩვენი არწივი ისე და-
სცურავს სივრცეში, როგორც შავი ნაფოტი უუზარმაზარ ლურჯ მორევში. ჩე-
მი ციყვიც ქვემო ტოტზე ზის, კიწია-კბილებს მიკრიჭავს, ჩინჩხვარს ჰლრღნის
და ზედ მაფურთხებს. ჩვენი თვალები შეხედნენ ერთმანერთს. ციყვმა უცებ ფბა-
ქანი აადინა და ფოთლიანში დაიკარგა: ნეტა რა მოუვიდა? სისხლი ხომ არ
შემატყო? ცოდვის აღლო ხომ არ აილო?

ფაჩუნი მესმის. თავჩალუნული აპარეკა მოდის. ლომა იღრინება და ტოტე-
ბით მიწას ბრღუნის. საკვირველია! წინად ლომა ამ კაცს კუდის ქნევით ელა-
ქუცებოდა. ეხლა კი... სამტროდ ხომ არ მოდის ეს კაცი? წამოვიწიე და უნე-
ბურად ხელი ადლიან ხანჯალზე დავიდე. ერთმანერთს შევხედეთ, — მკაცრად,
ბღვერით, მუქარით.

აპარეკამ ვერ გამიძლო: უმაღლესი თავი ჩაპლუნა და გაბრუნდა.

ეგრე! ის აღარა ვარ, ვინც გეგონეთ! ტყუილად კი არ ჩამომშორდნენ ბა-
ლღებიც! სხვებიც მერძლებიან და მოშორებით მივლიან: „შიში შეიქმს სიყვა-
რულსა“!

კაცმა მართალი უნდა სთქვას: სამოთხეა, ნამდვილი სამოთხეა ჯურხას-კა-

რი! არც მილიციელი, არც გამომძიებელი, არც ბრალმდებელი და არც საქვე-
ყნო აყალ-მაყალი! ადამიანი მოვკალი და, საპყრობილის მაგიერ, წიფლის ქვეშ
განვისვენებ.

ბიზნიშისება

თუმცა, აქაც გამიმართეს სამართალი. ნიშთან შეიკრიბნენ, დროა გამოი-
ტანეს, უხუცესებმა მოიკალითეს და მეც დამიბარეს. მე ჩემი სათქმელი ვუთ-
ხარი და განზე გავდექი: ჯურხამ ისე ილაპარაკა, რომ საუკეთესო ტფილისე-
ლი ვექილიც კი შურისგან გაფითრდებოდა. მსაჯულებს დაუმტკიცა, ვითომ მე
დათვიას „მაკვლა“ არ მონდოდა, ვითომ დათვია მომეპარა და უკნიდან დამკ-
რა, — ლაჩრულად, დიაცურად, „ციცაივით.“ მგონი ამან მიწველა. მოწმეებმა ხე-
ლის გულზე მიწა, ვერცხლი, ხორბალი დაიყარეს და დაიფიცეს:

— ვფიცავა, რომ მართალს ვიტყვი.

დილით მკვლამ ჯურხას-კარის „კანონები“ ქონიან თითებზე ჩამომით-
ვალა:

— თუ თავში დაჭრილს ამოუვიდა საზეო ძვალი, ხუთი ძროხაი ას, თუ
ჩხიმი ამაპყვა, მაშინ შვიდ ძროხა უნდა მისცას. თუ მსუბუქად დაიჭრა, დაჭ-
რილს დამჭრელი არაყით, საკლავით და პატრვით მიუას შინ, მეტი არა მიზ-
დევს.

— თუ მახკლა? — ვკითხე.

— თუ სხის იარაღით მახკლა, იარაღის პატრონი გადაიხდის ხუთ ძრო-
ხას.

— მკვლელს რაღას უზმენ?

სწორედ ამ დროს დაგვიძახეს. მაგრამ მე ვიცოდი, რომ შეიძლება აქედან
გავეძვევებინე. ჩაქოლვა მერჩივნა. იმას მაინც არ გავიგებდი, რომ ხათუთა აპა-
რეკას „მაუწყა“.

მსაჯულები ლმობიერად მომეპყრნენ: მოკლულის დედას ათი ძროხა მიუ-
საჯეს. უბიდან ხუთი გაქონილი ათ-თუმნიანი ამოვიღე და ვთქვი:

— მეტი არაფერ გამაჩნივ. ამ ფულით თუნდ ოცსაც იყიდის. აილოს.

დამავიწყდა, რომ აქ ფულის მაგიერ ძროხები დადიან ხელით-ხელში. ფუ-
ლის დანახვაზე ზოგმა პირი დაალო, ზოგმა რახრახი ასტება, ქალაღის ფული
დაიტაცეს და ისე სინჯავდნენ, თითქო ცოცხალი ოჩოპინტე დაიჭერესო, თან
ზიხლით იწიტებოდნენ, თეძოებზე ხელებს იტყაპუნებდნენ და ოხუნჯობ-
დნენ:

— ძროხის მაგიერ ქალაღის ნაგლეჯ უნდა მისცემდივ!

— ჯიბგრობაი ქალაქში გაუვიდის, ჩვენთან კი...

— ჩვენც გამაცდილ ვართ, გამაცდილ! ვერ მაგვატყუებდივ!

მე მეწყინა. თავი ჩავლუნე და წამოვედი. ჯურხამ ფული დამიბრუნა და
მითხრა:

— თუ ქაცმა კაც სხის იარაღით მახკლა, მეპასუხედ იარაღის პატრონ
ას. დაშნა მე მაგეც, ფარი ტოტიამ მაგცის. შულღი გათავდივ. იცხოვრივ მშვი-
დობით!

წიკლაურებმა გავიმარჯვეთ. მართლა, დამავიწყდა: შეც წიკლაურის გვარი დავირქვი.

აპარეკა რომ დავითრინეთ მე და ლომამ, ხათუთა მოვიტყუე და მითხრა:

— სოფელში მაწვევარ წავალავით. ხვალ ხორწილ გვაქვს.

გამახსენდა: წუხელის, ადათის თანახმად, ხევსურები არაყით გაილეშნენ ტოტიას სახლში. დღეს დილით თვითონ ხათუთანაც დაიარა სოფელი და სტუმრები „მაიწივა“.

მაშ ხვალ არშიყობა და წაწალობა გათავდება. ვაი თუ ხათუთას კოცნასაც გემო დეეკარგოს!

— ხათუთი, ჩემო თუთი! მოდი, მაკოცე... ერთხელ კიდევ მაკოცე, თორემ...

— აბაიშე, ვაჟიკავ! რაი გემართების?

— არაფერი, ძალუკავ, საიმისო არაფერი!

* * *

ჩემი მაყრიონი ერთ ეზოდან მეორეში თოფის სროლით და გრგვინვით გადადის და ხათუთას, ტოტიას და იამხეს ატყობინებს: „მავდითავო!“ გზაშივე არაყი და ლუდი მიაგებებს. წინ „მეხორწილე“ ჯურხა და წიქა მიუძღვიან. აქ ჩემი დედ-მამა — მგელა და ნანუკა ესალმებიან.

— მასპინძელო, — ეუბნებიან მგელას და ნანუკას, — სრუ მუდამ ლხინი და ხორწილიმც ნუ მაგეშლებიხავ!

მხოლოდ ესლა შემიშვეს ქალებით სავსე ოთახში.

ხათუთა საზღაპრო დედოფალს ჰგავს: მოქარგული „სათაურა“; ვერცხლის „შიბი“; მოკლე ჯუბა; — ისიც წითელ-ყვითლად მოქარგული; ქათიბის მსგავსი „ფაფანაკი“; ნამდვილი ვერცხლის საყურეები; ნამდვილივე ვერცხლის ბეჭედი; ძროხის წარდით შეწითლებული და მუხლამდე მინაწვდენი ღვედის სისქე ნაწნავები; დაბურული თვალები, მარწყვის ტუჩები და შიგ მწკრივად ჩალაგებული გაფცვნილი ნუწი. ტოტია და იამხე ცრემლით იღიმებიან. ხათუთას ხელი უკანკალებს.

ზედამდეგებმა ჩამოატარეს სანთლებით განათებული ტაბლა. ხევის ბერი გვამწყალობებს, გელოცავს და გვარიგებს:

— ქალისა, ვაჟის პატრონო და ნეტე-დედოფალნო! გწყალობდასთ ნახსენებ ანგელოზების მაღლი! ბედთან-დავლათთან მაგახდინასთ, ერთუცს შავაბერნასთ, გამრავლნასთ, ასის-თავად გაგხადნასთ!

ყველანი გელოცავენ და გვილოცავენ. ჯურხა მახრჩობს და თითქო სტირის:

— ვაჟიკავ... ჩემო ძმავე და ფიც-ნაქამო...

მეხვევიან მამაც, დედაც, წიქაც. კინალამ დავკოცნე შუქია, თია, კმარა, ლელა, სანდუა და თუთა.

მერე დაიწყო სმა, მღერა, „ტომ-ფანდურის ტყრიალი და ბუზიკანტი“.

უშნოდ და მოუხეშავად ცეკვავენ: ხტიან, ტლინკებს ისვრიან და ხელებს ისე ატრიალებენ, თითქო გაოცებას გამოსახავენო.

შუქია გვერდით ჩამიცუცქდა. ფანდურს აფრატუნებს და მხეწის: ადულებს ბედიანაი ქერსა და სვესა, ორსავე. ახსენებს ბედიანაი ჯვარსა და ღმერთსა, ორსავე. აწევდა ბედიანაი მტერსა, მაკეთეს, ორსავე.

მერმე მეჩურჩულება:

— არ შარცხვე, ამაღამ რომ ნიუცუცქდებივ და იკუსკუსებივ, თორე... ხათუთამ ყურები სცქვიტა. შუქიამ გადიკისკისა და ქალებში შეერია.

შუადამე გადასული იქნებოდა, რომ გაღეშილი სტუმრები ღრიალ-კივილით დაიშალნენ. მე და ჯურხამ თითო „ყალივანი“ დავცალეთ და ქეობოში — ხემო სართულში ავედით. ჩემი ლოგინი ისევ ბანზე მეგულეობდა. მეგონა, ხათუთა იქ ამოვა მეთქი. მაგრამ ჯურხამ მითხრა:

— აქ გაიხადავ. ადათ უნდა შესრულდივ.

რომ გავიხადე, ქურქი მომახვია, სანათურთან მიმიყვანა (და ქვეით ჩასძახა:

— ხათუთავ, შაიძლების რომ ვაეიკაი ჩამოვიდის?

პასუხად სიბნელიდან ხითხითი მომესმა.

— ჩად! — მიკარნახა ჯურხამ და მეც ჩავედი.

— აქ ვარ, აქ. — მომესმა ჩურჩული ტყავებში გახვეული დედოფალი ცაცუნით ვიპოვნე. წაწალობის საზღვარს რომ გადავცდი, ხათუთამ შეჰკივლა და იმავე წამს მეორე კუთხიდან მზექალოს ხითხითი: ნანუკას შემოტევა მომესმა:

— რაი გაყვირებდივ, ქალაიავ! პატარაი ხო არ ორ?

მეგონა, ჩვენი ჯალაბობა იმ ღამეს ტოტიასთან წავა მეთქი. მესამეშა. ისევ ქეობოში დავაპირე ასვლა, მაგრამ ვიფიქრე: „ესეც აქაური ქუდი ყოფილა, და მეც ხომ წიკლაური ვარ“. და დავრჩი. შემდეგ, ქეობოში რომ ავედ, ჯურხამ ჩასძახა მზექალოს:

— ქალაიავ, შენთან მასვლა მინდივ.

— ჩამად, ჩამად! — დაუყვირა ქვეიდან მზექალომ.

მესმის, ცოლს რომ ნებართვას სთხოვენ, მაგრამ ვერ გავიგე, განგებ რად ატყობინებენ მთელ ოჯახს თავიანთ ნაჩუქარს?

ამაშიც ვემორჩილები:

— ხათუთი, შენთან მასვლა მინდივ. — ვუყვირი ყოველ ღამე ხევიდან.

— ჩამად, ჩამად! — მიყვირის ქვეიდან ჩემი ცოლი.

და მე რომ დავბრუნდები, ჯურხა ჩასძახებს:

— ქალაივ!..

— ჩამად, ჩამად! — ამოსძახის მზექალო.

VII

ტოტია ჩემი სიმაპრი გახდა, იამზე კი — სიდედრი. ორი მამა მყავს, — მგელა და ტოტია, და ორი დედა, — ნანუკა და იამზე. ჩემი თავისთვის გაუთავე-

ბელი დავა აქვთ. მეც არ ვიცი, რომლის შვილი ვარ ნამდვილად და ვის სახლში უნდა დავბინავდე. ურის ბალღით მწეწავენ, სოლომონ ბრძენთან რომ მიიყვანა ორმა დედამ ის ბალღი შუაზე გაჭრას გადარჩა, მწეწავს ჯურხამ შუაზე გადამჭრა: ხან ერთთან ვარ, ხან მეორესთან. კვირა დღე კონსტანტინოპოლში (ჯურხასკარში თვე და დღის რიცხვი დავკარგეთ, თორემ კვირა-უქმე ბავშვებმაც იციან), მე და ხათუთა ტოტიასთან გადავდივართ. მეორე კვირა რომ დადგება, ჯურხა ამოვარდება, ჩვენს ქონებას ილიაში ამოიჩრის და ბატკნებივით „წალკვლავს“.

ხათუთა ანბობს, ორმოცი ძროხა გვყავსო. ოცი ტოტიას უჩუქებია და ოციც ჩემი „ურბათი“ ყოფილა. თურმე ის ურბათი მე უნდა მიმეცა, მაგრამ ჩემ მაგიერ ჯურხას მიუტცია. ეს ამბავი რომ გამოვიკითხე, ჯურხამ თათი დამკრა და მითხრა:

— ფიც-ნაქამებს რაი ანგარიში აქვნთ?

საქონლისა მე არაფერი მეკითხება, სანადიროდ კი უჩემოდ არ წავლენ. ჯერ-ჯერობით მე და ჯურხამ ორი დათვი, რვა ჯიხვი, ოთხი მგელი და რამდენიმე მელა მოვკალით. კურდღელს, ტურას და მაჩვს არ ვკადრულობთ. ჯურხა მადიდებს და სოფელს აჯერებს, ვითომ ჩემისთანა მონადირე თუშ-თუშავ-ხევსურეთშიც არ მოიძებნებოდეს. ამის წინათ ერთ მწვერვალზე ავფოფხდით. შორს, ძალიან შორს მოლურჯო ნისლში ბინდად ვხედავ მაღალი მთის ნახაზს.

იმ ნახაზს უნებურად დავაშტერდი და უნებურადვე ამოვიოხრე:

— ჯურხა, აგერ ის მთა რომ მოსჩანს, გომბორი ხომ არ არის?

— რაისთვის ოხრავავ, ვაჟიკავ?— და თვალებში ჩამაშტერდა.— გულმ ხო იქით არ გაგიწევი?

— არა, ჯურხავ, არა ისე ამოვიოხრე.

ეს იყო ჩემი პირველი ტყუილი. გულმა მართლა გამიწია გომბორისკენ, კახეთისკენ, ბარისკენ. ხალხისკენ და ნათესავებისაკენ. ნეტა რა ხდება იმ ქვეყანაში? კიდევ მიგონებენ თუ დამივიწყეს? ჩემ ბინაში დასახლდა ვინმე, თუ დეიდა მაიკომ შეინარჩუნა? ნეტა ვინ გამოგზავნეს სპილენძის მადნის საპოვნელად? ბიძა ჩემი არჩილი კვდებოდა, მე რომ დავიკარგე? ნეტა მოკვდა თუ გადარჩა? სანდროს ანეტა უნდა შეერთო. შეერთო თუ გაიყარნენ? ნეტა რა ხდება ქართულ მწერლობასა, თეატრსა, ხელოვნებასა და მეცნიერებაში? რა ხდება ჩემს საქმეში, სამთო-მადნო დარგში?

კიდევ ბევრი რამ გკითხე ჩემს თავს. რაკი ერთხელ გაიფაჩუნა მიძინებულ-ია ჭიამ ჩემს გულში, ცოდნის ქავილიც ამივარდა. მაგრამ ისევ ჩაჰჭრა, რადგან დათვის ნაკვალევს დავედევნეთ. უცებ ჩემს ფეხ-ქვეშ რალაცამ გაიბზინა. დავწვდი და ავიღე. სპილენძი, სპილენძის მადანი! მეომე როგორი! ერთი მუშტის ოდენა ქვა ხუთი გირვანქა მაინც გამოვიდოდა. ქვა ლურჯად, წითლად, მომწვანოდ და მოყვითალოდ იწვის.

ავიხედე და კლდე დავინახე. მადნის ადლიან ძარღვს ის კლდე გამოეხეთქნა. კლდის ძირს მივდევ და ვათვალიერებ. აი მეორე ძარღვიც... აგერ მე-

სამეც, მეოხეც... ერთმანერთში არეულან სპილენძის და გოგირდის მადნები. აქა-იქ შაბიამანიც მოსჩანს.

— რაის ეძებდივ მანდ, ვაჟიკავ?

— სპილენძი, ჯურხავ, სპილენძი!

— ვიცივ, ვიცივ. ეგ სხო სპილენძ ას, შენ რო ეძებ, ის სხო ას. წამადივ, წამადივ, თორე დათვი წაგვივის.

მე არ მივდევიდი. ჯურხა გამიწყრა, თითქმის ძალით წამათრია. თითქო შეშინებულიც იყო, მიმათრევდა და ბურტყუნებდა:

— რაით გინდივ სპილენძ? ეშმას მაგვანილ ას. ქალაქში გაიგებივ და ამავიდიან.

შიშის მიზეზს უმალ მივუხვდი: ის ქვეყანა ამ ქვეყანაში შემოიქრება. გაიკაფება გზა, გაიბმება მავთული, მოვა მილიცია, გაჩნდება ხელისუფლება, სამართალი, გადასახადი, მანქანა, ორთქლი, ელექტრონი და ათასი ეშმაკეული.

სალამოზე ორივენი ჩაკუნტულნი ვსხედვართ და ყალიონებს ვაბოლებთ.

— ათასი პატარა ქვეყანა წამხდარივ სიმდიდრით, მადნით.— თითქო თავის-თავს ებუტბუტება ჯურხა.— რომელიც ძლიერ ას, იმან სიმდიდრისთვის სუსტ დასჯაბნის, დაიმორჩილის, თვისი რჯულ შაიტანის და ხალხ მანობაში ჩაავდის.

— ამიტომ?— ვეკითხები მე.

— ამიტომ ყოველ კაცმ და ხალხმ ახლა თვისი სიმდიდრეი უნდა მიწაში ჩაჭულავდის და დამალვიდის. ნეფე ერეკლე დიდ ვაჟკაც ამბობდიან, მაგრამ ჭკუით დიდ არ იყვის. ცხო ხალხ შამაუშვის, ჩვენი სიმდიდრით მაიტყუვის.

მე ვეუბნები: რაც მაშინ მოხდა, რომ არ მომხდარიყო, ან გავთათრდებოდით, ან ხევსურებივით მთაში დავილეოდით. ჯურხას ჩემი არა სჯერა:

— თათარ რაის გვიქნევდის! თათარ ბეჩავ ას, დამპალ და საცოდავ, თათარ მავინელებდივ, სხოს კი ვერ მავერიეთ.

ამიტომ ყველა კარებები უნდა ჩაგვეკეტნა, საკუთარ ნაჭუჭში ჩამძვრალ-ვიყავით და ჩვენი ჯანი შეგვენახნა.

— ეგრე რომ გვეცხოვრნა, ეხლაც ურმით უნდა გვევლო, სხეები კი ჰაეროპლანებით დაჰქრიან.

— სხოს ჰაეროპლანს ჩემი ურემ მირჩევნივ.

ბევრი მქონდა სათქმელი, მაგრამ ისევ ხევსურული ქუდი დავიხურე და ვაეჩუმდი.

მეც ხომ წიკლაური ვარ!

* * *

ციყვი დიდი ხანია გამეჭვა. დედა ჩემი ნანუკა ამბობს:

— სისხლ შაგატყვის, მიტომ გაიქცევდის.

დიდი ხანია წიფლის ქვეშ აღარ გავშოტილვარ. გამაფრთხილეს, დათვიას ნათესავი ბაიკა შენს სისხლს ეძებსო. ამას წინათ წიფლის მახლობლად მრავალი ნაფეხარი შევნიშნე. მეც აქაურ მეკვლესავით დავიგეშე თვალი. ის ნაფე-

ხარი ერთი კაცისა იყო. ალბად ბაიკა გითვალთვალეხს. მეორე დღეს იმ ალავს მე თვითონ დავადგი თვალი. ალლომ არ მიმტყუნა: ბაიკა ბუნებში იჯდა. თოფი მქონდა, მაგრამ მაინც მოვერიდე. ერთი კაცის სისხლდეც მოვუფუჭე.

სისხლს გაურბივარ, მაგრამ თვითონ დამდეგს. დათვია რამდენჯერმე მომეჩვენა. მემრე ის ლანდი ან გელა გამოდგება, ან ხირჩლა, ან აფშინა. სიზმარში ხან სისხლით ვიბან პირს, ხან წითელი წვიმა მოდის, ხან კიდევ დათვიას დედა ძიძია სისხლიან ნამგლით დამდეგს.

— რაით შეგეჩვივნ ლამით ყვირილ, ვაეიკავ? — მეკითხება ჯურხა. — იქნებ სისხლ გაქვენ გამოსაშვებ?

ხათუთამ ვილაცას შეალოცვინა და გულზე ავგაროზი ჩამომკიდა, ვინ იცის, იქნება ამაღ მიშველოს!

— ჯურხა, რად გინდათ ამ სოფელში ამოდენა კოშკი?

— ვინ იცივ... კაცნი ორავეთ.

— მტერი არა გყავთ. მაშ ტყუილად დაგიხარჯავთ უამრავი შრომა...

ბოლოს გამოირკვა, რომ ხევსურებს კოშკები ადათის ძალამ ააშენებინა. იქ, არხოტში კოშკები ჰქონდათ, მაშ აქაც საჭიროა.

კახეთში ეხლა გახურებული რთველი უნდა იყოს. ბარში თითქო — დამდნარი ქარვის წარღვნაა. ქალაქში კი... ნეტა ცალი თვალით მაინც დამანახვა ჩვენი დედა-ქალაქი და ჩვენი დედა-მდინარე!

ჯურხას შიში ემატება: სპილენძმა არ დამძლიოს და ხევსურებში გზა არ გამაკაფინოს. ეს შიში ალბად ჩვენი ბაასის ბრალია. ვალბილებ, მაგრამ მაინც ვამბობ, ან სხვა ვილაც ამბობს ჩემი პირით: ქარებები უნდა გავალოთ, თორემ დავილუპებით, მანქანა და ცოდნა უნდა შემოუშვათ, თორემ ფარსმან მეფის დროს დავუბრუნდებით; ხიდი უნდა გავდოთ, თორემ დავილევით. უბრუნებლივ წაეიდნენ ნებროთიანები, ქართლოსიანები, არშაკიდები და ბაგრატიონებიც. ჯურხას მგელა მიეშველა:

— რუსსა და იაპონიას შუღლი საქართველოსთვის მაუვიდათ. იაპონიის ნეფემ შამოუთვალივ: საქართველოს პირობის წიგნ რო დახივივ, კულა გ გაამრთელივო და აქ რო ქართველ ბატონიშვილ ას, ტახტი დაუბრუნვივო.

— მერმე? — ვეკითხები — ხომ გაიმარჯვა იაპონიამ. რიტომ არ დაბრუნდა ჩვენი ბატონიშვილი?

გელამ კისერი ნოიფხანა, გადააწიტა და მიპასუხა:

— მადის.

— ოც წელიწადში ველარ ჩამოვიდა?

— შორს იქნების, რო ვერ ჩამავიდივ. იქნებ ოციც იაროს, ორმოციც, ასიც. ბოლოს მაინც ჩამავიდის. თუ თაოთ მახუცდის ან მაკვდის, იმისი შვილ ან შვილის-შვილ მავიდის!

მე უნებურად გამეცინა. მგელა წამოდგა, მოხრილი ხერხემალი გაისწორა, უცნაურად ამაღლდა, აცახცახებული ხელით მკერდი აიბაგუნა და უუმტკიცესი ხმით ამოიხრიალა:

— მავიდის! მა-ვი-დი-ს!!

და ზედაც აღარ შემომხედა. მგელას სული თითქოს უხლა დნებდა.
მგონი წიკლაურობა აღარ მიხდება.



ქართული
საბჭოთაო

* * *

სოფელში ისეთი ალიაქოთი ატყდა, თითქო ჯურხას-კარს მტერი შემოესიაო. ყველანი გაჰკივიან, დარბიან, იარაღს ისხავენ და ლაშარის ჯვრისკენ მირბიან. მეც მივდევი. გორაკიდან სამი ცხენოსანი ჩამოდის. ხევსურები გზას უყელავენ. სამი მილიციონერი აღმოჩნდა. თურმე მე მეძებდნენ. ჯურხა მტკიცე პასუხს აძლევს:

— აქ არავინ არ მასულივ. ვინ მაგიტანის ეგ ამბავ?

— არავინ. კაცი პანკისის ხეობაში დაიკარგა. ჩვენც გზა აგვერია და ამ სოფელს წავაწყდით. გზა გვასწავლეთ.

— არ მასულივ, არა!—მაინც გაიძახის ჯურხა. მერმე უცებ გაიბადრა.— წამადივ, პურ-მარილ შასქამდივ და წახვიდადივ.

წიქას რაღაც წასჩურჩულა და მე ბავშვივით გამომაქცია. ჯურხას ვეფიცები: არ გამოვჩნდები, მეც წიკლაური ვარ, არ გიღალატებ მეტქი. ჯურხას ჩემი სიმტკიცე უხარიან, მაგრამ მაინც ვერ მშვიდდება. ხევსურები ჯგუფად განზე გაჰყავს, ეჩუორჩულება და დარიგებას აძლევს. მილიციონერები სოფელში წაიყვანეს, ხევსურები კი ქვეით მირბიან. ჯურხა მეხვეწება, სახლიდან ნუ გამოხვალო.

— ეგრე იყოს. ადვილი საქმეა.

ფაცა-ფუცი არ სწყდება. მილიციონერები ქვეით მიჰყავთ. ნახევარი საათის შემდეგ ხევში ათიოდე თოფმა ერთად იგრიალა. ყველას ვეკითხები, რა ამბავია მეტქი. არავინ არ იცის. მგონი რაღაცას მიმაღავენ. მაშ მე წიკლაური აღარ ვყოფილვარ! ნახევარი საათის შემდეგ სამი ცხენი მოჰყავთ. შესდგნენ და აყაყანდნენ. მივედი და მივბედი: მილიციონერები დახოცეს და ნადავლს იყოფენ. ცხენები და ტანისამოსი ადვილად გაიყვეს, იარაღისა და ვაზნების გულისთვის კი ერთმანერთის მოსაკლავად იწევენ. ბოლოს, ჯურხამ გააჩუმა. თვითონ არაფერი არ აიღო. ნადავლი გაჰყო, შეუტია და გარეკა. მე რომ დამინახა, აირია და ნაძალადევად გამიღიმა.

— ჯურხა, ეს რა ამბავია?—ვეკითხები სუსხიანად.—მაშ ყაჩაღები ჰყოფილხართ. სამი ცხენის და სამი თოფის გულისთვის სამი კაცი როგორ გაიმეტეთ?

თურმე ტუტუცი ვყოფილვარ. როგორ დავიჯერე, ან როგორ გავბედე იმის თქმა, რაც ვთქვი! ჯურხა მოღრუბლულია, ნაწყენია. სწყინს, რომ ვთქვი, სწყინს, რომ მე თვითონვე ვერ გავიგე მკვლელობის შიზეზი. იგი უბრალოა, ცხადია: სამმა კაცმა უნებურად მოაგნო ჯურხას-კარს. რომ ცოცხლები გაგვეშვა, გზას ისწავლიდნენ და ჯურხას-კარიც დაიღუპებოდა: მოვიდოდა მილიცია, სამართალი, გადასახადი, „ცხო კანოლი და ცხო ხალხ“. სხვა გზა არ იყო, უნდა დეეხოცნათ.

— გაიგებდივ, ვაჟიკავ?

— გავიგე.

— მაშ დაივიწყებოვ. ახლა წავიდივ!

კეთილი და პატიოსანი. წავიდეო. ამ ამბავსაც დაგვიწყებოვ მაგრამ...
თუმცა... მაინც...

კისერი შეფხანება. რა კარგი იქნებოდა, რომ ერთი თეთრი საყულო
შქონოდა.

* * *

ბარში შემოდგომა მოვიდა, აქ კი ზამთრის პირს ვხედავ. ირგვლივ ყოვე-
ლივე გაიცრიცა. ბურუსი ტყვიასავით დამაწვა. დილ-დილით მთები და მილა-
შოები ჭირხლით ჭალარავდებიან. ტყეში აღარც უოლი მოიპოვება, აღარც
თხილი, არც კუნელი და არც პანტა. ჩემი სიცოცხლე ტყიდან ბოსელსა და
ბნელ ჭერხოში გადმოვიდა. დედაკაცები ხორცს ამარილებენ, მატყლს ართავენ,
შალებს ჰქსოვენ, რძეს სდღვებავენ და კარაქს აღნობენ. ზოგჯერ მეც ვშველი,
მაგრამ ჩემი შრომა პატიმარის გართობას ჰგავს: უფრო ხელს ვუშლი და ცირ-
კის მასხარასავით ფეხებში ვედები, ვიდრე ნამდვილ საქმეს ვაკეთებ.

გარეთ აღარ გაისულება. მეც დაკარგულ ზაქივით დაეზორიალებ ოთხ
კედელში ჩაჭედული და თითქმის დამუნჯებული. თვალები ცეცხლის ცქერით
გამიწყალდა და თეძოები წნელის „ლაქანზე“ წოლით დამიბუყდა. ხინკალმა,
ერბომ და ქაღამ გული ამისუყეს. მყრალმა თამბაქომ და არაყმა ხახა ჩამიხლი-
ჩეს. დათვიას სისხლი ისევ მაყვირებს სიზმარში. არც იმ სამის სიკვდილი
მესმის. გავიგე, მაგრამ არ მესმის.

ჯურხას ვეუბნები:

— სკოლა დავაარსოთ. ბავშვებს წერა-კითხვას მაინც ვასწავლით.

— სკოლა? ხო-ხო-ხო!— იცინის ჯურხა.— კითხვაი და წერაი ბაღლებ კად
იცივ. დედებ ასწავლივ. სხო არც უნდივ.

რატომ არ უნდათ? იმიტომ, რომ არ უნდათ. მაინც? იმიტომ, რომ გა-
ნათლება ხევსურებსაც ქართველებივით დააღპობს, გადააშენებს, სხვის რჯულზე
გადაიყვანს.

ორივეს მოგებეზრდა ძველის განმეორება, ამიტომ მოკლე შეკამათებას
არყით ვათაეებთ. ჩვენ შორის ნიადაგი ჯერ გაიკაწრა, მერმე ხნულმა გაიარა,
ის ხნული არხად გადაიქცა, ეხლა კი იგი ღრმა ხრამს დეემსგავსა.

— ბაიკას შორით უვლიდივ.— კიდევ მათრთხილებს ჯურხა.— მელა კაც
ას, მიპარვა იცივის.

— კისერიც მოუტეხნია! მელასავით ტყავს გავაძრობ.

ჯურხა რახრახებს. ჩემი პასუხი მოსწონს. ხვალ სპილენძის მადნის საძებ-
ნელად მივდივარ.

ხათუთა ორსულად არის. წიკლაურების გვარს მიემატება!

ღმერთო, გამაგებინე, რა ხდება იმ ქვეყნად, ქვეით რომ დამრჩა? ნეტა
იმ საწყლებს, ხევში რომ დამარხეს, ცოტა ადრე მაინც შევხვედროდი: მეტ-
ყოღნენ რასმეს, უბრალო ამბავს მაინც მიაშობდნენ.

ძაღვების ყმუილს და უთავბოლო ყეფას დიდი ხანია შევეჩვიე. ეხლა კი სმენა ხელახლად ამეშალა. ისიც კი ვიცი, რომელი ძაღვი უნდა იყოს. ასტყდება, ან რა ხმაზე ჰყეფს. სხვებზე აღრე ბალათერას შავი ძაღვი უნდა იყოს. ტოტიას თეთრა წკავწკავით გარბის. ლომას შეძახილი — „აგ-აგ! აგ-აგ!“ გაღმა მთებზე ისმის. მერმე სხვებიც აჰყევიან და ოც ხმაზე ჯოჯოხეთურს გააბავენ. ზოგჯერ გარეთ გავდივარ და ქვებს დაუშენ. იმ ქვებს ძაღვები ღრინვით მისდევენ. მერმე კი უფრო გააედებიან და ჩემს ბინას ეტანებიან.

მკბენარსაც მგელასავით შევეჩვიე. ეხლა კი ძველი მგრძნობიარება ნელ-ნელა მიბრუნდება. ყნოსვაც ისე მქონდა დახშული, თითქო სამუდამო სურდო შემეყარაო. ეს ერთი ხანია, რაც ცხვირი ხელახლად მეტენება ხევსურული სუნით. ღმერთო დამითარე, რომ ხათუთას სუნიც შევიგრძნო.

ოოჰ, სად არის ეხლა გოგირდის აბანო, მექისე თათარი, სუფთა საცვალი-და... თეთრი საყულო, თოვლივით თეთრი საყულო!

ამას წინათ ხევსურებმა ოცი დატვირთული ცხენი წაიყვანეს და ერთი კვირის შემდეგ ნავაჭრით დაბრუნდნენ. ჯურხამ მათი წასვლა დამიმალა. ეშინიან.

* * *

თვალები რომ გავახილე, ჩემმა ნათესავებმა სიხარულის ყრიაშული ასტყეს. ხათუთა თან სტირის, თან იცინის. ჯურხას პირისახე თითქო ნაცრით აქვს შელესილი. ლამის გამჟყლიტოს, მეხვევა და მკოცნის:

— ვაჟიკავ, ცოცხალ ხარ, ცოცხალ?

არ მესმის, რა ამბავია. რად სტირის ხათუთა, რად იცინის იამზე, რად მკოცნის ჯურხა? წამოვიწიე, მაგრამ უმაღვე დავეცი. აღარც ხელი მიჭრის, ველარც ვინძრევი. თავიც დამდნარი რკინით გამეფსო. მგელამ ყველანი გაჰყარა და მითხრა:

— არ გაინძრივ, თორე კრილობაი გაგეხსნივავ.

კრილობა? რომელი კრილობა? მერმე მაგონდება: ჰო, მართლა, ბაიკამ თოფი მესროლა. სანადიროდ გავედი. მარტო ვიყავი. უცებ ბურქებში ბაიკას მოვკარი თვალი. მახსოვს თოფის გრიალი. მეტი არაფერი. მგონი ფილტვში გამიარა წვრილმა ტყვიამ. მგელა დოსტაქრობს. დალაქიც მოდის. ყოველ დღე ჩემ თავთან ოცი ექიმის კონსილიუმში იმართება. სხვებზე მეტად დედაკაცები ცხარობენ. ხათუთა თავთ მეფლება და ზოგჯერ ისე დამცქერის და სტირის, თითქო მიმავალი ვიყო. მე ხათუთას ვამხნევებ:

— არა, ხათუთი, არ დაიჯერო, არ მოვკვდები, არა!

ბინდ-ბუნდად მახსოვს: ვილაც დედაკაცმა შემილოცა. ხევის ბერმა დროშა, ჯვარი და ხატი შემოიტანა. ლოცვა, შელოცვა და ბუტბუტი არ სწყდება.

ერთი საათით რომ გონს მოვდივარ, ერთი დღე ბოდვაში ვარ. როცა სიცხემ დამიკლო, ხათუთას ვკითხე:

— რა დღეა დღეს?

— ხუთშაბათ ას, ახალ წლის მესამე ხუთშაბათ.

მგელამ გამსინჯა და განაჩენი გამომიტანა:

— გადარჩის!

ხათუთა სტირის და ილიმება. ჯურხა ისე მეხვევა, როგორც ლომი კატის კნუტს. წიქა მამხნევებს და იმუქრება:

— დედაის აუუტირებივ ბაიკას, დედაის!

დღეს დღე მისდევს, — ტაატით და ცოცვით. უკვე მოვცოცხლდი, თუმცა ჯერ ისევ ლოგინში ვწევარ. გაუთავებელი დღესასწაულია ჩემს ოჯახში. წამი არ არის, რომ სამზე ნაკლები მომვლელი და გამრთობი იჯდეს ჩემთან. ხათუთა განდა, გაიცრიცა. ვუწყრები და ვეხვეწები, დაისვენე მეთქი. მაგრამ ჩემი ცოლი გაუტეხელია. ღამეს თვალხილული სტეხავს და დღეს უძილოდ აღამებს.

წიქა თოფს და ხმალ-ხანჯალს აღარ იშორებს.

ერთხელ სადღაც თოფმა დაიჭექა.

— ის ას, ის! — დაიძახა ჯურხამ და თოფით ხელში გარეთ გავარდა.

მართლა „ის“ გამოდგა. წიქა და ჯურხა ერთად დაბრუნდნენ.

— მოყვარეი ნუ მაგეშლებიხავ, ვაჯიკავ. შენი მტერ მახეკალით. შენი კირც თან წაიღივ. — მუუბნება ჯურხა.

წიქა დინჯად ილიმება. უნდა გამეხარდეს. წიქას მიდლობა უნდა გადავუხადო. მაგრამ არ ძალმიძს, არა! ვსდუმვარ და კერს შევსცქერი. ძმებმა არხეინად ისადილეს, „ის“ აღარც კი ახსენეს და „ყალივანები“ გააბოლეს. სხვები კი — მგელაც, ტოტიაც და დედაკაცებიც უფრო გასწორდნენ და ამაყად გამოიყურებიან. ხათუთაც კი, ჩემი ხათუთაც!

ღმერთო დიდებულო! რა მძიმე ყოფილა წიკლაურთა გვარის ზიდვა!

VIII

ორი თვე გავიდა. ჯურხამ და ხათუთამ ძლივს გამოიყვანეს გარეთ და კარებთან სამუეხაზე დამსვეს. ხარბად შევცქერი მზეს, ლურჯ ცას და თეთრ მიდამოს. არაფერი არ მოსჩანს თოვლის გარდა, არაფერი! ტოტიას და მგელას სახლები თეთრი გვირაბით არიან შეერთებულნი. ვიწრო ბილიკის ორივე გვერდით ხუთ-ადლიანი თოვლის კედლები აქვს აღმართული. მგონი თოვლი დნება. ნანუკას ვეკითხები:

— დედიკავ, როდისა გვაქვს აღდგომა?

— სამი კვირაი დარჩის, სამ. მაგწყინდივ?

მომწყინდა? ეგ არის, სწორედ ეგ არის! ნანუკამ ნამდვილი სიტყვა იპოვნა. ქალაქშიც ხშირად ისმის ეს სიტყვა, მაგრამ იქ იგი ფუჭია, გამოფიტული და უბოძო. ქალაქში ზოგჯერ მეც მითქვამს: „მომწყინდა“. ირგვლივ კი უთვალავი ხალხი, ეტლი, ავტო, კლუბი, დრამა, კონცერტი, ყავახანა, ლექცია, რესტორანი, სტუმარი და გაზეთი, მეცნიერება და ხელოვნება, შემოქმედების დუღილი და ცხოვრების თრთოლვა, ბრძოლის ქუხილი და სიცოცხლის ხალისი. აქ კი „მომწყინდას“ რკინის ხერხემალი და რკალის ბოძები აქვს. იგი მძიმეა, აგერ, იმ მთასავით და გაუძლისი აი ამ უსაზღვრო თეთრი ფერივით. არა, არა! აღარ შემიძლიან წიკლაურობა, აღარ!

— ხათუთი, გენაცვალე, როდის დამიბადავ შეილს?

იღიმება და თითებზე ითვლის:

— აღდგომის შამდეგ ხუთ კვირაი რო გავიდის.

ნაშ ორი თვის შემდეგ, გაზაფხული რომ გაიშლებას, დამწვრთვნი მიშველე!

— ხათუთი, არ გინდა ქალაქი გაჩვენო?

— რაით მინდივ ქალაქ! რაით მაგაგონდივ ქალაქ?

— ისე მომაგონდა გეხუმრები... დაივიწყე.

და ამ დღიდან ხათუთას იქვი და შიში შეეპარა. ვაი თუ მართლა მომწყინდა ჯურხას-კარი? იქნება მართლა დავბრუნდე იმ ქვეყანაში? მერმე, ხათუთამ რა ჰქნას? წავიყვან? ან რად უნდა, რომ წავიყვანო? იქ რად გამომადგება ასეთი ცოლი? ეხლა მე ვარ უცხოეთში, ხათუთას ხელში, ქალაქში კი ხათუთა გახდება უცხოელი, და „ცხოს“ გარეულ ქათამივით შევრევა. აღარ მასვენებს ხათუთა. დღეში ორჯელ მაინც ნუკითხება:

— რას ფიქრავავ?... საით ას შენი ფიქრ, ვაჟიკავ?... ხო არ მაგწყინდივ, ჩემო ყველავ?

და მისი კოცნა შარშანდელზე უფრო ცხელია და ბანგიანი. მეც ნელნელა ვაძინებ ჩემი ცოლის გაჩუჩუნებულ იქვს:

— დამშვიდდი, ჩემო ხათუთი, დაწყნარდი. მე არსად არ მივდივარ, არსად. ყველანი აქა ხართ: ჩემი მამებიც, დედებიც, ძმებიც, დებიც და... შენც, ჩემო ხათუთი, შენც! მაშ რად ამოვიძრობ ახალ ფესვებს ახალ მიწიდან, რომელმაც დედა-შვილურად მიმიღო და ასე უხვად მაწოვა თვისი ჩადლიანი ძუძუ!

დაიძინე, ხათუთი, დაიძინე! ჯერ აღრეა ფიქრიც, შიშიც და ზრუნვაც. ჯერ თოვლი დადნეს. გაზაფხული რომ მოვა და გზებიც გაიხსნება, მაშინ მოგელაპარაკებით შეხვ და ჯურხასაც. შენ არ მაფიქრებ. ჯურხა კი... ჯურხამ არ იცის, რომ სხვა მიწაც არსებობს, აქაურზე უფრო ლამაზი, მოძრავი. ღონიერი და მადლიანი. მაგრამ ესეც მერმე იყოს. ჯერ-ჯერობით კიდეზე ოდნავ მათბობს. თეთრმა თვალები ამატკივა.

— ჯურხა, სახლში შამიყვანებისავ!

— მავდივარ, ვაჟიკავ, მავდივარ!

* * *

ჯურხამ ჩემი განკურნებისთვის ღამის თევა გამიმართა. „წაღლაღეს მაწევარ“, მოვიდნენ ჯვარიონნი, მოიტანეს დროშა, დაგვამწყალობნეს ღამის მთეველნი. ქვევრებივით სვამენ, კიდობნებივით სჭამენ, უცნაურს გაჰკივიან, ტომ-ფანდურზე დახტიან, ღრეობენ, მღეროიან და ვაჟკაცობას იქადნიან. გავათენეთ და მკვდრებივით დავეყარენით. საღამოზე აფშინამ „თავ-მასაპარსავო“ გამართა. ისევე ხევის ბერი, ისევე დამწყალობება, ლუდ-არაყი, ხინკალი, ტომ-ფანდური, ხტუნაობა, ღრეობა და სიმღერა. ერთი წლის ბალათერას ფრჩხილის ოდენა ალაგზე თმა „მახპარსვივ“. ეს იყო საბაბი ღრეობის.

ჯურხა ნანობს, რომ მე ავადმყოფობის გამო ვერ ვნახე „წილწად-წუხრა“, „კუმეტი“ და „სულთ აკრეფა“. საბაგიეროდ ვიუქმე „მგელთ უქმი“, რათა

მგელს აღარ შეეკამნა ჩვენი საქონელი, და შევასრულე „კუდიანთ წუხრას“ წესები. ნანუკამ ნახშირით სავსე ჯამით ჩამოგვიარა, თითოსთვის თვეს ნახშირი გადააგდო და სთქვა:

— ჯვარი გეწერას, ქრისტემ დაგდის ბეჭელი!

სალამოზე დიდი ცეცხლი ავანთეთ. მეც ნუგუნებს ვისროდი და ვყვიროდი:

— გრიადიი! ვრი კუდიანთ!

ამ დროს მთელ სოფელში თოფის გრიალი იდგა. ჩვენებიც ისროდნენ და გაიძახოდნენ:

— ამაგის მეტიმც ნურა მიგაქვთ ჩემი სახლისა. თავისა შესვით და შაქამეთ!

მერმე მგელამ კარები ჩაჭკეტა და დაილოცა:

— ქრისტემ დაგდვას ბეჭედ!

ჯურხა მარწმუნებს:

— ამ ღამეს არ შაუძლავ, რომ შიშით კარში ვინმე გაიარას, მესმინავს გარდა, თორე კუდიანებ დასწყევვენ, ან მახკვლენ.

— ჯურხა, გჯეროა, რასაც ამბობ?—ვეკითხები.

ჯურხა გაოცებულია. მაგალითებით მაჯერებს, რომ კუდიანთ წუხრა ვინც დაარღვია, კუდიანმა „მახკლა“. ხათუთაც მეფიცება მზეს, მთვარეს, ლაშარის ჯვარს და ათიოდე ხატს, რომ თავის თვალით ნახა ეშმა. ამაზე მაგონდება: შარშან, ზაფხულში, რომ დაბინდდა, ხათუთა გულგანთქილი მოვარდა და მთელი სოფელი შეჰყარა: გზაში კუდიანი შემხვდაო. მთელი სოფელი მოვიდა, მოუყვანეს მკითხავი, ხატს შეუთქვენ, შეულოცეს და ძლივს დაამშვიდეს.

— მაშ შენ არა გჯერავსა?—მეკითხება ჯურხა.

— არა, არა მჯეროა: არც ოჩოპინტე, არც კუდიანი, არც მაძახურა, არც მეჯალაფე.

— იმათ არ გჯერავს, რო პატაროობით შენც დამბალ ორ, ქალაქელ ორ.—წყენით გადააწიტა და მისაყვედურა:—წიკლაურ არ ხარ, ვაჟიკავ, წიკლაურ!

ძლივს მიხვდა ჯურხა, რომ მე წიკლაური აღარ ვარ. ვსცადე წიკლაურობა, მაგრამ დავმარცხდი. მეტად მძიმე და უჩვეულო ტვირთი მოვიკიდე, ეხლა კიდროა სულიც დავიმშვიდო და მუხლიც შევისვენო, თორემ წავიქცევი... საცაა წავიქცევი! შარშან იმ ქვეყანამ ამოაბოყინა და ჩემი თავი წიკლაურებში გადმოაგდო. ეხლა კი საცაა ჯურხას კარიც ამომანთხევს და უკანვე გადამაგდებს.

ნუ იღარდებთ და ნურც გამიწყრებით ამის გამო, ჩემო ძმებო, მამებო, დედებო და დებო, ნუ!

თოვლი დნება. გაზაფხული მოდის... ჩემი, გაზაფხული! დიდი გაზაფხული! თეთრ საყელოს ვხედავ.

* * *

ჯურხას სანადიროდ მივეყვარ. მე ვეუბნები, იქით წავიდეთ მეთქი,

საცა სპილენძი მეგულვება. ჯურხას კი, ალბად განგებ, მეორე მხარეს მივყევარ, ცხადია, სპილენძისა ეშინიან.

აქამდე ნადირობის წესს არ ვლაღობდით. ჯიხვს ეჩივებოდა, ნადირთ წყემსს“ ჩურჩულით ვებვეწებოდით:

— ნადირთ წყემსო ოჩოპინტევ, მამეც ჯიხვთ თავი, მამაკლიე! სულნი ხო შენნია ნადირთან? რას მააკლდების შენთ ნადირთ?

ჯიხვს რომ გადაეჩებადით, ზედ მივაყოლებდით:

— მადლობელ ორ შენი, ოჩოპინტე!

ორი დღე ვიარეთ. მრავლჯერ მივეპარეთ ჯიხვს.

— ნადირთ წყემსო ოჩოპინტევ, მამეც ჯიხვთ თავი. — ჩურჩულებს ჯურხა და მეუბნება: — ვაჟიკავ, შენც შავედრივ

მე გავკერპდი. ხმას არ ვიღებ. არ მჯერა ოჩოპინტე.

— შავედრივ, ვაჟიკავ, თორე ვერ მავხკლავივ.

— მავხკლავივ! — ფურჩობ მე და ვეპარები.

— ვერ მავხკლავივ შეთქი!

— მავხკლავივ შეთქი!

ნადირს ათჯერ მივეპარეთ, ათჯერვე გაგვიგო და წაგვივიდა. ხუთჯერ ვესროლეთ და ხუთჯერვე ავაცდინეთ. ჯურხა ჩვენ მარცხს ოჩოპინტეს აბრალებს:

— ვერ მავხკლავივ. ჩვენ რო ვეპარებივ, ოჩოპინტე ეტყვის ჯიხვს: „აბა, მაიქცენით! შენადირე ვეპარებისო!“

ერთიც ვერ მოვკალით. ხელცარიელნი დავბრუნდით და საქვეყნოდ შევრცხვით. ჯურხა წიკლაურების შერცხვენას მე მამბრალებს, რადგან „ოჩოპინტეს არ შავედრივ“.

მეორე დღეს ჯურხა და წიქა წავიდნენ და სალამოზე ორი ჯიხვი ჩამოათრიეს.

დავმარცხდი, საბოლოოდ დავმარცხდი! ჯურხას-კარი მხოლოდ ჩემზედ ჩაყანებს. ეგრე იყოს! ოჩოპინტეს კი აღარ შევებვეწები. მორჩა და გათავდა! რაც მოხდა, მოხდა!

აღარა მჯერა შენი, ოჩოპინტევ!

ნეტა ვიცოდე, რა ხდება იმ ქვეყნად?

ისევ თეატრი საყულო მელანდება. წუხელი დამესიხმრა: ფუქსაეატური და საზეიმო შავი ფრაკი, თეატრი ეილეთი, ლაქრონის ფეხსაცმელი, მბზინავი ცილინდრი და გახამებული საყულო — თეატრი, მაღალი და მოლაპლაპე!

* * *

ხათუთა ბოსელში შეაგდეს. იქ უნდა იმშობიაროს. ტყავები შეუყარეს, წყალი და პური შეუტანეს და გოდორი მიუდგეს.

ხათუთა უწმინდურია, კირიანია, კეთროვანია! ახლოს არავინ გაეკარება, — არც მშველელი, არც ბებია, ვერც ნათესავი, ვერც დედა! მარტო გოდორი იქნება მისი დამხმარე, — წნელის გოდორი, დიდი წამება და უძირო მოთმინება!

იმ ბოსელს გარსშემო ვუვლი. ხათუთას კენესა მესმის. მსურს სანათურთან მივიდე და ჩემს ხათუთას ორი სანუგეშო სიტყვა შევუგდო. მგელა ჭეძახის და შეუბნება:

- ვაჟიკაციისთვის სირცხვილ ას. არ მიეკარებოდით!
 — მაშ დედაკაცმა მაინც უწველოს.
 — აჰ, ვერც დედაკაც შაფოდივ.

ტოტიასთან განაგდეს. მაგრამ ხათუთას კენესა მაინც თან მომდევს. სალამოზე უკანვე დაებრუნდი.

მე და ჯურხა ჩაკუნტულები ვსხედვართ ბუხრის წინ. ტოტია და იამზე არ მიშვებდნენ, მაგრამ გამოვიქეცი, რადგან ჩემი ცოლის ახლოს მიინდა ყოფნა. ყალიონებს ვაბოლებთ და ისე დინჯად ვბაასობთ ოჩოპინტეს ძალ-უძალობაზე, თითქო ჩვენს გვერდით ჩემი ხათუთას მაგიერ კატა ჩააოდეს.

კენესას წკმუტუნნი ერთვის. ჩვენ კი კუდიანებზე გადავდივართ.

წკმუტუნს ღმუილი მოსდევს. ჯურხამ მაძახურა გაიბსენა.

ხათუთამ დაიღრიალა. ჯურხა ისევ მაძახურას მისდევს.

— გოდორ მაიშველივ, გოდორ!—გასძახის ხათუთას მოკეტილ კარებიდან იამზე.

მშობიარე განწირულ ძროხასავით ბღავის. ჯურხა ეხლა შეჯალაფეს გამოეკიდა.

— მაითმენდივ, ქალაუ, მაითმენდივ!—არიგებს ჩემს ცოლს ნანუკა.

უცებ ხათუთა კატასავით აჩხავდა, რომელსაც ახჩობენ.

— ჯურხა, ეშმაი დააფროთხივ, ეშმაი!—ჰყვირიან ერთად ნანუკა, იამზე და მხეჭალო.

— არ მაკვდებივ.—დინჯად უბასუხა ჯურხამ. მაინც წამოდგა და გარეთ გავიდა, თან თოფიც გაიტანა. მგელა, წიქა და ტოტიაც მისდევენ,—ისინიც თოფებით და დამბაჩებით შექურვილნი.

გაფითრებული ვდგევარ და ვცახცახებ. ხათუთა გმინავს. ჯურხა კი ბოსლის სანათურთან ეშმას თოფით აფროთხობს. ჩემი ცოლი, ჩემი ხათუთი ჰგოდებს, სანათურთან კი ისეთი გრილი ისმის, თითქო ჯარი ჩვენზე იერიშით მოდისო.

— გოდორ მაიშველივ, გოდორ!.. არ შაშინდივ, ქალუკავ, არ შაშინდივ!—

გაჰკივიან კარებთან დედაკაცები

თოფ-დამბაჩების გრიალმა და ჭახა-ჭუხმა ერთი წუთით შთანთქა ხათუთას ბღავილი. მაგრამ უცებ შადრევაჩივით ამოხეთქილმა გოდებამ, წრუწუნმა და ვალალმა ქექა-ჭუხილი დაჰფარა და ჩემი ყურთა-სმენაც გასქედა.

ვილაცამ თუ რალაცამ ყუმბარასავით შემაგდო ბოსელში.

— ხათუთი... ჩემო ყველავე... ჩემო ხათუთი!

ხათუთი სტირის, იცინის და პირსახეს ცრემლით მისველებს.

— სირცხვილ ას, ვაჟაკავ, სირცხვილ!—მესმის ჩვენი ოთახიდან.

— სირცხვილი თქვენ, თქვენ, თქვენ მეთქი!—გავსძახი ბოსლიდან და ჩემს მჩხავანა შვილს თბილ წყალს ვასხავ.

ხათუთა იმ ბოსელში ორმოცი დღე უნდა იწმინდებოდეს. დედასთან ვე-

— ქალაქისთვის გამოვადგება. გაემზადე, ქალაქში უნდა დავბრუნდე. წამოხტა, გაფითრდა, პირი დააღო და ისევ ჩამოჯდა. მე უმაღვე გარეთ გამოვდივარ. მოიფიქროს. მივე-
შველები.

ღმერთო ძლიერო! მართლა, რა ძნელი ყოფილა აქედან წასვლა! მთა და ხევი აიშალა, აიბურა და უუზარმაზარ ყვავილივით გაიფურჩნა. ეს ყვავილი მარე-ტიანებენ. მზის სითბო გულში მწვდება. ჰაერი მათრობს. ციყვი ისევ დაბრუნდა, ისევ ჩინჩხვარს ახრამუნებს და ზევიდან მათურთხებს. ლომა გვერდით მიწევს და მდარაჯობს. იქ კი, ჯურხას-კარში წიკლაურები ფუტკარივით ფუსფუსებენ. ერთმა წიკლაურმა გვარი შეარცხვინა, ოჩოპინტე დაჰკმო, მაძახურა უარჰყო და კუდიანებს აუჯანყდა. ლალატია, ლალატი!

ხოლო აქეთ, შორეული ქედის გადაღმა, — და კიდევ ხუთჯერ გადაღმა, — უხილავი თოკი იჭიმება. იმ თოკის ბოლო ყელზე ყულფივით მაბია. იჭიმება თოკი და დასახრჩობ ძალლივით მიმათრევს. ან უნდა წამოვდგე და სირბილით გავყვე, ან კიდევ... ან კიდევ კერპი ძალლივით უნდა დავიხრჩო.

ხათუთა, მოემზადე! თქვენც მზად იყავით, — ჯურხა, მგელა ტოტია, ნანუკა, მზექალო და იამზევე!

მოვდივარ! წასასვლელად და წასაყვანად მოვდივარ!

მართლა, ნეტა ვიცოდე, იესო მაცხოვარი ვინ გააცოცხლა: მამა-ღმერთმა თუ ხალხის სიყვარულმა და მიწის ძალამ?

ვინ მეტყვის! ვინ გამაგებინებს! ვინ ამიხელს დახშულ თვალებს, ვინ დამიბრუნებს დაკარგულ სმენას, ვინ ამილესავს დაჩლუნგებულ ალლოს?!

ვინ მეტქი, ვინ?!

იქნება გაღმა მითხრან... ეგების იქ მიშველონ... იქ, სადაც თეთრი საყელო მელიოდება.

* * *

— რაით მიდიხარ, ვაჟიკავ? — მეკითხება წიკლაურთა მამამთავარი მგელა. მე პასუხს ვაძლევ. დიდხანს ვლაპარაკობ. სიტყვას არ მაწყვეტინებენ. გულმოდგინედ მისმენენ. მგელა სთვლემს. ტოტია ბუხარს შესცქერის. ჯურხა „ყალივანის“ ტარს ჰღრღინის. წიქა მოღრუბლულია. დედაკაცები ბნელი კუთხიდან ქოტებივით გამოიყურებიან. ხათუთა მკერდით და პირისახით ეკვრის ჩემს ზურგს. ბეჭი სველი მაქვს.

დინჯად და მშვიდად ვეუბნები: ქვეყნის ქარიშხალმა გამომწურა და დამამჩიტა. ამიტომ დავრჩი ჯურხას-კარში, ამიტომ გავმიწავდი და გავწიკლაურდი. თქვენი სოფელი მიწის ძუძოდ მომეჩვენა. მეც დავეწაფე და დავისვენე, უთვალავია თქვენი მადლი, წიკლაურებო! განუზომელია თქვენი სიკეთე, ხევსურებო!

— შენ ჩემი ღვიძლი ძმა ხარ, ჯურხავ. პირი ნუ მიბრუნე, უნდა დაგკოცნო. მოიცა, ერთხელ კიდევ... კიდევ ერთხელ... კიდევ, კიდევ! შენ ნამდვილი მამობა გამიწიე, მგელა. უნდა ჩაგიხუტო... შენც ჩამიხუტე, შენც! ეგრე, გენაც-

ვალოს ვაეიკა, ეგრე... ეხლა შენ, დედა ჩემო, ჩემო დედილო... დედუკავ! ტოტია, შენც ხომ მამად შემერგები... აქ მოდი, იამზე! შენც, დედიმბეჭალო, შენც! წიქა, ნუ იბღვირები! მე შენი სიცოცხლე მმაროევს. ხათუტა... ჩენო! ხათუთ! რა გატირებს ქალო? მე და შენ მერმე მოვილაპარაკებთ, როცა მარტონი დავრჩებით. ეხლა კი ისევ აქ დაჯექ და ეგ თავი ზურგზე მომაყუდე. ეხლა ისევ ყური დამიგდეთ...

აუწონავია თქვენი სიყვარული, მაგრამ რკინასავით მიძიმეა იგი. ვერ ვზიდე, ვერ მოვერიე! მიშველეთ, მომხსენით, ამიშვით, გამიშვით! გამიშვით, თორემ აქლემივით დავვარდები და ვერაფერ ველარ ამაყენებს.

— თვენ მიშვილეთ, მიძმეთ და დედ-მამობა გამიწიეთ. მაგრამ მე დამავიწყდა, — და არც თქვენ იცოდით, — რომ მეორე დედაც მყავდა. ის დედა კი არა, ოცი წლის წინად რომ დავმარხე, არამედ მეორე, — თქვენსა და ჩემზე უფრო დიდი, უკვდავი, მარადიული: ჩენი საერთო მშობელი, მშობელთ-მშობელი, უწლო და დაუსრულებელი. ის არის დედა ჩემი, იგივე მამა ჩემი, იგივე დაჯ, ძმა, ბიძა და ყოველი ნათესავი ჩემი. ის მშობელთ-მშობელი მეძახის, მიბრძანებს! გარდუვალა კანონი და უძლეველია ძალა მისი! ამიტომ მიედივარ. ამიტომ ვუბრუნდები უძლები შვილი ჩემს მშობელს: ბარს, ქალაქს, ხალხს, სიცოცხლეს და ნამდვილ მიწას. ქვეით, ქალაქში მე მელოდებიან მდულარე ორთქლი და განაპებული საყულო, ჯადოსნური ელექტრონი და თეთრი საცვალი, ცოცხალი რკინა და კბილის საწმენდი, წიგნი და რადიო, საათი და რენტგენი, საბონი და თფე. თქვენი კი არა მჯერა, ჩემო უვიწყარო: არც კუდიანი ოჩოპინტე და არც თეიმურაზ ბატონიშვილი, არც ჯავშან-მუხარადი და არც ფარსმან მეფე, არც დაშნა და არც ხის ფარი, არც კაჟიანი თოფი, არც მამახურა, არც იაპანია, არც ხინკალი და არც კუდიანთ წუხრა. ყველას უფურმესი სალამი და მადლობა: თქვენც და ოჩოპინტესაც, თეიმურაზსაც და ხინკალსც, ფარსმანსაც და ჩაფხუტსაც, კაჟიან თოფსაც და იაპონიიდან მომავალ ბატონიშვილსაც. ყველამ თავისი შეასრულა და წავიდა. წავიდა და აღარ დაბრუნდება. მე კი ბარში და ქალაქში მელის ჩენი მომავალი. თოკით მიმათრევს იგი, თოკით! ამ თოკის ბოლოს აქა ვტოვებ. ყელზე გექნებათ მობმული. მე იქიდან მოვწევ, თქვენ აქედან მომიხილეთ. ენახავთ, ვინ გადასწევს, თქვენ თუ ქალაქი. თუ ჩაგიტრიეთ, ვცხონდებით. თუ მაჯობეთ, ვაი ჩენი ბრალი! ვერც იაპანია გვიშველის მაშინ, ვერც ოჩოპინტე, ვერც ხინკალი აგვაყენებს, ველარც ფარსმანი გაგვაცოცხლებს. მაშ ეგრე, ძვირფასო მამებო, დედებო, ძმებო და დებო: მშვიდობით და მადლობით!

წიკლაურები წამოიშალენ მომეხვიენენ და აყაყანდნენ:

— არ გაგიშვებთ, არა!.. ვერ წახვიდით, ვერა!.. აქ დარჩებით, აქა!

ნებაყოფლობით არ გამიშვებენ. ვერც ძალით გაგიკვლევ გზას. ეშინიანთ: გზას ისწავლის, სხვასაც ასწავლის, სპილენძისთვის ამოვა და თან მოიყვანს და მოიტანს მილიციას და მოსამართლეს, გადასახადს და კანონს, ყბედ მავთულს და ეშმაკის ვარცლს.

ერთმანერთი შუალამემდე ვაწვალეთ და ჯვარს ვაცვით. მაინც ვერ დავა-

ჯერეთ და ფეხიც ვერ მოვაცვლეინეთ. მე ჩემს ბანზედ ავედი და ქვეით გავიხედე.

მესმის შენი ხმა, მშობელთ-მშობელო, მესმის! მოვდივარ!.. მოვდივარ!..



გვერდითა და ქვეითა გავიხედე.

* * *

მე და ხათუთი ბანზე ვწევართ.

— ხათუთი, დრო მოვიდა, უნდა აირჩიო: ნოდარი გირჩევიან თუ ხირჩლა?

მკერდი უკვე სველი მაქვს ხათუთას ცრემლისგან. სტირის, მკოცნის, მეხვევა და მეხვეწება:

— დარჩივ, ვაჟიკავ, დარჩივ... კა-კა ხინკალს გაქმევივ, ახალ ჩოხასაც მაგიქსოვივ.

— აირჩიე მეთქი: ნოდარი თუ ხირჩლა?

— არ შამიძლივ არჩევაი, არა! რაით მაწვალღვ, რაი გინდივ ჩემისგან!

— მე მაინც წავალ. შენ კი მერმე წამოდი და ნოდარიც ჩამომიყვანე.

— ვაჟიკავ.. ჩემო ყველაღვ... თავ უნდა დამანებავ მე და... ნოდარს?

ნოდარი ახსენა. მაშ გათავებულა! მოტეხილა! ჩამოვა, უეჭველად ჩამოვა და ნოდარსაც ჩამომიყვანს.

— არა, მე თავს არ განებებთ. ოღონდ შენ ნუ დამანებებ თავს. მომყევი, სადაც მივდივარ. მე ქმარი ვარ, ვაჟკაცი. შენ კი დედაკაცი ხარ, ამიტომ უნდა დამიჯერო და დამემორჩილო.

— ოოჰ, ვაჟიკავ, ვაჟიკავ! წიკლაურები დამწყევლივ, შამაჩენივ.

— ჩემს კისერზე იყოს მათი წყველაც და შეჩვენებაც. მაშ ესე: ეხლა წადი, დაიძინე და ნოდარსაც გაუფრთხილდი. გაჩუმდი.. ნუ სტირი.

ოოჰ, ღმერთო ჩემო! კანის გაძრობა უფრო მეადვილება, ვიდრე ამ დედაკაცის მკლავების მოხსნა.

ზევიდან ვხედავ: წიჭა კარების დირესთან დაწოლილა. დამაპატიმრეს, დამატყვევეს! მაგრამ... დაიძინე, ძმაო წიჭა, დაიძინე! მე ძილს არ დაგიფრთხობ. ცოლი და ქმარი თუ შეითქვნიენ, მეტეხსაც გასტეხავენ.

ხათუთამ ისევ ამოჰყო თავი. თოკი წელზე აქვს მოხვეული. [ჰყოფნის, სწვდება]

— აბა, ხათუთი... ნუ სტირი... სული ნუ შემიგუბე... ნუ მახრჩობ. გეყოფა, ქალო, გეყოფა! მაშ ესე: შენ და ნოდარი... ქალაქში.

აქ ვისწავლე კატასავით მიპარვა. ლობი ძუნძულით მომდევს. მეშინიან, არ დაიყუფოს. ერთხელ კიდევ მივიხედე. კოშკის თავზე მთვარე ამოდის. საბლის თავზე ხათუთა მაღალ საკვამლესავით სდგას. უცებ ის საკვამლე შეინძრება და თითქო სივრცეში შეცურდა.

ხათუთა, ჩემო ხათუთი! ნახვამდის, გენაცვალოს ვაჟიკა, ნახვამდის! ამას იქით შენ იცი და შენმა ქალობამ!



მივდივარ, ოჩოპინტე! გზა მომეცი, იაპანია! მომეცალე, მაძახურა! თქვენც ჩამომშორდით, მეჯალაფენო, ჩაფხუტებო, ხნიადებო, აბჯან-საჩუქრუჭლო და ხინკლებო!

მართლა, ხინკალზე მომავონდა: სურსათი არ წამომიღია. ვითომ დამჭირდება? არა მგონია. დღესვე ან ხვალ დილამდე სოფელს წავაწყდები. ერთ ნაჭერ პურს ყველა გაინეტებს. „სოფელი ღონივარია!“

პატარა წყალს მივდექ. მთვარე გზას მინათებს. ეს წყალი მეორე ხევში ჩადის. ის ხევი მესამეს შეუერთდება, მესამე მეათეს და მეათე ხომ სადმე ბარში უნდა გავიდეს და მეც გამიყვანს.

ჯერ-ჯერობით ბილიკს ვხედავ. მეჩუქე შეკარგება. მალე რიჟრაჟი იწყება და დღის სინათლე მეშველება. უკვე მზე ამოვიდა, ხევში კი ისევ ბინდს სძინავს. ლომა დაიღალა, მე კი კი ჩემი ციყვივით მოვხტი.

მშვიდობით, ჯურხავ! მშვიდობით, ოჩოპინტე და ფარსმან ნეფევე! მშვიდობით, ხინკალო და იაპონიავე, კუდიანო და მუზარადო, თანდურო და ხევის ბერო! მშვიდობით! მშვიდობით!

IX

უკვე შუადღე გადავიდა, სოფელი კი არსად მოსჩანს. ლომა ეჭვიანობს: რაკი თოფი არა მაქვს, მაშ სანადიროდ არ წამოვსულვარ. რამდენჯერმე შესდგა და კუდის-ქნევით დამეკითხა. პასუხი გამიგო და წამომყვა. რაკი მე არ ვნადირობ, ლომა თვითონვე ნადირობს. ნავარდობს ჰყეფს და ტყის წვრილფეხა ცხოველებს დასდევს. მაგრამ ვერაფერს იჭერს, უარესად იღლება და ისევ მე მიმხერს თვალეში.

— იარე, ლომა, იარე. მეც მშიან, მალე მივალთ სოფელში.

ხევი ხევს ერთვის, წყალი წყალს, გორაკი გორას. სიარული გამიძნელდა. გზის ხსენებაც არ არის. ხან კლდეს წავაწყდები, ხან შამბიანში შევერევი, ხან კიდევ ათი წუთის ჩაღმართს ერთ სააოს ვუნდები. ზოგჯერ ნადირს რასმეს წავაწყდები. უფრო უკვირთ ორდები, ვიდრე ეშინიანთ. მსხვილი ნადირის კვალსაც ვხედავ, მაგრამ ვერიდები და გზას ვუხვევ. მაინც ვერ ავსცდი. ერთ მოსახვევში პირის-პირ ძუ დათეს და ორ ბოკვერს წავაწყდი. ერთის წუთით ყველანი გავხვედით. „დავიღუბე!“ დედა-დათვი ატორტმანდა, და აბურტყუნდა, მაგრამ იმისთვის, რომ იმავე წუთს მოხვეულიყო და თავქვე დაგორებულიყო. ბოკვერებიც თან გაჰყვნენ. და სამი დათვი სამს საღევო ბურთს ჰგავდა, რომელნიც ბლუილით მიჰკორაუდნენ, თანაც ხეებს აწყდებოდნენ, აბოყანებდნენ და ისევ გორაობით მიჰხტოდნენ. ბოლოს, ბურტყუნით და ხრილით ბარდებში მიიმაღნენ.

კუჭი მეწვის. მუბლი მითრთის. ნაბიჯს ვუკლებ და ხშირად ვისვენებ. ლომა იბლვირება. მზე ჩადის. ხევის ძირში ბინდი ჩაწვა. აღარც კლდეა, რომ ქვაბი მოვძებნო. ხის ძირში მივწეჭი და მივიძინე. შიში არა მაქვს. აღბად წიკლაურობა ჯერ კიდევ შემრჩენია.

ნადირის ჩხავილმა გამაღვიძა. მგელმა მაჩვი თუ დაიჭირა. ხის კენწერო-

ზე მთვარე მიჰგოგავს. მიწა კი ისევ შავ ჩრდილებშია გახვეული, ლომა მლოკავს და ოდნავ წკმუტუნებს.

— ცოტაც მოითმინე, ლომა, მალე გავძლებით.

ვწევართ და რიერაეს ვუცდით. მერმე ისევ მივდივართ.— მთქნარებით, ბორძიკით და ლასლასით. გუშინწინაც არაფერი მიქამია. კუჭი მეწვის, თვალე-ბი მებლიტება. ვბარბაცებ და ხეებს ვაწყდები. ლომა წვრილფეხა ნადირს დას-დევს, მაგრამ ღონე არა აქვს, რომ დაეწიოს.

ჯიხვის ჩონჩხს წავაწყდით. წუხელის მგლებს თუ გამოუხრავთ. არც სის-ხლის წვეთი, არც ხორცის ნამცეცი. ძვლები თითქო სამართებლით გაუპარსავთ. ლომა მაინც ჰღრღნის და იღრინება. მეც გამოვწუწუნო? იქნება მეც მერგოს რამე?

— „ნადირთ წყემსო ოჩოპინტევ, — ვნატრულობ ვუნებაში, — შენ გეხვეწები, მამეც ჯიხვთ თავი, ლომას ნადირ დააჭერინე. სულნი ხო შენნია ნადირ-თანი?“

მაგრამ ოჩოპინტემ დამივიწყო. ალბად იმიტომ, რომ მეც დავივიწყო.

— წავიდეთ, ლომა, სოფელი ახლოს უნდა იყოს.

სერზე გავდივარ. ისევ თვალუწედენი ტყე, უთვალავი მთა-გორები და ღრმა ხეხეები. მხოლოდ მარჯვნივ, ძალიან შორს, მთების გადაღმა ბოლის ნაფლეთი მოსჩანს. იქით გავუხვიო? სანამ ხუთიოდ-ათიოდე აღმართს გადავლახავ, დავვარ-დები კიდევაც. ან ვინ იცის, ვიპოვნი კი ნაბოლარს?

უფრო ჩემივე სიძძიმეს მზევვარ, ვიდრე ღონეს. მუხლები მედრიკება. ფე-ხები აღარ მიდიან. საცაა ჩავიკეცები. ძალღონე სწრაფათ მეღევა.

უცებ უკანიდან წრიპინი და ღრინვა მომესმა.

— ყოჩაღ, ლომა, ყოჩაღ! არ გაუშვა, არ გაუშვა! გაუმარჯოს „ნადირთ წყემსს“ ოჩოპინტეს, გაუმარჯოს!

ჩემი წილისთვის მივრბივარ. მაგრამ ლომა ახლოსაც არ მიკარებს და ციყვს სხაპა-სხუპით ათავენს. გამოხრილი ფეხი ძლივს წავართვი. ვხივარ და ქათმის ფერდევით ვღრღნი და ვწუწუნი. ჩაცუცქული ლომა კი პირს ილოკავს და იკრიჭება. დამცინის თუ ვეცოდები?

სუფთა დაღმართზე მეც დათვივით მივგორავ. ერთგან ხეს დავეჯახე და მუხლი ვიტკინე. ციყვმაც მაწყინა და მარწყვინა. კუჭი ჰკივის და იჭაქება. ვე-ღარც თავი მუშაობს. ზოგჯერ გაუვალ ხევში ჩავგორდები და ისევ უკანვე ვი-ბობლები. ლომა მიბლვერის და იღრინება. გაცოფდა თუ გაწიკლაურდა?

მუხლი მაწუხებს. ტკივილი თანდათან მატულობს. ხუთ წუთს რომ მიეჩან-ჩალებ, სამს ამდენს ვისვენებ. გულაღმა ვწევარ და ცის ნახევს შევყურებ. ლომა თანდათან იღრუბლება. კბილებს აწკაპუნებს და უძალოდ ანჩხლობს. კუდიც მათრაბივით ჰკიდია.

მეც ნატკენ ფეხს ლომას კუდივით მივათრევ და ხიდან-ხემდე მთვრალი-ვით მივბორიალებ. ხან ბუჩქს დავეჭიდები, ხან ხეს მივეყუდები, ხან კუნძივით წავიქცევი და იმავე კუნძივით ვხევდები.

ქვეიდან ნისლი მოდის. ნისლს ფეხდაფეხ ღამე მოსდევს, — ბნელი, მწუხ-

რიანი და იდუმალი, გატენილი მეჯალაფენით, ოჩოპინტებით, კუდიანებით და მადახურებით. ლომას ეშინიან. მეც ტყეში მომაკვდავი ძაღლის წყნებით ვიტენები და უნებური ძრწოლით ვბლავი:

— მიიშვე-ელე-ე-ეთ!

ჩემი ბლავილი უფრო დაჭერილ მაჩვის ჩხავილს ჰგავს, ვიდრე ვაჟკაცის შედახილს.

— ე-ე-ე.—რამდენჯერმე გაიმეორა ჩემი ჩხავილი ბნელმა ხევმა და სადღაც შორს წყვდიადში მიახრჩო.

ლული მერევა. რამდენი მეძინა,—ერთი საათი, ორი, სამი? არ ვიცი. საამურ სიზმარს ვხედავ. სიზმარში საიდგანღაც ძაღლის ყმუილიც მესმის. რკინის ქუთუთოებს ძლივს ვძრავ. ირგვლივ—უკუნეთი, გულში—მაჯლაჯუნა, გვერდით—ლომას ყმუილი,—თავგანწირული, ხრინწიანი, ავბედითი. ლომას ყმუილს ჯურღმულიდან ვიღაც თუ რაღაც მოდახილს აძლევს. გველნაკბენივით ზეზე ვიჭრები. ეს რა ამბავია! ხევის გამოდახილია თუ მგლის ნაყივლი?! მგელია, მგელი! ვიცი შემდეგიც და დასასრულიც, ვიცი!

წყვდიადში ხეს ვაწყდები. ლომა ფეხებში მედება, საცოდავად წკმუტუნებს და მებობლება. მადლობა უფალსა! ხეს დაბლა ჰჭონია ტოტები. მივბობლავ და ფეხებს კუნძებივით მივათრევ. ლომა ატორტმანდა და წკმუტუნით ფეხებს მილოკავს. მგლები კი ჰყმუიან, ერთმანეთს ედახიან და მოდიან, მოდიან, მოდიან! ლომა ხეს ჰკაწრავს და ისევ წკმუტუნებს. ეხლა ის მედახის, როგორც წელან მე ვიდახდი: „მიშველე, მიშველეო!“ მაგრამ მე უძლური ვარ. ტოტზე ვზივარ და ვუცდი. ძირს, სიბნელეში ჯერ ერთმა ციცინათელამ გაიელვა, მერმე მეორემ, მესამემ, მეხუთემ. ლომა კი ელის და ნაწყენი ბავშვივით სლუკუნებს. უცებ ერთმანეთში აირია შრიალი, ფხაკუნი, ღრინვა, ყუფა, ხრიალი და კბილთა წკაპუნი. მე ტოტს ვეკვრი და ვინაბები. ქვეიდან უკვე ხრამუნი, ფხრაწუნი და უცნაური ოხვრა ისმის.

— მიშველე-ე-ეთ!—წელანდელივით ვხრიალებ. და ჩემი ხრიალი ისევ სივრცეში იხრჩობა.

სადღაც მთვარემ გამოაჰყიტა. დრო მიდის. ნეტა რამდენი ხანი ვარ ტოტზე გაკრული? ერთი საათი? ორი? ხუთი? არ ვიცი, აღარაფერი არ ვიცი. ხის ძირში სიჩუმეს და წყვდიადს სძინავთ. წელან კოტი მაინც გაჰკიოდა. ეხლა ისიც მიყუჩდა. ჩამი-ჩუმიც აღარ ისმის. ხევში თითქო წყალმაც ჩასთვლიმა.

ტყეს სძინავს. მთები სთელემენ. ხევი განაბულა. ცაც მკვდარია. ვარსკვლავებიც თვალებს ახამხამებენ. მარტო მთვარე იკრიჭება.

მეც მეძინება.

* * *

— ვაჯიკავ, გაიღვიძებდივ?— მესმის ჯურხას ჩურჩული და სუნთქვა.

მისი ლომ-კუდა უღვაშები შუბლს მიღუტუნებენ, ხოლო ხარის თვალები თვალეებში მიციმციმებენ.

— ჯურხა... ჩემო ჯურხა!

— იყურე, ვაჟიკავ, იყურე. ყოლაფერ მშვიდობით გათავდის. შაგიკითხვის მამაი და დედაი, ტოტიაი და მზექალოი.

„ხათუთა? ნოდარი?“—მინდა ვკითხო, მაგრამ ჯურხა თვითონვე მეუბნება:

— ხათუთაი და ნოდარც აქ ას. ახლავ მაგიდიან.

ნეტა სადა ვარ? ვისია ეს სახლი? ვინ მომეშველა, ვინ გადამარჩინა? ცხადია, რომ ჯურხას-კარში არა ვარ. „შაგიკითხვისო“, მითხრა ჯურხამ, რომელიც გარეთ გავიდა. მაგონდება ბნელი ღამე, მგლები, ლომა და ხეზე ძილი. შემდეგ რა მოხდა? აქ როგორ გაეჩნდი? აღარ მახსოვს, აღარაფერი არ მახსოვს!

— ხათუთი! ხათუთი!—ვუყვირი სირბილით შემოვარდნილ ცოლს და კინალამ ვახრიობთ ნოდარს, რომელიც კოზაკივით ორი მკერდის შუა გაიჩხირა.

მინდა ყოველივე გავიგო: რა მოხდა ჯურხას-კარში? ეხლა სადა ვარ? ვინ მიშველა? ან ფერდები და მკლავი რათა მტკივა?

ჯურხა ლაპარაკობს. მე ვუსმენ და ხათუთას თბილ ხელებს ჩემს ხელებში უძალოდ ვხელავ.

* * *

ჩემი გაპარვა გვიან გაუგიათ, ჯერ ეგონათ, ტყეში თუ გავიდაო. წითლის ქვეშ რომ ვერ მიპოვნეს, ჯურხამ ბანი დაზვერა. კვალი არ სჩანდა. ხათუთას თოკი აეზიდნა.

— ხი-ხი-ხი!—ხითხითებს ხათუთა.

— ეხლა რაი გიშავავს, ქალავ, მაშინ კი...—უღიმის ჯურხა და განაგრძობს: ბოსლის გვერდით ჩემს ნაფეხურს მიაგნეს და მიხვდნენ. ხათუთა კინალამ გაგლიჯეს. მერმე დამედევნენ, მაგრამ გვიანდა იყო. მე უკვე შორს უნდა ვყოფილიყავი. წიქა და ხათუთა მეორე გზით წამოვიდნენ, ჯურხა კი ხევს დაჰყვა. კვაოს მალე მოაგნო და გამოჰყვა. ჩქარობდა, მაგრამ კვალი არეული იყო. ჩემი ნაფეხური ხან წყალში შედიოდა, ხან გორებზე ადიოდა, ხან კიდევ შამბიანში იკარგებოდა. მორბოდა ჯურხა და გაჰკიოდა: „ვაჟიკააა, ჰაი ვაჟიკააა!“ ხმა ჩასწყდა და დაიქანცა. ორი ღამე ტყეში გაატარა. მგლები მიესივნენ, მაგრამ მოიგერია და ორიც მიაწვინა. მესამე დილას ჩემი კვალი დაჰკარგა, —სწორედ იქ, სადაც ლომას ძვლებს წააწყდა.

— ლომას ძვლებ ვიცანავ. დანარჩენ შენატ იცივ.

* * *

დანარჩენი მეც ვიცი.

ხიდან რიჟრაჟზე ჩამოვსხლტი თუ ჩამოვეგორდი. აქა-იქ გაპარსული და გარეცხილი ძვლები-და ეყარა. სიარულის შაგიერ მოვბლოდავ. ერთ ფეხს მობმულ მოძივით მოვათრევ. კლდიან ფერდობს დაეყევი და წყალზე ჩამოვედი. წყალმა სიმშილი გამიანჩხლა. კუჭი უარესად ამიწივდა, გაკაპასდა. სიკვდილის ლანდი

ფეხ-და-ფეხ მომდევს. მაგრამ ჯერ არ ვნებდები. ხმელი ტოტი ყაფარჯხად გავიხადე, წყალში შევედი და ფარფატით მოვდივარ. ფაჩუნი მომესმა, მივიხედე და ტურა დაეინახე. სდგას და მ-მზერს. შემსურებს და მეკითხება: რა ხდება წაიქცევით. ისევ მივაწყაპუნებ. უკნიდან ტურა მეპარება, სიკვდილის ლანდი კი უკვე წინ მიმიძღვის. ხევი ღრმავდება და ვიწროვდება. შესვლით შევალ, მაგრამ გასვლის იმედი აღარა მაქვს. შუადღე მოდის, მე კი ისევ რეტიანივით მივჩოჩავ. ხან გუბეში შევტობავ, ხან კლდეს მივეყულები, ხან კიდევ ქვაზე გავწეები და ვისვენებ. ტურა კი ისევ ფეხაკრეფით მომდევს და მეკითხება: როდის წაიქცევით.

ეზოს-ოდენა მწვანე მოედანი მოსჩანს. წყლიდან ფოფხვით გავდივარ, შუა მოედანზე გულალმა ვწვები და თვალებს ვხუჭავ. ტურაც ათიოდე ნაბიჯზე წვება და თავის კერძს ელოდება. სიკვდილი უკვე თავთ მადგება. ყურებში თითქო ფუტკრები მიბზუიან, თავი ქიანქველებით გამეტანა: „გათავდა. ეხლა კი გათავდა.“ ვფიქრობ და თვალებსაც ვეღარ ვახელ, რომ ტურა მოვიგერიო. ნელ-ნელა შავ ბურანში შევდევარ და თითქო გონება მეკარგება.

მაგონდებიან თუ მელანდებიან წიკლაჟრები: ჩემი ჯურხა, ხათუთა, ნოდარი და სხვებიც.

— არ გაგიშვებთ, არა! — გაჰკივიან ხევსურები. — ვერ წახვიდით, ვერა!.. აქ დარჩებით, აქა!

ოჰ, ღმერთო ჩემო! რატომ არ დავუჯერე! რატომ არ დავრჩი!

— ვაჟიკავ... ჩემო ყველავ. — ტყავებში სუროსავით მეხვევა და აღმურევით მწვანეს ხათუთა. — დარჩით, ჩემო ყველავ, დარჩით.

და მეც ვრჩები, უნებურად ვრჩები: ვერც ხელს ვანძრევ, ვერც ხმას ვიღებ. ფეხები კი აღარა მაქვს. ხათუთა თან იცინის და თანაც დამტირის. და ქალის ტირილ-ხითხითს საიდანღაც გაბმული ყვირილი ერთვის.

— ვაჟიკა-ა-ა! ჰა-აი, ვაჟიკა-ა-ა!

მიკვირს: ჯურხა თითქო აქვე ტრიალებს და გაიძახის: „არ გაგიშვებთ, არა!“ და ამავე დროს თითქო შორეულ გაღმიდანაც მომდრიალებს. და ჯურხას ღრიალს და ხათუთას ქვითინს ლონას ყმუილ-წყმუტუნიც უერთდება. ვიჭიმები, თვალებს ვახელ და ისე ვიწვევ ასადგომად, თითქო სახრჩობელაზე ავდივარო. და უცებ მკაფიოდ და ცხადად მომესმის:

— ვაჟიკა-ა-ა!

ტურა მოსხლტა და ტყეს შეერია. პირს დაკლულ ბატკანივით ვალებ და ისე ვხრიალებ, რომ ჩემი კნავილისა მევე მეშინიან:

— ჯურხა!... ჯურხა-ა-ა!

და ტყის სიღრმიდან ჯურხას გუგუნნი მესმის:

— მავდივარ ვაჟიკავ, მა ა-ა!

და საიდანაც ფეხის მძლავრი ბაგუნნი მესმის, მეც იქით მივლასლასებ, — ხელებ-გაწვდენილი, პირლია, ცრემლიანი და მთრთოლვარე. ტყის-პირი თითქო დაქრილმა დათვმა შემოარღვია, — ლაწუნით და სხაპუნით.

— ვაჟიკა! ძმაო ვაჟიკა! — ჰყვირის ჯურხა და ისიც ხელგამოწვდენილი

მორბის. მეც მინდა გავიქცე და დავიყვირო. მაგრამ ყვირილის ნაცვლად შეკრულ სახიდან თიქნის ბლავილი ამომდის, — „მე-მე-ე-ე“ სირობილის მაგიერ მუხლები მეკეცება, თვალთ მიბნელებს და სადღაც ბნელ უფსკრულში ვვარდები.

* * *

საით გინდივ წასვლაი, ხემაურ თუ ქვემაურ? — მეკითხება ჯურხა და გაღმა მთებს გასცქერის.

— ქვეით, ჯურხა, მხოლოდ ქვეით.

— რაი გინდივ მურდალ ქვეყანაში?

— თეთრი საყულო უნდა გავიკეთო, ჯურხა, თეთრი. გესმის, რაც გითხარი?

— მასმის, რაით არ მასმის! ერთხელ მეც მქვანდივ თეთრ საყულოი.

— მერმე, რათ მოიხსენი?

— იმათ, რომ თეთრი საყულოი ჩვენთვინ არ ას მაგვანილ. მე რო ტყავ მეცვას და თეთრ საყულოი გავიკეთებდევ, ჭკუიან ხალხ მასხარად ამიგდივ. დროი არ მასულავ ჯერ, დროი.

— დრო არასოდეს არ მოდის. ის მიდის, და ვინც მას არ გაჰყვება, დაიღუპება. ჯურხას-კარში კი დღეც დაჰკარგეს და თვეც.

— დროი არ მიდივ, ვაჟიკავ. დრო მავიდივ, ჩვენკენ მავიდივ.

— ასეა თუ ისე, დროს უნდა მივყვეთ, თორემ ჩვენი აღსასრულის დრო დადგა!

— ლომაი მგლის ჯიშის ას. მგელებს უღალატე და ცხო ჯიშს — კაცს შეაგუვივ.

— სწორედ მაგიტომ გადარჩა ძალი, მგელი კი თითქმის გადაშენდა.

— აგრე. მაგრამ ძალი ისევ ძალის ჯიშ შაინახვივ, ისევ ძველ კბილ შაინარჩუნივ, ქართველ კი თეთრ საყულოი რო გაიკეთებე, რჯულიც ცხოსი მაიღებე.

— მესმის შენი, ძმაო ჯურხა, კარგად მესმის. მაგრამ მითხარი: განა არ შეიძლება, რომ თეთრი საყულოც მოვიხვიო და ჯიშიც შევიხახო?

ჯურხა დაფიქრდა, ძალიან დაფიქრდა. მერმე თითქო ყალიონს უპასუხა:

— შენ რო ჯურხას-კარში ამავიდ, ქართულ ძლივს ლაპარაკობდივ. მიხედივ ჩემი ნათქამ?

დიდხანს ვსდუმვართ და სამხრეთის მთებს გავსცქერით. ჩემი გზა იქით არის. ხვალ დილით მე და ხათუთამ პირი იქით უნდა ვიბრუნოთ.

— შენ იცივ. — სევდით ამბობს ჯურხა. — შენ იცივ. ძალიან აღვილ ას თეთრ საყულოის გაკეთებაი, მაგრამ რკინის უღელსავით გაგიმძიმდების ზიდვაი. თუ მაერევივ, ატარებდივ.

— მოვერევი, ჯურხა, მოვერევი. და თუ ვერ მოვერივ, ისევ დაგიბრუნდები, ისევ გავწიკლაურდები.

— აჰ, არ მჯერივ შენი დაბრუნებაი, ვაჟიკავ. არა. ქალაქში წასვლაი

ადვილ ას, დაბრუნებაი კი არ შაიძლების. შენ თეთრ საყულოთ ^{გაუკეთივ}, მე კი ისევ ჩემი ტყავით ვივლიდივ. ამიტომ მეშინივ, ვაჟიკავ, რო ხიდ არ ჩაინგრის, ხიდ! შენ იქით დარჩებივ, მეც აქეთ ვიქნებივ. ერთ-ერთი-სათუნი ცხონი გაეხდებივ და ჩვენი ფიც-ნაქამობაიც დაილუბებივ. ძმად ძმად ნათქვამს ველარ გაიგებდივ. ეხლა შენ იცივ.—წამოდგა და გაბზარული ხმით გაიმეორა:—შენ იცივ, ვაჟიკავ. ეხლა ჩემი წასვლის დროიც მავიდივ. მე უნდა წავიდივ. მაგრამ ერთი ფიც კიდევ უნდა მამცე.

— რომელი ფიცი, ჯურხა? რის ფიცი?

— დაიფიცებდე, რო ჯურხას-კარის გზაი არავის უჩვენებდივ და სპილენძის მადანიც არავის ასწავლებდივ. ეს ას ჩემი უკანასკნელ თხოვნაი.

ხელის გულზე მიწა და ხორბალი დაიყარა, ზედ ვერცხლი დაათალა და მომაწოდა. იმ ნარევს ჩემი ხელი დავადე და ვთქვი:

— ვფიცავ ჩვენს ძმად-ნაფიცობას, ჩვენი დედის რძეს და ლაშარის ჯვარს, რომ არასოდეს არც ჯურხას-კარის გზას ვაჩვენებ ვინმეს, აოც სპილენძის მადანს ვასწავლი.—და იმ ნარევს ერთი ციციქნა გადავყლაპე.

— ეხლა გულმშვიდ წავიდივ.

— ჯურხა, ძმაო ჯურხა, ქალაქამდე გამაცილე—შევვედრე მე.

— ვერა, ვაჟიკავ, ვერ გაგაცილებივ. ქალაქში მტერ მაგულვივ. ვერც არხვატში ავალ, იელარც ქალაქ ვნახავ. მშვიდობით, ვაჟიკავ!—მომიბრუნდა და ჩამოხრჩობილივით გამიღიმა:—მაგრამ გაუფრთხილდივ, თეთრ საყულოთ არ დაგახრჩვიდივ, თორე მეორეჯერ მეც ველარ გიშველიდივ.

— მშვიდობით, ძმაო ჯურხა... მშვიდობით! თუმცა, მშვიდობით კი არა, ნახვამდის! მხოლოდ ნახვამდის!

ჯურხა მეხვევა და თავს იქნევს. ჩვენი ხელახალი შეხვედრა არა სჯერა.

— ჯურხა... მომიკითხე დედები, მამები... დებიც... მამებიც... მამებიც...

არც მანამდე, არც შემდეგ ჩემს თვალზე ცრემლი არავის უნახავს. არც მე მენახა ატირებული ლომი. იმ დღეს კი ვნახე.

მშვიდობით, ფიც-ნაქამო, მშვიდობით თუ ნახვამდის?!

* * *

მე და ხათუთა ისე შემოვედით ქალაქში, როგორც ერთ დროს ჯურხა შემოვიდა. ჯერ მთაწმინდა დავინახე,—ჩვენი წმინდა მთა, ჩვენი დედა-ქალაქის უუხარმახარი კუზი. მერმე ავკალასთან შავი მატარებელი მცურავსავით გასრიალდა და დაიკვილა. მე სიხარულისგან თითქმის მოვრბივარ და ხათუთას წინ ვუსწრობ. აჰა, სადგურიც. საყვირების კივილი ბეტჰოვენის სიმფონიად მომესმის. აი, ხალხიც, ქალაქის კრელი ხალხი. ღმერთო ჩემო, ამდენი ხალხი ვინ მოაგროვა! აგერ, რონოდა მირბის... ავტომობილები დაჰქრიან. ჰაერი გატენილია ქლარუნით და ყაყანით, რაბრახით და სტვენით, შრიალით და ხრინწით. ყველანი მიდიან, მირბიან, მიჰქრიან. ქალაქი ხრიალებს, ჰკენესის,

ჰემინავს და სიცოცხლის ნიშანით გუგუნებს. მე მესმის მისი ცივი ფუს-ფუსი, თრთოლვა და სისხლის ჩქეფა, მე ვგრძნობ იმის მაჯის ფეთქვას და ცხელ სუნთქვას. მისი სისხლი ჩემს ძარღვებშიც გადმოედინება გულიც იდუმალი ხალისით და სიცოცხლის უნარით იტენება. გიგანური გულიც

უცებ თეთრ საყელოს წაეწყდი და ისე შევდექი, თითქო კლდეს დავე-ჯახეო.

— ხათუთი, ქალო ხათუთი! მოიხედე, ჩქარა მოიხედე. აი, საყელო, თეთრი საყელო.

კაცი სდგას და თვალებში მილიმის. მე კი ქონიანი თითით ხათუთას საყელოსკენ ვუთითებ და ბავშვივით ვიციხნი:

— საყელო... საყელო... თეთრი საყელო. აი, აბრეშუმის ყელსაბამიც... ტყავის ხელთათმანებიც.

უცნობი ჯერ იცინის, მერმე ხარხარებს:

— კარგი ხუმრობა გცოდნიათ ხევსურებს. თუ ძალიან მოგწონს, გაჩუ-ქებ. როგორ მოგიხდება მაგ ტანისამოსზე! ხო-ხო-ხო!

— რატო არ მამიხდებივ, — ვუქცევ ხევსურულად. — შავათავსივ, შავა-თავსივ!

უცნობი უკვე რახრახებს. ხალხი იკრიფება.

— ჯერ ეს მითხარი, — მეუბნება უცნობი და ჯვრებზე მითითებს, მხრებზე რომ მაქვს დაკერებული, — მითხარი, რომელი მეფის დროინდელია ეს ტანისა-მოსი?

— ფარსმან მეფის დროინდელ ას, ფარსმანისა! — და ყველანი გულიანათ ვიციხით.

ხათუთა მიმათრევს. „სირცხვილ ას!“ უკნიდან ხარხარი მომდევს. მე კი უკან ვიხედები და ვუყვირი: „ოჩოპინტე! მამახურა! მეჯალაფე!“

რა თქმა უნდა, გიფი ვგონივარ!

აგერ, დათიკომ და ქაიხოსრომ გაიარეს. ერთმანერთს ჩემზე უთითებენ და ილიმებიან, მაგრამ მაინც ვერ მცნობენ. აი, ქეთოც შემხვდა. ვერც ამან მიცნო. სხვებიც ისე მსინჯავენ, თითქო ოჩოპინტე ვიყო.

— დეიდა მაიკო, გამარჯვება შენი! რა იყო, შენც ვერ მიცანი?

დეიდა მაიკო ჯერ დაფრთხა. მოჩვენება ვეგონე. მერმე მომეხვია, ატირდა და წაიბუტბუტა:

— რა ვქნა, ეგრე რამ აგაყროლა, ქააა!

— დეიდა, აი ჩემი ცოლი. გაიცანი და გაანათლე.

ბევრი ვეჩიჩინე, მაგრამ ვერ დავაჯერე.

— დეიდა, — ვუბრძანე ბოლოს, — ეხლავე წაიყვანე ჩემი ცოლი და თავით-ფეხებამდე ჩააცვი. არაფერი არ დაგავიწყდეს: არც ლაკრონის ფეხსაცმელი, არც კოტი და უბიგანი, არც ხელთათმანი და არც ქინძისთავი. მართლა, თეთრი საყელოც მიყიდე, თეთრი, თოვლივით თეთრი! იყიდე ათი, ოცი, თუნდ ორ-მოციც. ვიცი, რომ მაქვს, ვიცი. მაგრამ ახლები მინდა, ახალთ-ახლები! აბა, ეხლა მიბრძანდით! მართლა, არ დაგავიწყდეს: ვინც შეგხვდეს, ყველას უთხარი,

„ზურაბი იმ ქვეყნიდან დაბრუნდათქო. აბა, მალე! აბანოში უნდა წაგიდეთ და ხევსურეთის ქონი ჩამოვირეცხოთ.“

მადლობა უფალსა! თუმცა დეიდა მაიკოს ჩემზე პანაშვილიც კი გადაუხდია, მაგრამ ჩემი გარდერობი ხელუხლებლად შეუნახავს.

* * *

ჩემს ოთახში ვზივარ და ვმუშაობ. ისევ ცისფერი პიჟამა მაცვია. უელზე თეთრი საყლო მაქვს,—ახალი-ახალი, გახამებული, მაღალი და უბიწო. მთის სუნიც და მკბენარიც გოგირდის აბანოში ჩამოვირეცხეთ.

ხათუთას უკვე მთელი ქალაქი იცნობს. საკვირველია, ესე მალე როგორ შეითვისა ჩვენებური იერი. ისე კობტად დააქვს ევროპული ტანისამოსი და თვისი განთქმული მშვენიებანი, რომ აქაური მზეთუნახავებიც კი შურით იხერხებიან. ჩვენს ოჯახში ბუხსაც არ შემოუშვებს და განათლების თასს გულმოდგინედ სვამს. მხოლოდ მათემათიკას ვერ დასძლია და ჯერ-ჯერობით სუფთა ქართულსაც ვერ მოერია. ეხლაც მესმის მეორე ოთახიდან მაიკოს გაკვეთილი:

— ორმოცს რომ სამოცი მივუმატოთ, რამდენი იქნება?

— ბევრ, ძაან ბევრ იქნებივ.— ოხვრით უპასუხებს ხათუთა და გაქცევის საბაბს პოულობს:— ნოდარს უნდა ძუძუ მავაწოვივ, თორე იტირებდივ.

მართლა, ნეტა ჯურხას-ქარში რა ამბავია? ალბად მგელას სახლში ქონის ჭრაქი ბუტავს. ნანუკა, იამზე და მზექალო ხინკალს ამზადებენ და ლუდს ხარშავენ. მგელა და ტოტია დაფართატებენ. ჯურხა სამფეხაზე ზის, ყალივანს აბოლებს და ბუხაოში იწიტება. ტყეში ოჩოპინტე დასეირნობს. ხევში მამახურა იძახის. ძაღლები ჰყმუიან. რომელიმე წიკლაურის სახლში ხევსურები ღრეობენ, ტოშ-ფანდურს უკრავენ და ალუდაურის, ზურაბ ერისთავისა და სისხლის წვიმების დროინდელ ლანდებს დასდევენ.

„იყავნ მშვიდაბით, ხევსურნო, იყავნ! წყალობა თქვენის ჯვარისა, წყალობაი!“



წიგნიდან

„ცხენარმია“

წერილი

აი წერილი სამშობლოში, რომელიც კურდიუკოვმა თავის კარნახით და-
მაწერინა. ის არ არის დავიწყების ღირსი. მე გადავიწერე და სრულიად შეუ-
ლამაზებელს და გაუსალაშინებელს ეიძლევი ნამდვილთან სიტყვა სიტყვით
შეთანხმებულს.

— საყვარელო დედა, ევდოკია ფედოროვნა. ამ წერილის პირველ სტრი-
ქონში ვისწრაფვი შეგატყობინო, რომ მე, ღვთის მადლით, ცოცხალი ვარ და
სრულიად ჯანმრთელად ვიმყოფები, რასაც თქვენც გისურვებთ. აგრეთვე მდა-
ბალ სალამს გაძლევ, თავს გიკრავ და მოვიკითხავ... (აქ ჩამოთვლილია ნათესა-
ვები, ნათლულები და ნათლიდედები. ეს გამოვტოვოთ. განვაგრძოთ შემდეგი
აბზაციდან).

— საყვარელო დედა, ევდოკია ფედოროვნა კურდიუკოვისაგ. უპირველეს-
ყოველისა გაცნობებ რომ მე ვიმყოფები ამხანაგ ბუდიონის წითელ ცხენოსანთა
არმიაში, აქ იმყოფება აგრეთვე თქვენი ნათლიმამა ნიკონ ვასილიჩიცი, რომელიც
ახლა წითელი გმირია. ნიკონ ვასილიჩმა მე თან წამიყვანა პოლიტგანყოფილების
ექსპედიციაში, სადაც ჩვენ პოზიციებზე დაგვაქვს ლიტერატურა და გაზეთები—
მოსკოვის ცაკის უწყებანი, მოსკოვის სიმართლე და საკუთარი ყოვლად ულმო-
ბელი გაზეთი წითელი კავალერისტი, რომლის წაკითხვა ყველას სწყურია
მოწინავე პოზიციებზე და წაკითხვის შემდეგ გმირულად სჩებენ საზიზღარ
შლიახტას და ასე, მე ძლიერ კარგად ვცხოვრობ ნიკონ ვასილიჩთან.

საყვარელო დედა, ევდოკია ფედოროვნა. გამომიგზავნეთ, თუ რამე შე-
გიძლიათ. გთხოვთ ჭრელი ბურაკი რომ გვყავდა, ის დამიკლათ და ამანათით
გადმომიგზავნოთ ამხანაგ ბუდიონის პოლიტგანყოფილებაში ვასილი კურდიუ-
კოვზე გადასაცემად. მე ყოველ ღამე მშიერ კუჭითა და უსაცვლოდ ვიძინებ, ასე
რომ ძაან მცივა. მომწერეთ რამე ჩემ სტიოპაზე, ცოცხალია თუ არა, აგრეთვე
ქეცის შესახებაც, წინა ფეხებში რომ ჰქონდა, ნალბანდთან გყავდათ თუ არა?
გთხოვთ, საყვარელო დედა, ევდოკია ფედოროვნა, წინა ფეხები იმ საპნით

დაბანოთ, მე რომ ხატებს უკან მქონდა შენახული, და თუ მამაჩემმა გახარჯა, მაშინ კრასნოდარში იყიდეთ და ღმერთი შეგეწევით. აქ შეტანდნენ ხეობი ქვეყანაა, მუყიკები თავიანთ ცხენებით ტყეებში გარბიან და იქ იხილებიან, ასე გაურბიან ისინი ჩვენ წითელ არწივებს, ხორბალი ძლიერ ცოტაა და ისეთი წვრილი რომ ჩვენ სასაცილოდ არ გვყოფნის. აქ უფრო ქერსა და შერისას თესვენ. ბიჯგებზე აღის სვია, კარგად მოდის და მისგან შინაურ არაყს ხდიან.

ამ წერილის შემდეგ სტრიქონებში მე ვიჩქარი მოგწერო მამაჩემის შესახებ, რომელმაც ამ ერთი წლის წინად ჩემი ძმა ფედორ ტიმოფეიჩი კურდიუკოვი აკუწა ხმლით. ჩვენი ამხანაგ აპანასენკოს წითელი ბრიგადა ქალაქ როსტოვს უტევდა, და სწორედ ამ დროს ჩვენ რიგებში ლალატმა იჩინა თავი. მამაჩემი მაშინ დენიკინის რაზმებში იყო როტის უფროსად. ვისაც ენანა, ამბობდა რომ ის ისევ ისე ატარებდა ჯვარ-მენდლებს, როგორც ძველი რეჟიმის დროს. ლალატის გამო ჩვენ ყველა ტყვედ ჩავცვივდით და ჩემი ძმა ფედორ ტიმოფეევიჩიც მამას თვალეებში შეეფეთა. და მამამ დაუწყო მას ხმლით ჩეხვა, თან ლანძღავდა—აი შე წითელო ძაღლო, მამაძაღლო, ასეთო და ისეთო და სხვა ათასი უმსგავსი სიტყვებით და თან სჩეხავდა მანამ, სანამ არ დაბინდდა და ჩემ ძმას ფედორ ტიმოფეიჩს სული არ გავარდა. მაშინ მე მოვიწერე ამის შესახებ რომ თქვენი შვილი ფედია უჯვროდ გდია მიწაში, მაგრამ მამამ წერილიანად დამიჭირა და მითხრა: ახ თქვე დედაგაქუცულებო, აი შე გადათრეულო ოხერო, დედათქვენს მე ვაბიზინებდი მუცელზე და კიდევ ვავაბიზინებო, ჩემი ცხოვრება წასულია, შევე ამოვფხრი ძირიანად ჩემს თესლსა და მოდგმას სიმართლის სამსახურშიო და ასე. და მე, როგორც იესო ქრისტემ, ისე მივიღე მისგან ათასი ტანჯვა-წამება. მაგრამ ძალე მე მამაჩემს გავეპარე და მიველ ისევ ამხანაგ აპანასენკოს რაზმში. ამ დროს ჩვენმა ბრიგადამ მიიღო ბრძანება რომ ჩვენ ქალაქ ვორონეჟში გავმგზავრებულიყავით რიგების შესაგებად და კიდევ შეივსო, მივიღეთ აგრეთვე ცხენები, ჩანთები, ნაგანები და ყველაფერი რაც კი გვეკუთვნოდა. ვორონეჟი, ჩემო საყვარელო დედა, ევდოკია ფედოროვნა, მშვენიერი ქალაქი გახლავთ, კრასნოდარზე დიდი იქნება, ხალხი ლამაზი, მდინარე იმოდენა, რომ კაცი თავისუფლად იბანავებს. იქ დღეში ორ გირვანქა პურს გვაძლევდენ, ხორცს ნახევარ გირვანქას და შაქარსაც ასევე შესაფერისად, ასე რომ ჩვენ დილა-საღამოობით ტკბილ ჩაის ვსვამდით და მთლად დაგვავიწყდა სიმშილი, სადილად კი მე ჩემ ძმა სემიონ ტიმოფეევიჩთან მივდიოდი ბლინებზე, ან-და ბატის ხორცზე, რის შემდეგაც მე ვწვებოდი და ვისვენებდი. იმ დროს სემიონ ტიმოფეევიჩი თავისი დიდი გამბედაობის გამო, პოლკს თავის უფროსად უნდოდა, ამხანაგ ბუდიონისგანაც ასეთივე ბრძანება მოვიდა და მან ორი ცხენი, მთლად გაწყობილი ტანისამოსი, ხარახურისთვის ცალკე ცხენის ურემი და წითელი დროშის ორდენი მიიღო, მე კი მასთან ძმად ვირიცხებოდი. ასე რომ ახლა ვინმე მეზობელი თუ რამე ზიანს მოგაყენებს, ჩემ ძმას სემიონ ტიმოფეევიჩს თავისუფლად შეუძლია მისი დაკვლა და ამისთვის პასუხსაც აი აგებს.

ამის პერე ჩვენ ვდევნიდით გენერალ დენიკინს, ათასობით დავხოცეთ ჟურნალი „მნათობი“ № 1 (21).

ისინი და შავ ზღვაში ჩავრეკეთ, მაგრამ მამაჩემი არსად არ სჩანდა, არ იყო და არა. სემიონ ტიმოფეიჩი გამწარებული ეძებდა მას, იმით რომ ის ძლიერ სწუხდა თავის ძმა ფედიასზე, მაგრამ, როგორც მოგეხსენება, ჩვენი საყვარელო დედა, მამაჩემის ჯიუტი ხასიათის შესახებ, აი რა ჩაედინა:—წითელი წვერი ყოვლად უსინიდისოდ და უნამუსოდ შავად შეეღება და ცხოვრობდა არხენად ქალაქ მაიკოპში უბრალო მოქალაქის ტანისამოსში გადაცმული. ასე რომ მთელ ქალაქში კაცმა არ იცოდა რომ ის ძველი რეჟიმის ნამდვილი შედგამოჭრილი სტრაჟნიკი იყო, მაგრამ ისიც მართალია, რომ ის აღმოჩნდა. თქვენმა ნათლი-მამამ ნიკონ ვასილიჩმა შემთხვევით მოჰკრა მას თვალი ქობში ერთ ადგილობრივ მცხოვრებთან ერთად და ამის შესახებ სემიონ ტიმოფეიჩს დაწვრილებით მოსწერა. ჩვენ ფიცხლავ ცხენებს მოვახტით და ორასი ვერსი გავიარეთ—მე, ჩემმა ძმამ სენკამ და სტანიცის მოხალისე ბიჭებმა.

და რა ვნახეთ ჩვენ ქალაქ მაიკოპში?! ჩვენ დავინახეთ რომ ზურგი სრულებით არ თანაუგრძნობს ფრონტს, იქ ყველგან ლალატია და აღსავსე ურიებით ისევე, როგორც ძველი რეჟიმის დროს. სემიონ ტიმოფეიჩი დიდხანს ედავა ურიებს, იმით არ უნდოდათ მამაჩემის მოცემა, ციხეში ჩასვებს და მაგრა ჩაკეჭეს. ისინი გვეუბნებოდნენ რომ ამხანაგ ტროცკისგან ბრძანება არის, ტყვეები არ დახოცოთ, ჩვენ თვითონ გავასამართლებთო. თქვენ ნუ ჯავრობთ ის თავისას მიიღებსო. მაგრამ სემიონ ტიმოფეიჩმა მაინც თავისი გაიტანა და დაუმტკიცა რომ ის ნამდვილი პოლკის კომანდირია და არა ვინმე ვიგინდარა, რომ ის ამხანაგ ბუდიონის მიერ არის დაჯილდოვებული წითელ დროშის ყველა ორდენებით და იმუქრებოდა რომ ყველას ხმლით აჩეხავდა, ვინც მამაჩემის ბიროვნებისათვის დაიწყებდა დავას და არ მისცემდა, ასევე იმუქრებოდნენ სტანიცის ბიჭებიც. მაგრამ, როგორც კი სემიონ ტიმოფეიჩმა მამაჩემი ჩაიბარა, ის გარეთ გამოათრიეს და ეზოში ყველა მხედრები გაამწკრივეს, როგორც ეს სამხედრო წესსა და რიგს შეეფერებოდა. მაშინ სენკამ მამაჩემს ტიმოფეი როდიონიჩს წვერებში წყალი შეასხა და წვერზე ჩამოდიხდა შავი საღებავი. სენკა შეეკითხა ტიმოფეი როდიონიჩს:

— ხომ კარგად გრძნობ თავს, მამაჩემო, ჩემ ხელში?

— არა,—უპასუხა მამაჩემმა,—ვერ ვგრძნობ თავს კარგად.

მაშინ სენკა შეეკითხა:

— კარგად გრძნობდა თავს შენ ხელში ფედიას, როცა შენ მას სჩეხავდი?

— არა, უპასუხა მამაჩემმა,—არ გრძნობდა თავს კარგად.

მაშინ სენკა შეეკითხა:

— ფიქრობდი, მამაჩემო, რომ შენც ცუდად იგრძნობდი თავს ოდესმე შემდეგში?

— არა—უპასუხა მამაჩემმა,—არ მეგონა რომ ასე ცუდად წავიდოდა ჩემი საქმე.

მაშინ სენკა ხალხს მოუბრუნდა და შემდეგი სიტყვებით მიმართა:

— მე კი ასე ვფიქრობ: თუ თქვენებს ხელში ჩაუვარდი, კარგი დღე არ დამადგება. ახლა, მამაჩემო უნდა, გაგათავოთ.

მაშინ ტიმოფეი როდიონიჩმა დაუწყო უხამსი გინება სენკას, აგინებდა დედას, ღვთისმობელს, ენუჭრებოდა რომ მაგრა დაჩეჩკავდა. სემიონ ტიმოფეიჩმა მე ეზოდან დამითხოვა, ასე რომ მე არ შემძლია ჩემი საყვარელო დედა, ევდოკია ფედოროვნა, მოგწერო ის, თუ როგორ უთაყებდენ მამაჩემს სიცოცხლეს, იმიტომ რომ მე ჩემმა ძმამ სემიონ ტიმოფეიჩმა ეზოდან გამგზავნა.

ამ ამბის შემდეგ ჩვენ ნოვოროსიისკში ვიდექით. ამ ქალაქზე იმის თქმა შემძლია რომ, იმის იქით არავითარი ხმელეთი არ მოიპოვება, ყველგან წყალია, შავი ხლევა და იქ ჩვენ მაისამდე ვიდექით, ახლა ჩვენ პოლონეთის ფრონტზე ვართ და ვცემთ შლიახტას...

დავშთები შენი მოსიყვარულე შვილი ვასილია ტიმოფეიჩ კურდიუკოვი. დედა, სტიოპას კარგად მიხედვ და ღმერთი მოგხედავს.

აი კურდიუკოვის წერილი სიტყვა სიტყვით. როცა მე გავათავვე, მან წერილი გამომართვა, დაკეცა და შიშველ ტანზე უბეში შეინახა.

— კურდიუკოვ, — შევეკითხე მე ბიჭს, — ავი მამა გყავდა შენ?

— მამაჩემი ნამდვილი ნაგაზი იყო. — მიპასუხა მოლუშვით.

— დედა?

— დედაც მისი შესაფერისი. თუ გნებავს, აი ჩვენი ოჯახი...

და მან მომაწოდა შუაში გადატეხილი ფოტოგრაფიული სურათი, რომელზედაც გამოხატული იყო ტიმოფეი კორდიუკოვი, მხარბეჭიანი წარმოსადეგი სტრაჟნიკი, ფორმის კარტუზიან ქუდით თავზე და ჩამოვარცხნილ წვერით, მორგვივით კაცი, ყვრიმალის ძვალმსხვილი, უახრო და უფერულ გადაქაჩულ თვალებით. მის გვერდით ბამბუკის სავარძელში ძლივს მოსჩანდა ტანმოორჩილი, მოლუული გლეხის ქალი, წელზე ამოშვებულ კოჭტით, გამხდარი და მორცხვი სახის. კედელთან კი, საცოდავ პროვინციის ფოტოგრაფიულ ფონზე, რომელიც მტრედებით და ყვაფილებით იყო მოხატული, იდგა ორი ბიჭი, უზარმაზარნი, ბლუ გამოხედვით, ფართო სახისანი, თვალებ გადმოვარდნილი, გაჩიჩინებულნი, — ორი ძმა კურდიუკოვები — ფედორ და სემიონ.

ნოვოგრად-ვოლინსკი, ივნისი, 1920.

დოღუზოვის სიკვდილი

ომის ხმა ქალაქს თანდათან უახლოვდებოდა. შუადღისით 4 დივიზიის გადაყენებულმა უფროსმა ჩაგვიჭროლა ცხენით, — ის მარტოდ მარტო იბრძოდა და ეძებდა სიკვდილს. გაქანებულ ცხენიდან გადმომძახა:

— კომუნიკაციები დაშლილია, რადივილოვი და ბროდი ცეცხლშია გახვეული.

და გაფრინდა მთლად შავი, ნალვერდლებივით თვალებით.

დაფასავით სწორ ვაკეზე ბრიგადები მწკრივდებოდენ. მზე წითელ ნაცარტუტაში ტორტმანობდა. თხრილებში დაჭრილები ისხდენ და საუზმობდენ. მოწყალეების დები იწვნენ ბალახში და ოდნავ ხმის აწევით ღიღინებდენ.

აფონკას მზვერავეები მინდორ-მინდორ დაძრწოდნენ: ეძებდნენ მკვდრებსა და ტანისამოსს. აფონკამ ორ ნაბიჯზე ჩამოიარა, კისერზე კარგად მოუბრუნებია. ისე მითხრა:

— მაგრა დაგვნაყეს. როგორც ორჯერ ორი, დივიზიის უფროსზე აქვთ ეჭვი—გადააყენებენ. მხედრები ეჭვობენ...

პოლონელები ჩვენგან სამი ვერსის მანძილზე მდებარე ტყეს მოადგენ, სადღაც ჩვენ მახლობლად ტყვიამფრქვევები დადგეს. აწკმუტუნდნენ ტყვიები. მათი ჩივილი თანდათან მატულობს, ტყვიები ერჭობიან მიწაში და ეძებენ რალაცას შიგ მოუთმენლად, ვიტიაგაიჩენკომ, პოლკის უფროს, რომელსაც მზის ყურეზე ეძინა, წამოიბლაგლა და გამოელვია. წამოვარდა, ცხენს მოახტა და მეთაურ ესკადრონისკენ გაექანა. სახე მთლად დაქმუჭვნოდა, წითელ ზოლებით აჭრელდებოდა უხერხულ წოლისაგან, ჯიბე ქლიავით ჰქონდა გატენილი.

— აი, ეგ მამაგაღლელეტილები, — დაიძაბა მან სიბრაზით და პირიდან ქლიავის კურკა გადმოაფუროთხა, — ერთი ამ წუნკლებს უყურეთ, ა???. ტიმოშკა, ასწიე ბაირალი!

— წავიდეთ, არა?.. — იკითხა ტიმოშკამ, უზანგიდან დროშის ტარი გამოაძრო და ბაირალი გაშალა, რომელზედაც ვარსკვლავი ეხატა და რალაც ეწერა მე-III ინტერნაციონალის შესახებ.

— იქ, ვნახავთ, რაც უნდა ვქნათ!.. — სთქვა ვიტიაგაიჩენკომ და მერე უეცრად დაიბლაგლა: — აბა ცხენებზე, ბიჭებო...

მესაყვირებმა განგაში დაჰკრეს. გამწკრივდა ესკადრონები. ამ დროს თხრილიდან ერთი დაჭრილი ამოფოროთხდა და ვიტიაგაიჩენკოს მიმართა:

— ტარას გრიგორიევიჩ, დელეგატი ვარ, როგორც ეტყობა ჩვენ აქ ჩავრჩებით... დაჭრილები...

— არაფერია, როგორმე მოიგერიებთ... — ჩაიბურღულა ვიტიაგაიჩენკომ და ცხენი კიშმიშზე შეაყენა.

ჩვენ ასე ვფიქრობთ, ტარას გრიგორიევიჩ, რომ ვერ მოვიგერიებთ... ვერ შევძლებთ... — სთქვა დაჭრილმა.

— ნუ იქყანები... — და მერე გასცა ბრძანება, რომ გაფრენილიყვნენ.

და მაშინვე, ვიტიაგაიჩენკოს ბრძანებისთანავე, გაისმა აფონკა ბიდის ჩემი ახალი მეგობრის დედაკაცივით აწრიპინებული ხმა:


— რათ გინდა ჩორთივით რომ მიაქნებ... იქამდე ბარე ხუთი ვერსია, ტარას გრიგორიევიჩ... ცხენები დაიხოცება, ისედაც დაღლილები არიან... მერე ბრძოლა არ გინდა?... რას ჩქარობ, ისეც მოვესწრებით...

— ნელა!... ბრძანა ვიტიაგაიჩენკომ თავაუწევლად.

პოლკი დაიძრა.

— თუ დივიზიის უფროსზე რომ ქორი დადის, მართალია, — წამიჩურჩულა აფონკამ, სანამ ადგილიდან დაიძვროდა, — და მართლა გადააყენეს, მაშინ ჩივნი საქმე წასულია.

თვალთაგან ცრემლები წასცვივდა. მე აფონკას გაშტერებული მივაჩერდ...

ის კი ერთ ადგილას ბზრიალასავით დატრიალდა, ხელი ხმალოს  აბრო-
ტინდა, მერე დასკყივლა და გაფრინდა.

მე და გრიშჩუკი, რომელიც რაღაც სულელურ ტახანკაზე იჯდა, მარტო
დავრჩით. საღამომდე ვიწანწალებთ ჩვენ ცეცხლის კედლებში, მაგრამ გასავალი
ვერ'ად ვერ ვნახეთ. დივიზიის შტაბი საღამო გაჰქრა. სხვისი ნაწილები ჩვენ
არ გვიღებდენ. პოლონელები ბროდში შემოვიდნენ, მაგრამ ისევ განდევნილ იქ-
მნენ ჩვენების მიერ კონტრ-იერიშით. ჩვენ ქალაქის სასაფლაოს მიუახლოვდით.
საფლაოებს უკან ჩასაფრებული პოლონელი ჯარისკაცები წამოცვივდნენ, თოფები
მოიმარჯვეს და დაგვცხეს როგორც შეეძლოთ. გრიშჩუკი შემოტრიალდა და
ჩვენ გაფრინდით. გრიშჩუკის ტახანკა ხმაურობდა ოთხივე თვალით და ყვე-
ლაფერი დააყრუა.

— გრიშჩუკ!.. გადავძახე მე ტყვიების ზუზუნში და ქარში.

— თავის აგდებაა და მეტი არაფერი!..— მიპასუხა მან მოწყენით.

— გრიშჩუკ, ვილუპებით!..— წამოვიძახე მე დასაღუპავად გამხადებულ
ადამიანის უცნაური აღტაცებით.— ვილუპებით!

— რას იწუხებენ თავს ეს დედაკაცები... არ მესმის...— მომიგო მან კიდევ
უფრო მწუხარედ.— რათ უნდათ ეს მაქანკლობა, ნიშნობა, რას დაგოგმანობენ
ეს ნათლიები ქორწილებში?.. რის მაქნისია!..

ცაში წითელი კუდი გამოჩნდა და ისევ ჩაქრა. ვარსკვლავებში გამოიკვე-
რა მდევის ნამუხლარი.

— სასაცილოა, — სთქვა გრიშჩუკმა კიდევ უფრო მწუხარედ და მათრახით
კაცი მაჩვენა, რომელიც გზის პირას ჩამჯდარიყო, — სასაცილოა, რას იწუხებენ
თავს ეს ქალები!..

კაცი, რომელიც გზის პირას იჯდა, დოღგუშოვი იყო, ტელეფონისტი.
ფეხები უცნაურად გაეშალა და პირდაპირ თვალებში გვიცქეროდა.

— აი რა უნდა გითხრათ, — სთქვა დოღგუშოვმა, როცა ჩვენ მიუახლოვ-
დით, — მე მოვკვდები. ხომ გესმით?..

— მესმის, — მიუგო გრიშჩუკმა და ცხენი შეაჩერა.

— ერთი ვაზნა უნდა დახარჯოთ ჩემზე. — სთქვა დოღგუშოვმა საქმიანი
კილოთი.

ის ზურგით ხეს მიყრდნობოდა და ისე იჯდა. ფეხები აქეთ-იქით უსიციო-
ხლოდ გაეშალა. ჩემთვის თვალი არ მოუშორებია ისე პერანგი ფრთხილად აი-
წია და გამოჩნდა: გამოფათრული მუცელი, ნაწლავები მუხლებზე მოცურავდნენ
და მოსჩანდა, როგორ ფეთქავდა გული ბუდეში.

— შლიახტა მომაგნებს და მასხარად ამიგდება. აი დოკუმენტი, დედას
მისწერეთ, როგორც მოხდა.

— არა, არ შემიძლია!.. — უპასუხე მე ყრუდ და ცხენს ქუსლი შემოვკარი.

დოღგუშოვმა ხელები მიწაზე დააწყო და გამოჩნდა მთლად გალურჯებუ-
ლი ხელის გული და ზედ უიმედოდ დიპხედა.

— გარბინარ, — წაიბუტბუტა მან და წელი მოსწყდა, მთლად ჩაიკეცა, —
გაიქეცი, გაიქეცი, შე ბინძურო.

ქრუანტელმა დამიარა. ტყვიაფრქვევებმა მოუხშირეს, ბრძანებდნენ ისტერიულ სიჯიუტით.

ჩვენკენ ჩამავალ მზის ნიშნით მოსილი აფონკა წილი მოჰქროლა.

— ნელნელა ვცხებთ, მაგ წუნკლებს!..— დაიძახა მან მხიარულად მოსვლისთანავე, — ეს რა ბაზრობა გაგიმართაუთ?

მე დოღგუშოვი ვაჩვენე და მოვშორდი.

ისინი ლაპარაკობდნენ მოკლედ. სიტყვებს ვერ ვარჩევდი. დოღგუშოვმა მწყობრის უფროსს წიგნაკი გადასცა. აფონკამ წიგნაკი ჩექმის ყელში ჩაიტენა და მერე დოღგუშოვს პირში ესროლა.

— აფონკა, — ვთქვი მე საცოდავ ღიმილით და ყაზახს მიუახლოვდი, — აი, მე კი ვერ შევძელ.

— მომცილდი!.. — დაიძახა მან მთლად გაფითრებულმა, — თორემ მოგკლავ. გეცოდებათ ხომ ჩვენი ძმა, თქვე სათვალეებიანებო, ისე, როგორც თავი კატას!.. და ჩახმახი ფეხზე შეაყება.

მე ნელა გავშორდი, უკან არ მომიხედია ისე და ზურგით ვგრძნობდი სიცივესა და სიკვდილს.

— ეი!.. — დაიყვირა უკან გრიშჩუკმა, — რა თავს იგდებ შენ! და აფონკას ხელი ხელში უტაცა.

— მონებო!.. — დაიძახა აფონკამ. — სულერთია ვერსად წამივა.

გრიშჩუკი მოსახვევში დამეწია. აფონკა არ სჩანდა, ის სხვა გზით წავიდა.

— ხედავ, გრიშჩუკ, — ვთქვი მე. — დღეს მე აფონკა დავეკარგე, ჩემი საუკეთესო, უპირველესი მეგობარი.

გრიშჩუკმა ჩანთიდან გამჭკნარი ვაშლი ამოიღო.

— სჭამე, — მითხრა მან, — სჭამე, ნუ მოგცლია!..

და მე მივიღე მისგან ეს მოწყალება, გრიშჩუკისაგან, და შევჭამე ვაშლი მწყურებულად, მოწიწებით.

ბროდი. აგვისტო. 1920.

ღიაკოვი

სოფელი გმინავს. ცხენოსანთა რაზმი სჩხრეკს ხორბალს და სცვლის ცხენებს. დაჩიავებულ და გაღახულ ცხენების მაგიერ რაზმელებს გლეხების სამუშაო ცხენები მიჰყავთ. რას იზამ, უცხენოთ არმია შეუძლებელია.

შტაბის შენობასთან გლეხები ირევიან.

მოჰყავთ ბაწრით მისუსტებული ჯაჩრიკა ცხენები ბანცალით. მარჩენალ ჩამორთმეული გლეხები გულში გრძნობენ ბოღმასა და სიმწარის გამბედაობას, იციან რომ ეს გამბედაობა დიდხანს არ გასტანს და შიშველ-ტიტველნი მიიჩქარიან რომ უთხრან უკმეხი სიტყვა და შესჩივლონ უფროსს, მათს გამჩენსა და დაბადების საათს.

თავით ფეხებამდე ფორმაში გამოწყობილი შტაბის უფროსი აივანზე დგას.

თვალის ქუთუთოები ეწვის, ხელს იფარებს და ისმენს ყურადღებით გლეხების ჩივილს. მაგრამ ეს ყურადღება მხოლოდ ხერხია და სხვა არაფერი. ე., როგორც ყოველმა გამოცდილმა და დაღლილმა მუშაკმა, იცის ასეთი წესები, რომლებიც მუშაობის სრულიად შეწყვეტა. და ასეთ გამოზოგილ წუთებში, რომელითაც მოსასვენებლად სარგებლობს, ის იმყოფება ნამდვილ ძროხულ ნეტარ უახრობაში.

ასეა ახლაც.

გლეხთა სასოწარკვეთილ უახრო გუგუნში, ე. თვალყურს აღევნებს გონებაში აზრის იმ სუსტ კიდილს, რომელიც შენდევ დაიწმინდება და ახალი ენერგიით აღიჭურვება. როცა გამოერკვევა რაღაცას წაიღრენს და წავა ისევ შტაბში სამუშაოდ.

ახლა მას ეს ღრენა არ დასჭირვებია. წითელ შერეულ ინგლისურ-არაბულ ბედაურით მოიჭრა აივანთან დიაკოვი, ცირკის ყოფილი ჯამბაზი და ახლა კი ცხენების თადარიგის უფროსი, — წითური, ჭალარა შერეულ ულვაშებით, შავ მოსასხამ ნოხურული და წითელ შარვალზე ჩაყოლებულ ვერცხლის სირმებით.

— ეშმაკმა და ჯოჯოხეთმა წაიღოს მაგათი თავი და ტანი! — დაიყვირა მან და ცხენი აივანთან შეაჩერა, მაგრამ ამ დროს მის წინ ერთი ჯახრიკა ცხენი დატორტმანდა და ცხენს, რომელზედაც ის იჯდა, ფეხებში ჩაუვაოდა.

— აი შეხედე, ამხანაგო უფროსო!.. — დაიძახა ვიღაც გლეხმა და მუხლებზე ხელი დაირტყა. — აი როგორი ცხენს გვაძლევთ ჩვენ სამაგიეროდ... ხედავ, რას გვაძლევენ. მოდი შენ და ასეთ ცხენით დაამუშავე მიწა, ფეხზე ველარ დგას.

— ამ ცხენში, — დაიწყო მკაფიოდ და დინჯად დიაკოვმა. — ამ ცხენში, ჩემო მეგობარო, შენ სრული უფლება გაქვს ცხენთა სათადარიგოში ხუთმეტრი ათასი მანეთი მიიღო, ცოტა უკეთესი რომ იყოს ოცი ათას მანეთსაც მიიღებდი. თუმცა ცხენი რომ წაიქცა, — ეს ჯერ კიდევ ფაქტი არ არის. თუ ცხენი წაიქცა და ისევ წამოდგა, — ის ცხენია, და თუ, პირიქით რომ ვთქვათ, წაიქცა და ვერ აღვა — მაშინ ის უკვე არ არის ცხენი, მაგრამ, სხვათა შორის, ეს მშვენიერი ცხენია და აღვება კიდევც...

— ღმერთო შენ შემეწიე, — აასავსავა ხელები გლეხმა. — მაგას რა ააყენებს... საცაა სულიც გავარდება...

— ნუ შეურაცხავ ცხენს ჩემო ბიძია... — უპასუხა ღრმა რწმენით დიაკოვმა. — პირდაპირ ღმერთს ჰგმობ შენ მაგ სიტყვებით. როგორ იქნება!.. — და ამ სიტყვებით მარჯვედ გადმოხტა იგი მოხდენილი ცხენიდან, ისე, როგორც სცენაზე, და მომაკვდავ ცხენს მიუახლოვდა. ცხენი თავისი ღრმა, საცოდავ თვალეზით დიაკოვს მიაჩერდა და თითქოს მის ვარდისფერ ნახ ხელის გულიდან რაღაც უხილავი ჯადოსნური ძალა ალოკაო, მისუსტებულმა იგრძნო ის ძალა გამოცდილი ადამიანისა, რომელიც გამოდიოდა ამ ყოჩაღ, მოხდენილ და ჭალარა შერეულ მარჯვე რომეოსაგან. თავის საცოდავ ხანხალით და ფეხების სხლეტით საცოდავი ჯახრიკა ცხენი, რომელსაც ეს ადამიანი მუცელ ქვეშ ხლისტით ჰფხანდა, ნელა, დიდის ყურადღებით წამოდგა, როგორც იენა, და ფეხზე დადგა. და აი ჩვენ დაეინახეთ, რომ დიაკოვი ცხენს მიეაღწერსა. დაუყვავა და

ბინძურ ფაფარზე ხელი მოფერებით გადაუსვა. მთელი ტანით ცხვარებულს და
 ჯაბრიკა ცხენი იდგა ფეხზე და თავის ძალღურად მორჩილს, ერთგულსა და
 შეყვარებულ თვალებს არ აშორებდა ღიაკოვს.

— მაშასადამე, ეს ცხენია...—უთხრა ღიაკოვმა გლეხს და მერე ხალხურსით
 დაუმატა: — შენ კი სჩიოდი, ჩემო შეგობარო...

ამ სიტყვებით მზლებელს სადავე გადასცა და ცხენთა სათადარიგოს უფ-
 როსმა ერთი ნახტომით ოთხი საფეხური გამოუშვა და ისე აირბინა კიბეზე, შა-
 ვი მოსასხამი მოხდენილად მოიქნია და შტაბის შენობაში შევიდა...

ბელევი. ივლისი. 1920 წ.

კოლესნიკოვი

ვერცხლის ლამპასებიან წითელ შარვალში ბუდიონი იდგა ხის ძირას. ეს-ეს
 არის მე-2 ბრიგადის უფროსი მოჰკლეს. მის ადგილას კოლესნიკოვი დანიშნეს.

ერთი საათის წინ კოლესნიკოვი უბრალო პოლკის უფროსი იყო. ერთი კვი-
 რის წინად კი ესკადრონის უფროსი.

ახალ ბრიგადის უფროსს ბუდიონისთან გამოუძახეს და არმიის უფროსი
 მას ხის ძირას ელოდა. ახალი ბრიგადის უფროსი მოვიდა მასთან, თან კომისა-
 რი გრიშინი ახლდა.

— მაგრათ გვაწვებიან,—სთქვა არმიის უფროსმა და მის სახეზე თვალის
 მომთხრელი ბრწყინვალე ღიმი გაიშალა.—ან დავიხოცებით, ან გავიმარჯვებთ.
 სხვა გზა არა გვაქვს. გესმით?..

— მესმის!..—უპასუხა კოლესნიკოვმა და თვალ დაქვეტილი არმიის უფ-
 როსს მიაჩერდა.

— დაფრთხები, დაგხვრეტ!..—სთქვა არმიის უფროსმა, ისევ ისე გაილი-
 მა და საგანგებო განყოფილების, უფროსს გადახედა.

— მესმის!..—უპასუხა საგანგებო განყოფილების უფროსმა.

— იგორე ბორბალო!..¹⁾—დაიძახა ყოჩაღად ვიღაც ყაზახმა იქვე მახლო-
 ბლად. ბუდიონი ფეხსაცმელის ქუსლზე ფიცხლავ მოტრიალდა და ხელის აღე-
 ბით სალამი მისცა ახალ ბრიგადის უფროსს. იმანაც კარტუშთან ხუთი ჯერ
 კიდევ ნოჩი გაფარჩხული თითი სალამის ნიშნად მიიღო, სახეზე ოფლმა გამო-
 ეონა და გაყვა ხნულებს. ასი საუენის მოშორებით მას ცხენები ელოდნენ. ის მი-
 დიოდა თავდახრილი და მიათრევდა ნელა სასაცილოდ მოღუნულ გრძელ ფე-
 ხებს. დაისი ისისხლებოდა, ცა ალუბლის ფრად შეიღება და ისე უჩვეულო
 იყო ეს სალამო, როგორც მოახლოვებული სიკვდილი.

და მალე—ფართოდ გადაშლილ ხარვეზებზე და გადატრამულ ყვითელ მინ-
 დორში ჩვენ დავინახეთ ის ერთადერთი:—კოლესნიკოვის ვიწრო ბეჭი, აფართ-
 ხუნებული ხელები და ნაცრისფერ ქუდში ყურებამდე ჩასული თავი.

1) სიტყვით თამაშია: Кольцо — Колесников.

მხლებელმა ცხენი მიართვა.

ის ცხენს მარჯვედ მოახტა და გაფრინდა თავის ბრიგადისაკენ ისე, რომ უკან არ მოუხედავს. ესკადრონები მას დიდ გზაზე მოელოდნენ დაწეწილი „ურა“ კვნესასავით მოჰქონდა ჩვენამდე ქარს.

მე ჰოვრით ვავხედუ და დავინახე, რომ ბრიგადის უფროსი ცხენით ტრიალეზდა მალლა ავარდნილ ცისფერ მტვერში.

კოლესნიკოვი ბრიგადას მიუძღვის! — სთქვა მალლა ხეზე შემჯდარმა თვალმადევენმა.

— სწორია!.. — უპასუხა ბუდიონიმ.

და ამ დროს პირველი პოლონური ყუმბარა წამოვიდა და ღმუილით თავს გადაგვიარა.

— იორლით მიდიან!.. — სთქვა თვალმადევენმა.

— სწორია! — სთქვა ბუდიონიმ. პაპიროსი მოსწია და თვალები დახუჭა. „ურა“ თანდათან მიეუჩნდა. კანობადაც შეწყდა. სრულიად ზედმეტი და უსაკიროო შრაპნელი დაასკდა ტყეს. და ჩვენ ყურს უგდებდით ჩხვის დიად მყუდროებას.

— სული და გულია ეს ბიჭი!.. — წამოიძახა არმიის უფროსმა და წამოდგა. — პატივს ეძებს. ვფიქრობ, — მოიპოვებს კიდევ.

ცხენები მოითხოვა და ბუდიონი ბრძოლის ველისაკენ გაემართა. შტაბიც თან გაჰყვა.

კოლესნიკოვი მე იმავე საღამოს ვნახე. სწორედ ერთ საათს შემდეგ მას მერე, რაც პოლონელები სასტიკად იქმნენ დამარცხებულნი. ის თავის ბრიგადას მოუძღოდა შავ ყორანივით ჯერ კიდევ უნახავ სილამაზის ვაყა ცხენზე ამხედრობებული და უნაგირზე თვალებს ლულავდა, — ეყვინთებოდა. შეხვეული დაქრილი მარჯვენა ხელი გულზე ეკიდა. მისგან ათი ნაბიჯის მოშორებით ცხენოსან ყაზახს გაშლილი დროშა მოჰქონდა. მეთაური ესკადრონი ზანტად მოდიოდა და მოიმღეროდა უტიფარ ლექსებს. ბრიგადას არ უჩნდა ბოლო, ისე, როგორც ბაზრობაზე დაძრულ გლეხის ურმებს და სულის შემხუთავი მტვერი იდგა. უკან ხროტინებდენ დაღლილი ორკესტრები.

და იმ საღამოთი კოლესნიკოვის ცხენზე ჯდომის ხასიათში მე განვსკვრიტე უფლებამოსილ თათართა ხანის ხვიადი გულგრილობა და მივხვდი განთქმულ წიგნის სიბრძნეს თავქეიფა აპანასენკოსი და მომჯადოებელ ტიმოშენკოსი.

ბროდი. აგვისტო. 1920.

პრიჩეპა

ნივდივარ ლიშნუგში, სადაც დივიზიის შტაბი მდებარეობს. ჩემი თანამგზავრი ისევ ის პრიშჩეპაა — ახალგაზდა ყუბანელი, დაულალავი ქამი, კომუნისტური, მომავალი ჩარჩი, უდარდელი სიფილიტიკი და დინჯი მატყუარა. ტანთ შინდისფერი თხელი მაუდის ჩერქეზული ჩოხა აცვია. ზურგზე გადაგდებული

აქვს თივთიკას ყაბალახი. მოვდივართ და თან თავის ამბებს მიყვება, არ დამავიწყდება მისი ამბავი.

ერთი წლის წინად პრიშჩეპა თეთრებს გაექცა. სამაგვირუდე მთა მძველად მისი დედ-მამა წაიყვანეს და კონტრდაზვერვაში დახოცეს. უჩინოდ დაბრუნდნენ თეთრები გარეკეს, პრიშჩეპა დაბრუნდა თავის სტანიცაში.

ეს იყო ალიონზე, მუჟიკის ძილი ჯერ კიდევ ფშვინავდა ქობის დამეავებულ და დახუთულ ჰაერში. პრიშჩეპამ სახელმწიფო ცხენის ურემი შეაბა და დაიწყო სიარული სტანიცაში, რომ თავის ოჯახურ ნივთებისათვის თავი მოეყარა: გრამოფონი, კვასის დასამზადებელი კასრი და დედის ხელით ამოქარგული პირსახოცები. გამოვიდა გარეთ, ზურგზე შავი ნაბადი მოეხურა, წელზე მოლუნული ხანჯალი ეკიდა, უკან ცხენის ურემი მოყვებოდა. პრიშჩეპა დადიოდა ერთი მეზობლიდან მეორესთან და ყველგან, საიდანაც ის გამოვიდოდა, მისი ფეხსაცმელის პირებისაგან რჩებოდა სისხლის ნაკვალევი. იმ ქობში, სადაც ყაზახი დედის დანატოვარ ნივთს ან მამის ჩიბუხს პოულობდა, — სტოვებდა ყელგამოჭრილ დედაბრებს, დახოცილ ძაღლებს, ჭის თავზე ჩამომღრჩვალებს და განავალში დასვრილ ხატებს. სტანიცელები ყალიონს ეწოდნენ და მოლუნულნი გასცქეროდნენ მას. ახალგაზდა ყაზახები მინდორ-ველებში გაიფანტნენ და ბოლმით იღრჩობოდნენ. ბოლმა სივდებოდა და სტანიცა ჩუმად იყო. როცა გაათავა — პრიშჩეპა დაბრუნდა დაცარიელებულ მამისეულ სახლში. მოძიებული ბარგი დააღაგა ისე, როგორც ბავშობიდან ახსოვდა და არაყი მოატანიხა. მერე ქობში ჩაიკეტა და სვამდა ორი დღედაღამის განმავლობაში სულმოუთქმელად. მღეროდა, სტიროდა და მაგიდებს ხმლით სჩებდა. მესამე ღამეს სტანიცამ დაინახა რომ პრიშჩეპას ქობს ბოლი ავარდა. ჩამოგლეჯილმა და ცეცხლით შერუჯულმა პრიშჩეპამ ფეხების ლასლასით ძროხა ბაგიდან გამოიყვანა, პირში რევოლვერი ჩაუდო და გაისროლა. მიწას ასდიოდა კვიმი, ცეცხლის ცისფერი ალი ამოვარდა ბუხარში და დნებოდა ნისლში, თავლაში ატირდა ჩაკეტილი მოზვერი. პრიშჩეპა ცხენს მოაბტა, თავზე ჩამოგლეჯილი თმები ცეცხლში ჩაჰყარა და გადაუარდა, დაიქარვა.

დემიდოვკა, ივლისი, 1920 წ.

კოზინის სასაფლაო

სასაფლაო ებრაელთა დაბაში. არის ბუერათი დაფარული ვოლინის მინდორ-ველებში ასურეთი და იდუმალი ხოწნადობა აღმოსავლეთისა.

გათლილი რუხი ქვები სამასწლოვან წარწერებით. ქვაზე უხეშად ამოთლილი გორელაფები. თევზისა და ვერძის სახე მიცვალეზულ ადამიანის თავით გამოხატული. ქურჭის ქუდებში ამოთლილი ქვის ოაბინები. ვიწრო წელი ძათი სარტყელით არის აკრული და თვალდათხრილ სახეებს ქვემოდ ქვის ხუჭუჭი წვერები.

იქვე მუხდაკრულ მუხის გვერდით დგას რაბბი აზრილის აკლდაშა, რომე-

ლიც ბოგდან ხმელნეცკის ყაზახებმა მოჰკლეს. ოთხი თაობა წევს და განისვენებს ამ მეთულუხის ბინასავით ღარიბ-ღატაკ სავანეში. და ეს ძველები ჰვალობენ მათ შესახებ ბედუინის ცად ასულ ლოცვებით:

— აზრილ ძე ანანიასი, ბაგე იელოვასი.

ილია ძე აზრილისა, ტვინი, რომელ ებრძოდა განმარტოებით დავიწყებას.

ვოლფი ძე ილიასი, პრინცი, რომელ გატაცებულ იქმნა თორასაგან მეცხრამეტე გაზაფხულზე.

იუდა ძე ვოლფისა, კრაკოვისა და პრალის რაბინი.

ჰოი, სიკვდილო ანგაარო, ჰოი შენ ქურდო გაუმაძღარო, რატომ თუნდაც ერთხელ არ შეგვიბრალე ჩვენ!..

მარილი

„ძვირფასო ამხანაგო რედაქტორო! მე მინდა ორიოდ სიტყვა მოგწეროთ იმ შეუგნებელ ქალთა შესახებ, რომლებიც ჩვენთვის მავნებელი არიან. იმედით მაქვს, რომ თქვენ, როცა ფრონტებზე დადიოდით და ყველაფერს შენიშვნებისთვის იმახსოვრებდით, გვერდი არ აგივლიათ ისეთ სადგურისათვის, როგორც ფასტოვი არის, და რომელიც იმყოფება ცხრა შთას იქით, ერთ სახელმწიფოში, მივიწყებულ ადგილას. მე იქ, რასაკვირველია, ვიყავი, შინაურ ლუდს ვსვამდი ულვაშებზე ჩამომდიოდა, მაგრამ პირში არ ჩამდიოდა. ამ ზემოხსენებულ სადგურში ბევრი რამ არის ისეთი, რისი აწერაც ღირს, მაგრამ, როგორც მოგესვენებათ, ყველაფერს ვერ ასწერ თუ არ გინახავს და ამიტომ შევეცდები ავწერო ის, რაც ჩემი საკუთარი თვალით მაქვს ნახული.

ეს იყო ამ შვიდი დღის წინაღ. იყო მშვენიერი წყნარი ღამე, როცა ჩვენი ცხენარშიის დამსახურებული მატარებელი მეომარი ბიჭებით დატვირთული გაჩერდა ამ სადგურზე. ჩვენ ყველა ვიწოდით ერთი სურვილით, რომ საერთო საქმისათვის თავი დაგვედო. ჩვენ ბერდიჩევისკენ მივემგზავრებოდით და ვატყობთ რომ ჩვენი მატარებელი ადგილიდან დაძვრას არ აპირობს, ჩვენი გავრილა ფეხს არ იცვლის. მხედრები შეეკვდნ და ერთი მეორეს ეკითხებოდნ: — რაშია საქმე? და მართლაც საერთო საქმისათვის მატარებლის გაჩერება ერთობ გაგრძელდა, იმიტომ რომ მეტომრეები, ეს ბოროტი და დაუძინებელი მტრები, რომელთა შორის იყო აგრეთვე ბევრისაგან ბევრი ძალა ქალთა სქესისა, თავაგდებულად ექცეოდნ რკინიგზის მართველობას. უშიშრად ეტანებოდნ ხელის მოსაკიდებლებს, დარბოდნ ვაგონის თუნუქით დახურულ სახურავებზე, ირეოდნ და ერთი ღრიანცელი ჰქონდათ ატეხილი. ყოველ მათგანს ხელში ეკავა კარგად ცნობილი მარილის ტომრები, რომლებიც თვითთულად ხუთ ფუტს მაინც მოიწონიდა. მაგრამ მეტომრეთა კაპიტალის ბოგინს დიდხანს არ დასცალდა, მხედრების ინიციატივამ, რომლებიც გამოვიდნ ვაგონებიდან, საშუალება მისცა რკინიგზის შებლალულ უფლებას სავსე გულით ამოესუნთქა. მხოლოდ

ქალთა სქესი დარჩა თავიანთი ტოპრაკებით ვაგონების მიდამოებში, სიბრალო-
ლის გამო, ზოგიერთი ქალები სათბურ ვაგონებში დაინახნენ და ზოგი კი
ძირს ჩამოყარეს. ჩვენ მეორე მწყობრის ვაგონშიც აღმოჩნდა მსგავსი შეიღი-
და, როცა პირველმა ზარმა დარეკა, მოვიდა ჩვენთან ერთი წარმოსადგევი ქალი
ძუძუთა ბავშვით და გვითხრა:

— შემიშვით, ძვირფასო ყაზახებო, ღვთის გულისათვის. მთელი ამ ომის
განმავლობაში გაეძაღლდი ამ ვაკელებში წანწალით ეს ძუძუთა ბავშვის პატრო-
ნი ქალი. ახლა ქმარი მინდა ვინახულო, მაგრამ რკინიგზის გამოისობით შეუძ-
ლებელი საქმე შეიქმნა ჩემთვის. ნუ თუ მე ეს არ დამიმსახურებია, საყვარელო
ყაზახებო?

— სხვათა შორის, დედაკაცო, ვეუბნები მე იმას, როგორიც იქნება მწყობ-
რის თანხმობა, ისეთი გამოვა შენი ბედ-ილბალიც. მერე მე მწყობრს მივმართე
და უმტკიცებ მათ რომ ეს წარმოსადგევი ქალი ქმრის სანახავად მიემგზავრება
ადგილისამებრ და ბავშიც ნამდვილად მასთან იმყოფება და როგორი იქნება
თქვენი თანხმობა— შემოუშვა თუ არა?

— შემოუშვი, შემოუშვი, — ყვირიან ბიჭები. — ჩვენს მერე ქმარსაც არ ინ-
დომებს.

— არა, — ვეუბნები მე ბიჭებს საკმაო ზრდილობით, — თავს გიკრავ შენ
მწყობრო, დაბალ სალამს გაძლეე, მაგრამ მაკვირვებს თქვენგან ასეთი პირუტ-
ყვეული გრძობები. მოიგონეთ, მწყობრო, თქვენი წარსული ცხოვრება და ისიც
როგორ იყავით თქვენ პატარაები თქვენ დედებთან და გამოვა ისეთი რამე,
რომ არ ვარგა ასე ლაპარაკი.

და ყაზახებმა გადალაპარაკების შემდეგ: „რა ბიჭია ეს ბალმაშოვი! — ქალი
ვაგონში შემოუშვეს და ისიც გვლოცავს და მოძვრება ვაგონში. და ყოველი
მხედარი ჩემი სიმართლით აღუღებული, ეხმარება დედაკაცს და ერთი მეორეს
აწვეტიებენ:

— აი აქ დაჯექით, დედაკაცო, და ეალერსეთ თქვენ ბაღს, როგორც ეს
საზოგადოდ დედების წესი არის. ნუ გვზინიათ, არავინ შეგეხებათ და ჩახვალთ
თქვენ ქმართან ხელუხლებელი და უვნებელი, ისე როგორც ეს თქვენთვის არის
სასურველი და ჩვენ კი იმედი გვაქვს თქვენი ნამუსის, რომ თქვენ ალგვიზრდით
ჩვენ შემნაცვლებელს, ეს იმიტომ რომ ახალგაზდები ძრიელ ცოტა სჩანან. ბევრი
ვარამი გადაგვიტანია ჩვენ, დედაკაცო, ბევრი გაჭირვება ნამდვილ სამსახურში
და ისეც. სიმშვილი წელში გვლუნავდა და სიცივე სულს გვაძრობდა. თქვენ კი,
იჯექით აქ, დედაკაცო, და ექვს გარეშე...

ამასობაში მესამე ზარმაც დარეკა და მატარებელი დაიძრა. კარავით
გადაიშალა მშვენიერი ღამე და იმ კარავში იყო ვარსკვლავები. მხედრებს ყუ-
ბანის ღამე და ყუბანის მწვანე ვარსკვლავები მოაგონდათ. და ფიქრი გაფრინდა
ფრინველივით. ბორბლები კი ხმაურობენ და ხმაურობენ...

კარგა ხნის შემდეგ, როცა ღამემ საგუშაგო დასტოვა და წითელმა მენა-
ღარეებმა წითელ ნაღაოებზე დაჰკრეს ვამთენიის განგაში; მაშინ როცა ყაზახებმა
დაინახეს რომ მე მთელი ღამე თვალი არ წამიდვია, მოვიდენ ჩემთან.

— ბალმაშოვ, — მეუბნებიან ყაზახები, — რას მოგიწყენია და რა იძინებ?

— მდაბლად გიკრავთ თავს, თქვენ მხედრებო და კოტორდენ პატიებას მოვითხოვ თქვენგან, ოღონდ მომეცით საშუალება, რომელიც სიტყვით შეთხრობა ამ მოქალაქეს.

და მთელი ტანით აკანკალებული ვდგები ჩემი საწოლიდან, რომლისგანაც ძილი ისე გაფრთხა, როგორც მგელი ავი ძაღლების ხროვისაგან, უახლოვდები დედაკაცს, ვართმევ ხელში ბაღს, ჩერებს ვახევ და ვხედავ რომ ბავშვის მაგიერ ერთი უუთი მარილი მაინც იქნება შეხვეული.

— აი საინტერესო ბაღი, რომელიც არც ძუძუს თხოულობს, არც ჩერებს ასველებს და ხალხსაც ძილს არ უფრთხობს!..

— მაპატიეთ, საყვარელო ყაზახებო, — შემოიჭრა ჩვენ ლაპარაკში დედაკაცი სრულიად გულგრილად, ვითომც არაფერი მომხდარიყოს. — მე კი არ მოგატყუეთ, ჩემმა ანგაარებამ მოგატყუათ თქვენცა და მეც...

— ბალმაშოვი გაპატიებს თქვენ ანგაარებას, — უბასუბებ მე დედაკაცს. — ბალმაშოვს ეს ძვირი არ უღირს, ბალმაშოვმა, როგორც იყიდა ისევე გაყიდის. მაგრამ აბა მოპრუნდი, დედაკაცო, ყაზახებისავენ და პირი უჩვინე მათ, რომელთაც შენ აგამაღლეს, როგორც მშრომელი დედა რესპუბლიკაში. შეხედე ამ ორ ქალიშვილს, რომლებიც სტირიან ახლა, როგორც ჩვენგან მთელი ღამის განმავლობაში ნაწამებნი, თვალი მიაპყარ ჩვენ ხორბლიან ყუბანის ცოლებს, რომელთაც წელი სწყდებათ ჯაფისაგან უკაცებოდ და გვერდში არ უდგასთ ქმრები, რომელნიც დაეხეტებიან მარტოდ მარტო ოჯახს დაშორებულნი და ბოროტ გარემოებათა გამო ძალას ხმარობენ მათ ცხოვრებაში განვლილ ქალიშვილებზე, აუპატიურებენ მათ... შენ კი ხელი არ გახლეს, თუმცა შენ ამისი ღირსი იყავ... შეხედე ტკივილებით მგმინავ რუსეთს...

ის კი მეუბნება:

— მე ჩემი მარილი დავკარგე, მე ახლა სიმართლის არ მეშინია. თქვენ კი რუსეთი სრულებითაც არ გედარდებათ, თქვენ ურია ლენინსა და ტროცკის იცავთ.

— ურიებზე არაა ახლა ლაპარაკი, მავნე მოქალაქევ!.. ურიები აქ არაფერ შუაშია. სხვათა შორის, ლენინის შესახებ არაფერს ვიტყვი, მაგრამ ტროცკი ტამბოვის გუბერნატორის ნამდვილი პირწავარდნილი შვილია და, თუმცა სხვა წოდებისაა, მაგრამ მაინც მშრომელთა კლასს ამოუდგა გვერდში. როგორც კატორღაში ისე არიან ისინი, — და გვეზიდებიან ჩვენ ცხოვრების თავისუფლების გზისაკენ, და თქვენ კი, საძაგელო მოქალაქევ, უფრო ნეტი კონტრ-რევოლუციონერი ხართ, ვიდრე ის თეთრი გენერალი, რომელიც ათას ცხენზე ამხედრებულა და ბასრი მახვილით გვემუქრება ჩვენ. ის მოსჩანს ყველა სანიშნოებიდან, ის — თეთრი გენერალი და მშრომელს აქვს თავისი ფიქრი და ოცნება ფეხით გასრისოს ის, მიწასთან გაასწოროს, და თქვენ კი აუროცხელო მოქალაქევ, თქვენი საინტერესო ბავშვებით, რომელნიც პურს არ თხოულობენ, — თქვენ არ სჩანხათ, ხართ რწყილივით უჩინარნი და ხირხნით, ხირხნით, ხირხნით...

და მე, მართალი მოგახსენოთ, გადავავდე ეს მოქალაქე გაქანებულ მატარებლიდან ლიანდაგის ფერდობზე და ის, როგორც ძლიერ ჩტლენქლ და წარმოსადეგი—ჩაჯდა ფერდობზე, მერე კაბა აათართხუნა, წამოდგა და წაგვიდა თავისი სახიზლარი გზით. როცა მე ეს უვნებელი დედაკაცი დავინახე და მის ირგვლივ ვიხილე მთელი გამოუთქმელი რუსეთი, გლახთა უთაეთავო ველ-მინდვრები, ეს ვალანძლული და ნამუს ახდილი ქალიშვილები და ამხანაგები, რომელნიც დაუღალაუად დადიან თრონტებზე, მიდიან მრავალად და ბრუნდება მხოლოდ რამდენიმე, მე მომიინდა გადაემხტარიყავ ვაგონიდან და ან თავი მომეკლა, ან ის ჩამეძალლებინა. მაგრამ ყაზახებს შევეცოდე და ძითხრეს:

— ვინტი შავას, ვინტი ესროლე.

მე კედლიდან ჩამოვიღე ჩემი ნაღდი ვინტი, ვესროლე და მით ჩამოვრეცხე სირცხვილი მშრომელ რუსეთსა და რესპუბლიკას.

და ჩვენ, მეორე მწყობრის მხედრები, ვფიცავთ თქვენს წინაშე, ძვირფასო ამხანაგო რედაქტორო, და თქვენ წინაშე, ძვირფასო ამხანაგებო, რომლებიც რედაქციაში ხართ, რომ შეუბრალებლად მოვეპყრათ ყველა იმ მოლაღატეებს, რომლებსაც ჩვენი ორმოში გადაგდება უნდათ, წყალი აღმა უნდათ ატარონ და სურთ რუსეთის მინდორ-ველები მოჰფინონ გვამებითა და განხმარი ბალახით.

მეორე მწყობრის ყველა მხედრების მაგიერ—რევოლუციის ჯარისკაცი.

ნიკიტა ბალმაშოვი.

თარგმ. ღემნა შენგელაძისი.



ქართული
ბიბლიოთეკა

კრიტიკა, ანატომია
== და დედაკრები ==



დიმიტრი ჟაზბეზის და ალექსანდრე ჟაზბეზის გიო- ბრაზიის მასალები

ნაწილი მეორე.

თავი მეთერთმეტი.

გაგრძელება*)

მთელის ქვეყნის ფილოსოფოსები რომ შეყრილიყვნენ, სანდროსათვის სჯა და მზრუნველობა გაეწიათ, ცდილიყვნენ იმის მწერლობის სახელის ღირსეულად უკვდავ ყოფნას, ვერც თითონ და ვერც სხვა ვინმე უკეთესათ ვერ მოაწყობდნენ, როგორც მოაწყო იმის საკუთარმა ბედმა...

იმის მშველელათ, ამისთანა გაჭირვებიდან გამომხსნელად, ის გარემოება უნდა ჩაითვალოს, რაც მოხდა... ე. ი. ჯერ ალოშკას სიკვდილი, შემდეგ სანდროს საგიჟეში შესვლა, და მეტყველების დაკარგვა.

ნურაევინ იუცხოვებს ამისთანა მსჯელობას: სანდროს ამ წუთისოფელში აღარა მოელოდა რა, გარდა ძრახვისა, სირცხვილისა... იმ სამკვდრო-სასიცოცხლო ტრაგედიის შემდეგ, რაც ალოშკასთან მოუხდა, ნიადაგი შეერყა... ამის გამო იმისი სიგიჟე შეიქმნა იმისი მწერლობის სახელის მხსნელათ და მეტყველების დაკარგვა ხომ, საიდუმლოების დარაჯად, მცველათ... (საბრალო ველარ აგონებდა ადამიანს ლაპარაკს, მხოლოდ ლულულულებდა...) დროთი სიკვდილიც ე. ი. იმ დროს, როდესაც საზოგადოების თვალში მალალ საფეხურზე იდგა — ბედნიერებათ უნდა ჩაითვალოს...

თუ იმისი სიგიჟე საგულისხმოა, იმისი საავათმყოფოში ყოფნაც არ არის ინტერესს მოკლებული.

გაიხსენეთ: როდესაც მოჩხუბარიძემ თავისი უწესურის ქცევით მნახველების ყურადღება მიიპყრო — და ეს მოხდა სწორეთ ალოშკას სიკვდილის შემდეგ — და გიჟათ ცნობილი გახდა, მაშინ იმისი ნიჭის პატივის მცემელნი დიდ მწუხარებას მიეცნენ. ოჯახში სანდროს შენახვა ყოვლად შეუძლებელი ხდებოდა და თავისუფლათ იმისი მიტოვებაც ხომ უხერხული იყო. საბრალო სანდროს განსა-

*) იხ. ჟურნალი „მნათობი“, № 11—12 (19—20).

კუთრებული ყურადღება ეჭირებოდა, რადგანაც სულ მუდამ ზღოთვაში და ფათურში იყო, და ეს ხომ ქონებრივ შევიწროებულთათვის — შეუძლებელი ხდებოდა. შეშლილის ნათესავებმა და მეგობრებმა, ბევრის აწონ-დაწონს შემდეგ არჩიეს თფილისის საავათმყოფოში, სადაც სულით ავათმყოფოთქის სემსყოფილება არის, იქ მოეთავსებინათ. მოჩუბარძეს ყველანი იცნობდნენ, პატივის მცემლნი და თანამგრძობი მრავალი გამოუჩნდნენ და ამათის ცდით და შემწეობით კარგათ მოაწყეს: ცალკე ოთახში მოათავსეს, თანამხლებელი — ლალა მიუჩინეს და ყველანაირი მოწყობილება იღონეს. ერთის სიტყვით იმის კარგათ ზენახვისთვის ყველა ღონის-ძიება იხმარეს. აქ რამდენსამე ხანს დაჰყო, დამშვიდდა და უკეთობაც დაეტყო. მოჩუბარძის პატივის მცემლნი სიხარულს მიეცნენ და იმედოვნობდნენ, რომ კვლავ შესძლებს მწერლობას.

სწორეთ ამ დროს, სანდროს ნახევარ-დამ (დედით ერთნი იყვნენ და მამით ცალ-ცალკე) ფურძანის ცოლმა (ზემოთაც ვახსენე ეს პატივცემული მანდილოსანი) გუბერნატორთან თხოვნა შეიტანა: „ჩემი ძმა ა. ყაზბეგი ცუდუბრალოთ საავადმყოფოში დაწყვედულია და გთხოვთ ძმა დას დამიბრუნოთ“. გუბერნატორმა ექიმების კრება (კომისია) დანიშნა შესამოწმებლათ: მართლა გიჟია? ან რა მდგომარეობაში არის ავათმყოფო? ექიმების კომისიამ გიჟათ არა სცნო და მაშასადამე შესაძლებლათ დაინახა საავადმყოფოდან იმისი გამოწერა. ამგვარმა ექიმების აზრმა, აგრეთვე სანდროს დის განცხადებამ „რასაკვირველია კორაობას დიდი მასალა მისცა: გახშირდა ლაპარაკი და იმ აზრის წარმოდგენა, რომ იმისმა ბიძაშვილებმა მტრობით გიჟობა მოუგონეს, მხოლოდ იმისთვის, რომ სანდროს დიდის ქონებით ესარგებლნათ.

ვინც ქეშმარიტათ გარემოებას აკვირდებოდა იმისთვის ცხადი იყო, რომ სანდროს სწორეთ შერყეული იყო, მაგრამ საავადმყოფოში დასვენებამ და იმ გარემოებათა მოსპობამ, რომელნიც ისე აშფოთებდა სანდროს, საკვირველად იმოქმედა: ნერვები დაუმშვიდა, დაისვენა და იმის გამო მნახველებს კარგა მყოფათ ეჩვენებოდა. იქნება, რომ კარგა ხანს დარჩენილიყო საავადმყოფოში, სადაც იმის შემაწუხებელი გარემოებანი სრულებით შორს იყვნენ და აღარაფერი აგონებდა, მაშინ, შესაძლებელია, უკეთ შეიქნებოდა, მაგრამ როგორცვე საზოგადოებაში ტრიალი დაიწყო, არ გამოვიდა ბევრი ხანი, რომ თავისი ავათმყოფობა უფრო გაუმძლავრდა.

საწყალი სანდრო! იმ დროს მე შორს ვსცხოვრობდი, ვერა ვხედავდი, მაგრამ მესმოდა კი იმისი უნუგეშო მდგომარეობა: ისეც ბინძური, ტანისამოსის გაუფრთხილებელი, ეხლა თურმე, საცოდავი სანახავი იყო! რაც უნდა მიეტანათ, ჩაეცვათ, — ერთის დღის სამყოფი ხდებოდა, მეორე დღეს აღარა ჰქონდა!....

საბრალო სანდროს ქვეყანა და ქვეყნის საქმეები დავიწყებიყო და იმათთან ყოველივე კავშირი გაეწყვიტა.... დაბადებიდგანვე ნებიერი, ფუფუნებაში გაზდილი, განთქმული მწერალი, „ხელი-ხელს საგოგმანებელი“ მოჩუბარძე — ეხლა უსაქმოთ, უსახლკაროთ, ქუჩის გლახაკივით დახეტიალებდა!....

— „პატრონი არავინა ჰყავს, ბიძაშვილებმა მაგის სიმდიდრე ხელთ იგდეს

და ავითმყოფს კი არა სწამლობენ, ყურს არ უგდებენ... ვიყინასი სტემდენ იმის მნახველები.

— სიღარიბით გაგიჟდა, ფუფუნებაში აღზრდილმა სიღარიბე ვერ აიტანა — მოუსვენრათ იმეორებდნენ, როგორც საზოგადოება, ისე სტამბა.

ან კი როგორ გაიმტყუენება საზოგადოება: გულთმისანი არავინ იყო, რომ სხვა მხრით და სხვა თვალთ შეეხედნა მოჩხუბარიძის მდგომარეობისათვის. ვის მოაგონდებოდა რომ ეჭვი შეეტანა, იმის ყალბ მდგომარეობაზე, როდესაც მკითხველი საზოგადოება პირველი დღიდანვე ე. ი. პირველი მოთხრობის დაბეჭდილგანვე სრულიად დაიმონა: იმის ლეთიურ ნიჭზე ვინ შეიტანდა ეჭვს, ვინ გაბედავდა ამისთანა ეჭვი საჯაროთ გამოეთქვა...

ადამიანი რომ დააკვირდეს მოჩხუბარიძის ბედ-იღბალსა, მართლა რომ გასაოცარია! რაც სანდროს თავისი სიკოცხლით, სივიჟით, სიკვდილით — საზოგადოებაში ინტერესი აღუძრავს, ისეთი არც ერთის მწერლისაგან არ მოგვაგონდება. ბევრი ღარიბია, ბევრი ავითმყოფია, ბევრი ბედისაგან დაჩაგრულია და ამათ შორის უმრავლესი ღირსია თანაგრძობისა, პატივისცემისა, მაგრამ ეს ღირსეულნი სიბეჩავეში იხოცებიან, საზოგადოებამდინ იმათი გაჭირვების ხმა მიუწოდომელი რჩება: იმათთვინ ზრუნვას არავინ ეწევა, ისინი შეუმჩნეველათ შორდებიან წუთისოფელს... მოჩხუბარიძე სხვა იყო! იმისი მდგომარეობა საზოგადოებას დიდს ინტერესს უღვიძებდა და გულმოდგინეთ, გულ-მტკივნეულათ თანაუგრძნობდა. იმის მწერლობას და შემდეგ მწერლის მდგომარეობას სტამბა დიდის ყურადღებით ეპყრობოდა და გამწვავებული კვალ და კვალ მიზღვედა სამარის კარამდენ.

ალ. ყაზბეგს ხელმიწევნით არავინ იცნობდა, ოჯახის ანბავი დაახლოვებით არავინ იცოდა და მოლაპარაკენი კი — რაც მოაგონდებოდათ ერთი-მეორეს გარდასცემდენ.

იმისი ნათესავები გაჭირვებაში იყვნენ ჩავარდნილნი: თავიანთი მახლობლის უბედურებაში ყოფნით ტანჯულნი, ხმა გაკმენდილები, სულგანაბულები ყურს უგდებდნენ ამოდენა მითქმა-მოთქმას...

მოჩხუბარიძე რაც დრო გადიოდა უფრო და უფრო უარესს მდგომარეობაში ვარდებოდა: სიყალბეები ჩაიდინა, სუდში იმაზე საქმეები სწარმოებდა და სხვა და სხვა უწესო საქმეებში შემჩნეული ან ციხეში უნდა ჩამჯდარიყო, ანაც საგიჟეში. პატრონებმა უკანასკნელი არჩიეს.

საავითმყოფოში ზეორეთაც კარგათ მოაწყეს. ექიმები დიდის ყურადღებით ექცეოდნენ და როგორც წამლობით, ისე სხვაფრივაც, რაც კი იმათ ხელთ იყო, არაფერსა ზოგავდნენ. ყველაზე მეტი გულმტკივნეულობა გამოიჩინა ექიმმა გედევანიშვილმა: მე ჩემის თვალთ როცა ვნახე ისიც საკმარისი საბუთია, რომა ვსთქვა ეს სანდროს ანებივრებდა.

საწყალო ჩემი სანდრო! ბაშობაში იყო ჩავარდნილი: სრულებით უწყინარი და მორჩილი იყო და ამით დიდს სიბრალულს იწვევდა მნახველთაგან. სანდროს ცალკე ლალა ჰყვანდა მიჩენილა, რომელიც საკუთრათ იმას დასდევდა. ბადში დასეირნობდა, პაპიროზს განუწყვეტლივ სწევდა, ყურძენს დიდის სია-

მოვნიებითა სკამდა და რაც შეეფერებოდა იმის მდგომარეობას — უკეთესათ მოწყობა შეუძლებელი იყო.

ექიმებს მოჩხუბარიძის მორჩენის იმედი არა ჰქონდათ, რადგანაც დაადგინეს ის დასკვნა რომ, თანდათანობითი სიღამბლე ემატებოდა (прогрессивный паралич). ექიმმა გედევანიშვილმა მითხრა: „იმედი, რომ მქონდეს მოჩხუბარიძის მორჩენისა, მე თითონვე თან ვეახლებოდი, წავიყვანდი სამზღვარგარეთ, სადაც საუკეთესოთ მოწყობილი სამკურნალოებია. საზოგადოება ისე ძვირათ აფასებს თავის საყვარელ მწერალს, რომ იმედი მაქვს აღმოუჩინდა ქონებრივ საშუალებას. მაგრამ უნდა მოგახსენოთ, რომ ყოველივე ამგვარი ცდა, ფუჭი იქნება და ამის გამო უნდა დავკმაყოფილდეთ ეხლანდელს საშუალებას.“ რაც ხანი სანდროს საავიამყოფოში იყო, ეს პატივცემული ექიმი გულმტკივნეულათა ჰპატრონობდა: ეტლით ატარებდა, ემუსაიდებოდა, იმის ტანთსაცმელზედაც თვალყური ეჭირა. ერთის სიტყვით ისე ექცეოდა, როგორც ძვირფასს და საყვარელს მახლობელს. ქართველების საყვარელი მწერალი იმის მფარველობის ქვეშ იყო შეხიზნული და ეს პატივცემული გვამი პატრიოტულის გრძნობით გატაცებული ქართველი შრომობდა, რომ რამე შველა აღმოეჩინა თავის სამშობლო ლიტერატურის მშრომელისათვის!...

1893 წ. თბილისში ჩავედი. გულით და სულით მინდა სანდროს ნახვა, მაგრამ რადგანაც იმის ავადმყოფობის სათაური ვიცოდი, ვერა ვბედავდი: ჩემის ნახვით წარსული გარემოებანი არ მოაგონდეს და ძველი იარები არ გაუახლდეს მეთქი. როგორც აქა-იქა მესმოდა, სანდრო სრულ გიჟით იყო ცნობილი და მაშასადამე მესხიერებას უნდა ეღალატნა. გულმოდგინეთ ვიკვლევდი იმის გარემოებას, დაწვრილებით ვკითხულობდი ვინ როგორა ნახა და სხ. ყველასაგან ერთი და იგივე მესმოდა: უწყინარი გიჟიანო, ბავშურ მდგომარეობაში არის ჩავარდნილი, ერთნაირათ მხიარულათ ეგებება ძველსა და ახალს ნაცნობებსაო, ყველას უაღერსებს.ო და სხ. და სხ. ამ გვარი დამამშვიდებელი ნიმუშები მესმოდა. ამგვარმა ამბებმა გამამხნევეს და გამაბედინეს ნახვა ჩემის ყმაწვილობით მეგობრისა, ნებივრათ და აზიზათ გაზდილის ძმა-სანდროსი. მინდოდა მენახა ჩემგან ბედნიერათ წოდებული ძმა-კაცი, რომლის ბედ-იღბალი ესე უცნაურათ დატრიალდა, მძვინვარე ქარიშხალს ზუზუნით მიჰქონდა და გამხეცებულს უნდა შეემუსრა... ვილტოდი იმისკენ, მინდოდა იმისი ნახვა... მაგრამ, მერიდებოდა: ვაი თუ მიცნოს, — ვფიქრობდი — ვაი თუ მოაგონდეს თავისი დამჩაგვრელი ფიქრები და უარესათ შეიქნეს... ამ ჩემს იღუმალს შიშს მოსაუბრენი გამიქარწყლებდნენ ხოლმე, მით რომ მიანბობდნენ იმის უაზროთ ქცევას, ბავშურს მხიარულებას, ყველას აღერსს და სხ. „ამ წუთისოფლის აღარა გაეგება რა. იმას აღარც არა აწუხებს რა და სხ.“ მიანბობდნენ მნახველები. სხვათა შორის ისიც გარდმომცეს, რომ როდესაც „ქართველმა გამომცემელმა ამხანაგობამ“ იმისი თხუზულება გამოსცა, მაშინ სანდროს როგორც ავტორს, ხავერდის ყუთით, მშვენიერათ შეკაზმული წიგნები საავიამყოფოში მიართვეს, რასაკვირველია ეგონათ, რომ ამ გვარის პატივისცემით ასიამოვნებდნენ. ამ გარემოებამ უკუღმართი შთაბეჭდილება მოახდინა იმაზე: დახედა თუ არა მაშინ-

ვე გაშმაგებულმა თავისი სურათი, თურმეა მოგლიჯა, დაგლიჯა და წიგნებითურთ გარდასტყორცნა, სხვისთვის გაუგებარს ენაზე ლულულად დაჩქვინა და წიგნებით უსიამოვნება გამოაცხადა. ამ გვარს ქცევას, რასაკვირველია, ყველანაირ აწერდნენ მხოლოდ იმის შესწავლას. ამავე დროს, საგულისხმოა, რომ ყველანაირი თანაგრძნობა ნივთიერი თუ სიტყვიერი — ძრიელ ასიამოვნებდა. მაგალითათ: ექიმის ცოლს სანდროს ცხვირსახოცზე იმის წიგნები (მეტყეები) შეეკერა. ამ ყურადღებას ისეთს ბაშურს აღტაცებაში მოეყვანა, რომ გულში თურმე იკრავდა, ჰკოცნიდა და მხიარულებას დიდის სიამოვნებით აჩვენებდა. ვინც რასმე მოუტანდა: ყურძენს (ძალიან უყვარდა), პაპიროზს თუ სხვა რასმე — ყველას სიამოვნებით მიიღებდა და შესანიშნავია, რომ თავის თხუზულების ნახვამ კი გააშმაგა...

რაც ღონე იყო, შიში დაესძლიე და გარდავსწყვიტე სანდრო ჩემის თვალით შენახა და იმისი მდგომარეობა სისწორით გამეგო. გავეშურე ექიმი გედევანოვის სახლისკენ. უთხარი სურვილი სანდროს ნახვისა და რასაკვირველია ჩემი ვინაობაც. ჩემი ცნობის მოყვარეობა სანდროს მდგომარეობის შესახებ, იმან დიდის თანაგრძნობით დააკმაყოფილა: დამიხატა რამდენიმე სიტყვით ავთომყოფის უნუგეშო მდგომარეობა და დამინიშნა საათი, როდესაც იმისივე საშუალებით შემეძლო ავადმყოფის ნახვა.

დანიშნულ დღეს კუკიისკენ გავეშურე, სადაც მტკვრის პირათ, ხულით ავთომყოფებისათვის ცალკე განყოფილება თავსდებოდა. საყოველთაოთ მართელის ადამიანისათვის გიჟების ნახვა მეტათ უსიამოვნოა: დამჩაგვრელს შთაბეჭდილებას ახდენს, და თავის მახლობლის ნახვა ამ უკიდურესს მდგომარეობაში — აუტანელად ძნელია და შესაზარი... ეზოს კარები, რომ შევალე ჩემს გულს ძავაძუგი გაჰქონდა. როდესაც დიდი და ცარიელი ეზო გავიარე აქეთ-იქით ვიხედებოდი: მეგონა სხვა და სხვა კუთხეებიდან შეშლილები გამოცვივდებიან და გამწეწენ მეთქი... ძლივს მივაგენ იმ კარებს, რომელზედაც ზედ წარწერილი იყო „ექიმების მისაღები ოთახი“. ჩემდა სამწუხაროთ კარის მცველი იქ არ დამხვდა და იმისთანა შიშმა ამიტანა, რომ კარების მიკარებას ვერა ვბედავდი, მით უფრო, რომ საიდღანაც უსწორ-მასწორო ხმაურობა მესმოდა. ნერვები მომეშალა, თავი ძლივს შევიკავე, კინაღამ ღრიალი მოვრთე... რამდენიმე წუთი გაქვავებული ვიდევ და შეშლილივით აჭა-იჭა ვიყურებოდი: ყველაფერს რასაც ვხედავდი და მესმოდა ექვის თვალით უყურებდი... ასე რომ როდესაც კარის მცველი გამოვიდა და ლაპარაკი დამიწყო, მე შევკრთი: ნეტა შეშლილი ხომ არ აოის მეთქი?... ასეთი მძიმე და საშინელი იყო ჩემთვის იმ კარების შელახვა, სადაც სანდრო მეგულებოდა...

როდესაც კარის მცველს გავაგებინე, რომ ექ. გედევანიშვილის ნახვა მინდა, მაშინ პასუხი მივიღე: „მობრძანდით!“ და ექიმების ოთახის კარები შეაღო. ექიმმა გედევანიშვილმა იცოდა ვინც ვიყავ და რისთვის მივედი, თავის ამხანაგს გარდასცა ჩემი სურვილი, გამაცნო ექ. ორბელი და ეს ორივე ექიმები ზდილობიანათ გამიძღვნენ წინ და შემიყვანეს პატარა ფლიგელში, რომელიც შუა ბაღში იდგა და აივნით მტკვრისკენ გადაიყურებოდა.

შენობა თუმცა ძველი იყო, მაგრამ ალაგი მშვენიერი: ხეებით და ყვავილებით შემკობილი ადამიანის თვალს უაღერსებდა. ჩემს გულს ეს ~~ქვეყანა~~ არ ახარებდა და ისე მივიზღაზნებოდი, როგორც განწირული ~~ქვეყანა~~ სანდროს ლისკენ... მე მივდიოდი იქით... მივდიოდი იქით, სადაც ჩემს თვალებს სანდრო გიჟათ უნდა ენახა და ეს წარმოდგენა გულს მიდუღებდა, ტახი მეშლებოდა...

შემიყვანეს ერთს პატარა ოთახში, რომლის გვერდით დიდი ოთახი მოჩანდა, შეღებილი ხის დივანი, ორიოდე ხისავე სკამები, ერთი მოზდილი ხის სტოლი — შეადგენდნენ ოთახის მორთულობას.

— აქ ცოტა შეისვენეთ—მითხრეს ექიმებმა. რამდენისამე წუთის შემდეგ გამოიყვანეს ჩემი საწყალი სანდრო... ის იყო გამზდარი, თითქოს იმისი ლანაზი სახე წმინდა სანთლით ჩამოუსხიათო... მშვილდივით წარბებს შუა ჩასჭრიყო მწუხარების ღარი, რომელიც იმის სახის გამომეტყველებას ღრმა მწუხარებას და უბედურობის ელფერს აძლევდა. იმისი ლანაზი წყლიანი თვალები აქა-იქ არა ბრიალებდნენ—ღრმად უბედურობის მაგრამ დინჯი ადამიანის მეტყველნი იყვნენ... მე როგორც ზემოთა ვსთქვი: მომხადებული ვიყავ, რომ გიჟათ მენახა, მაგრამ მე ის უბედურათ, ღრმად-შეწუხებულათ წარმომიდგა!.. მე გულის ძვრით ვემზადებოდი გიჟის ნახვას. მაგრამ საკვირველება მოხდა: როგორცვე შევხედე იმის ჟუჟუნა თვალებს, რომელნიც ჭკვიანათ, მაგრამ ღრმა მწუხარებით დაქანცულები გამოიყურებოდნენ,—მაშინვე შიში გაჭრა და მარტო მწუხარებამ შემიბჟრო...

იმისთანა ბედნიერი ადამიანი არა მგონიან მოიპოვებოდეს დედა-მიწის ზურგზე, რომელსაც არ ენახოს... პირადათ მე, ბევრი უბედური და უბედურობა მინახავს, მაგრამ ყველა ნახულს და გაგონილს უბედურობას გადააჭარბა სანდროს თვალების უბედურმა გამომეტყველებამ!.. ჩემი კალამი სუსტია, ვერ ძალუძს გადმოცემა იმისთანა დიდი უბედურობისა, იმისთანა ღრმად ნაგრძნობის სულიერის შერყევისა, სასოწარკვეთილებისა—რომელსაც წარმოადგენდა სანდროს სახის მეტყველება. იმისი თვალები მეჩვენებოდნენ სარკეთ იმის სულიერის მდგომარეობისა, ვინც სანდროს მდგომარეობა იცოდა, პირველსავე შეხედვით გარდმოსცემდა ადამიანს, იმ ჯოჯოხეთს, რომელსაც ავითმოფი ენლა თუ არა, უწინ მაინცა გრძნობდა და ატაობდა.

თუ ამისთანა სახის მეტყველებას არავინ ამჩნევდა, მხოლოთ მისთვის, რომ იმისი დაწვრილებითი ანბავი არავინ იცოდა და ამის გამო არც არავინ აკვირდებოდა.

როგორცვე შევიყარენით, შევხედეთ ერთმანერთს, მე თვალები დამიბნელდა, მუხლი მომეკვება და იქვე სკამზე დავეშვი...

პირველს მისალმების დროს სანდრომ გაშტერებით, ჩაცვიებით რამოდენიმე წუთი მიყურა, რაღაცა დაილულულა ლ.....ი.....ლ..... და ისიც ჩემს პირდაპირ სკამზე ჩამოჯდა. ეს ორი ექიმი და იმისი მცველი—ლალა თავს გვადგენენ: ექიმები გაშტერებით შესცქეროდნენ, უნდოდათ გაეგოთ: მიცნო თუ არა?

ჩემდა უნებურათ თვალებიდან ნაკადულმა გადმომხეთქა და ერთს



წუთს უბე-კალთა სეტყვასავით მსხვილმა ცრემლმა გამიშხო ხელის ხელ-სახოცი წამსვე დასველდა და ველარ მიშრობდა იმ მდურტახებში, რომელიც ნიაველვარივით მიდიოდა. . სულ შეხუთულს სათქმელათ მსტყვს სეტყვას მომეხერხებინა, სული ველარ მომედგა..... თვალეზზე შლიაპა ჩამოფხატული ვიკრეფდი უკანასკნელ ძალ-ლონეს, რომ ქვითინი არ მომერთო და ამით სანდრო არ შემეწუხებინა. ცრემლიც არ მინდოდა მეჩვენებინა, თავი დაბლა ჩავლუნე მაგრამ რა შექნა, რომ ველარ ვიკავებდი..... სანდრო თურმე გაშტერებული მე მიყურებდა და თითონაც ტიროდა!.... ამ ორს ექიმს თავიანთ ავათმყოფის სულიერი მდგომარეობა საინტერესოთ შიაჩნდათ და ჩაციებით პირდაპირ შესცქეროდნენ: იკვლევდნენ იმის მეხსიერების რაოდენობას... რამოდენიმე წუთით ამისთანა მდგომარეობაში გავატარეთ.

— იცნო! ტირის!... შენიშნა ექ. ორბელმა.

ექ. გედევანოვი მომიანლოვდა და სისწრაფით ჩამომძახა:

— გაჩუმდით! გიცნოთ, თითონაცა ტირის!...

მე დიდად შევსწუხდი ჩემს სისუსტეზე, შევშფოთდი, რომ უნებურათ სანდრო შევაწუხე. უკანასკნელი ძალ-ლონე მოვიკრიფე, თვალეზი შევიმპრალე, წელში გავსწორდი, დაუახლოვდი სანდროს და ალერსი დავუწყე, ორიოდ სიტყვა უთხარი, რომლითაც იმისი მეხსიერება მინდოდა გამელვიძებინა: სტუფან-წმინდას წავიდეთ, ყაზბეგში წასვლა არ გინდა? პაპიროზი უთავაზე, ალერსით უსვამდი ხელს იმის გამხდარს და ცრემლისაგან სველს ლოყებს. მინდოდა გულში ჩამეკრა, გარდამეკოცნა ძველებურათ, მაგრამ ვერ გაეხედე!... არ ვიცოდი რამდენათ სასარგებლო იქნებოდა, ამ გვარი ალერსი იმის დაწყვეტილის, დასუსტებულის არსებისათვის. არ ვიცოდი როგორ მოექცეულიყავ, რომ სანდრო არ ამეღელვებინა, შეწუხებული დამემშვიდებინა.... ამ გვარის შემთხვევისთვის ადამიანი ხომ ზედმიწევნით ვერ შეამხადება.

სტოლს აქეთ-იქით შემოუსხედით მე და სანდრო: ის გაჩქარებული პაპიროზსა სწევდა და თანაც რალასაც ლულულულებდა, მე თავშეკავებული სმენათ და ცქერათ ვიყავ გარდაქცეული.

როდესაც ცოტათი გონს მოველი, მამაგონდა ჩვენი საგანი... მაშინ უფრო ყურადღებით მოვექეცე იმის ლულულსა. დადგა იმისთანა წამი, რომ ერთმანერთს ჩაციებით ყურების დროს, თითქოს მივხვდით ერთმანერთის ფიქრებს: სანდროს ლაპარაკი სწაღდა. რალასაც იგონებდა, ცდილობდა რალაცა ეთქვა, თვალს აღარ მაშორებდა. მეტის-მეტე ღრმად ნაგრძობი უბედურება ეწერა იმის სახეს, იმის თვალებს თითქოს ცრემლის მაგივრათ ნალველი უნდა ეწეით, ისეთი გამოთქმა ჰქონდათ....

არა, ის შეშლილი არ იყო!.... ის იყო მხოლოთ სულით ავათმყოფი: მეტის-მეტათ შერყეოდა ტანჯული სხეული და სასიკვდილოთ იყო განწირული, მძიმე ავათმყოფი.... იმას თუმცა მეტყველება მოსპობიყო, მაგრამ გრძნობა კიდევ ჰქონდა.... თუმცა პირუტყვი, მაგრამ მგრძნობიერი ადამიანი სულით იტანჯებოდა!...

ლობიანათ მიმიძლოდნენ და მცველებივით მელობებოდნენ, რომ სხვა შეშლილებს არ შევეფეთებოყავ, რომლებიც ბალში და აივანში აქა-უქა მხედროდობდნენ. გამოსავალ კარებიდან რომ გამოვდიოდი მე კიდევ შორიდან მოვკარ ჩემს საბრალოს სანდროს, რომელიც დალონებული ბალკონის კუთხეში მიკუნ-კულიყო; იმანაც შეგვეჩინა გავლის დროს და დაღვრემილმა თვალი გამოგვა-დევნა. მე შორიდან უძღვენ უკანასკნელი სალამი ჩემს ყმაწვილობით შეგობარს, რომელსაც ვგრძნობდი რომ ველარა ვნახავდი....

ეს იყო ჩემი უკანასკნელი გამოსალმება!... ამის შემდეგ აღარა მღირსებია იმისი ლამაზი ფეხუნა თვალების ნახვა...

— როგორ გეჩვენათ თქვენი ძმა? ძალიან გამოცვლილა? რამდენი ხანია, რაც არ გინახავს? და კიდევ სხვა და სხვა კითხვებით მომმართეს ექიმებმა. ნახულის სურათით იმათაც შეწუხება ეტყობოდათ.

მე გარინდულივით ვიყავ: არ მახსოვს რა პასუხებს ვაძლევდი იმათ კითხვებზე, დარწმუნებული კი ვარ, რომ ვერც ერთ იმათ კითხვაზე, ჯეროვანი პასუხი ვერ მივეცი და იმათი ცნობის მოყვარვობა ვერ დავაკმაყოფილე: ჰოსა და არას გავსძახდი, უალაგოთ და უსწორმასწოროთ.

ექ. ორბელი გამოგვეთხოვა, ექ. გედევანიშვილის გზა კი ჩემს გზას უერთდებოდა და რამოდენიმე მანძილი ერთად გავიარეთ. მე დაფიქრებული მივდიოდი: ჩემვან დატოვებული ავათმყოფი თვალწინ მელანდებოდა, იმისი ქცევა-ლულლული-ყურებში ნიღვა, იმის ნახვით მონებდარნი შთაბეჭდილებანი ჯერ კიდევ კარგათ ვერ გამომერკვია.... მხოლოთ სიბრალულით და მწუხარებით ვიყავ მოცული.

— წარმოიდგინეთ—მითხრა გედევანიშვილმა—გამომძიებელმა აზრი შეიტანა, რომ შეშლილი არ არისო! მხოლოდ ნიღაბ ჩამოთარებულთა და გვატყუებსო.

მე შევკრთი, გაკვირვებით შევხედე.

— ვინ გამომძიებელმა?... ვინ იყო მაგისი მთქმელი?!

— როგორც გეტყობათ თქვენ არც კი გცოდნიათ, რომ თქვენს ბიძაშვილზე გამოძიება არის დანიშნული? საქმე ეხლაც სწარმოებს, ამ ცოტა ხნის წინათ ჩვენება ჩამოართვეს, მაშინ კიდევ ლაპარაკი შეეძლო. მაშ არ იცოდით?!

— რის გამოძიება? რა გამოძიება სწარმოებს? ვინ სთქვა შეშლილი არ არისო?!... ვიმეორებდი მე და ჩემს თავს თითქოს ბურანში ვგრძნობდი.

ექიმმა შეწუხება რომ შემატყო, თითქოს ჩემს დასანშვიდებლათ უფრო ღმობიერის კილოთი განაგრძო ლაპარაკი:

— ამისთანა პატივსაცემი კაცი, როგორც არის მოჩუბარძე, ხუთი მანეთის სიყალბის ჩადენისთვის სამართალში არის მიცემული და გამოძიება სწარმოებს!.. იმის მიუხედავათ, რომ საავათმყოფოში შეშლილათ არის შერიცხული, მაინც გამომძიებელმა ის აზრი შეიტანა, რომ დამნაშავე თავს იავათმყოფებსო!.. ასეთი დასკვნა გამომძიებელმა მაშინ მოახდინა, როდესაც ჩვენების ჩამორთმევის დროს მოჩუბარძემ გამომძიებელს ენა გამოუყო. „გამაჯავრა, მასხარათ ამიგდოვო!“ ეს დაიხვია ხელზე. ჩვენ რომელი ექიმებიცა ვსწამლობთ ყოვლის დო-

ნის ძიებითა ვსცდილობთ, რომ თქვენს ბიძაშვილს ყველა ამ გვარი უსიამოვნოება ავაცდინოთ; ვსცდილობთ, რომ საქმე მოსპონ, რადგან ჩვენების ჩამორთმევისთვის, რომ მოდიან, ავითმოვს უსიამოვნოებას აყენებენ, აწუხებენ. გამამძიებელი კი ჯიუტობს: არა სჯერა ყაზბეგის შეშლა, პროკურორთან თხოვნა შეიტანა: სხვა ექიმებმა შეამოწმონო! და მასთან დაუინებითა თხოულობს, რომ მოჩუბარიძე სულში გამოცხადდეს ჩვენების ჩამოსართმევად. ჩვენ ექიმები კი ამის ნებას არ ვაძლევთ, არ ვყაბულდებით. ვნახოთ როგორ დაბოლოვდება საქმე.

მე გაწერებული ყურს უგდებდი და მიკვირდა ის გარემოება, რომ გარეშე პირმაც ჩემგან თქმული სიტყვები წარმოსთქვა: **შეშლილი არ არისო!** მიკვირდა, რომ ჩემი დაფარული აზრი გარეშე პირმა ხმა მალლა აღიარა!.. ის რაც მე სათქმელად ვერ გაეგებდე, ამისთანა თავხედი აზრი როგორცვე წარმომიდგა გულშივე ჩავკალ მყისვე, იდეშალ ჩავყლაპე. სხვამ კი თამამად საჯაროთ აღიარა...

სანდროს ნახვამ ჩემზე დიდი შთაბეჭდილება მოახდინა. რამდენიმე დღე სულ სვალწინ მებლანდებოდა, ჩემი ფიქრი და აზრი სულ იმასთან ტრიალებდა. სულ იმის მოსაზრებაში ვიყავ და აწონ-დაწონაში, რომ ამეხსნა იმისი მიმიკა, ესტიკულიაცია, სახის გამომეტყველება—მისთვის, რომ ნიმვხვდარიყავ თუ როგორი-ღა შთაბეჭდილება მოახდინა ჩემმა ნახვამ. შემდეგ ფიქრისა და აწონ-დაწონისა აი რა აზრს დავადევ: **სანდრომ მიცნო, პირველში ჩემი ნახვა იაშა. ჩემს ტირილზედ იმანაც იტირა.** როდესაც გაახსენდა (შეიძლება მკრთლათ) ჩვენი სადაო საგანი, მაშინ ჩემი ცრემლი იმან საყვედურათ მიიღო, თავის მართლება დაიწყო, და შემდეგ გამიჯავრდა კიდევ: **«გპ. შენცა! რას ჩამცივებთბარო?»** და წყრომით კარი გაიარა.

რასაკვირველია ჩემი ამგვარი სჯა ბევრს გაუკვირდება, თამაშობაში ჩამომართმევს, ზოგმა იქნება სასაცილოთაც ამიგდოს, მაგრამ ყველა გამგონს ნება აქვს, როგორიც ნებავს ისეთი დასკვნა მოახდინოს. მე იმას მოგახსენებთ რომ, როცა ვნახე, რაც ნახვის დროს **შემომესმა**, სარწმუნოთ მიმაჩნია, რომ იმ ექიმებს, რომლებიც ჩვენი შეყრის დროს თავს გვადგნენ, სცოდნიყოს ჩემი და სანდროს სადაო საგანი, მაშინ ისინიც მიხვდებოდნენ და დამეთანხმებოდნენ. განვიმეორებ იმას, რაც თავიდანვე ვსთქვი: **სანდრო ბედნიერი კაცი იყო!** იმას ვნა რომ არ დასჩლუნგებიყო, მაშინ ჩვენი შეყრის დროს მაინც, თავის ავითმოფობის სათაურს, თითონვე გვეტყოდა და დამსწრენი თავიანთის ყურით გაიგონებდნენ იმას, რასაც ეხლა ექვის თვალთ უყურებენ. სანდრო იმ დროს იმისთანა ვნისაგან გამოუთქმელს უბედურს მდგომარეობაში იყო, რომ აღარაფის და აღარაფერს მოქრიდებოდა და ხელებით ლაპარაკის მაგივრათ, იქნება უსწორ-მასწოროთ, მაგრამ მაინც—ენით მოგვითხრობდა იმას, რასაც ჩვენ აზრით უნდა მიემხვდარიყავით. იმისი ბედი ის იყო, რომ ენით ლაპარაკი აღარ შეეძლო და მაშასადამე იმისი საიდუმლოების დარაჯი სიმუნჯე შეიქნა. იმას რომ ენა მეტყველი ჰქონიყო, მაშინ ჩემთან ლაპარაკის საგანი გამოცანათ აღარ ჩაითვლებოდა. ეხლა ზოგი დამიჯერებს ამ აზრის წარმოთქმას და ზოგი

არა, მე კი ღრმად მწამს ჩემგან მიღებულის შთაბეჭდილების სინამდვილე. მე არ მინდა ვსთქვა, რომ ამ ლაპარაკის დროს ის სრულ კეჭუბე-ყაჩო, არა! მე მხოლოდ მინდა ვსთქვა, რომ იმის გარემოებაში მყოფი იმისი უცვლელათ კეჭუბე უნდა შეშლილიყო, რადგანაც იმის მდგომარეობა აუტანელი გახდა ანუ თავი უნდა მოეკლა: აბა გარდაიკითხეთ და დააკვირდით ამ „მონოლოგს ა. მ.“ რომელიც სანდროს ხელით არის დაწერილი და მშვენივრად გვიხატავს იმის სულიერ მდგომარეობას:

„მონოლოგი ა. მ.“

„ოხ ღმერთო! იმისთვის გავატარე ჩემი ბაშობა იმ ყოფაში, რომ ეს დღე მენახა?!.. გამოველ პირველის გარყვნილობიდან, ძლივ დავდექ გზაზედ და როდესაც ბედმა ძლივს გამიღიმა, როდესაც ხელითა ვსწვდებოდი უკანასკნელ მიზანს, ერთბაშად ბედმა მილაღატა!.. ყველას სამასხარო, ყველას სასაცილო უნდა დაერჩე... ყველამ თითოთ უნდა აჩვენონ ჩემზედ ყველამ, იმანაც კი ვისთანაც მე ისე მალლა ვდგევარ როგორც ის გორები წვრილ კენჭებთან... უნდა დაჰბეროს ნიაჴმა და გააქროს სანთელი... (აიღებს დამბაჩას) ჩემო მასახელებელო ჩემო ჭკუავ, ჩემო გონებავ... განა შენა ხარ ჩემი სატანჯველი და მწუხარების მომსპობელი, განა შენ გააჩუმებ უსამართლო საუბარს შეუბრალებელი ხალხისას. განა, განა? მიპასუხე“.

ჩემი რვეულები აჭრელებული იყო სანდროს სხვა და სხვა დოღის ამბებით, როდესაც იმისავე აწეწილს ხელნაწერებში წავაწყდი აქ მოკვანილს: „მონოლოგს ა. მ.“ ამის წამკითხველი დარწმუნდება, რომ ჩემგან აწერილი სანდროს სულიერი მდგომარეობა—ნამდვილია! ზემოთ ვსთქვი: სანდროს ამ ქვეყნიერათ სირცხვილისა და ძრახვის მეტი აღარა მოელოდა-მეთქი. აბა წაიკითხეთ, თითონაც ამისი შინებია! იმის თაემოყვარეობა ისე გამწვავებულა, რომ თავი უნდა მოეკლა და რადგანაც ეს ვერ მოახერხა—გაგიჟდა!.. მაშასადამე ეს ბარათი ასაბუთებს ჩემგან გამოუთქმელს აზრებს.

სანდრო ამ ბარათით თითონ აღიარებს თავის სულიერ მდგომარეობას და ჩვენ ნება არა გვაქვს სიმართლეთ ეს არ მივიღოთ. ეს ბარათი, რომ იმის ხელთ არის დაწერილი, ესეც სინამდვილეა და ვისაცა სურს შემოწმება იმან მონახოს წ. კ. საზოგადოებაში იმის ხელნაწერები და თითონვე დარწმუნდება. „მონოლოგთან“ სათაური ასოები ა. მ. ხომ ნიშნავს!; ალექსანდრე მიხეილის-ძეს.

თავი მეთორმეტე

ჩემს რვეულებს ვათავებ! ჩემი აზრი და რწმენა ღრმათ გამოვკრეულია, მაგრამ რა საბუთებსაც კიდევ შემთხვევით წავაწყდები, მინდა აქ მოუყარო თავი.

შემხდა „ივერიის“ ნომერი (იხ. „ივერია“ 1894 წ. № 246) რომლის შინაარსმა გამაკვირვა! ამ ნომერში ამოვიკითხე ფრიად საგულისხმო, მშვენივრათ დამასაბუთებელი ჩემგან გამოუთქმულის აზრებისა და ფაქტებისა! მე ვთქვი: სანდროს სიგიჴის სათაურს ვერავინ მიხვდა და ამის გამო ყველანაირს იმის ქცევას მხოლოდ სიგიჴეს აწერდნენ მეთქი. ეს იყო მიზეზი, რომ მრავალი სა-

გულისხმო ფაქტი ჩვენ თვალწინ მომხდარი, უმნიშვნელოთ და უაზროთ იკარგებოდა.

მოჩუბარობის სიკვდილის შემდეგ კარგ ხანს, სხვა და სხვა პირების მოგონებანი იბეჭდებოდნენ, სხვათა შორის „ივერიის“ ფურცლებზე დასტამბულია ბატ. იოსებ ივანიშვილის მოგონებაც. როგორც ეტყობა, სანდროს მწერლობის დროს კარგათ იცნობდა: მოგონება სავსეა სანდროსადმი თანაგრძნობითა. ბ. ივანიშვილი გულუბრყვილოთ მოგვითხრობს დიდ მნიშვნელოვანს, საგულისხმო ანბავს, რომელსაც მე გვერდს ვერ აუქცევ: მთელს სტატიას თუ არა ზოგს ალაგს მაინც ამოვსწერ.

აი რას გვაძხვლს ბატ. ივანიშვილი:

„1838 წ. (მაშასადამე იმის ავთომყოფობის პირველ ხანებში, ამავე წელს ალოშკაც მოკლეს. როდესაც ლაპარაკი შეიძლო). მე და ჩემმა ამხანაგებმა სანდრო საავადმყოფოში ვნახეთ და ველაპარაკეთ. მისალმების დროს ყველანი სათითაოთ გარდაგვკოცნა. მთლათ გაქალაქებული იყო. იქვე სავარძელში ერთი ახალგაზდა ყმაწვილი კაცი იწვა და ბოდავდა.

— ის ვინ არის?—ვკითხე.

— აი ისა?—გაიშვირა თითი იმ ავთომყოფისაკენ.

— ჰო.

— სულელია! სულ ერთიანათ ბოდავს, ტირის, რა ატირებს? აი ის რუსი, ხომ ხედავთ? — დაგვანახა მსახური. — ეგენი ჩვენი ბატონები არიან. ეგ სუყველასა სცემს ხოლმე.

— სხვა, როგორა ხარ სანდრო?

— კარგათ.

— თუთუნი არ გინდა?

— თუთუნი მინდა.

— სხვა?

— სხვაცა...

— სხვა რაღა?

— არაფერი.

რამდენისამე სტრიქონის შემდეგ განაგრძობს:

— შენი წიგნები რომ დაიბეჭდა?

— წიგნები?

— ჰო!

— სად არი?

— გინდა?

სანდრომ ხმა აღარ ამოიღო და საოცრათ დაგვაშტერდა სუყველას.

რადგანაც იმის სიამოვნება მინდოდა, კვლავ მეორე კვირასაც წიველ განსწავლებულის სანახავათ და სხვათა შორის „ელგუჯაც“ მიუტანე, სადაც იმისი სურათიც იყო.

— ამას იცნობ?—ვაჩვენე თავისი სურათი.

— მგ რა არის?—დიდხანს დააცქერდა სურათს, საოცრათ დაიწყო თვა-

ლების ბრიალი, განრისხებული ეცა თავის სურათს, ამოგლიჯა წიგნიდან და დიდხანს ხელში სრესდა.

ქეშმარიტება მრწამს! ეს უცხო პირნი, რომელიც თანხს დღემდე არ მი-
ნახავს, რომელმაც არაფერი ჩვენი გარემოება არ იცის — ასე მწვენიერად ასა-
ბუთებს, ჩემგან შიშით და კრძალვით წარმოთქმულს აზრს!..

აბა თქვენც დააკვირდით სანდროს საქციელს: იმ დროს, როდესაც მნახვე-
ლებს სანდროს დამშვიდებით ელაპარაკება, ყველა კითხვაზე შესაფერის პასუხს
აძლევს, როგორცვე მწერლობა მოაგონეს, იმის ავტორობის სახელს შეეხ-
ნენ — მკისვე იცვლება: მაშინვე გაშტერებით, თვალების ბრიალით, ყველას
სათითაოდ დააცქერდა, გაშმაგებით, „ელგუჯადან“ თავისი პორტრეტი ამოგ-
ლიჯა და განრისხებულმა ხელში სრესა დაუწყა!..

ამას რალა ლაპარაკი ექივრება, ცხადზე უცხადესია, რომ ამ მოქმედებით
თავისი ავტორობა უარ ჰყო! თითონვე აღიარა თავისი მოქმედებით, რომ სა-
თაური იმისი სიგიჟისა, საგიჟეთში ყოფნისა — სწორეთ იმ თხუხულებებშია,
მაგრამ ჩვენ ყველანი აღარ ვეძებდით სათაურს, რადგანაც დავრწმუნდით, რომ
ვენერიული ავთიმყოფობით შეპყრობილი, უთუოთ იმითივე უნდა გაგიჟებული-
იყო და სხვას აღარას დავეძებდით.

ეს ფაქტი მჭერმეტყველობს! ეს სწორეთ მაშინ მოხდა, როდესაც ალო-
შკასთან შეტაკების შემდეგ, დიმიტრის ხელწერილების ანბავი ამოტივტივდა
(ალოშკა მოჰკლეს 1888 წ. 30-ს ივლისს, სანდროს მაშინ ყაზბუგში იყო; და ამ
მკვლელობის შემდეგ, სანდროს შეიშალა და საგიჟეთში შეიყვანეს. ბატ. ივანი-
შვილიც სწორეთ ამავე 1888 წ. ანბავს მოგვითხრობს).

განვიმეორებ, რომ სანდროს ყველანაირს ქცევას სიგიჟეს აწერდნენ და
ეს ორჯელ უარყოფაც თავისი თხუხულებისა — სიგიჟეს მიაწერეს. ეხლა, ნუ თუ
ცხადი არ არის?.. კიდევ დამტკიცება ექივრება?..

კიდევ ვინ იცის რამდენჯერ მოხდა ამ გვარი გამამხილებელი სურათები,
მაგრამ უცოდინარობის გამო, უყურადღებოთა რჩებოდა... ვინ იცის იმის „მო-
ნოლოგის“-თანა მარგალიტები რამდენი იყო დაბნეული იმის ხელთნაწერებში,
მაგრამ დრომ და უცოდინარობამ აჰგავა!..

აქ, მეტი არ იქნება, გადმოგცეთ „ცნობის ფურცელში“ დასტამბული
ჩვენის მწერლის ან. ფურცელადის შენიშვნა სანდროს შესახებ. (იხ. „ცნობის
ფურცელი“ 1897 წ. № 272).

— ალექსანდრე ყაზბუგის წერილის გამო, ჩვენ მივიღეთ პატივცემულ ანტონ
ფურცელადისაგან შემდეგი წერილი: —

„ვგზავნი საცოდავ უდროვოდ დაკარგულ ალექსანდრე ყაზბუგის წერილს
ჩემთან მოწერილს საგიჟეთიდან. ეამთა ვითარება მიდის და რაც-კი მოგვაგო-
ნებს ამ ჩვენის პირველის და ნამდვილის ნიჭიერის ბელეტრისტის ცხოვრებას
და საქმეებს, უნდა დავიცვათ. შეიძლება კიდევაც შეემნახა ეს წიგნი და არ
დამებეჭდა, მაგრამ მელანი ხუნდება და გადადის, შეიძლება თვით წერილი
სულაც დაიკარგოს; ამიტომ ურიგო არ იქნება, რომ ეხლავე დაიბეჭდოს. იქ-
ნება თქვენ კარგად ვერ გაარჩიოთ ხელი და ამიტომ აქ კოპიოსაც მოვიყვან.

Shel

„ძმაო ანტონ! ბოლნი (ბოლნიცაში) ჩავარდი,
კარგათმყოფი და მარწმუნებენ გიჟი ხარო!
ვეფიცები თქვენზედ ჭკვიანი ვარ მეთქი
და არ მიჯერებენ. ერ (ერთი) შემო (ჩემო)
ათხარ (უთხარ) და დარწმუნ არა თუ ვარ,
გაგიჟებული არამედ ისინი გაგიჟებულან, ვინც
მე მხედავთ (მხედავენ გიჟათ), ხუმრობა გაწვევით
შენი ნახვა ჩემთვის ძალიან საჭიროა და დამაგა
სთანავე (მაგასთანავე) ფულსაც გარებული
(გაჭირვებული) ვარ და მაქვს რამ ვაქვს (და თუ
რომ ვაქვს). შენ მუსულიყავ (შენ რომ მოსულიყავ)
ჯახიდგან (ჯოჯოხეთიდგან) დავიხსნებდი.

შენი მოხე (როხევე)

მოჩხუბრიძ (მოჩხუბარიძე)

ჩემს მეგობარს ბ. ანტონ ფურცელაძეს!“

— ნამდვილი წერილიც შეინახეთ, ნუ დაჰკარგავთ. გარწმუნებთ, ამ კაცის ცხოვრება, ვითარება და ნიჭი ბევრს რასმე საგულისხმეეროს ეუბნება და ეტყვის ჩვენს საზოგადოებას. ამიტომ ყველა დოკუმენტი მის შესახებ უნდა დაიცვას.“

თავი მცამეტი

10-ს დეკემბერს 1893 წ. ექიმი გედევანიშვილისაგან ახალციხეში დეპეშა მივიღე: სანდრო ე. ი. მწერალი მოჩხუბარიძე გარდაიცვალაო...

თუმცა სამის თვის წინათ, საბრალო სანდრო სასიკვდილოთ განწირული ვნახე, მაგრამ მაინც გასაგონათ საზარელი ხმა იყო!.. აჰა, ამასაც მოვესწარ: ჩემი სანდროს ძეობა თურაშეჟლის ვაშლით გადავიხადე და ეხლა თბილისისაკენ მივეშურებოდი იმის ქელებში დასასწრებლად...

დაუყოვნებლად წავედი მშვიდობა მეთქვა სანდროს ტანჯული გვამისათვის...

როგორც დაბადების დღე სანდროსი, ისე დამარხვის დღეც იმითი არის შესანიშნავი, რომ ორივე დღესასწაულებზე იყო გარდახდილი: დაბადების დღე ვიდღესასწაულეთ ს. სტეფანწმინდას, სადაც ზეიმი გამოითქვა მთის ხალხის ფერხულით, სიმღერით და თამაშობით: საზოგადოთ მხიარულებას შინაური ხასიათი ჰქონდა, საოჯახო ელფერი ედო. მეორე დღესასწაული კი ჩვენს დედა ქალაქში სათემოთ მოხდა: ქართველობამ საპატიო დღესასწაულში თავი მოიყარა და მნახველებზე დიდებული შთაბეჭდილება მოახდინა.

მოჩხუბარიძის დამარხვას მრავალნი დავესწარით: დიდებით და პარტივით გაასვენეს იმისი გვამი თბილისიდან სტეფანწმინდას—დასაკრძალავათ.

დანიშნულ დღეს მე დილითვე გავეშურე საავათმყოფოს პატარა ეკლესიაში, სადაც მოჩხუბარიძის გვამი ესვენა და იქიდან ქაშვეთის ეკლესიაში უნდა გადაესვენებინათ ანდერძის ასაგებათ. თავის მეგობრებს, ის იყო მოერთოთ, საბ-



რალს სანდრო, საუკუნოთ გასამგზავრებლათ: ლურჯის სადა ჩობარ, თეთრის ახალუხით, წულა პაჭიჭით,—ტყვიის უშველებელ კუბოში შევნიღდა.

აჰა, შესრულდა ღვთისა და ბუნების ნება: 44—45 წ. ვაჭაყცმა საჩქაროთ, ბორძიკით გაირბინა თავისი ბუჩქნარიანი გზა და ეხლა დაქანცული დატანჯული უნდა წარსდგეს თავის წინაპართა წინაშე. ეს საკვირველი კაცი ცოცხალი, ცოცხლებს არ ნებდებოდა; ყველას ეგონა რომ იცნობდნენ, მაგრამ ვერ სცნეს... ეხლა კი გულ-ხელ დაკრეფილი შენდობას ითხოვდა... ჩვენც უნდა მიუტყვოთ ის, რაც თითონ თავის თავს არ მიუტყვია...

ჯერ ადრე იყო, ხალხს თავი არ მოეყარნა და ეს გარემოება ხელს მიწყობდა ჩემის მწუხარებისათვის ნება მიმეცა ცრემლათ დაღვრილიყო. მუხლმოდრეკილი დიდხანს ვიდექი იმის კუბოს წინ და მღულარებას ვაფრქვევდი... დიდხანს ჩავყურებდი იმის უსიცოცხლო სახეს და მწარის გრძნობით ჩავჩურჩულვდდი: ბევრ რასმეს ვკითხავდი. უანბობდი, ვაბარებდი დიმიტრის და ალოშკასთან... მაგრამ იმისი ფუფუნა თვალები სამუდამოთ დახუჭულიყვნენ და აღარას მომითხოვდნენ... მარტო იმისი მაღალი შუბლი, იმისი შეილდივით წარბები რომლებს შუაჯ ღრმა მწუხარების ღარი ისევ ისე ჩაჭედრილი ჰქონდა... მარტო ეს გარეგანი ნიშანი ლა მიმტკიცებდა იმის უკანსკნელის წამების ღრმათ ნაგრძნობ უბედურებას...

მწარე იყო ჩემთვის ეს წუთები და მხოლოთ ცრემლი, ცრემლი და ქვითინი მოიხებდა გულსა. საუკუნოთ იყოს განსვენება შენი, ჩემო ტანჯულო ძმაო სანდრო! შენ სამუდამოთ წარხვედი ჩვენგან, მაგრამ შენი საქმეები, შენი სახელი კი საუკუნოთ უკვდავ ჰყავ, მთელს საქართველოში.

მოჩხუბარიძის გვამი თფილისში 10 დღე ესვენა, (რადგანაც სტეფანწმინდას წასვენების ნებართვა, რალა კ მიზეზების გამო დაგვიანდა.) ამ დროს ქართულ-რუსულ გაზეთების სტრიქონებზე იმაზე ლაპარაკი არ შეწყვეტილა: სხვა და სხვა ალაგებიდან სამძიმრის დეპეშები მოდიოდა, იმისი ცხოვრების ნიმუშსურათები იბეჭდებოდა. ჟურნალ-გაზეთები დიდის ინტერესით იძიებდნენ: თუ მოჩხუბარიძე რათა და რისთვის შეიშალაო?... პასუხები და ახსნა ამ კითხვებისა, ერთსა და იმავე აზრზე ტრიალებდა: სიღარიბე ვერ აიტანა ფუფუნებაში გაზრდილმა და ამას კიდევ სხვა მიზეზებსაც ურთობდნენ, რომელიც ყმაწვილობის დროს თავდაუტერლობას მიეწერებოდა...

თუმცა მოჩხუბარიძის გვამი თბილისში ესვენა, მაგრამ მთელი საქართველო გულმხურვალეთა გლოვობდა: ყველა ქალაქებში (ზოგიერთ სოფლებშიც) პანაშვიდები იხდებოდა. დეპუტაციები, დაფნის გვირგვინები მრავლათ მოდიოდა, პატივისმცემლნი მიისწრაფოდნენ, რათა უკანასკნელი მშვიდობა ეთქვათ ძვირფასის მწერლის გვამისათვის. ამასთან, ვისაც რა მოაგონდებოდა სანდროს მოგონილი და ნანახი—ყველანი თავის მოვალეობათა სთელიდნენ დაესტამბათ და ამ საშუალებით ყველასათვის გაეზიარებინათ.

19-ს დეკემბერს 1893 წ. საავათმყოფოს პატარა ეკლესიისაკენ მიემშურებოდნენ დიდი და პატარა, მდიდარი თუ ღარიბი, მასწავლებელი და მოსწავლე-ერთის სიტყვით ყველა წრის და წოდების ქართველობა, ქალი და კაცი თავს

იყრიდნენ მოჩხუბარიძის კუბოსთან; განურჩევლათ სქესისა და წოდებისა ყველანი ცდილობდნენ სიტყვით ანუ საქმით მონაწილეობა მიეღოთ მსახელოვან-რო ლიტანიაში. ეს ამოდენა ზღვა-ხალხი სულ ერთის გრძნობით გამოს-ქვალულნი, ერთის ოჯახის შვილებივით გამოიყურებოდნენ, თითქო ერთი გული უფეთქავსო, ერთი მაჯა უცემსო, აქ უცხო არავინ იყო: თითო ამათგანი კერძოთ ქირისუფალი იყო. ამ კუბოს გვერდით ქართველი — ქართველობას გრძნობდა. ერთმანეთს თვალთა ეზომავდით და თითქმის მწუხარება სიამოვნებათ შეგვეცვალა, როდესაც ერთსულობა და ერთგულობა ვიგრძენით. ჩვენ შევიკრიფენით ერთის ჩვენის ძვირფასის მწერლის დასაკრძალავათ; ჩვენ ერთი გვამი დაგვაკლდა და ერთმანეთი კი ათასობით ვიპოვნეთ... ამაში გამოიხატა ჩვენი საპატიო დღესასწაული. საკვირველი მომხიბლავი ძალა ჰქონია თემობას და იმის მისწრაფებათა შედუღებას.

დაიძრა დიდ-მშვენიერი ლიტანია კუკიიდან ქაშვეთის ეკლესიისკენ. თუმცა ტაროსი ავდარიანი იყო, ქუჩები სავსე იყო თოვლ-ჭყაპით, და ქვევითი სიარული ძნელი და უსიამოვნო ხდებოდა, მაინც არავის აბრკოლებდა: ხალხი ყოველს ნაბიჯზე ემატებოდა. საშინელი მძიმე და დიდი სამგზავრო ტყვიის კუბო, სუბუქათ და მარჯვეთ მიჰქონდათ უწვერულვაშო ყმაწვილ კაცებს. ქალებსაც თითქო შეშურდათ: წაეცილნენ და წყობით, მარჯვეთ გაუწიეს უღელი. „მოჩხუბარიძემ თავისი მშვენიერის მოთხრობებით ბევრი, ღრმა-კაცობრივი გრძნობანი გაგვიღვიძა, ბევრი ღმე გაგვათენებინა თავისი გულწარმტაცის მოთხრობების კითხვით. ჩვენ მაგის პატივსაცემათ მოვსულვართ და მაგის ნაშთი თქვენთან ერთათ, მხრით უნდა გავიტანოთ, ნიშნათ ჩვენის ღრმა პატივისცემისა“ — ანბობდნენ მანდილოსანნი, და ერთი ერთმანერთის ცილებით მამაკაცებს ეხარში უდგებოდნენ.

— მიმიშვით თქვენი ქირიმე — ანბობდა თავდახურული ქართველი ქალი — მე ქუთაისიდან იმიტომ მოვედი, რომ მაგის კუბოს თაყვანი ვსცე...

ამ გვარის ცილობით, თითქოს ფრენით — მიაქანებდნენ თავიანთის საყვარელის მწერლის კუბოს.

ქაშვეთის ეკლესიაში მთელმა კრებამ წესი აუგო; ქართული წირვა და ორი ხოროს ქართული ვალობა სასოებას გვიღვიძებდნენ. ამ საერთო აღფრთოვანებამ სამღვდლოებაც გაიტაცა: გულმოდგინეთ და სასოებით ლოცულობდნენ „მოდვრის“ ავტორის სულის მოსახსენებლათ. ისინიც ქირისუფალნი იყვნენ.

ქაშვეთის ეკლესიიდან მოყოლებული, ვიდრე ვერის-ჯვრამდენ ქუჩები ხალხით იყო გატენილი. ქუჩებში ყოველი გვარი მოძრაობა შეხუთული იყო და მარტო მდიდრული, დიდებული ლიტანია მოდიოდა! ყვავილებით და დაფნის გვირგვინებით სავსე იყო ბალდახინები. ამ მდიდრულის ლიტანიის მსვლელობის დროს არც კუბოს დამჭერები სჩანდნენ და არც ბალდახინების ცხენები: მჭიდროთ გატენილი ხალხის თავები ზღვის ღელვას მიემზგავსებოდა და თვალს ისე ეჩვენებოდა, თითქოს ზეციურის ძალით, უზარმაზარი კუბო თავისთავათ მიცურავდა. თვალ წამრტაცი და დიდებული სანახავი იყო!

დიდის 9 საათზე დაწყებული ლიტანია სალამოს 5 საათზე ძლიერ დასრულდა. ხალხი დაიღალა, მაგრამ შინისაკენ არაეინ მიეჭურებოდა: თითქოს ენანებოდით სამუდამოთ გასასტუმრებლად: საზოგადოება იქვე იტყუებოდა.

სალამოს 8 საათი იყო, როდესაც მცხეთას მიუახლოვდით სამხედრო გზით; მცხეთის სადგურთან რაღაცა არა ჩვეულებრივი მოძრაობა შევამჩნიეთ: იქ გამოსულიყვნენ მცხეთელები ქალით-კაცამდენ. სამღვდელოება, დიდათ პატივცემულის წინამძღვარის ნინო-ილუმენიათი. გაჩერდა [თუ არა ეტლი, რომელშიაც მწერლის გვამი ესვენა, მაშინვე შამოეგება შემოსილი სამღვდელოება, იქვე, ანთებულის სანთლებით, შეიკრიბა ხალხი და პანაშვიდი გარდაუხადეს. ამ დროს სრულიათ ბნელოდა და ვარსკვლავებით შექედილს ცის ქვეშ, წმინდა სანთლით განათებულს კუბოს, გარშემო ამოდენა ხალხს—რაღაც ზღაპრული სანახაობა ჰქონდა და მნახველებზე ძალიან მძიმე შთაბეჭდილებას ახდენდა. ლოცვის შემდეგ დაადგეს გვირგვინი; გამოსალმების დროს ერთმა მღვდელთაგანმა გრძნობით სავსე სიტყვა წარმოსთქვა.

ცხედარს ყველა სადგურზე ეგებებოდა ხალხი, ყველგან პანაშვიდს ხდილობდნენ, პატივსა სცემდნენ და ამ გვარად მიასვენეს ს. სტეფანწმინდას.

მთის ხალხმაც დიდის პატივისცემით მიიღო ცხედარი: 50-ს ცხენოსანზე მეტი მთაზე შემოეგება. ხალხმა ზამთრის სუსხიან დროს, ზვავებისაგან საშიშო გუდაურის გზატკეცილი, ფრთხილათ და დიდის ზრუნვით გადაატარა და დიდის მოწიწებით და შესაფერისი გლოვნით მიიტანეს თავის მამა-პაპის სასაფლაოსთან.

სტეფანწმინდელები დაფაცურდნენ; სოფელები სამღვდელოებით რამდენსამე ვერსზე შეეგებნენ, სოფელში ხელით შეიტანეს და თავის გაოხრებულს კერის წინ დაასვენეს...

ჭირისუფლათ მოეგება გამდელი—ნინო, ძაძებ ჩაცმული, თეთრ-თმა გაშლილი, მწარეთ, მოთქნით დასტიროდა თავისაგან ნებივრათ გაზდილს, საყვარელს სანდროს. საწყალი ბებერი გამდელი! „სანდროს სიცოცხლემა“-ო ფიცულობდა და ეხლა იმ დღეს შეესწრო, როდესაც „სანდროს სულის მზეს“ დაიფიცავს... ნინო მუდამ ნატრობდა: „სანდროს ხელით დამარხვა მელიროსო“ და ეხლა 88 წ. დედა-კაცი იძულებული გახდა თავისი ხელით მიწა მიეყარა... ასე ბრუნავს წუთი სოფელი და ვინ ვის ჩაასწრობს არაეინ ვიციით...

ამ გვარის პატივის ცემით მიაბარეს მიწას ჩვენი საყვარელი ბელეგორისტი მოჩხუბრიძე. ყველაფერი გარემოება ხელს უწყობდა საპატიო დაკრძალვას: წლამდენ საპატიო ძეგლიც დაუდგეს... საუკუნოთ იყოს განსვენება იმისი...

დაუსრულებელი არა არის რა... აჰა, მეც გავათავე ჩემის ოჯახის მძიმე მაგრამ საყურადღებო ანბავი. ადამიანი კვდება—იმისი საქმეები რჩება და გადაეცემა ერთის თაობიდან მეორე თაობას. ქართული ანდაზა ამბობს: მართლის მოქმელს ცხენი უნდა მზათ ჰყავდესო: სთქვას, შეჯდეს და წავიდეს! დიახ, ჩემ-

ზე გამართლდება ეს ანდაზა: მე ხომ ამ რვეულის გამომზევებას ვერ მოვესწრები და მაშინ, როდესაც ცხენის მაგივრათ კუბო მომერთმევეს, მეც წავეალ!

ამ ჩემს დატოვებულს მასალას თუ ტაროსი დაუდგება, მაშინ, ეს ჩემი გულწრფელი მოხსენება, იქნება ქართველმა მწერლებმა კანვით გამაიყენონ, რომელზედაც ნიჭიერი მწერალი — თუ საყურადღებოდ და ღირსათა სცნობს, შეიძლება მშენიერათ მოჰქარგოს!..

„სადაც კაცი მართალს იტყვის, იქვეა იმისი გოლგოთაო!“... მართლის თქმა, როგორც ძნელია, ისე ყველასთვის სავალდებულოა... იმედს ვიქონიებ, რომ ჩემი ხმა არ დარჩება „ხმათ მლალა რებელისა უდაბნოსა შინა!“ ეს არის ჩემი რწმენა, მართლისადმი, ჩემი წრფელი მისწრაფება და ამასთანავე განვიმეორებ, რომ ამ ჩემს ღრმა რწმენას, არავის კისერზე არ ვახვევ..

ფაქტები საინტერესოა: ნამდვილი, ცოცხალი და იშვიათი... საზოგადოებამ მიუდგომელი მსჯავრი უნდა დასდოს!..

სიმაართლე ნათელია, ადრე თუ გვიან სიბნელეს ჩაეჭრება, წყვილიად გარეკავს!.. „ბოროტი საქმე დღას სინათლეს ვერსად წაუვა, თუნდ დასამალად დედა-მიწა გარდაეფაროს!“ და ამასთან მოძრავია, „ნემსის ყუნწშიც გაძვრება“...

დასასრული.



ჩემი ცხოვრების გზაზე

ქუთაისში გადმოსვლისას საჭირო იყო იმ პენსიის გარდა, რომელიც მე დამენიშნა, მეშოვა კიდევ რაიმე სამსახური. ბედათ, ქალაქის თვითმართველობაში გაიხსნა ამგვარი ადგილი. ჩემმა კეთილისმყოფელმა კოტე ბაქრაძემ გადასწყვიტა, სხვებთან ერთად, რომ ამ ადგილზედ მე მოვეთავსებინე. ქალაქის თავათ ამდროს იყო ქუთაისში ცნობილი ვექილი დავით ლორთქიფანიძე. მას დიდათ უქვს ჩემი თავი.

— ვინ დავით კლდიაშვილია? ეკითხნა ლორთქიფანიძეს.

— მწერალი. მწერალი! მიეგო კოტე ბაქრაძეს.

— შეუძლია კი წერა? მე არ ვიცნობ, არც ვისმესგან გამიგონია! ეთქვა ლორთქიფანიძეს.

კოტე ბაქრაძე გაოცებით იტყოდა ხოლმე ამას და ახასიათებდა ჩვენ მოღვაწეებს, რომელთაც არა გაეგებოდათ რა ჩვენებური ლიტერატურის შესახებ.

ჩემი დანიშვნა მეტად გაძნელდა; ლორთქიფანიძე უარზედ იყო, არ ვიცი ვინ არისო. კოტე ბაქრაძემ, რომელიც გამგეობის წევრი იყო, იშოვა დრო, როცა დავით ლორთქიფანიძე ავად გახდა და მის მაგიერ ბრძანება დააწერინა საქმის მწარმოებელს ჩემს დანიშვნის შესახებ. ლორთქიფანიძე დიდი მეგობარი და პატივისმცემელი იყო ბაქრაძის და საყვედურის მეტი არა უთხრა რა. მეც შევრჩი ადგილზედ ბაქრაძის ამგვარი მოქცევის გამო.

დაიწყო უფერული ცხოვრება. თან ჩემი ავადმყოფობისაგან შეწუხებული, თან ახალი უჩვეულო სამსახურთან დაახლოვება—ამაში მიმდინარეობდა ცხოვრება. როცა კარგათ ვიყავი—თეატრი და ხანდახან ლექციებზედ სიარული. ამ ხანებში იყო ქუთაისში პირველი გამოსვლები საჯარო ლექციებით გრიგოლ რობაქიძის. გრიგოლი ამ ლექციებს კითხულობდა რუსულ ენაზედ. ხალხი უზომოდ ესწრებოდა. დიდათ ვწუხდით, რომ ლექტორი ერიდებოდა ქართულათ გამოსვლას და ვნატრობდით მოვსწრებოდით ქართულ ენაზედ წარმოთქმულ ლექციას. ბევრი ამართლებდა გრიგოლს, ქართულათ არ შეიძლება იმის ლექციების გადმოცემაო. ასე ეუცხოვებოდათ ამ ახლო წასრულშიაც ქართულათ სიტყვის წარმოთქმა. საჯაროთ ქართულათ მოლაპარაკე ათასში ერთი თუ გაბედავდა გამოსვლას; ჩვეულებათ იყო ხოლმე ბოდიშის მოხდა—ქართული არ მეხერ-

ხებაო, ნება მიბოძეთ რუსულათ ვთქვა ჩემი სათქმელიო. მშვენიერათ / იოხუნჯა ერთ-ერთ კრებაზედ, თავის დროზე ცნობილმა თავისი მახვილი წყნით ნიკოკიათაყაიშვილმა. მთავრობამ თბილისის და ქუთაისის თავდად-აზნაურებას, საქართველოს ასი წლის შეერთების თავზედ, უწყალობა ოც-ოცი ათასი მანეთი ყოველ წლიურად. ამ ფულის მოხმარებაზედ იყო ცხარე კამათი და ნიკოკიათაყაიშვილმა სიტყვა რომ მოითხოვა კრებას მიმართა:—თქვე დალოცვილებო, არ მესმის რა გვაქვს ასეთი სადაო, რომ ერთმანეთს ვასკდებით. მოგვიყრია თავი ქართველ თავად-აზნაურობას ქუთაისში და ყველა ბოდიშს იხდის—ქართული არ ვიცით, ვლაპარაკობთ უცხო ენაზედ. მივცეთ ეს ოცი ათასი მანეთი იმათ ვინც ასწავლის ჩვენს თავად-აზნაურობას ქართულს, ამაზედ უკეთეს დანიშნულებას ვერ მივცემთ ამ ჩვენ თავზედ მოღებულ წყალობას. ქართულსაც ვისწავლით და ბოდიშებსაც გადავრჩებით!

მოვიყვან აქ ერთ მის ნათქვამს. საქართველოს რუსეთთან შემოერთების ასი წლის თავის ზეიმზედ, მტკვრის პირას, ყოფილ კოუჩოკის ბაღში საღამოს სეირნობა იყო გამართული. სეირნობას დაესწრო ყოფილი მეფის მოადგილე მთავარი მიხეილ ნიკოლოზის ძე. კლუბის ბაღში—მუსიკა, ზურნა. ჯგუფ-ჯგუფებათ მსხდარი საზოგადოება, ხმაურობა, ყიჟინა, სმა, ქეიფი. მთავარი მიდი-მოდიოდა ჯგუფებში. ერთ ჯგუფში მან დაინახა ნიკოკიათაყაიშვილი.

— ჯდრავს ტუფუიტე ნიკოკი! კაკ პოეტივაეტე, ჩტო დელაეტე? მხიარულათ მიმართა მან ნიკოკიას.

— რასპროსტრანიამ ვერნოპოდანიჩესკიმ ჩუვსტვამ, ვაშე იმპერატორსკიმ ვისოსესტვომ! მიუგო თავისებური წვარწვნით ჩაქურაში გამოწყობილმა ნიკოკიამ.

— სპასიბო, სპასიბო! ვადიხარხარა მთავარმა.

— რადიმ სტარაცია, ვაშე იმპერატორსკიმ ვისოჩესტვომ! დააყოლა ნიკოკიამ თავისებური რუსულით. არ ეხერხებოდა რუსული ნიკოკიას. უცნაურათ ამტვრევდა, მაგრამ მაინც ეძალებოდა თავის თავს და გრძელ სიტყვასაც არ ერიდებოდა რუსულათ წარმოსათქმელათ. დიდ სატანჯელში ვარდებოდა მაშინ ნიკოკია, მსმენელსაც დიდათ ტანჯავდა; მაგივრად ჩინებული მოქართულე იყო, ქართულის მშვენიერი მოლაპარაკე. რუსულს ამტვრევდა ბრუნდი და მართალი. ქართული სიტყვით საჯაროთ ვერავინ ბედავდა გამოსვლას; საზოგადო კრებებზედ ქართულათ ილია, აკაკი, ვანო მაჩაბელი და კიდევ რამდენიმე პირი თუ ლაპარაკობდნენ, თორემ სხვები ვერ ბედავდნენ, არ ეხერხებოდათ. ქართულათ არ გამოვა ისე როგორც მინდა ვთქვაო—ამბობდნენ ხოლმე. ასეთი რამ იყო გუშინ, სულ ახლო წარსულში.

ამგვარი იყო მდგომარეობა როცა, გრიგოლ რობაქიძემ იწყო გამოსვლა საჯარო ლექციებით. როგორც ვთქვი თავდაპირველში იგი ამ ლექციებს კითხულობდა რუსულ ენაზედ. ხალხი თბილისშიც და ქუთაისშიც აუარებელი ესწრებოდა. გული გვტკიოდა, რომ ამ ხალხს ქართველი ლექტორი ქართულ სიტყვას არ აგონებდა, ქართულ სიტყვას არ იდებდა. გულდაწყვეტილებმა, ვარლამ ბურჯანაძის და ვიორგი თუთბერიძის პირით (რომლებთან იდგა გრიგოლი)

შეუთვალეთ — ლექციები ქართულათ ეკითხნა. მე მაშინ გრიგოლს არ ვიცნობდი პირადათ. გრიგოლმა შემოგვითვალა, რომ მალე ქართულათ ვიწყო ლექციებსო, და მოკლე ხანში კიდევ აასრულა თავისი დანაპირები. მაშინვე მიწვეული მისი საჯარო ქართულათ წაკითხული ლექცია. ლექცია იყო ბარათაშვილზედ.

საზოგადოება განსხვავებულ ალტაცებაში მოიყვანა ამ ლექციამ. გაზეთებში დიადი ქებით იხსენიებდნენ ლექციის შინაარსს, ლექტორის ცოდნას და განსაკუთრებით აღნიშნავენ ლექტორის საუცხოო ქართულს. ბარათაშვილზედ ლექციას მოყვა ლექცია ვაჟა-ფშაველას „გველის მკამელ“-ზედ, შემდეგ აკაკი-ზედ. საზოგადოების ალტაცება თან და თან მატულობდა, ლექტორის არაჩვეულებრივი ლამაზი ქართულის გამგონეთა მსურველთა რიცხვი შესამჩნევათ იზრდებოდა. უსმენდნენ ლექტორს სულგანაბულნი და თავის ყურებს არ უჯერებდნენ. თუ ასეთი შნოიანი ქართულით შესაძლებელი იყო ლექციების კითხვა. ლექტორის საოცარი ლამაზი ქართული უსაზომოთ ხიბლავდა და იტაცებდა მსმენელს.

ქუთაისში ცხოვრობდა იმ დროს ცნობილი საზოგადო მოღვაწე პავლე თუმანიშვილი, კაცი დიდათ განვითარებული, ქართულის კარგი მცოდნე. მოხუცი უსაზღვრო ალტაცებით მელაპარაკებოდა და გადმომცემდა იმ შთაბეჭდილებას, რომ ბაქიძის ლექციებმა მაზედ რომ მოახდინეს. მოხუცი კაცი პირდაპირ აფრენილი იყო სიხარულით.

— აი ჩვენი ლამაზი ქართული, ლამაზი ქართული რომელსაც ვივიწყებთ და ფასს არ ვსდებთ. გატაცებით ამბობდა მოხუცი.

ასეთ ალტაცებას განიცდიდა მთელი საზოგადოება.

— სად ისწავლა ამ ოჯახდაქცეულმა ასეთი ქართული! — გაიძახდა ალტაცებული კოტე ბაქრაძე. — ქუთაისში ცნობილი საზოგადო მოღვაწე — გზიბლავს კაცს ამ შეჩვენებულის ენა. ვიძახით არ მეხერხება ქართული! — უხეირო რომ იქნები ვერაფერს ვერ მოახერხებ!... ვაჟა-ფშაველაზედ კი, რაღაც, მგონი გადააჭარბა!... ნამეტანი მაღლა ასწია... თუმცა ესეცაა — არ ვიცნობთ არც ჩვენ ლიტერატურას, არც ენას, არც ჩვენ თავს! გადაგვარებაზედ ვართ მისული! ჩვენი თავის აღარაფერი გვჯერა! ამისთანა ახალგაზდები თუ მომრავლდნენ ეგებ გამოცოცხლდეს ხალხი!

თამაშათ ვამბობ რომ, გრიგოლ რობაქიძემ გამოაცოცხლა მაშინდელი ქართველობა, თავის საჯარო ლექციებით, ნათლად დაუმტკიცა საზოგადოებას, რომ ქართული ენა შევენებით სავსეა, რომ მისით მშვენიერათ გამოითქმება ადამიანის ყოველნაირი სულის კვეთება, გამოიხატება მისი აზროვნება. გრიგოლმა დაანახა ქართველ საზოგადოებას გადაგვარების გზაზედ შემდგარს, ქართულის სიმშვენიერე, სიმძლავრე, — დაინახვა და გაიტაცა. მან დიდათ დაავალა ქართველი საზოგადოება, მას ვერ დაუფიწყებს ქართველობა ამ დიდ ნამოღვაწეს.

დღეს ეს ზღაპრათ გვეჩვენება, ასე კი იყო; დღეს ზღაპრათ გვეჩვენება, როცა ჩვენ ვვაქს მშვენიერი უნივერსიტეტი, სამაგალითო მეცნიერ-მეუშა-კებით სავსე; გუშინ კი გვეცინებოდა, როცა ივანე ჯავახიშვილი სიტყვას ჩამოგვიგდებდა ქართულ უნივერსიტეტზედ; მისგან რომ უნივერსიტეტის გეგმა

მუშავდებოდა ფანტაზიით მიგვაჩნდა და თვით ჯავახიშვილს ფანტაზიორს ვეძახდით. თავისი თავის არა გვეჯეროდა, თავისი რწმენა გვექვეყნებოდა. ნიკო ცხვედაძემ რომ ახლანდელი სახელმწიფო უნივერსიტეტის მენეჯერი ფიქსო მრავალი მკილაფი გამოუჩნდა; — გიჟიანო, ამბობდენ ნიკოლაი ზებედესძეზედ, ხიფათს გადაგვიკიდებს, ფულს ტყუილა მიახარჯავს და ვილაცას ტყვილ-უბრალოდ ჩაუვარდება ხელში ამოდენა შენობაო. ნიკოს რომ ყური ეთხოვნა ამგვართ მოლაპარაკეთათვის რა იქნებოდა ჩვენს თავზედ? ფანტაზიორი, საქმის ფანატიკი კი გაჯიუტებით გაიძახოდა: მოვათავებთ, მოვათავებთ და უნივერსიტეტსაც მოვათავესებთ შიგ; გამოგვადგებაო, ჩვენ გამოგვადგებაო. და აკი გამართლდა სულმნათის ფანტაზია. რწმენა ქონდა ქართველი ხალხის ცხოველყოფელობისა; ამან შეაძლებინა დიდებული საქმე გაეკეთებინა. მახსოვს მეორე ფანატიკოსმა იაკობ გოგებაშვილმა ქურონალ ივერიაში დაბეჭდა წერილი სათაურით — „რანი ვიყავით გუშინა“. წერილში აღწერილი იყო საქართველოს კულტურული სახე მე XVIII საუკუნეში. ფანტაზიას ეძლევაო. ნამეტანს აჭარბებსო, ისმოდა მკითხველთა შორის — მაგგვარი რამ რომ გვექონებოდა წარჩინებული ხალხი ვიქნებითო; ვინ გვადირსა ჩვენ მაგგვარი კულტურა! არ გვეწამდა ჩვენი თავის, არ გვეჯეროდა ჩვენი შენძლებლობის. იაკობს კი ეს რწმენა ღრმით ქონდა გამჯდარი და ამიტომ შესძლო იმ დიადი მოღვაწეობის გაწევა, მან რომ გასწია იანოვსკის, ზავადსკის, ლევიცკის და ამათ გვარის ხანაში.

ერთი ამ ფანატიკოსთაგანი, რასაკვირველია უფრო მცირე მაშტაბით ამათთან შედარებით, გვეყავდა ქუთაისში სახალხო უნივერსიტეტის ინიციატორი, ქუთაისში ქართული გიმნაზიის მასწავლებელი ალექსანდრე გარსევანიშვილი. ქართული გიმნაზია თავის გამგიდან, დაუვიწყარ იოსებ ოცხელიდან, უკანასკნელ მასწავლებლამდინ — შევროვება იყო ერთგვარი ფანატიკოსების, ერთგვარ იდვით გატაცებულთ, რომელნი განსხვავებული გატაცებით მუშაობდნენ მომავალ თაობის ასალზრდელათ. ერთი ამათაგანი იყო გარსევანიშვილი. მან თავგადადებით განიძრაბა ქუთაისში სახალხო უნივერსიტეტის დაარსება. ვინც გაითვალისწინებს იმ დროს, ვაკვირვებას მიეკემა უნებლიეთ თუ როგორ რა შეუდრეკელი დაჟინებით უნდა ყოფილიყო გამსჭვალული ამის შემსრულებელი ადამიანი. მე დღესაც მიკვირს როგორ გამოსტყუა გარსევანიშვილმა მთავრობას სახალხო უნივერსიტეტის გახსნის ნებართვა; როგორ მოიპოვა საშვალეება ფართე მასასთან მისასვლელად! მთავრობა თუ ფიქრობდა — არაფერი გამოვაო და ნებასაც ამიტომ რთავდა. თუ ასე იყო შეცთა კი ძალზედ მეტად. თავდაპირველში ჩვენც ძრიელ გვეეჭვებოდა ამ საქმის მოგვარება. მატერიალური საშვალეება კიდევ მოიძებნებოდა უნივერსიტეტის მოწყობისათვის — ღიმილით, უნდობელ ღიმილით წვლილის გამოღებაზედ უარს არავინ ამბობდა, მაგრამ საჭირო იყო ლექტორთა, ქართულ ენაზედ ლექციათა ჯგუფის შედგენა. როგორც მოგახსენებდით საზოგადოთ ეძნელებოდათ საჯაროთ ქართული ენით გამოსვლა, — სხვა და სხვა საგნების კითხვა ხომ უარესი საძნელო გასაბედავი უნდა ყოფილიყო. ასედაც იყო, მაგრამ გარსევანიშვილმა არ მოუსვენა ლექტორებათ განძრაბულ მისაწვევს.

პირებს, მასთან ანათო მათში გაჩაღებული ცეცხლის ალი და... შესაძლებელი გახდა ქუთაისში გახსნილიყო სახალხო უნივერსიტეტი.

დიდებული დღე იყო ის კვირა, როცა ეს უნივერსიტეტი გაიხსნა ქალაქის თეატრში. ხალხი მოაწყდა უამრავი. ლექციებზედ დასწრება ბილეთებით—შაური, ორი შაური და აბაჯი. დარბაზმა ვერ დატია მოზღვავებული ხალხი, უმეტესობა ნოქრობა, დაბალი მოსამსახურენი და მოხელეები იყვნენ. უნივერსიტეტის გამგეობის თავმჯდომარემ, ცნობილმა ვექილმა მოსე ქიქოძემ და მისმა მოადგილემ, საქმის ინიციატორმა ალექსანდრე გარსევანიშვილმა მხურვალეთ მიულოცეს და მსწრე საზოგადოებას ისეთი დაწესებულების შექმნა, როგორც სახალხო უნივერსიტეტი.

უნივერსიტეტის საქმე ძლიერ კარგათ მოეწყო. შესდგა ღონიერი ჯგუფი ლექტორთა. გრიგოლ გიორგაძე, ტრიფონ ჯაფარიძე, ვასილ წერეთელი, ალექსანდრე გარსევანიშვილი, გრიგოლ ნათაძე, ლეო ნათაძე—მშვენიერი ლექტორები გამოდგნენ, მშვენიერი ქართულით მოლაპარაკენი, ქართულის კარგა მცოდნენი. ლექციები იმართებოდა რეგულიარულად ყოველ კვირას შუადღისას. ლექციების კითხვა თავდებოდა მუსიკალური განყოფილებით, რასაც მეტად კარგათ აწყობდა გარსევანიშვილი, თავათ მუსიკის მცოდნე და მუსიკოსი—ვიოლონობზედ უკრავდა.

ამ სახალხო უნივერსიტეტმა დიდი სიმპატია მოიპოვა საზოგადოებაში, და რა თქმა უნდა დიდი სასარგებლო რამ იყო, როგორც მასებში განვითარების შემტანი. აქ იკითხებოდა ლექციები პოლიტიკურ ეკონომიიდან, კულტურის განვითარების ისტორიიდან, გიგენა, საზოგადო ლიტერატურიდან და ამგვარები: მან კარგა ხანს იარსება. მისი მუშაობა შეწყდა ომის დაწყებისას.

განსხვავებული ინიციატივის მქონე იყო აგრეთვე ჩვენი ძვირფასი ნიკო ნიკოლაძის და, ეკატერინე ნიკოლაძე. საყურადღებოა და არ დასავიწყარი ის შრომა, რომელიც მას გაუწევია ქუთაისში საზოგადოებაში კულტურული მუშაობის გასაშლელათ. მე პირდაპირ მავიწყდებოდა ჩემი ავადმყოფობაც „მოლალვაც როცა პატივცემული კატო შეგვატყობიებდა, რომ განზრახულია ამა-და-ამ დროისათვის ბავშთა დილაო და გვიწვევდა სამუშაოთ. რა სასიამოვნო სანანავს წარმოადგენდა სიცოცხლით სავსე ბავშვების თავშეყრილობა, მათი ყიყინი, მხიარულობა, ხალისიანობა! რა აღტაცებით ემზადებოდნენ მომავალი დღისათვის! ლექსების კითხვა, მუსიკა, წარმოდგენა საბავშვო პიესების—ეს ისეთნაირად იტაცებდა ბავშვებს რომ დაღალვას არ გრძნობდი მათთან მუშაობაში, მათი გაწრთვნის დროს. უნდა ენახა ადამიანს რა ენერჯით მუშაობდა პატივცემული კატო ამ ბავშვების გასაწაფავათ, რა სიყვარულით ეპყრობოდა ამ გიჟ ნორჩობას. მისი წახალისებულნი ქუთათური მანდილოსნები მხურვალე შემწეობას აძლევდნენ მას ამ მუშაობაში. მასთან იყვნენ ყოველთვის მარია ვარდოსანიძე, მელანია გველესიანიძე, ელენე ხელთუფლიშვილი, მარია ლორთქიფანიძის და განსაკუთრებით ექიმ ჩარკვიანის მეუღლე, იადვიგა კონსტანტინეს ასული ჩარკვიანიძე. ეს უკანასკნელი ხელმძღვანელობდა მუსიკალურ განყოფილებას და რა რიგათი ბავშვებიც და ჩვენც მომწყობნი აღტაცებაში ჰოვდიოდით მისი მაყურებელნი. იგი

იყო ტომით პოლონელი, მშვენიერი ქართულით მოლაპარაკე, მუსიკის დიდი მცოდნე და გამოცდილი მასწავლებელი. მისი აქ მუშაობა მძლავრად იტაცებდა ბავშებს და ქონდა დიდი აღმზრდელობითი მნიშვნელობა. მისი დიდებული ყოველთვის ზედმიწევნით კარგათ ტარდებოდა, მაგრამ ამათში განსხვავებული იყო დილა საბავშვო ჟურნალ „ჯეჯილის“ ოცდაათი წლის თავის არსებობის აღსანიშნავათ. ეს იყო საუცხოვო გრძნობით და ღრმა სიყვარულით მიგებება მოზარდ თაობისაგან მასზედ მზრუნავ, მათ საკეთილო მომავლისათვის მომუშავე გამომცემლისა და მის თანამშრომლების მიძარბ. ანასტასია თუმანიშვილი წერეთლისა ამ დღეს ღირსეულად იქნა სიყვარულით დაჯილდოებული მისი ჟურნალის ნორჩ მკითხველებისაგან.

ქართველობამ, დიდმა და პატარამ, იცის თავის მოამაგის დაფასება, ყველასი და ზოგიერთის მაინც. ასეთი რამ იყო ის დღეები როცა ქართველობა დღესასწაულობდა თავის სიყვარულ აკაკის მოღვაწეობის ორმოცდაათი წლის შესრულებას. ტფილისმა საგანგებოთ მიეგება ამ დღეს დიდებულ მგოსანს; ახლა ქუთაისი შეუდგა მზადებას პოეტის დღესასწაულისათვის; ქითაისი ეპირებოდა განსხვავებულათ მიგებებოდა თავის მოჭირნახულეს და ამიტომაც ადრინათ შეუდგა მზადებას. დღესასწაულის მომწყობ კომიტეტის თავმჯდომარეთ ამორჩეულ იქმნა მოსე ქიქოძე; მის ამხანაგად, ჩემდა საბედნიეროთ, მე. კომიტეტში მონაწილეობას ღებულობდნენ მრავალი მანდილოსნები და მამა-კაცები. ყველა გულით მონდომებულ იყო რომ დღესასწაული ბრწყინვალეთ ჩატარებულიყო და ყოფილიყო ნამდვილი და სათანადო იმ სიყვარულისა, რომელს გულში ატარებდა დიდებულ მგოსნისადმი ყოველი ქართველი; და ამის გამო დღესასწაულმაც ბრწყინვალეთ ჩაიარა.

პირველად აკაკი ათას რვაას ოთხმოცში ვნახე. ამ წელიწადს კიევში დავათავე გიმნაზია, არდადეგებზე სახლში ვიყავი და აგვისტოში ისევ ვბრუნდებოდი კიევში, რომ იქიდან წავსულიყავი მოსკოვში სამხედრო სასწავლებელში. რიონის სადგურზედ ჩემი თავი ჩააბარეს ვინმე ანდრია კაპანაძეს, თბილისში მიმავალს. ეს ის ანდრია კაპანაძე იყო, აკაკის დიდი პატივისმცემელი და მეგობარი, რომელიც აკაკისთან ერთად, იმ დროს ეფათუებოდა აკაკის მიერ ქიათურაში აღმოჩენილ შავიქვის მოწესრიგების საქმეს. კაპანაძე საოცარი ტკბილი ადამიანი, გზაში უმეტეს წილად, აკაკის შესახებ იყო ლაპარაკში; ეტყობოდა ნათლად რომ მას აკაკი უსაძღვროთ უყვარდა და ამიტომაც ხელს უმართავდა თავის შეძლებით, თავის ქონებით. ქუთაისში აკაკი უნდა ჩამოსულიყო საჩხერიდან, მაგრამ არ ჩამოსულა და კაპანაძე თბილისში გაბრუნდა. მე თავის სახლში მიმიყვანა, ალექსანდროვის ბაღის პარდაპარ (აქვე იყო მისი სახელოსნო. თერძი იყო) მეორე დღეს საღამოს აკაკიც ჩამოვიდა. მე გულის ფანცქალით შევეყურებდი მაღალ, რაღაც განსხვავებული ტკბილი ხმით მოლაპარაკე ადამიანს. თავათ კაპანაძე, მისი მჭულლე, მოსამსახურე ყველანი განსხვავებული პატივისცემით ეპყრობოდნენ მას. აკაკი მეტად ხალისიანათ იყო და ხალისიანათ ელაპარაკებოდა ყველას. ჩემს სიხალულს საზღვარი არ ქონებია მისი დანახვით; მე უკვე კარგად ვიცნობდი მის ლექსებს. სხვებთან მეც გამომელაპარაკა, მკითხა

თუ სად ვსწავლობ, საით მივდივარ და ამგვარები... მე უთხარი, რომ კიევში ვსწავლობდი და ახლა მოსკოვში მივდივარ სამხედრო სასწავლებელში.

— გარუსების დასათავებლათ?! მხიარული სიცილით მითხრა სკოკიმ.

— არა მე არ გაგრუსდები! მიუუგე.

— ვნახოთ... ვნახოთ! ისევ სიცილით მითხრა მან.

შემდეგ აკაკის ხშირად ვხვდებოდი ბათუმში. მის დღესასწაულის მოწყობისთვის თავს როგორ დაფიზოგავდი. მუშაობაც მართლა სამძიმო იყო, თავის გასართმევი. ყოველი დაწესებულება, ყოველი ჯგუფი მოწადინებული იყო შესაფერისათ გამოსულიყო დიდებული ადამიანის წინაშე და შესაფერისათ, შნოთი გამოესახა თავისი ის პატივისცემა და სიყვარული საყვარელ, მგოსნისადმი, რომელიც გულში უღვივოდათ. თითქმის ყოველ საღამოს იმართებოდა ამა თუ იმ ჯგუფის კრებები გამოსარკვევათ თუ რა სახით უნდა ჩიელო ამა თუ იმ ჯგუფს მონაწილეობა. ადმინისტრაციამ ხელი არ შეგვიშალა ამ კრებების ნებადართვაში: შევატყობინებდით მხოლოდ რომ კრება იქნება ამა და ამ დღეს, ამა და ამ ადგილას. კრებები მუდამ საინტერესო იყვნენ: აქ გაისმოდა ერთგვარი სიტყვა, იხატებოდა ის გულწოფელი, ღომა სიყვარული, რომელს ხალხი ატარებდა საყვარელ მგოსნის მიმართ თავის გულში. მახსოვს ნოქართა ერთი ჯგუფის კრებაზე რამოდენიმე ნოქარი ცხარე საყვედურით გამოვიდნენ. — რომ განძრახვა არისო საზეიმო ეტლში აკაკის ქალები უნდა ჩაუჯინონო; ჩვენ პროტესტს ვაცხადებთ ამგვარ სანახაობაზედ და მგოსნის დამამცირებლად მიგვაჩნია ამგვარი რამ თანხლებათ. — აუხსენით, რომ ეს ქალები წიშნავს, განოსახავენ მუხებს და საჭიროთა შეიქმნა იმის განმარტებაც თუ რა არის მუხა. პროტესტანტებმა თქვეს რომ ჩვენ არ ვიცოდით ამ მუხებზედ არაფერიო, გვწადდა მგოსნის ხნეობა არ შელახულიყო.

დღესასწაულის დანიშნული დღე ახლოვდებოდა. რამოდენიმე დღით წინ აკაკიც ჩამოვიდა ქუთაისში. ერთ დღეს იგი მოვიდა ქალაქის სამმართველოში, და მითხრა:

— შენთან საქმე მაქვს! ეტყობოდა ალელვება; შევიდა ქალაქისთავის ოთახში. მივატოვე საშუშევარი და მეც შევედი ოთახში. აკაკი გაჯავრებით ელაპარაკებოდა ლორთქიფანიძეს — ქალაქისთავს.

— ყმაწვილო! მომმართა მან როგორც კი დამინახა — ჩემი სახელით ნუ აწუხებთ საზოგადოებას! მოხსენით იუბილე... არ მინდა!

— საზოგადოება წუხს კი არა ხარობს, ბატონო აკაკი, და მოუთმენელათ ელის დღესასწაულის დღეს! მიუგე.

— მე გუუბნები მოხსენით... მე არ მინდა.

— თქვენ არ გინდათ საზოგადოებას უნდა თავის საყვარელ აკაკის სცეს პატივი და თავისი საყვარული გამოუცხადოს; ამას ვერც თქვენ დაუშლით და ვერც ჩვენ მოვშლით. რამ გაგაჯავრათ, ბატონო აკაკი? შევეკითხე.

— იმან გამაჯავრა, რომ თქვენ ჩემი სახელით ფულს კრფთ საზოგადოებაში და დაგიდგენიათ, რომ შეკრებილი შეიტანოთ წერა-კითხვის საზოგადოებაში ჩემს სახელზედ: ესე იგი ჩემი სახელით საზოგადოებისაგან გამოღებული

ფულით უნდა გამოსისტიკინდეს ვილაცა და შენს აკაკის პრასი და ნიახური... არ მინდა მე ეს, არ მინდა!

— ნაგ როგორ იქნება? უთხარი.

— როგორ და როგორც ყოფილა! ძალზე გაჯაერებით წამოიძახა აკაკიმ.

— არა, ბატონო, იმ ფულს ვერაფერს ხელს ჭერ ახლებს თქვენს მეტი, ვერაფერს გროშ-კაპიკს ვერ დაგაკლებს!.. ამის თავდებნი ჩვენ ვიქნებით. ამასთანვე წერა-კითხვის საზოგადოებაში თქვენს სახელზედ შეიტანება მხოლოდ შეკრებილი ფული; რაც დღესასწაელის დღეს ტეატრიდან შემოვა—უკლებლივ თქვენ ჩაგბარდებათ!

— უცნაური გული მაქვს! თქვა აკაკიმ—ჩემს სახელზედ ფულს იხდიან ათას ადგილას, მე კი არაფერი მხვდება... სხვებს უვარდებათ ხელში და საზოგადოებას კი გონია ვითომ მე მეხმარება. ახლაც ასე იქნება! აკაკიმ უფრო დამშვიდებით თქვა ეს.

— არ იქნება, ბატონო! მიუგე მე.

— კაი დაგემართოს!.. მოწმეები აგერ მყვანან მაინც! ვნახოთ, ვნახოთ! დავით! მიმართა მან ლორთქიფანიძეს—დეიმახსონვრე შენ ეს დანაპირები. რასაც დამაკლებენ შენ გადაგახდევინებ იცოდე! მითხრა მე.

— კი ბატონო; ეგრე იყოს! აკაკიც დაწყნარდა.

საოცარ სურათს წარმოადგენდა ქალაქის გამგეობის დიდი დარბაზი დღესასწაულის წინა საღამოს. იქ იყო დანიშნული ადგილი. სადაც უნდა გამოცხადებულიყვნენ დღესასწაულის მომლოცველთა დელეგატები. ვეება დარბაზი აივსო დელეგატებით; ვისგან არ იყო, საიდან არ იყო დელეგატი! ძლივს, როგორც იქნა წესრიგი შევიტანეთ ჩაწერაში და დელეგატთა სიის შედგენაში.

მეორე დღეს ის ქუჩები, რომლით უნდა გაეტარებინათ მგოსანი თეატრამდინ, დილიდანვე გაჭედილი იყო ხალხით. თითქმის შუადღე იყო რომ საგანგებო მორთული ეტლით აკაკი წამოიყვანეს სობოროსკენ. ლონდო მგოსნის წამოსაყვანათ თავაზიანათ გუბერნატორომა გამოგვიზახუნა; მეეტლეთ იყო ქუთაისში ცნობილი მეეტლე, ამხანად მოხუცი, მელია, ის მელია რომელს მამია გურიელმა უთხრა ერთხელ: „შენ რომ ელი მელიაო, ძალზედ შემომქლიაო. მოხუცმა მეეტლემ მტკიცეთ გამოგვიცხადა, რომ აკაკი დღეს მე უნდა ვიტარო და რომ ამას ვერაფერს დაუთმობო. ერთიანათ თეთრში გამოწყობილი, ეტლში თეთრი ცხენები თეთრი მოწყობილობით, თავისი გრძელი თეთრი წვერით—მელია და მისი ეტლი მშვენიერი სანახავი იყო: ეტლის საფეხურებზედ იდგნენ ქალაქის თავი დავით ლორთქიფანიძე და საიუბილეო კომიტეტის თავჯდომარე მოსე ჭიჭოძე. ქუჩების ნაპირები ხალხით იყო შემოსილი; ფანჯრები, აივნები, სახურავები სავსე იყო ხალხით. ხმაური მისალმება, ვაშას ძახილი, ყვავილების სროლა შეუწყვეტელი. აქ იყო მოტანილი გულწრფელი, ღრმა სიყვარული მოხუც მგოსნისადმი. ამგვარივე გულწრფელი, უაღრესი სიყვარულობით იყო გაელენთილი ყოველივე სიტყვა, რომლით დელეგატები მიმართავდნენ საყვარელ მგოსანს. მრავალი მშვენიერათ ნათქვამი სიტყვა იყო, მაგრამ ამათში რალაც განსხვავე-

ბული რამ იყო, მგონი, ბალდაოელმა გლეხმა რომ მიმართა. მალაღლი, გონიერი, მხარბეჭიანი, შუახნის, სასიამოვნო კილოზედ მოლაპარაკემ აკაკის უთხრა:

— წიგნის უცოდინარი კაცი გახლავარ, ბატონო, მწიფის ბუხარა ბავშვები კი დამიდიან სასწავლებელში. სამუშევრიდან დაღლილი კომპლექსები სახლში ხანდახან ბავშვები იქვე წიგნს კითხულობენ ხოლმე ხმა მალლა; ხშირად კი რალაც მომესმება, გულს იამება და როცა მიკითხავს ბავშვებისათვის თუ რა ქონდათ წაკითხული ისე კარგი რომ იყო — პასუხათ — მიმიღია აკაკის ლექსიაო. ტკბილია ის თქვენი ნათქვამი, გულს ხვდება ძალიან; გლოცავთ, საწყალი ხალხი, თქვენი კი თქმისათვის და გისურვებთ ხანხრძლივ სიცოცხლეს, არც შემდეგ შეგძლებოდეს ჩვენისთანა საწყალი ხალხი!

ეს ისეთი მშვენივრებით თქვა ამ კაცმა, რომ აკაკი უცნაურად ააღელვა, თვლები ცრემლებით აუვსო; აღელვებულმა მხურვალეთ გადაეხვია და გადაკოცნა იგი.

მეორე დღეს მე და ივანე პურადაშვილმა ვინახულეთ აკაკი; იგი მეტად კარგ გუნებაზედ იყო და კიდევ უფრო კარგ გუნებაზედ დადგა, როცა გადავეცით თეატრიდან შემოსული ათასი მანეთი.

— გარწმუნებთ აქედან ხვალ ჩემ ჯიბაში ბევრი აღარაფერი დარჩება — სიცილით თქვა მან.

ქუთაისმა სათანადოთ სცა პატივი თავის ძვირფას მგოსანს.

რამოდენიმე ხნის შემდეგ, ქუთაისის საზოგადოებას შეძლება მიეცა ესიამოვნებინა მეორე დიდებული მგოსნის პირადი გაცნობით და მისგან წარმოთქმულ მისალმებით დამტკბარიყო. ეს იყო ვაჟა-ფშაველის პირველი სტუმრიანობა დასავლეთ საქართველოში.

დასავლეთ საქართველოში ერთ ხანაზედ ძრიელ ნაკლებათ იცნობინენ ვაჟას. ერთხელ ბათუმში ექიმ გრიგოლ ელიავას ოჯახში საგანგებოთ სალამო გამართეთ, ვაჟა რომ გაგვეცნო საზოგადოებისათვის. წაკითხული იყო ვაჟას „გოგოთური და აფშინა“. პოემამ ვერ მოახდინა დიდი შთაბეჭდილება. უმეტესობას ეუცხოვებოდა მისი ენა. პირველათ, საფუძვლიანათ დასავლეთ საქართველოს ვაჟა გააცნო გრ. რობაქიძემ, რომელმაც ქუთაისის თეატრში აუარებელი ხალხის წინაშე, წაიკითხა ლექცია ვაჟას შემოკმედეგების შესახებ და განსაკუთრებით „გველის მკამელის“ შესახებ. მშვენიერმა ლექციამ დიდი შთაბეჭდილება მოახდინა მსმენელებზედ. ბევრს უკვირდა და კითხულობდნენ — ხომ არ აზვიადებს რობაქიძეო, ასეთ შემოკმედეგით რომ სახავს ვაჟასო. ბევრი დაინტერესდა და შეუდგა მისი პოეზიის გაცნობას.

დიდებული მგოსანი კი დაფლეთილი ჩოხით მიწას ხნავდა მთაში და თითო კაპიკს ლებულობდა თითო სტრიქონში — ამასაც არა ყოველთვის.

ქუთაისში ყოველ წლობით იმართებოდა სალამო ილია ჭავჭავაძის დაბადების დღეს. ერთხელ სალამოს გამმართველმა კომიტეტმა გადასწყვიტა, სალამოს მონაწილეთა შორის, მოეწვია ვაჟაც და ამით საზოგადოებას გაეცნო იგი. საკითხი დაისვა — რა რიგათ მოქცეულიყო კომიტეტი, რადგანაც ვაჟას რიგიანი ჩოხა-ახალუხი არ აქვსო და ჩამოფლეთილი როგორ დავანახოთ საზოგადოებასო.

გადაწუდა ასი მანეთი გაგზავნოდა ვაჟას რომ შეეკერა ახალი ჩოხა-ახალუხი
ეყიდნა ახალი ფეხსაცმელები ამ ფულით და ისე ჩამოსულა

დანიშნულ დღეს ვაჟა ეწვია ქუთაისს და გამოწყო ბიჭი პეტრე ყიფიანთან.

— ძალიან გამოჩისტულხარ ვაჟას ჰირომე! ეხლა კი ვაჩვენებთ შენს თავს ქუთაისს! მისებური ხარხარით შეხვდა პეტრე ყიფიანი ვაჟას. ვაჟა კი ოღონდ იღიმებოდა.

სალამოზე სული ამოართვეს პოეტს იმდენი ლექსები ათქმევინეს. ვაჟაც თავაზიანად ლექსს ლექსზედ ამბობდა და ალტაცებაში მოყავდა ხალხით გატენილი თეატრის დარბაზი, სალამოს შემდეგ გაიმართა ვაჟას საპატივსაცემო ბანკეტი. რომელზედაც აუარებელი ხალხი დაესწრო. ყველა ქება-დიდებას შეასხამდა ვაჟას, მაგრამ ვერასგზით ვერ ააღელვეს იგი. მადლობას უძღვნიდა მის მადიდებელთ და იყო ისევ თავდაჭერილი, ყუჩი, განდიდებას აშორებული ვაჟა, რაც მას ამშვენებდა და საყვარელ ადამიანად ხდიდა.

მეორე დღეს, მრავალ რიცხოვანმა საზოგადოებამ, ვაჟას ქუთაისში ყოფნის სამახსოვროთ, გადილო სურათა. სალამოს მივაცვილეთ სადგურამდი და გავისტუმრეთ თბილისში. სადგურისკენ მიმავალმა, სხვათა შორის მითხრა:

— ახირებული ადამიანია ეს ჩვენი აკაკი! დამიწერა „ენას გიწუნებ ფშაველო“. კაცო შე ამ ჩემი ენით მომწონს თავი, თორემ სხვა რა არის ჩემს ლექსებში და პოემებში! თუ ენაც დასაწუნია მაშ ალარაფერი ყოფილა და ბარემც ასე სთქვი პირდაპირ და ის იქნება! უცნაური კბენა იცის ხოლმე! ამას საოცარი გულისტკივილით ამბობდა დიდებული ვაჟა.

საოცარი იყო ეს ადამიანი: იმდენი ქება-დიდება, მოწონება ესმოდა, მაგრამ იგი ისევ განდიდებას შანიას დაშორებული, უბრალო, მარტივი, თავდაბალი ვაჟა იყო; საყვარელი ვაჟა, გაჭირვებაში მყოფი, ვაჟაკურად მებრძოლი ამ გაჭირვებასთან, რომელშიაც კიდევაც დალია თავისი კურთხეული სული.

ამ ხანებში ქუთაისის გუბერნატორი იყო გენერალი სლოვანინსკი, ტომით პოლონელი, რუსეთის თვითმპყრობელობის თავგადადებული მოსამსახურე, პიროვნება რომელს მხოლოდ თავისი თავი ახსოვდა, უაღრესი კარიერისტი. ვერაფერი საქები სახელი ჰქონდა დამსახურებული ერევნის გუბერნიაში ყოფნის დროს, სადაც სდევნიდა სომხებს; ვერაფერი სახელი ჰქონდა დამსახურებული ბათუმის ოლქის მართველათ ყოფნის დროს, როცა სასტიკად ეპყრობოდა მუსულმან ქართველებს; ამითი იშოვა მან გუბერნატორობა და გენერლობაც. ქუთაისის გუბერნატორობის დროს იგი უფრო ეშმაკურად იქცეოდა. აქ უფრო თავაზიანი იყო ვითომ, რასაკვირველია გარეგნულათ. მეცადინე იყო კარგ განწყობილებაში ყოფილიყო აქაურ მოწინავე ინტელიგენციასთან, მოწადინებული იყო ვითომ მასთან ერთათ ემუშავნა გუბერნიის საკეთილდღეოთ. რასაკვირველია ეს თაღლითობა იყო—ყველამ ეს კარგათ იცოდა. ერთი ამ თაღლითობათა რიგიდან შესანიშნავი იყო მისი განძრახვა ერობის შემოსაღებათ საკითხის აღძვრა. დიდის რიხით შეუგდა გუბერნიის სამმართველო ყრილობის მოწყობას, რათა ერობის შემოღების საკითხი სავსებით ამოწურული ყოფილიყო და მჭიდრო ნიადაგ-

ზედ დაყენებული, რომ უმაღლეს მთავრობას უეჭველად მიეღო და დაემტკიცებინა გუბერნატორის შუამდგომლობა—წარდგენა. გუბერნიის სამმართველოს დარბაზი ძლიერ იტყვედა სათათბიროთ მოწვეულთ; მრავლად იყვნენ მოწვეულნი მხარეებიდან ადგილობრივი მცხოვრებნი. არ ვიცი რა მოსახრებებით, სხვებთან ერთად მეც ვიყავი მიწვეულებში; სლოვაჩინსკის თავათ ეთქვა, რომ მეც ვყოფილიყავი მიწვეული; იგი მიცნობდა კარგათ ბათუმიდან. გაკვირვებული ვიყავი ამ მიწვევით, მაგრამ ძლიერ გამეხარდა რადგან შემთხვევა მეძლეოდა ახლო დამეხანა ყრილობა და მომესმინა იქ ნალაპარაკევი.

როგორც ვთქვი გუბერნიის დარბაზი ძლიერ იტყვედა ყველა მოწვეულთ, რომელნიც უსხდნენ გრძელ მაგიდას, რომელზედ ეწყო ქალაქი და ფანქრები. კრება გახსნა თავათ სლოვაჩინსკიმ მოკლე სიტყვით, რომელში იგი იმედს გამოთქვამდა, რომ ეს მუშაობა უნაყოფოთ არ ჩაივლიდა, რომ იგი ამისათვის მიიღებდა ყოველნაირ საშვალეებას უმაღლეს მთავრობასთან. კრებები იმართებოდა ყოველ საღამოს ერთი კვირის განმავლობაში. თავმჯდომარეობდა ყოველთვის თავათ სლოვაჩინსკი. წარმოთქმულ იყო მრავალი სიტყვა ერობის შემოღების საჭიროების შესახებ; დასურათებული იყო გუბერნიის მდგომარეობა, სოფლის ზემწყო მდგომარეობა და ამგვარები. განსაკუთრებული ყურადღება მიიქცია ზუგდიდის მაზრის უფროსის, კაპიტან ლავროვის, მოხსენებამ. ეს ლავროვი წინათ, რუსეთში ყოფნის დროს, მუშაობდა თურმე ერობაში და საერობო საქმეებს კარგა გაცნობილი იყო. ჩვენები გულით არ ეკიდებოდნენ მაინცა და მაინც ამ ყრილობას, რადგან თითქმის არავის სწამდა, რომ რაიმე ხეირი გამოყოლოდა, რაიმე იოტისოდენა ცვლილება შეეტანა ცხოვრებაში. ყველას ეს მოსატყუებელ რამეთ მიაჩნდათ და დაბოლოს ეს მართალიც გამოდგა. დათავდა ყრილობა და მოკლე ხნის შემდეგ სრულ დავიწყებას მიეცა ქუთაისის გუბერნატორის განძრახვა ერობის შემოღების შესახებ.

ეს იყო მხოლოდ მორიგი მოტყუება დასანახავათ, რომ ჩვენზედ ფიქრობენ, ჩვენთვის ზრუნავენ და სწადიან, საზოგადოების სურვილის გაგონება და დაკმაყოფილება.

მაგივრათ თუ ერობის შემოღებამ ჩაილულის წყალი დალია, სლოვაჩინსკიმ დააკმაყოფილა საზოგადოება იმითი, რომ არ გადაეღობა, ხელი არ შეუშალა, ქუთაისში ქართული გაზეთის გამოსვლას.

რაც ერთ დროს ცნობილი, ქუთაისში გამომავალი „შრომა“ დაიხურა, მას შემდეგ ქუთაისს არ ღირსებია თავისი გაზეთი. „შრომა“ ძალითი იყო, ხრიკიანი გზით მოსპობილი: გააუქმეს მისი ცენზურა ქუთაისში; გაზეთი უნდა გატარებულიყო უსათუოთ თბილისის ცენზურაში. თბილისელ ცენზორისაგან ამოშლილი ადგილების შევსება ყოვლად მოუხერხებელი ხდებოდა; გაზეთი წესიერათ ვეღარ გამოდიოდა; ხან დაგვიანებით, ხან ნაკუწ-ნაკუწათ; გაზეთის გამოცემა ყოვლად აუტანელ მძიმე პირობებში მოექცა, რის გამო იძულებულნი იყვნენ სრულიად შეეჩერებინათ იგი. „მთავრობას იგი არ აუკრძალავს, არ მოუსპია; იგი თავის ნებით შეჩერდა“—მთავრობას უმანკოთ გამოყავდა თავი. ამის შემდეგ ქუთაისს ქართული გაზეთი არ ღირსებია, როგორც ვთქვი, ახლა კი მიეცა ხსნა.

ქუთაისის ინტელიგენციის ერთმა ჯგუფმა მოიპოვა სალსარი და შეუდგა გაზეთის განოცემას. გაზეთს ერქვა „კოლხიდა“. გაზეთმა მრავალი წინამძღორობები შეიძინა, ბევრი გამოცდილი ლიტერატორი; და ამის გამო მრავალმა მკითხველი. გაზეთს საკმაო გავრცელება ქონდა და კარგა ხანსაც იარსება.

სამი წლის, ქალაქის გამგეობაში, სამსახურის შემდეგ გადავედი შავი-ქვის მრეწველთა საბჭოში. აქაური მუშაობა სრულიად სხვა ხასიათისა იყო. ვიყავი საქმის მწარმოებლად—ჩაფლული ძველ და ახალ ქალაქებში, მაგრამ ამას არათ ვაგდებდი. საბჭოში ყოფნა უკვე იმითი იყო კარგი, რომ საბჭოს შემადგენელობა იყო პირველ ხარისხოვან ჩვენი საზოგადო მოღვაწეებისა. თავმჯდომარეთ იყო გიორგი ზდანოვიჩი, მის მოადგილეთ—კიტა აბაშიძე. ზდანოვიჩის ავტორიტეტი აქ უსაზღვრო იყო. ყველანი ღრმა პატივისცემით იყვნენ გამსჭვალულნი მისადმი. მან ეს კარგათ იცოდა, მაგრამ თავდაპირილი იყო და ყველას სადათ და სრული კეთილი განწყობილებით ეპყრობოდა. მას უკიდურესათ უყვარდა ის საქმე, რომლის სათავეში იდგა და გატაცებით მუშაობდა. ოცნებობდა—ჭიათურა გადაექცია სამაგალითო საჩვენებელ პუნქტათ, როგორც სამრეწველო ადგილი და როგორც მომავალი ქალაქი. მისი მუყაითობით იმ მოგების თანხიდან, რომელიც საბჭოს ქონდა, მოწყობილი იყო სასწავლებლები, მშენიერი საავადმყოფო, საფერშლო პუნქტები; ოცდახუთი ათასი მანეთი ყოველ წლიურად გადადებული იყო მოსწავლეთა სტიპენდიებისათვის; დიდძალი ფული იხარჯებოდა გზების კეთებაში, წყალსადენისა და ელექტრონით დაბის განათებისათვის. აქ შემოღებული იყო მუშათა დამხლვევი კასსა; კასის პირობების გასაცნობათ დაიბეჭდა ცალკე წიგნაკი მუშებ შორის დასარიგებლად. მე მხვდებოდა ჭიათურაში ხან და ხან სიარული საბჭოს მდივნის მაგიერ და მქონია შემთხვევა ახლო მენახა ზდანოვიჩის მუშაობა ჭიათურაში. მშენიერი სანახავი იყო იგი მუშების წარმომადგენლებთა შორის, მისი მუსაიფი მათთან, მუსაიფი გულწრფელი და მათთვის მზრუნველ ადამიანის. თავდაპირილი, მშვიდობიანი რისხვა იყო როცა ააღელვებდნენ; ამ დროს იგი ნამდვილი მჭერმეტყველი იყო, ენა მახვილი, შეუბრალებელი შემქმნისველის ამაღელვებელის. დინჯი, ოუჩქარებელი, გამჭრიახი გონების პატრონი, დიდათ განვითარებული; დიდი ავტორიტეტი ქონდა თავის თანამშრომლებთა შორის, რომელნიც განსხვავებული პატივისცემით და ნდობით იყვნენ მასთან. ფიცხი იყო, მაგრამ მის კეთილ გულს რომ იცნობდნენ ამ სიფიცხის დროს ჩადენილ გადამეტებას არათ თვლიდნენ, მით უფრო, რომ დაწყნარებული იგი თავათ ესწრაფებოდა გაფიცებაში ჩადენილ შეცთო. მის გამოსწორებას. იგი სიყვარულით იყო შემოსილი იმ წრეში, რომელში მოხვდებოდა. მიშო ყიფიანმა მითხრა, რომ ციმბირში ყოფნის დროს ჩვენ და პოლონელ ციმბირელებს ჩხუბი მოგვდიოდა იმის შესახებ, თუ ვის ეკუთვნის ზდანოვიჩიო: პოლონელები თავგამოდებით აცხადებდნენ რომ ზდანოვიჩი მათია, პოლონელი; ჩვენი ქართველები გაცხარებით ვედავებოდათ, რომ ზდანოვიჩი ჩვენია, ქართველია, ქართველი დედის შვილი. ცოცხალი ბუნების პატრონი. იგი სტუდენტობის დროს მჭიდროთ იყო ჩაბმული მოძრაობაში, თავგამეტებული მუშაკი იყო მთავრობის მოწინააღმდეგე წრეებში. როცა იგი დაიჭირეს ამ მუშაობისათვის, დაამწყვდიეს

პეტროპავლოვკაში. დედა მისი მივიდა პეტერბურგში და მოიწადინა მისი განთავისუფლება, ზდანოვიჩმა დედა მისს, რომელიც ღრმად უყვარდა, გამოუცხადა რომ სამიდღემჩიოთ დამკარგაეო თუ შენ ვისმეს სთხოვ ჩემს განთავისუფლებას და ჩამომაშორებ ჩემს ამხანაგებსო. გულდამწუხრებუნი დედა სამსუბუბული იყო დამორჩილებოდა მტკიცე განცხადებას და გულდამწვარი გამობრუნებულოყო სახლში. რუსეთის მოწინავე წრეებში დიდი სახელი და პატივისცემა ქონდა მას შეძენილი. ცხრაას სამში პეტერბურგში ბასუინის ქუჩაზედ საიდუმლო კრება იყო პოლინოვის ბინაზედ—ლუარსაბ ანდრონიკაშვილი მოხსენებას აკეთებდა ბათუმის მუშების გასამართლების შესახებ, რომელთ ცხრაას ორში მოუხდათ ჯართან სისხლიანი შეტაკება; მოხსენებას დაესწრო მოწინავე ლიტერატორები, ვეჟილობა, ფურნალისტიკა, საზოგადო მოღვაწეები. იმ დროს ზდანოვიჩი პეტერბურგში იყო ახალი ჩამოსული. კრებაზედ იგი მოგვიანოთ მოვიდა. თვალწინ მიდგას ის რომ შემოიყვანეს დარბაზში, და მოათავსეს სადაც უწარჩინებულესები ისხდნენ; ეს იყო საპარადო სვლა.

მის კაბინეტში ვის არ ნახავდით მოსალაპარაკებლათ მოსულს! სხვათა შორის მახსოვს ქუთაისში მას ესტუმრა სათათბიროს წევრი ცნობილი დეპუტატი შინგარიოვი, რომელიც კრავივით დაყუებოდა ზდანოვიჩს და თან ეცნობოდა აქაურობას. მახსოვს მის კაბინეტში მოუსვენარათ რომ მიდი-მოდოდა კერენსკის სხვათა შორის კერენსკისთან ლაპარაკი გაიმართა საქართველოს რუსეთთან დამოკიდებლების შესახებ; კერენსკიმ ისეთნაირი განწყობილება გამოააშკარავა საქართველოსადმი, რომ ზდანოვიჩს გული მოუვიდა და მკაცრათ უთხრა კერენსკის:

— ალექსანდრ ფეოდოროვიჩ, თუ თქვენ ამგვარ შეხედულებისა ხართ საქართველოზედ, უმჯობესი იყო აქ ფეხი არ დაგედგათ.

კერენსკიმ ჩალუნა თავი, ააპარპალა თავისი ბეცი თვალების ქუთუთოები და ბოდიშის მაგვარი სიტყვით ალაპარაკდა.

დევი კაცი მოკლე ხანში წააქცია ავადმყოფობამ. გულის გაგანიერებას დაერთო ტვინის ნერვების დაავადება, მოეშალა ლაპარაკის უნარი. 917-ში თვითმპყრობელობის დათრუგვნის მეორე დღეს, აუარებელი ხალხისაგან შემდგარი პროცესია მიადგა მის სახლს მისალოცავათ, მას გააგებიეს რაც მოხდა—ფანჯარასთან მომდგარი ავადმყოფი აღელდა, თვალეები აეფსო ცრემლებით და გული წაუვიდა. რამოდენიმე ხნის შემდეგ კიდევ გამოეთხოვა წუთი სოფელს.

ამგვარივე დაუვიწყარი და შესანიშნავი პიროვნება იყო მისი მოადგილე კიტა აბაშიძე. ძვირათ მინახავს ისეთი სულით მაღალი, ნაზი, გრძნობით აღესილი, ადამიანის მოყვარული, თავდადებული მუშაკი საზოგადო ასპარეზზედ, როგორიც იყო კიტა. განსხვავებული გულწრფელი ყოველ თავის სიტყვაში, თავის მოქმედებაში. ახლოს უნდა მისულიყავით მასთან. რომ გაგეგოთ და გაგეცნოთ მისი განსხვავებული ბუნება, მისი ღრმა ნაზი გრძნობიერება.

აკაკიმ შავი-ქვის მრეწველთა ყრილობას სთხოვა დაენიშნათ მისთვის პენსია, როგორც შავი-ქვის აღმომჩენისათვის. ყრილობამ აკაკის უარი უთხრა. უარი უთხრა იმიტომ, რომ მთავრობისაგან აღკრძალული ქონდა პენსიების და-

ნიშვნა. აკაკის დასაკმაყოფილებლათ საბჭომ სხვა გზა გამოიხატა ყრილობის მონ-
დობილობით. აკაკის წინადადება მიეცა დაეწერა ისტორიკოს-მწერის აღმო-
ჩენის შესახებ და პირველი მუშაობა. ნაწილ-ნაწილად წარდგენილ წერილე-
ბისათვის აკაკი მიიღებდა ყოველ წლობით ექვსას-ექვსას მანეთს. აკაკიმ იწყინა
ეს და რალაც მოსაზრებით კიტას დააბრალა, რომ მან ვითომ ან მოინდომა
მისთვის პენსიის დანიშვნა, ხელი შეუშალა და ხდანოვიჩიც მიიმხრო ამაშიო.
ბევრი არწმუნეს აკაკი, რომ კიტას არაფერი დანაშაული არ მიუძღვის მის წი-
ნაზე, რომ იგი მისი უმაღლესი მოსიყვარულე და მოთაყვანეა, მაგრამ აკაკი არა-
თუ ვერ შეაჯერეს—გაცხარებულმა წამოიძახა, რომ კიტა მისი მოთაყვანე კი არა,
მისი შეურიგებელი მტერია, რომელს მისი მოკვლა სწადია. უნდა გენახათ ამის
გამგონი კიტა! მის მწუხარებას, მის ტანჯვას სამზღვარი არ ქონებია; საოცარი-
სანახავი იყო კიტა იმ ხანებში. თვალეზედ მომდგარ ცრემლებით ის გულდა-
ჩაგრული გვეუბნებოდა ხოლმე, როცა ვეხვეწებოდით ყურადღება არ მიექცია
აკაკის ნათქვამისათვის, გულმოკლული გვეუბნებოდა — მე აკაკის მკვლელი?!...
რამ ათქმევინა ასეთი რამ? რამ აფიქრებინა?!... მე აკაკის მკვლელი!!...

ხალისიანი კიტა დაკარგული შეიქმნა. ვამშვიდებდით, ვაწყნარებდით; მაგ-
რამ დიდხანს ისევ მოუსვენარი იყო, აღშფოთებული. ტანჯავდა მას გაცხარე-
ბაში წამონასროლი დაბრალება, დაბრალება რომ მას სწადდა მოკვლა თავისი
საყვარელ სამშობლოს შევენება, ყველასთან ერთად მისთვისაც უძვირფასესი,
სათაყვანებელი არსება.

იშვიათი გულწრფელი, ღრმა გრძნობის მქონე ადამიანი იყო იგი და ეს
აყვარებდა მას მის მცნობთ; ამასთანავე თავდაბალი.

— კიტა, რა კარგი იყავი, სიტყვას რომ ამბობდი! ვეტყოდით ხოლმე.
იგი, სიამოვნების ღიმილით სახეზედ, გვიპასუხებდა— მათამამებო, მასულელებო!
რა საჭებარია!... ძლივს მოვუყარე თავი ორიოდ სიტყვას!

მებრძოლი იყო, მაგრამ პატიოსანი მებრძოლი. ადამიანს მის ღირსებას არ
დაუკარგავდა. თავგამოდებული მოწინააღმდეგე იყო ქუთაისის მარშლის დავით
ნიჟარაძის, რომელი ხან და ხან ნამეტნავად იმერული ხრიკებით მოქმედობდა;
მაგრამ აქ ბრძოლა იყო იმისთვის რომ ეს მოღვაწე სწორ გზაზედ მავლელად
იძულებულ იყო, ნიჟარაძე დასაკარგავი, ჩამოსაშორებელი პიროვნება რადგან არ
იყო. იგი დიდათ გავლენილი პიროვნება იყო, იყო, რომ იტყვიან ავ-კარგი მო-
ღვაწე. ბევრი ავი უთესია, თან ბევრი კარგიც გაუკეთებია. მის საღ, გამკრიახ-
გონებას, მის ენერგიას, მის მედგრობას დიდათ აფასებდა და არა ერთხელ გა-
მოუყენებია მისი მძლავრი ბუნებითი ნიჭი საზოგადო საქმისათვის.

კიტა მეტად ლამაზი იყო მის მიერ წარმოთქმულ სიტყვაში, რომელით მან
მიმართა მრავლათ შეკრებილ საზოგადოებას კაფე „სამოთხეში“, როცა პირვე-
ლად აქ გამოვიდნენ დემონსტრაციით ახალგაზდა პოეტები— „ცისფერი ყანწე-
ლები“. ბევრს არ მოეწონა ახალგაზდობის მედიდური დეკლარაცია, ლექსები
მათ მიერ წაკითხული, მათი განმარტება თავიანთი ხრახვათა. შეიქმნა კამათი,
შემდეგ ცხარე დობა და დაბოლოს თავშეუკავებელი მიმართვა ზოგიერთი დამს-
წრეთაგან. და ამ აღელვებულ საზოგადოებაში საოცარი ლამაზი იყო კიტა მის

მიერ ნათქვამი სიტყვით, მის მიერ სიმპატიის გამოსახვით ახალ ძალებისადმი, მისი იმედიალობით და ნდობით ამ ახალ ძალებისადმი მან დაამშვიდა აღელვებული შეკრებილობა და საყურადღებოთ განაღდა ამ ახალგაზრდათა მისწრაფება და სურვილი. მას ღრმად ახარებდა ახალი ძალების გამოჩენა, გამოსვლა და ამუშავება.

დაულალავი მუშა, იგი თავის თავზედ იმდენს არ ფიქრობდა, რასაც საზოგადო საქმეზედ. თავის დაზოგვა მუშაობაში მისთვის გაუგებარი რამ იყო, სრულიად არ ეგუებოდა მის ბუნებას და ამან კიდევ მოუსწრაფა სიცოცხლის დღენი. სეიმის დროს იგი განათლების კამისარი იყო—ავად შექმნილი იგი ჩარგული იყო დაუთავებელ სამუშევარში.

— ბატონო თეკლე ნუ გამოახედებთ გარეთ კიტას! ვებეწვებოდით მის მეუღლეს—ნუ გამოახედებთ გარეთ სანამ არ მოჯობინდება!... არ შეიძლება ასეთი თავ დაუზოგველობა!

ამ თავდაუზოგველობამ, შეუწყვეტელმა მუშაობამ თავისი ქნა—უდროოთ მოუსპო სიცოცხლის დღენი, ჯერ კიდევ ახალგაზრდას, ენერგიით სავსეს, ცოდნით აღჭურვილს, თვალსაჩინო მოღვაწეს.

* * *

ცხრაას თოთხმეტში ქუთაისის მაზრის 'ხედა ნაწილში საშინელი შიმშილობა განიცადა ხალხმა. ასეთი გამწარება ხალხის ჯერ არასოდეს არ მენახა. მოუსავლობით გაჭირვებაში ჩავარდნილი ხალხი დარბოდა, დაწრიალობდა ტომრით ილღის ქვეშ, რომ ეგებ სადმე სიმინდის მარცვალი ეშოვნა. წარმოუდგენელი საცოდაობა ტრიალებდა.

ერთ დილას ჩემი ბინის კარებთან აუარებელი ხალხი მოხლავდა, ტომრებით.

— გვიშველე ბატონო, გვიშველე ღვთის გულისათვის! გამწარებით შემოძახეს როცა მათთან ვავედი.—ვიხოცებით, ესენი სულ ჩვენი სოფლებები იყვნენ. მათმა საცოდაობამ გული ამიდულა. წინადადება მივეცი ამოერჩიათ რამოდენიმე კაცი, რომელთა მე წავიყვანდი მაზრის უფროსთან, რომ მას ეზრუნვა ამათთვის დაარსებულ დამშეულთა დამხმარე კომიტეტში; სხვებს უნდა მოეცადათ ჩვენს დაბრუნებამდე ქუჩაში. წავედით მაზრის უფროსთან სამაზრო სამართველოში; დანარჩენებმა ვერ მოითმინეს და უკან გამოგვზდიეს.

მაზრის უფროს ეწყინა ჩვენი მისვლა—მიმართვა და დაინახა რა მრავალრიცხოვანი ხალხი უკმაყოფილობით მითხრა:

— რას მომასიეთ ეს ხალხი! რას გამოელიან?!...

მეწყინა ასეთი უგულოთ მიღება, ასეთი გულციობა ამ გაჭირვებულ ხალხისადმი და გაჯავრებით მიუგე:

— როგორ თუ მოგასიეთ! მესაყვედურებით? ამათ ჯერ სამათხოვროთ არ უვლია, მათხოვრობას შეჩვეული არ არის, მაგრამ დღევანდელმა გამწარებამ ტომრები ამოაღლიავენბინა დღეს. თუ თქვენ არ გინდათ დაინახოთ და მიეშველოთ



მათ, რაც თქვენ მოვალეობას შეადგენს, აღარ შეგაწუხებთ და მივიტოვებთ უფრო გულშემატკივარ დაწესებულებასთან.

ბიზნისი

— რა ვნებავთ ჩემგან? სულ სხვა კილოთი მომმართა მან.

— მიეშველოთ ამ გამწარებაში მყოფ ხალხს! სიტყვა მოჭრით მიუგე.

— მობძანდით! და თავის კაბინეტში შემიყვანა. სულ მალე ხანში მოეწყო

საქმე: წინადადება მიეცა ერთ მომრიგებელ მოსამართლეს გამგზავრებულიყო ჩვენს სოფელში, შეედგინა დამშეულთა სია და საჩქაროთ წარმოედგინა იგი, რომ დროზედ მიწვდენოდა სოფელს საჭირო სურსათი. რომ მომრიგებელ შუამავალს არ გადაედო წასვლა სოფელში მე გავსწიე მასთან. სოფლიდან ჩამოსული ხალხი უკან დამედევნა. შუამავალი კიდევ შიშში ჩავაგდეთ ჩვენს დანახვაზედ. თავაზიანი კაცი აღმოჩნდა. მეორე დღეს დილით სოფლისკენ გავეშურეთ, აწერილობით საჭირო იყო სულ უკანასკნელი თვრამეტი ათასი ფუთი სიმინდი რომ შეტანილიყო სოფელში. დამშეულთა დამხმარე კომიტეტმა წინადადება მოგვცა რამოდენიმეთ შეგვემცირებინა ეს რაოდენობა; ხელმეორეთ მოგვიხდა სოფელში წასვლა. დაეყვანეთ თოთხმეტ ათას ფუთამდი, რაც საგუბერნიო სამართველოს მრჩეველის კოტე გოცირიძის შემწეობით ორი კვირის შემდეგ მიეცა სოფელს.

პეტერბურგიდან დამშეულთა შესაწევრათ მოვიდა ათი ათასი მანეთი, რითაც ნაყიდი იყო სენაკის მაზრაში დიდძალი პარტია სიმინდის. რიგდებოდა იგი ქუთაისში. საზარელი სურათი იწლებოდა თბილისის ქუჩაზედ სადაც მოწყობილი იყო დამარიგებელი პუნქტი. ქუჩა გაჭედილი იყო სოფლიდან ჩამოსული ხალხით; დედა-კაცები, მამა-კაცები, მოზრდილები ყველა დალონებული, დაღვრემილი სახის გამომეტყველებით იდგნენ, ისხდნენ, მწარედ შესჩიოდნენ ერთმანეთს თავიანთ მწარე მდგონარეობას; ხშირი იყო ტირილი, თითო პეშვი სიმინდი რამეთ შიაჩნდათ. მახსოვს ერთხელ როცა სიმინდის პარტია გამოილია, გამოუცხადეს მომდგარ ხალხს, რომ სიმინდი დღეს აღარ იქნება. იატაკზედ მხოლოდ მტვერი ეყარა; ხალხი ვერ შევაჯერეთ; იძულებული ვიყავით კარები გავგველო და საწყობში შემოგვეშვა ხალხი. შემოხეთქილი ხალხი ეცა ამ მტვერს, ათრთოლებული ხელებით ხვეტდა ამ მტვერს, რადგან მასში იქა-აქ მოინახებოდა სიმინდის მარცვალნი და გაფაციცებით ყრიდა ტომარაში; შეიქმნა ყვირილი, შეცილება, ტიდილი—ისე ასწმინდეს იატაკი თითქო ცოცხით გაეხვეტათ. ისმოდა საზარელი ტირილი დედაკაცების, რომელნიც ხელცარიელნი უნდა გაბრუნებულიყვნენ უკან სახლში.

ეს იყო საზარელი დღეები, უკიდურესი გაჭირვების დღეები. თითქო დასაწყისი იმ ზედმეტ გამწარებისა, რომელიც ელოდებოდა წლინახევრის შემდეგ საშინელ ომის სახით.

ცხრაას თოთხმეტი წელი მეტად აღელვებით მიმდინარეობდა; ყველა რაღაც უბედურების მოლოდინში იყვნენ და უბედურებით დათავდა კიდევ. სარაევოში ავსტრიის კრინპრინცის ფერდინანდის და მისი მეუღლის მოკვლის შემდეგ დიდი ხანი არ გასულა რომ იფეთქა საერთო ომმა. საომრათ ხვეტავდნენ ყველას—ჯარისკაცებს ორმოცდა სამ წლამდი, აფიცრობას—ორმოცდა თოთხმეტ

წლამდინ. მეც, როგორც არა ორმოცდათოთხმეტი წლისა მზღვრა სამსახურის განახლება. ის იყო მძიმე ავადმყოფობა გამოვიარე, ისე რომ ჩემი ზეზე აღდგომის იმედი ეჭიმებდაც დაკარგული ქონდათ. გამოვედი საავადმყოფოდან თუ არა მესამე დღეს უწყება მომივიდა სამსახურში გამოეცხადებულ იყავ. ვინიშნებოდი სათადარიგოთა დრუჟინის უფროსათ, რომელიც უნდა შეკრებილიყო ახალ-სენაკში. ახალმა ნაავადმყოფარმა გავსწიე დანიშნულ ადგილისკენ. რამოდენიმე დღის შემდეგ იწყეს მოსვლა საომრათ გამოწვეულებმა. ჩემი დრუჟინა სდგებოდა ნახევრად ქართველებისაგან (სენაკის, ზუგდიდის ნაზრებისა, სამურზაყანო და სოხუმის ოლქისა) ნახევრად რუსებისაგან ყუბანის ოლქიდან. დღე დღეზედ დრუჟინა იზრდებოდა: მოდიოდნენ ჯარისკაცები, მათი ჩასაცმელ დასახურავი, საომარი მოწყობილობა, საზიდები, ცხენები. მუშაობა დაუთავებელი. აფიცერთა შემადგენელობიდან მხოლოდ ოთხი გამოცხადდა, თბილისიდან კი მუდამ დღე ახალი ბრძანებები, სასტიკი დასჯის მუქარით, თუ დაუყონებელ შესრულებული არ იქნება ბრძანება სათანადოთ და საჩქაროთ. ერთ ამგვარ დებეშის მიღების შემდეგ ვრცელი საპასუხო დებეშა გავუგზავნე გენერალ მიშლავესკის, დებეშა რომლით ვაცნობებდი საშინელ გაქირვებას დრუჟინის მოწყობის საქმეში, ვაცნობებდი ყოველ დაბრკოლებას რაც მხვდებოდა საქმის წესიერად წასაყვანად. სამხედრო უფროსმა, რომელს გავაცანი ჩემი დებეშა მითხრა რომ მე პასუხისგებაში ვიქნებოდი მიცემული და მძიმეთ დავისჯებოდი ამგვარი მინაწერი-სათვის. მაგრამ ეს არ გამართლდა. წინააღმდეგ—ყოველი ჩემი მოთხოვნა დაუყონებლივ შესრულებული და დაკმაყოფილებული იყო.

ნახევარი წელიწადი თითქმის ვიდექით ახალ-სენაკში. ცხრაას თუთხმეტის დასაწყისში სამწუხარო ამბავი მოეფინა საქართველოს—მიიცვალა დიდებული აკაკი. მეც მომეცა საშვალება დავსწრებოდი დიდებული მგოსნის ჩასვენებას თბილისში. სადგურ შორაპნიდან დანიშნული იყო საგანგებო მატარებელი. სადგურებზედ აუარებელი ხალხი ხვდებოდა მიცვალებულს, ყველგან—ღრმა მწუხარება, გულითადი პატივისცემა.

მატარებელში ამ შემთხვევამ თავი მოუყარა მრავალ ჩვენ საზოგადო მოღვაწეს. ჩამოვარდა სიტყვა ომის მიმდინარეობის შესახებ. აქედან მალე სიტყვა გადავიდა საკითხზედ, თუ რის მომლოდინე უნდა ყოფილიყო საქართველო, რა ბედი ეწეოდა ამა თუ იმ მხარეს გამარჯვება—დამარცხებისაგან. გაიმართა ნამდვილი თათბირი. მონაწილეობას ლებულობდნენ ნიკო ნიკოლაძე, ნიკო თავ-დგირიძე, ნოე ჟორდანიას, გიორგი ლასხიშვილი, კიტა აბაშიძე, ვვ. გეგეჭკორი და ბევრი კიდევ სხვა. ნიკო ნიკოლაძე გამოსთქვამდა იმ აზრს, რომ ჩვენი მდგომარეობა უნუგეშოა, ეს გაიმარჯვებს თუ ის, ჩვენ მაინც უყურადღებოდ ვიქნებით დატოვებული, რადგან ჩვენ არ ვვაქვს არაფერი ისეთი, რომ ჩვენი დავაინტერესოთ რომელიმე მხარე, და ჩვენი ლამაზი თვალებისათვის ჩვენთვის თავს არავინ გამოიდებსო. უმეტესობა ამ აზრს ემხრობოდა და გამოთქვამდნენ თავიანთ უნუგეშობას. მსჯელობაში მონაწილეობას ლებულობდნენ თითქმის ყველა მაშინდელი პარტიების მთავარი წარმომადგენლები, რის გამოც ვაგონი გატენილი იყო ხალხით, რომელი ვაფაციცებით ყურს უგდებდა ისეთ არაჩვეულე-

ბრივ შეკრებილობაზედ ნათქვამს. მოულოდნელად გამართული თათბირი გაგრძელდა თითქმის თბილისამდე. ეს იყო პირველი მშვიდობიერი უწყობი პარტიათა წარმომადგენლების მწყავე საკითხზედ—რა მოეღონა საქართველოს ომის დათავების შემდეგ, რისი იმედით, და ვისი იმედით უნდა ყოფილიყო იგი.

სალამო იყო მიცვალებული მგოსანი რომ ქვაშვეთის ეკლესიაში მივასვენეთ. მეორე დღეს უამრავი დეპუტაციების და ხალხის თანადასწრებით ცხედარი გამოასვენეს დასაკრძალავათ მთაწინდაზედ. ერევნის მოედანზე ამართული იყო ტრიბუნა სიტყვის წარმონთქმელთათვის. პირველი სიტყვა იქ წარმოსთქვანო ნიკოლაძემ, რომელმაც სთქვა, რომ დღევანდელი ჩვენი მდგომარეობა დაბეჯითებით მოითხოვს შეიქმნას შტაბი, შტაბი რომელი განაგებს და უხელმძღვანელებს ამ გართულებულ მდგომარეობაში მყოფ ერს, როგორც დღეს ჩვენ ვართ. მშვენიერი სიტყვით გამოვიდა ბაქოდან ჩამოსული დეპუტაციის წევრი ტობჩიბაშევი, რომელმაც საუცხოოთ დაახასიათა ქართველი ერი, სხვათა შორის მან სთქვა—მოვიყვან რუსულათ ამ სიტყვებს:

— ვი მალენკი ნაროდ, ნო ვი ველიკი ნაროდ! ვი ტოტ ნაროდ, კოტრი გოვორიტ: ჟივი ი ჟიტ დავაი დრუგიმ!

ეს დიდებული დახასიათება იყო ქართველი ხალხის, რომელს სწყურია სიცოცხლე და თან მოითხოვს სხვათაც ეცხოვროს, რომელს სწამს, რომ დადგება დრო როცა იგი, არც ვის ემონება, არც ვის იმონებს. განსხვავებული ლამაზი სიტყვა იყო წარმოსთქმული კიტა აბაშიძისაგან, სიტყვა არა ჩვეულებრივი ლამაზი ფორმით და შინაარსით.

დაკრძალვიდან დაბრუნებულმა სენაკში, რამოდენიმე დღის შემდეგ ბრძანება მივიღე ჩემი ნაწილით გაგმგზავრებულყავი ბათუმში გენერალ ლიახოვის განკარგულებაში. ბათუმში ჩასვლის ორი დღია შემდეგ გაგვამგზავრეს ფრონტზედ ართვინისკენ. სალამო იყო ბორჩხას რომ მივაწიეთ, სადაც შტაბი იყო ქოროხს გადმოღმა მომქმედ ჯარების. ამ ჯარების უფროსი იყო ვინმე გენერალი მილერი. გამოვეცხადე თუ არა, იქვე მისგან ბრძანება მივიღე—ჩემი ნაწილის გუნდები გამეგზავნა დანიშნულ ადგილებზედ; მიუხედავად იმისა რომ ლამდებოდა გენერალი დაჟინებით, მუქარით მოითხოვდა რომ, დაუყოვნებლივ წასულიყვნენ დანიშნულ ადგილებზედ; ეს ადგილები კი უდაბურ ტყეებში იყო, მთებში. ორ გუნდს მაინც ნამეტახი ცუდი გზა ხვდებოდა, როგორც ეს მეორე დღეს ვნახეთ; გენერლის ბრძანებას გადუხვიეთ.—გავშორდით შტაბს და დავბანაკდით; რომ ასე არ გვექნა ლამეში მივადგებოდით წყალს და ბნელაში უსათუოთ მოწინავეთაგან რამოდენიმე კაცი გადაგვივარდებოდა წყალში და დაგველუპებოდა. დღისით საშიშარი სავალი გზა იყო, ლამეში ვინ იცის ოა შეგვემთხვეოდა. ჯარების უფროსი გენერალი მეტის-მეტი ახირებული პიროვნება იყო. მტერი ძლიერ შორს იყო, მაგრამ ეს ისე იქაჩებოდა, თითქო გაცხარებულ ბრძოლაში ყოფილიყო.

მან ზარბაზნებით ჩაიარა ბათუმიდან ბორჩხამდინ და გახიზნულ მცხოვრებთა მიტოვებულ სახლებს ამსხვრევდა და ანადგურებდა ყუმბარებით. ძლევა მოსილმა ამ დაცარიელებულ მხარეს მიაღწია—ბორჩხას, ლიახოვს წარუდგინა

ვრცელი მოხსენება თავის მოქმედების შესახებ და ითხოვდა მისი ჯვარისთვის როგორც ჯილდო, ნიემატებიანათ „ზაჩოროხსკი“ მივთვისებინა და გვარაუთუ მილერ-ზაჩოროხსკი“ მზგავსათ—პასკევიჩ-ერევანსკი, დიბიჩ-ზაბაიკალსკი და ამგვარები. წმინდა მასხრობა იქნებოდა ასეთი თხოვნის დაკმაყოფილება და გენერალი მშრალზედ დარჩა.

საოცარ სანახაობას წარმოადგენდა ეს მხარე აჭარის წყლიდან დაწყებული. უკან დახევაზედ ოსმალებს თან გაერეკათ მცხოვრებნი და სრულიად დაეცარიელებინათ აქაური სოფლები. შემდეგ აქ გადაიარა რუსის ჯარმა—კაზაკ-პლასტუნებმა, განთქმულმა თავიანთი მხეცობით, შეუბრალებლობით და მცარცველობით. ამათ სულ ერთიანათ მოფშვნეს ღვთის ანაბარად მიტოვებული სოფლები; იყვნენ გაუმაძღარ ცარცვაში—საცარცვავი კი ბლომათ იყო, რადგან გარეკილი მცხოვრებლები იძულებულნი იყვნენ მიეტოვებინათ მთლათ თავიანთი ავლა-დიდება, თავისი ქონება. ცარცვას არ სჯერდებოდნენ პლასტუნები, შეუბრალებლად აქცევდნენ სახლებს სწვაფდნენ რაც საუკეთესო შენობები იყო; საზარელ სანახაობას წარმოადგენდა ეს ჩაყრუებული, ჩადუმებული, გადამწვარი სოფლები. შეიხედავდი დანგრევას და ცეცხლ გადარჩენილ სახლში: აყრილი იატაკი, მიღეწილი კედლები, ყრია ძონძები, ტანისამოსის ნათლეთები, ბევრგან დამტვრეული აკვნები, ეზოში კარებ ჩამოგლეჯილი ბედლები, გარშემო მიბნეულ-მობნეული სიბინდის მარცვალი, ლობიო; იქვე თუთუნის საშრობები, გამოტანილი გასაშრობათ ჩამოკიდებულ თუთუნის ფოთლებით. თუთუნი წალეზულია უამრავი, მაგრამ მაინც კიდევ ბევრია დარჩენილი. არავითარი ჭაჭანება ადამიანის. ეგერ-ეგერ ისმოდა მხოლოდ ძაღლის ღმუილი, საზარელი ღმუილი, გულის მომკვლელი. შეწუხებული ამ სანახაობით უნებლიეთ ეკითხებოდი შენს თავს სადაა ეს ამოდენა გარეკილი ხალხი, სად ყრიან? უსათუოთ ყრიან ეს საცოდავნი დედა-კაცები, მამა-კაცები, მოხუცებულები, აკვნებიდან ამოღებული ბავშვები!

ამ სურათის მნახველს ღრმად შეგეზარებოდა ომი, სავსებით წარმოგიდგებოდა მისი საშინელება, მისგან, წარმოუდგენელი ადამიანის გამხეცება. ბორჩხის კომენდანტი მეუბნებოდა, რომ სახლები ნგრევას ვერ გადავარჩინეო, დაბოლოს ვიფიქრე რუსის ხალხი ჯვარს პატივს სცემს და ერთ სახლზედ მივაქედვინე დიდი ჯვარიო; მეგონა მოერიდებოდნენ და შენობას ხელს არ ახლებდნენ, იმედი ტყვილი გამოდგა—შენობა მაინც დაანგრის, ტყვილა უბრალოთ, დარჩა მხოლოდ აღმართული ჯვარიო.

სწორ ადგილას ნაჩვევი ყუბანის ოლქიდან მორეკილი ჯარისკაცები პირდაპირ ტიროდნენ ამ მთა გორებზედ ხეტიალისაგან. მათში არავითარი სიხალისე, ომისათვის განწყობილება. ერთმა უფროსმა უნტერ-ოფიცერმა დაუფარავათ მითხრა: რაა თქვენო მაღალკეთილშობილებაგ, მიგვათრევთ და მიგვათრევთ წინ, მტერს გვაახლოვებთ!

— აბა რისთვის ხარ გამოწვეული? შეუტეე,—შენ უნტერ-ოფიცერი ხარ, მაგალითს უნდა აჩვენებდე, შენ კი ტირი—არ ხრცხვენია?!.. შეხედე, აი ეგერ



გაბუნია თავის სურვილით მიდის მზვერავეებთან დასახვერებად, შენგედ უფრო ახალგაზრდა არის გაბუნია!

— სჩანს გაბუნიას თავის სიცოცხლე არათ მიაჩნია! წამოიძახა ზუბაკოვმა ერთი პორტ-არტურში ნამყოფი მშენიერი ჯარისკაცი ამბობდა:— ასე გათავდება თუ ისე ეს ომი ჩვენ მაინც არაფერი გვეშველება!

— როგორ? შევეკითხე.

— ბატონო მე პორტ-არტურელი ვარ, რა არ გამოვიარეთ იმ დასაქცევში, მოვაწიე სახლამდინ გაჭირვებით; შვილები წამომეზარდნენ, არ მინდოდა უსწავლელნი დამერჩინა; მივიყვანე სოფლის სასწავლებელში—არ მიიღეს, უარი მითხრეს, ადგილი არ არისო; ისევ მე გავიჭირე საქმე და ძლივს ცოტაოდენი წერა კითხვა შევასწავლე. არავინ არ მომხედა. ახლაც ასე იქნება, ჩვენთვის არაფერი სიკეთე იქნება, არაფერი!

— ნუ მისცემთ ნებას ასე გექცეოდნენ! თქვენი ბრალია!

— მაინც, მაინც!.. ჩვენი ბრალია!

მუდამ ისმოდა წუწუნნი, რომ საჭიროა უფრო ახალგაზრდები გამოგზავნონ და ხნიერები შეცვალონ, რომ ხნიერებს არ შეუძლიათ ერთნაირათ ახალგაზრდებთან სწორი სამსახური. ჯარების დასახედავით მოსულ გენერალს გადავეცი ხნიერ ჯარისკაცების თხოვნა, რომ მას მოესმინა მათი სათხოვარი. გენერალი ურიგო კაცი არ იყო, გამოელაპარაკა ჯარისკაცებს და შეპირდა, რომ მოახსენებდა მათ თხოვნას ბათუმში გენერალ ლიახოვს. გენერალმა კი მოახსენა ლიახოვს, მაგრამ მან შეტად იწყინა ასეთი განცხადება და საყვედური გამოთქვა ჩემზედ, რომ სათანადო გავლენა ვერ ვიქონიე, ასეთ განწყობილებას ადგილი რომ არ ქონოდა ჯარისკაცებში. თითქო მე მძლეთა-მძლე ვიყავი!

ჩვენი პირდაპირი უფროსი გენერალი „ზაჩაროხსკი“, დიდ გულადობის გამოჩენას ეპირებოდა და უცნაურად ფაფხურობდა. მტრის ხაზი დაშორებული იყო სულ უკანასკნელი სამოც ვერსზე. ჩვენსა და მათ შორის ისეთი მთები, უბსკრულები და ჩაჩეხილი ადგილები იყო, რომ ადამიანი ძლივს წარმოიდგენს. შტაბი ძანსულში იყო, ჩავარდნილ ადგილას. გენერალი შმოთავდა რომ ფანჯრებიდან სინათლე არ ყოფილიყო, მტერს არ დაენახა ჩვენი მდგომარეობა—ეს სამოც ვერსიდან. გენერლის ჯინაზედ, მისდა გასახელებლად ხან იქ, ხან აქ ჩამოხსნიდნენ ხოლმე ფარდებს, ცოტა ხნით გაანათებდნენ—გენერალი ირეოდა და არბენინებდა ჯარისკაცებს სინათლე ჩაეჭროთ. ეს ერთგვარ გასართობ საგნათ გადაგვექცა და ბავშვებით ვერთობოდით გენერლის გახელებით.

ვიყავით ჩამჯდარი ამ უდაბურ ადგილებში. წინ ვერც ჩვენ წავიწევდით, ვერც მტერი წამოიწევდა ჩვენსკენ. თითქმის ყოველ დღე, უთენისას უნდა შევემჯდარიყავი ცხენზედ და ცხენოსან ჯარისკაცის თანხლებით უნდა შემომეგვლო გუნდები. დაგბრუნდებოდი დაღამებულზე, დაღალულს დაგხვდებოდა აუცილებელი მიწერ-მოწერის ქაღალდები. გადასულ შუაღამემდღი ამას უნდებოდა ხანმოკლე დასვენება და უთენიას—ისევ ცხენი და გუნდებში გამგზავრება.

— გვიკვირს ყველას, რაობით უძლებთ ამდენ სიარულს—მითხრა ერთხელ მიმყოლმა ორდინარეცმა.

— უნდა გაუძლოთ, პეტროვსკი უნდა გაუძლოთ! უთხარი.

ჯარისკაცები, რამდენათ შეიძლებოდა, კმაყოფილი მყავდა: გენერალი კი ყოვლად შეჩვენებული არსება რამ იყო და რაც დრო გადმოედო მუტუისაჩხუბარი რამ ჩნდებოდა მასთან. ჩემი დაურიღებელი სიტყვა აჩხუბდა და ზედ ეტყობოდა ჩემი მოშორება უნდოდა. იშოვა ვითომ მის გუნებაში რალაც მიზეზი და ლიახოვს დაანიშვნინა ჩემი ნაწილის მდგომარეობა. გამოკვლევამ აღმოაჩინა რომ ნაწილი ჩინებულათ იყო შენახული, ჯარისკაცებმა განაცხადეს სრული კმაყოფილება ჩემს შესახებ, გენერალს ჩაუვარდა კოვზი ნაცარში. მაგრამ იგი მაინც არ წყნარდებოდა და ბოლოს მაინც თავისი ქნა. ორი ჩემი ნაწილის ჯარისკაცი ინჟინერთან მუშაობის დროს მოჭრილ ხის ქვეშ მოყვენ, გაიქეჯენ—კლდიაშვილის დრუჟინაში წეს-რიგი არ არისო. ჩამამართვეს ნაწილი და თბილისში გამომგზავნეს. ჩემთვის ეს ცუდი არ ყოფილა. რამდენიმე თვის შემდეგ ჩემი ყოფილი დრუჟინა ტრაპეზუნისკენ გადისროლეს და ბაიბურთთან დრუჟინაც ძრიელ მილეწეს და მოკლეს ჩემი ნაცვალის დრუჟინის უფროსი, მისი ადიუტანტი და სხვა. ბედი მფარავდა აღბათ.

თბილისში თვენახევარი ვიყავი. საქმე გავიჩინე საერობო კავშირში—მამანდევს შედგენა საერობო კავშირის მოქმედების ისტორია კავკასიის ფრონტზედ. ჩემი მუშაობა დიდხანს არ გაგრძელებულა, რადგან ლიახოვმა ბათუმიდან დამიბარა და ბათუმ—ტრაპიზონის სატრანსპორტო ხაზზედ პირონიტში კომენდანტათ დამნიშნა. პირონიტი ლაზისტანშია, ხოფას გადაღმა, ბათუმიდან ოთხმოც ვერსტის სიშორეზედ. პატარა სოფელი, მშვენიერი მდებარეობა. სანამ პირონიტში ჩავიდოდი უნდა გამოვცხადებოდე ჩვენი ხაზის გენერალს, რომელი რიზეში იმყოფებოდა; გვართ იგი პოპოვი იყო; ახალ ადვილას ისე აუბრჭყიალდა თვალები რომ დაურიღებელი მცარცველი შეიქნა; საქმე იმ ზომამდე მიიყვანა რომ ერთ დღეს ლიახოვმა მისი სახლი გააჩხრეკია და ბრძანებაში შეუბრალებლად გამოამხეურა მისი მცარცველობის ამბავი. ეს საზოგადო სენი იყო, რომლით შეპყრობილი იყო დიდი და პატარა.

რიზეში წასვლა გეხვდებოდა ტვირთის გადამტან გემით. ბათუმში შემხეტურმა მღვდელმა ხუნდაძემ მიჩნია მეორე დღეს წავსულიყავი მშვენიერ გოსპიტალური გემით „პორტუგალით“. ეს საუცხოვო გემი საფრანგეთმა გამოუგზავნა რუსეთს. მე არ გადავდევი წასვლა და ამის წყალობით უბედურებასაც გადავრჩი. მეორე დღეს წამოსულ „პორტუგალს“ რიზეს მახლობლათ მოეწია გერმანელი წყალქვეშა. გემზედ მყოფებმა შენიშნეს წყალქვეშა და არხეინად დასჩერებოდნენ, რომ ერთი იგრიალა, გემი შეინძრა და გადიხარა. გემი წყალქვეშამ ააფეთქა. გემზედ მყოფთ—ყვირილი, ვაება. მრავალი, განსაკუთრებით ქალები, ჩაყვა გემს, მრავალი გადაეშვა ზღვაში.

— მეც გადავეშვი ჩემი ანაფორიანათ წყალში ჩემ წინ მეზღვაური მიცურავდა, ვსტაცე თუხში ხელი და მაგრათ ჩეგეჭიდე... ვფიქრობ თუ ეს ვადარჩა მეც გადავრჩები..... ბატიუშკა გამიშვი ხელიო, დევილუპებით ორივეო... ამხანაგურათ მაინც დევილუპებითჟო გაუმასხრე ამ გამწარების წუთში მისდა გასამხნევებლად. ამ დროს ჩვენდა იღბლად ნავმა დაგვინახა და წყლიდან ამოგვი-

ყვანაო! კარგი ქენი რომ ჩვენთან არ წამჩადი! მომიყვა დახრობას ^{გადარჩენი-}
ლი მღვდელი.

ბედმა აქაც შემეწია თორემ მღვდლის რჩევას რომ ^{პეტროლი} კორტუ-
გალით წამოვსულიყავი უეჭველათ დავიღუპებოდი.

ბათუმში პირანიტში ზღვით წასვლას ვარჩიე ცხენით წასვლა. გადავიარეთ დანგრეული, მიყრუებული სარბა, მაკრიალი, ლიმანა; გადავცილდით ჩვენს სამზღვარს, ჩვედით მშვენიერ სოფელ აბისლაში, რომელში იქა-აქ თავის ადგილას შერჩენილიყვნენ მცხოვრებლები. გავიარეთ ორთა ხოფა, ხოფა სადაც ნაკლები ნგრევა ემჩნეოდა. მცხოვრებნიც ეტყობოდა, ისე არ გარეკილიყვნენ თავიანთ საცხოვრებლიდან, როგორც ეს წინა სოფლებში იყო. ხოფში—ბლომად დუქნები სხვადასხვა სავაჭროებით. ეს საბაზრო დაბაა იმ არე მარესი. აქედან პირანიტი ექვსი ვერსტია.

სალამო ჟამი იყო პირანიტში რომ მივედით. ჩემი მოგზაურობა სუსხიან სიცივეში, ზღვის ნაპირზედ ძვირად დამიჯდა. მეორე დღესვე ავით გაეხდი და ისეთი, რომ იძულებულნი იყვნენ ბათუმში ჩავეყვანეთ გემით საავადმყოფოში მოსათავსებლათ. თვეზედ მეტი გაჭირვებული ავადმყოფი ვიყავი. ბედმა მიმატანებია ჩემს ძვირფას მეგობარ ექიმთან, კონდრატი მხეიძესთან, რომელმა თავისი ძმური მოვლით სიცოცხლე დამიბრუნა და გადამსცა სამხედრო საავადმყოფოში ექიმ ალექსანდრე ქუთათელაძეს, რომელმა მეტად დიდი ამაგი დამდო ჩემს საბოლოოთ გამოჯანსაღებაში.

წელიწადნახევარი დევსავი პირანიტში. აქ აუარებელი ჩვენებურობა იყო—მუშა ხალხი გზების გაყვანაზედ მომუშავენი, აქვე იყვნენ წვრილი ვაჭრებიც. მოკლე ხანში ადგილობრივი მცხოვრებნიც გავიცანი—აქაურები ლაზები იყვნენ.

მახსოვდა ზაქარია ჭიჭინაძისაგან გახეთში მოთავსებული ცნობა, რომ სოფელ აბუისლაში განძრახვა ქონებით მცხოვრებლებს ქართული სკოლა დაეარსებინათ და ამას მეთაურობდა აბუისლელი მცხოვრები პასან ჰუსეინ აშივ ოლლი. მოვიკითხე ჩემს ნაცნობ ლაზებში ეს აშივ-ოლლი, შიბრეს არის ამისთანაო და შემპირდნენ რომ მოგიყვანთო.

ერთ დღეს მაცნობეს, რომ თქვენგან დაბარებული კაცი აბუისლიდანო. უთხარი შემოეყვანათ.

შემოვიდა შუახნის, ლაზურათ გამოწყობილი, მოკლე წვერით სასიამოვნო სახის კაცი. ეს იყო პასან ჰუსეინ აშივ-ოლლი.

— დაბძანდით! ქართული თუ იცით? არ ცოდნია.

ბედათ ჩემთან იმ დროს იყო მეგრულის მცოდნე პირი და თარჯიმნათ დავაყენე. ჩემმა სტუმარმა მომიყვა რომ, მართლაც მათ აბუისლელთმა გადასწყვიტეს ქართული სკოლის გახსნა, ქართულის სწავლა, რადგან ქართველები ვართო, ვიცითო. შეუგროვებიათ შვიდასი მანეთი და სტამბოლში გაუგზავნიათ კაცი რომ ნებართვა აეღო სკოლის გასახსნელათ, საქმე ახლა შეფერხდა, რადგან ომი ატყდაო და ამისთვის აღარავის ცალიაო.

ქართული აქ საკმაოთ გავრცელებულია; შეხვდებით ისეთ მოქართულეს

რომ პირდაპირ ვაოცდებით. ჩემი ბინის მახლობლად ცხოვრობდა მოხუცებული ვინმე მუსტაფა ბეჭირ-ოღლი; იგი ამბობდა, რომ ნამდვილი მისი გვარი ბეჭირ-ოღლი კი არ არის ჩხეიძეაო. მუსტაფა ისეთნაირათ ლაპარაკობდა ქართულსა ისეთი ლამაზი გამოთქმით, რომ ხშირად განგებ ავალაპარაკებდნენ, რომ მისი მშვენიერი ქართული მოგვესმინა.

განსხვავებული სიამოვნება გამომატევეინა ერთ დღეს ჩემთან ვინმე მოსულმა სოფელ ფალარგეთის მცხოვრებმა ჰასან დაირ-ოღლიმ. ეს იყო უკვე შეხნიერებული კაცი, მაღალი მოხდენილი, მეტად ლამაზი სახის; დარბაისელი; საოცარი შნოიანი ყოველ მის მიხვრა-მოხვრაში; მისი ქართული ლაპარაკი გასაოცარი რამ იყო — ეს ნამდვილი მუსიკა იყო. ამასთანავე ენამახვილი, სიტყვა მოსწრებული. დიდათ გამაზარა ამ მოხუცის გაცნობამ, რაც შემეძლო პატივი ვეცი მასაც მის მხლებლებსაც და ვთხოვე არ დავევიწყებინე. ჩვენ კარგი მეგობრები შევიქენით. იგი ნამყოფი იყო გურიაში; დიდ პატივნაცემ იყო ერისთავებში და ნაკაშიძეებში. საზოგადოთ აქაურებმა კარგათ იცინან ქართული, რადგან ხშირი მისვლა მოსვლა აქვთ დასავლეთ საქართველოში, როგორც მოვაჭრებს. დურგლებს, მეფურნეებს. ენა მათი იგივე მეგრულია.

ბათუმში ჩასვლისას იქ მოველაპარაკე საქველმოქმედო საზოგადოების წარმომადგენლებს, რომ მოევლოთ ლაზისტანის სოფლები და საზოგადოების თბილისელმა მთავარმა გამგეობამ კიდევცვე გამოგზავნა კონსტანტინე კობახიძე იმ დავალებით რომ მიეარ-მოეარა სოფლები და გამოერკვია მცხოვრებთა მიმართულეობა. კობახიძე ჩამოვიდა ჩემთან პირონიტში და აქედან მიდი-ბოდოდო სოფლებში. დიდათ კმაყოფილი ბრუნდებოდა იგი ხოლმე და აღტაცებით ყვებოდა ლაზებთან ნალაპარაკების შესახებ. ზოგ სოფელში ასეთ რამესაც ქონია ადგილი: სახლში, სადაც კრება იყო, შუაზედ ჩამოკიდებდნენ საფარებლებს, რომ ქალებსაც მისცემოდა საშვალება მოესმინათ საფარებელს ამოფარებულთ კობახიძის სიტყვა. კობახიძე უყვებოდა თუ ვინ იყვნენ ლაზები, აცნობდა მათ ისტორიულ ცხოვრებას და ამგვარებს. ყველგან დიდ ინტერესს იწვევდა ეს გაცნობიერება ხალხში.

ერთხელ განსხვავებული საუბარი მომივიდა. მაცნობეს ვილაც თქვენ გკითხულობსო; გამოვედი ოთახიდან, ჩემს წინ იოსებ ყიფშიძე — მოგზაურის ტანისამოსში. ზურგზედ პატარა ჩანთა, ხელში კოლოფი.

— იოსებ! მივიძახე გაკვირვებულმა — იოსებ, საიდან, რამ გადმოგავდო აქ?

იგი მოვიდა სოფელ ვიწედან, ფეხით პატოსია, სამგზავრო ტვირთის მზიდავის თანხლებით. იგი მოგზაურობდა ლაზისტანში ქანურ-მეგრულის შესასწავლის მიზნით. მთხოვა მომეხმო ადგილობრივი მცხოვრებნი რომ მათგან ჩაეწერა ხალხური ლექსები, ზღაპრები და თხზულებანი. მოვიხმე თავდაპირველად მოხუცი მუსტაფა. მუსტაფას ხან ქართულათ, ხან მეგრულათ გამოელაპარაკა; გულიანი მუსაიფი გააბეს, მაგრამ როცა იოსებმა იყწო წერა, მუსტაფა რაღაც შიშს მიეცა, ჩაჩუჭდა და ითხოვა განთავისუფლება — ავით შევიქენიო. მოხუცებულს შიში შეეპარა არაფერ სახითათოში გეებათ და ვერას გზით წინანდელ ხალისზედ ვერ მოვიყვანეთ. გავსწიეთ ზღვის ნაპირზედ დუქნებისკენ: აქ გამოვა-

ტანიე მაგიდა, დავაჯინე იოსები. შემოუსხი ლაზები და გაიმართა/ საუბარი. ლაზები გაკვირვებას იყვნენ ყიფშიძის ლაზური კილოკავებზე. ზედმიწევნით ცოდნით: თქვენ პირონიტულები ასე ხმარობთ ამ სიტყვას, არხავებო ყრახე, იციანო ვიწები ისე ამბობენო, სოფლები კი ამგვართ გამოთქვამენო. — შეყრილი ხალხი ისე დააინტერესა, ისე ჩაიყოლა, შეახალისა რომ პირდაპირ საყურებელი რამ სურათი იყო: — გატაცებული მეცნიერი ამოძრავებულ ხალხის შორის. მეორე დღეს ყიფშიძე შევაჯინე ცხენზედ, გავაყოლე კაცი და გავამგზავრე, როგორც მას უნდოდა ხოფაში, კვლევის გასაგრძელებლად, თან წერილი გავუგზავნე ჩემს კარგ მეგობრებს კვლენჯოდლებს და ომერიაზაკ-ოღლს რომ ხელი შეეწყობთ იოსებისათვის. ხოფაში და მის მიდამოებში ყიფშიძე ერთი კვირა დარჩა, გაცუცუბული მუშაობდა და დიდი პატივისცემა მოიპოვა მცხოვრებლებში.

საუბედუროთ ასეთი კარგი შემთხვევები იშვიათი იყო. უფრო ხედავდი საძაგლობას და საზიზღრობას, ნამეტურ როცა დაიწყეს ბრიყული საქმე — ბათუმ-ტრაპეზუნდის რკინის გზის გაყვანა ზღვის ნაპირით. იქამდისინ, აკვდებოდნენ ფართო საავტომობილო გზის გაყვანას ტრაპიზუნამდი; როგორც იყო გაიყვანეს კიდეც, მაგრამ გზა რამოდენიმე ადგილას შეაგდეს ისეთ მწვერვალებზედ, რომ ნოემბრიდან გაუკვალავი თოვლი ეყრებოდა და გზა იკეტებოდა. გამოჩნდა, ალბათ არა სრული ჭკუის პატრონი კაცი, როგორც მისი პროტექტორი მთავარი ნიკოლაი ნიკოლაევიჩი, რომელმა წარმოადგინა რკინიგზის გაყვანის გეგმა ტრაპეზუნდში სულ მოკლე ხანში. ეს იყო ვინმე პოლკოვნიკი ვერდერევსკი, ინჟენერიც არა — მესანგრეთა აფიცერი. რუსეთის დასავლეთ ფრონტზედ ერთ დიდ დასაჭირზედ მან გაიყვანა რკინის გზა თექვსმეტი ვერსის სიგრძეზედ რამოდენიმე დღის განმავლობაში (რასაკვირველია სწორ ადგილზედ); ამით ისე მოხიბლა მთავარ სარდალი ნიკოლაი ნიკოლაევიჩი, რომ აღარავის ინჟენერს აღარ იკარებდა გზების თაობაზედ, ვერდერევსკის გარდა. ახლა კავკასიის ფრონტზედ გადმოსულ მთავარს გეგმა წარუდგინა ბათუმ-ტრაპიზუნის რკინის გზის გაყვანის შესახებ ერთი წლის განმავლობაში, გიჟმა გიჟი მონახა — გაიჩარხა საქმე. გეგმა მიღებულ იქმნა; ვერდერევსკი მათრახით ხელში შეუდგა რკინისგზის შენებას, ერთი თვალის დახამხამებაში გახურდა მუშაობა; ბათუმიდან ტრაპეზუნდამდე ერთბაშით მიაფინეს აუარებელი სამუშაო. მასალა, მომუშავე ხელი, მოყარეს უამრავი ტეხნიკები, ინჟენერები, მოსამსახურეები — უმრავლესობა იყო გადმოყვანილი ჩრდილო რუსეთიდან, მურმანის რკინი-გზის ნამუშევრები; უბრალო მუშებიც, თითქმის ერთიანათ რუსეთიდან ჩამოიყვანეს. გაცოცხლდა ზღვის ნაპირა ადგილები მიმსვლელ-მომსვლელ მოტორებით, ბარჯებით, სანდლებით, რომლებით გადაქონდათ აუარებელი საშენი მასალა, სურსათი ამ აუარებელ ხალხისათვის. ხალხი ჭიანჭველასავით ფუსფუსობდა, გაცხარებული მუშაობა იყო, მაგრამ... მაგრამ მხოლოდ სწორ ადგილებზედ. სალი კლდეები ბევრ ადგილას, დიდ მანძილზედ რომ ეწვებოდნენ აღმართული ზღვაში ამაყად იდგნენ და ყრუთ იყვნენ, ვინ შეარყევდა მათ? რა მანქანა შეამტვრევდა მის სიმაგრეს? რა ძალა გაასწორებდა ამ საღ კლდეებს და ბარს? ეს იყო ნამდვილი გიჟური შანტაჟი, კლასიკური შანტაჟი, დღვისათვის ზღაპარი; ვისაც არ უნახავს მის-

თვის ძნელად წარმოსადექი, დაუჯერებელი ამბავი—რომელმაც შთაბრძნობა, რამდენათ ვიცი, ოთხმოც მილიონადი. ბათუმ-ტრაპეზუნის რკინის გზა, ზღვის ნაპირზედ, ერთი წლის განმავლობაში; აშენებული უვიცისაგან, კოლნის მაგიერ მათრახით ხელში. ეს ნამდვილი რუსული რწმენა—მაგრათ უბრძანე და ბრძანებით ქვისგან წყალს გამოადენიებო.

სწორდებოდა ყველგან სწორი ადგილები, იჭრებოდა ასწლოვანი ხეები. ინგრეოდა სახლები სულ ტყუილა უბრალოთ. პირონიტში დარაჯები მყავდა დაყენებული, რომ ხელი არ ეხლოთ იმ მშვენიერ ცოცხებისათვის ზღვის ნაპირას რომ შეენებით ამართულიყვნენ, იმ რამოდენიმე ლამაზი შენობებისათვის აქვე რომ იდგა.

— ჯერ ეს კლდეები მოასწორეთ! ვეუბნებოდი და ვუთითებდი იმ სალ კლდეებზედ მარჯვნივ და მარცხნივ რომ აღმაცერად ეშვებოდნენ ზღვაში.

ეს გაგიჟება იყო, ნამდვილი გაგიჟება დასამხობლათ გამზადებულ წესწყობილების მონათა. ყველაფერი იმხობოდა, ინგრეოდა. ყოველ დღე, ყოველ მხრიდან—დამარცხების, გახრწნის ამბები. რყევა, რღვევა—დღითი დღე.

პირონიტიდან წამოსული ქუთაისში ვიყავი რამოდენიმე დღით. უჩვეულო მოუსვენრობა ემჩნეოდა ყოველ ფეხის გადადგმაზედ. პეტერბურგიდან არეულად და არეული ამბები მოდიოდა. ათასი ხმები, ჩუმი ლაპარაკი; ერთგვარი შიშიანობა. ახალი ამბების გასაგებათ ყოველ დილას მივეშურებოდი შავი ქვის მრეწველთა საბჭოსაკენ. აქ მუდამ იყვნენ თავმოყრილი ჩვენი მოწინავე პირები; ისმოდა გაუბედავი გადმოცემა ახლად ჩუმათ მოსულ ამბების; ეს ახალი ამბები თანდათან მრავლდებოდა. ერთხელ შეწყდა ყოველგვარ ამბების მოსვლა; აღარათყერი ისმოდა თითქმის სამი დღის განმავლობაში. პეტერბურგი გაჩუმებული შეიქმნა. ჩვენც საბჭოში კიტა აბაშიძის მაგიდას უსხედით გაჩუმებულნი ახალი ამბის მომლოდნენნი.

— რაღაც ამბავია პეტერბურგში! გაისმოდა ამ სიჩუმეში.

— უსათუოთ! წაილაპარაკებდა მეორე.

დილაა. ვზივართ საბჭოში კიტას გარშემო ახალი ამბის მოლოდინში. მძიმე სიჩუმეა.

უცებ გაიღო კარი და ოთახში შემოვარდა აღელვებული ქუთაისის ქალაქის თავი ილიკო ჩიქოვანი. ხელში ქალაქი უჭირავს; აღელვებული მივარდა კიტას, გადაეხვია და გადაჰკოცნა.

ყველანი წამოვცვივდით.

— რა ამბავია, ილიკო, რა არი?

— წაიკითხე! ამბობს აღელვებული ჩიქოვანი, რომელმაც კიტა აბაშიძეს გადასცა ხელში რომ ქონდა დეპეშა. კიტამ წაიკითხა დეპეშა. დეპეშა იყო ნიკოლოზის გადადგომის და დროებითი მთავრობის სახელმწიფოს სათავეში ჩადგომის შესახებ.

— ვაშა! ურა! ვაშა, ურა! გაისმა ოთახში. ერთი თვალის დახამხამებაში ოთახი აივსო საბჭოს მოსამსახურეებით.



— ვაშა! ნიკოლოზი აღარ არის! მოისპო თვითმპყრობელობა! ისმის ყოველმხრიდან, მაგრამ სიხარულს რაღაც გაუბედაობა ახლავს.

— როგორ მოვიქცეთ ახლა? თქვა ჩიქოვანმა.

— წავიდეთ ქალაქის სამმართველოში და იქ გამოაცხადე მიღებული დებეშა! უთხრეს ჩიქოვანს და ყველანი აღელვებულნი გაემართნენ ქალაქის თვითმართველობის სამმართველოსაკენ. მიღებულმა ამბავმა თვალის დახამხამებაში შემოიარა მთელი ქალაქი, ეცნობა ყველას.

სიხარული, ერთმანეთის მილოცვა, ყვირილი, ყიჟინი, სიმღერა, ქუჩებში აუარებელი ხალხი, აღელვებული, ხმაურიანი მოლაპარაკე.

— მოვესწარიოთ, მოვესწარიოთ! გაუმარჯოს თავისუფლებას! ვაშა! ვაშა!

მარსელიოზა, ინტერნაციონალი, მოდის ბაირალები.

ბულვარი აივსო ხალხით. ესტრადაზე გროვა აღელვებულ ორატორების; მხურვალე სიტყვები — პასუხად მძლავრი ტაში.

— ძირს თვითმპყრობელობა! გაუმარჯოს თავისუფლებას! ისმის შეუწყვეტელი ყოველგან, ყოველ ფეხის გადადგმაზედ, ყველასაგან.—

* * *

ლიტერატურულ გზაზედ განცდილის შესახებ ცოტაოდენი რამ უნდა დაუმატო.

მწერლობა ძალიან ადრე დავიწყე. მეორე კლასში ვიყავი მოთხრობა რომ დავწერე რუსულად, რადგან ქართული დავიწყებული მქონდა. რამ დამაწერია, სრულიად აღარ მახსოვს. მახსოვს კი რომ მოთხრობის გმირი სისხლში სცურავდა, მარჯვნივ და მარცხნივ ჰკლავდა ყოველ შემხდურს. ნაწარმოები ხელში ჩაუვარდა აღმზრდელს (კლასის დამრიგებელს) რომელმაც წაიკითხა და სიცილით მითხრა:

— ძალიან გეტყობა აზიელობა! ამდენი სისხლის დაღვრა გაგიგონია?! დაანებე თავი, სისულელეა!

შევსმინე აღმზრდელის დარიგება და მივატოვე მწერლობა. მაგივრათ თავი მივეცი კითხვას. აღმზრდელიც ისეთი გვყავდა, რომელს დიდათ უყვარდა ლიტერატურა და ჩვენც გვაყვარებდა და გვაცნობდა მას. ხშირათ დავყავდი თეატრში—იმ დროს კიევში მშვენიერი ოპერა იყო ყოველი წლებით. რუსული მწერლების გაცნობიდან ინტერესი დამებადა ქართული მწერლობისადმი და თუმცა გიჟირვებით, ძლივს ვკითხულობდი ქართულს, მაგრამ ქართულ წიგნს არ ვეშვებოდი. საქმე გამიადვილდა ნიკო ლომაურის და მისი ამხანაგების გაცნობის შემდეგ. ამათი წყალობით მუდამ მქონდა ქართული წიგნი და მათგან ვეცნობოდი ქართულ მწერლობას და ისტორიას.

მოსკოვში, სამხედრო სასწავლებელში ყოფნის დროს, გიმნაზიის გათავების შემდეგ, გადავთარგმნე ლომაურის მოთხრობა „ალი“. მივიტანე ჟურნალ „რუსკი ვესტნიკი“—ის რედაქციაში. რედაქციამ რამდენიმე ხნის შემდეგ გამომიცხადა, რომ თარგმანი არ დაიბეჭდებაო, რადგან მოთხრობა მეტად დაუჯერებელ ამბავს მოგვითხრობსო. დარჩა დაუბეჭდელი თარგმანი.

სასწავლებელში კხოვრება დიდ მასალას იძლეოდა ასაწერად და ამის გამო რამდენიმე ამხანაგის თანამშრომლობით ვცემდი პატარა ჟურნალს, რომელს ბლომათ ყავდა მკითხველები. რუსეთიდან დასრულებული შეუდევქი ქართულის შესწავლას. ამაში დიდათ ხელი შემწეობდა ჩემი მოგობამ როგორც ზევით მქონდა მოყვანილი, ბათუმში ისეთი ოჯახი დამხვდა როგორც იყო ღურმიშხან და ქეთევან ქუთულის ოჯახი; დაუახლოვდი, ხშირად ბათუმში ჩამომავალ ჩვენ არტისტებს. თან ვიწაფებოდი წერაში—ვთარგმნიდი ხან გერმანულიდან, ხან ფრანგულიდან. პირველი თარგმანი, ჩემი სახელი და გვარით მოწერილი, დაიბეჭდა ვასო აბაშიძის ჟურნალ „თეატრ“-ში 1885-ში.

წადილი დიდი მქონდა ჩვენი ცხოვრებიდან რაიმე დამეწერა, მაგრამ ვერ ვებედავდი.

ერთხელ გრიგოლ ვოლსკიმ მე და ალექსანდრე აბაზაძეს გვითხრა—ყოველ შაბათობით ერთმანეთისათვის წაგვეკითხნა, რასაც დავსწერდით. ერთ ამისთანა შაბათს მეც მივიტანე ერთი პატარა სურათი. შეუდევქი კითხვას: ვამჩნევ, რომ ჩემი ნაწერები ვერავითარ შთაბეჭდილებას ვერ ახდენს—შევჩერდი.

— დათიკო! მითხრა ღიმილით ვოლსკიმ—შენ კორესპონდენციას სწერ თუ მოთხრობას? მეგობრული სიტყვით გაიცინა. უეცრათ დავკეცე რვეული და უბეში ვიტყუე.

— რას შევბი, კაცო?.. წაიკითხე განაგრძე! შემომძახეს ორივემ, მაგრამ მე უარზედ ვიყავი. ნაწარმოები წავიღე და მაგრათ ჩავკეტე. გაიხრა თითქმის ორმა წელიწადმა და ამ უშნო, კორესპონდენციის მაგვარ ნაწერიდან, გამოკეთდა ორი მოთხრობა; „შერისხვა“ და „მსხვერპლი“. „მსხვერპლის“ შესახებ ჟურნალ „მოამბის“ რედაქტორ ალექსანდრე ჭყონიასაგან წერილი მომივიდა: მოთხრობისათვის დიდ ნაძლობას იწერებოდა და თან იმასაც მწერდა, რომ აწერილი სურათი მეტად შავ-ბნელიაო, მძინე შთაბეჭდილებას ტოვებსო და თან უმატებდა: ნუ თუ მართლა ასეთი სიბნელით არის მოცული სოფლის ცხოვრებაო; საჭიროა უფრო შენელება სურათის. ეს რჩევა მიღიბული დარჩა ჩემგან; ის კი არა ვნანობდი რომ ბევრი რამ განომრჩა, აჩქარების გამო.

წაქეზებულმა რომ ნაშრომები კარგათ იქნა მიღებული, შეუდევქი მესამე მოთხრობის წერას—„სოლომონ მორბედაძე“-ს. მოთხრობა დაიწერა სულ მოკლე ხანში და ისეთი გატაცებით, რომ თავათ გაკვირვებას ვიყავი რომ ისე იოლად მოვერიე და მალე დავამთავრე. მაგიერათ მეტად დიდი გასაჭირი მომაცენა შემდეგ მოთხრობამ „წრფელი გული“—რომ ააქვს სათაურათ. ჩამოყალიბებულ, ჩამოსხმულ მოთხრობას ვერ მოუნახე პირველი სტრიქონი. ჩემთვის ეს პირველი სტრიქონი ყოველთვის ტონის მომცემი იყო; ამ პირველ სტრიქონიდან, ასე ვთქვათ, გასრიალდებოდა მოთხრობა. იგი ტონს აძლევდა მოთხრობას. დიდხანს ვარჩევდი თუ როგორ დამეწყო, რა სიტყვებით შეესდგომოდი წერას,—საჯეროს ვერ ვნახულობდი. ერთხელ მე და გრიგოლ ვოლსკი ბათუმის ბულვარში ვართ; ზღვის ნაპირას ვხივართ. ვოლსკიმ თქვა,—ერთი ჩვენი კარგი ნაცნობისას წავიდეთო; დავეთანხმე; გამოვდივართ ბულვარიდან; გზაში ჩემი მოთხრობა განახსენდა, ჩემი გმირები ალაპარაკდნენ; ვოლსკი რაღაცას

მეუბნება—მე არ მესმის. უცებ ჩემ თვალ წინ, თითქო ჩამოვარებული თარდა გადიწია, და ჩემი მოთხრობა თავიდან ბოლომდინ ერთ წუთში გაქცამეშალა... დასაწყისიც აგერ არის, ნაძებარი დასაწყისი, რომელს გაყვა, გაყვა რაღაც გატაცებით სიტყვა, წინადადება, სურათი... სურათები ბოლომდი.

— მე არ მოვდივარ, გრიშა! უთხარი და გავეშურე ბანაკისაკენ, სადაც ამ ხანათ ვიყავი.

— რა იყო, რა მოგივიდა? მეკითხება გაკვირვებული ვოლსკი, მე კი აჩქარებული ნაბიჯით მივდივარ; მივედი ბანაკში, შევედი ჩემს კარავში, ჩამოვუშვი შესავალი კალთა, გადმოვიღე ქალაღი და გატაცებით ვიწვე წერა, წერა გატაცებული.

ეს, მუშაობა კი არ იყო, იყო უმაღლესი სიამოვნება.

ამგვარივე გატაცებით ნაწერია „სამანიშვილის დედინაცვალი“. ამ მოთხრობას ბედი ეწია ჩემი ძვირფასი მეგობრის ექიმ კანდრატი ნხეიძის წყალობით. კანდრატი მხეიძე და ალექსანდრე ლორთქიფანიძე (ნიკო ლორთქიფანიძის უფროსი ძმა) იყვნენ ის პირები, რომელთ ვუყვებოდი ყოველ განძრახულ მოთხრობების შინაარსს, სურათებს, წვრილმანებს. განსხვავებული ხალისით შევუდგებოდი ხოლმე მათ მომართვას.

— აბა, მოყევი!—და მეც მოყვებოდი. მოთხრობა ამ მოყოლაში შენდებოდა, მუშავდებოდა იოლათ, ხალისიანათ.

„მოამბეს“-ს რედაქტორი, ალექსანდრე ჭყონია წერილს წერილზედ მიგზავნიდა ჟურნალისთვის უსათუოდ რამე გამომიგზავნეო. იმ ხანად მქონდა პატარა ნაწყვეტი რაც „სამანიშვილის დედინაცვალშია“—პლატონის სიზმარი. უთხარი მხეიძეს—როგორ მიჩვენე გავუგზავნო თუ არა ეს პატარა „სიზმარი“...

— ნუ სულელობ! შემომიტია მან—შენ ისეთ რამეს ყვები, რომ თუ არ აჩქარდები მშვენიერი მოთხრობა იქნება! არ გაგზავნო იცოდე!

დაუჯერე მეგობარს და მოკლე ხანში პატარა სიზმრის მაგივრათ დაიწერა მოზრდილი მოთხრობა. კვანძი, ძარღვი მოთხრობის მოცემულია იმ საუბრებით რომელიც მქონია ხოლმე ჩემს სიმაერთან პავლე მაჭავარიანთან. ჩემთვის ძვირფასი პიროვნება იყო იგი. კარგი შეძლების კაცი, გამოცთილი, შეგნებული, ცხოვრებაში ჩახედული, ჭკუიანი, ენა მახვილი. იგი საყვარელი ადამიანი იყო თავის კუთხეში. მისი ოჯახი მუდამ სავსე იყო სტუმრებით; მოხუცი, ახალგაზრდა, ყმაწვილობა თავს იყრიდა მის ოჯახში. ვის არ ნახავდი აქ, რას არ გაიგონებდი! ცხოვრების გასაცნობათ საკმარისი იყო აქ მოქცეულიყავი რამოდენიმე ხნით. გლეხობა დიდ პატივსცემდა მას და მის ოჯახს, რომელი ყოველი გაჭირვებულის გამკითხავი იყო, დამხმარე და დამრიგებელი. ავით ოჯახის უფროსი ცოლიან-შვილებიანათ გაბმული იყვნენ მუშაობაში, რაც საშუალებას აძლევდა კმაყოფილ ცხოვრებისთვის: მიყვარდა აქ ყოფნა, მიყვარდა მოხუცთან საუბარი, მიყვარდა და მაინტერესებდა მის ოჯახში მოსიარულეთა თვალის დევნა. აქ შევეწყო ხელი ჩემს ლიტერატურულ მუშაობაში.

— ვერა ხარ კარგი კაცი. ამ მოთხრობაზედ უნდა მიგეწერა, მოთხრობა

დავით კლდიაშვილის და პავლე მაჭავარიანის! — ხუმრობით მეუბნებოდა მოთხრობით ნასიამოვნები მოხუცი.

მოთხრობამ დიდი სიხარული და აღტაცება გამოიწვია „მოაზრება“-ს რედაქციაშიაც. ქყონიამ ვრცელი წერილი გამომიგზავნა განსხვავებული სიტბოთი დაწერილი, სიხარულით, რჩევით, დარიგებით სავსე. ბედს ვერ დავემდურები — ჩემს ნაშრომებს მუდამ ხვდებოდა ასეთი თბილი მიღება, რაც მე მხდებოდა მეტ ფხიზელ მომუშავეთ.

როცა „სამანიშვილის დედინაცვალი“-ს ბეჭდვა დასრულდა ჟურნალში, პეტრე უმიკაშვილი შემხვთა ბათუმის ბულვარში; მასთან იყო არტურ ლეისტი.

— მე შენ ხმას არ გცემ! შემომიტია პეტრემ. — რიგიანი კაცი მეგონე, თურმე კი ზარმაცი, ამჩატებული, უხეირო ყოფილხარ.

— რატომ, ბატონო პეტრე, რატომ? შევეკითხე.

— რატომ და მიტომ — ასე მალე დაათავე სამანიშვილის მოგზაურობა!... ვადმოვიყვანდი ქართლში, იტიდან კახეთში — რა სურათი იქნებოდა, რა იქნებოდა! შენ კი ასე მალე მოანახვие დედინაცვალი!

— არ ვიცნობ ქართლსა და კახეთს!

— გაიცნობდი, გაიცნობდი, შე ზარმაცი, ზარმაცი დათიკო! თან წყრებოდა, თან ხითხითობდა გულიანათ — შენი ტირიმე რა ლაზათიანათ გაქვს დაწერილი! და შეუჩერებელი სიცილით მოუყვა ჩვენს საერთო ძვირფასს მეგობარს ლეისტს მოთხრობის შინაარსი.

— ნუ ჩქარობ, თუ გიყვარდე! ყურს ნუ უგდებ ჟურნალს... გაჩქარებენ, ახალ ახალი მასალასტირიათ და გიშლიან მუშაობას! თუ გიყვარდე ნუ აჩქარდები ხოლმე... შენ რომ სურათი მომეცი იმას ეჭირვება დამუშავება, შიგ არა გაქვს შეტანილი ზოგიერთი რამ, მე რომ ნიამბე; თუ გიყვარდე ნუ აჩქარდები!

ეს იყო სურათი „მრევლში“... მთელი ერთი წელიწადი მქონდა იგი გაუგზავნელი და ამ ხანში შესამჩნევად გადამუშავდა.

ვიმეორებ — ბედი მწყალობდა. სიყვარულიანი, თბილი, ენერჯის გამაღვიძებელი სიტყვა ზედმეტათაც მხვდებოდა. კიტა აბაშიძე, ივ. გომართელი, ილ. ნაკაშიძე, ხომლედი (აკაკის კრებულში), საშა წულუკიძე, (ნოვოე ობოზროენიაში), თავიანთ თანაგრძნობით პირდაპირ მაქეზებდნენ და მიწვევდნენ სამუშაოთ, განსაკუთრებით პირველი ორი.

ამგვარივე მოსიყვარულე პირები შეხვდა სცენაზედ ჩემს პატარა პიესებსაც.

პირველად თბილისში დაიდგა „ირინეს ბედნიერება“. პიესა რომ იტყვიან — ჩაფლავდა. ჩაფლავდა უცნაურათ; თბილისელები სრულიად ვერ მიუდგნენ პიესას; ვყურობ და ვკვირობ — ჩემი სახეები სად გაქრნენ, სად გადასხვატერდნენ?! გათავდა წარმოდგენა ულაზათოთ, უშნოთ. ვწუხვარ.

— დათიკო, ნუ შეწუხდები! მითხრა წარმოდგენაზედ მყოფმა, ქუთაისიდან ჩამოსულმა ლადო მესხიშვილმა, შეწუხებული რომ დამინახა, — ნუ შეწუხდე

ბი, ნე ვაჩვენებ როგორ უნდა ითამაშებოდეს შაგ პიესა; ამ დღეებში ჩავბრუნდები ქუთაისში და ერთ თვეში მიიღებ დეპეშას, და უსათუოდ ვმოდინდა დაესწარი წარმოდგენას. ახლა ნუ სწუხარ! თბილათ, სიყვარული ჩნდება მანუგეშა ლადომ.

მეორე დღეს „თბილისის ლისტოკ“-ში რეცენზენტმა პირდაპირ ბდღვირი ამადინა.

გავბრუნდი ბათუმში გულდაჩაგრული, ლადოს დანაპირებით შემავრცბული.

არ გაუვლია თვეს, ლადოსაგან დეპეში ზივილე—პიესა მიდისო და ამოდო. გავეშურე ქუთაისისკენ გულაძგერებული. დილით რეპეტიციაა.

— დათიკო, დაჯექ და უყურე; მერე მითხარი თუ რამ აკლდეს! მითხრა ლადომ.

დაიწყო რეპეტიცია. ყველა ხალისიანათია; ხალისიანათ იწყება: აბესალომს თამაშობს შალვა დადიანი—ჩინებულია; აგერ შემოფაფხურდა ფილიპე—ვასო ბალანჩივაძე, ჩემი ფილიპე, ნამდვილი ფილიპე; ჩემს სიხარულს სამძღვარი აღარ აქვს; როდამიშვილი—გიორგი თუთბერიძე, ირანე—გვეტაძის ქალი. სიხარულისაგან გაბრუნებული ვარ.

— გაქვს რამე სათქმელი? ღიმილით მითხრა ლადომ, მოქმედება რომ დათავდა.

— არაფერი, შენ გენაცვალე! მიუგე.

— ასე იქნება მეორეც! ახლა წადი სახლში, დაისვენე და დროზედ მოდი! დღეს ჩვენ გავიმარჯვებთ! ხალისიანათ წამოიძახა ლადომ.

მივედი სახლში, ძლივს სადილი ვჭამე—ვღელავ, შიშში ვარ, მაგრამ რომ ვნახე!.. აღელვებულს ძილი ისე მომრევია ნასადილევს, რომ ძლივს გამალვიძეს. მივდივარ თეატრში—თითქო ეგ ზამენზედ მიმავალი ვყოფილიყავი.

ლადომ დამარონია სცენა, ნორთულობა მანახა და მითხრა:

— მე ვიცი და შენმა პიესამ!.. მე აგერ ვიქნები! შენ ლოჯიდან უყურე!

აიხადა ფარდა. იმის აწერას, თუ როგორ დაიწყო პიესა, როგორ მიდიოდა, როგორ ჩატარდა, ამას არ მოგყვები. ეს იყო გრძლად გაბმული სიხარულის წამები, დაუვიწყარი წამები. ახმაურებული, აგუგუნებული ხალხი გამოეფინა თეატრის დარბაზიდან; ბნელ ქუჩებში ისმის მხიარული ლაპარაკი, სიციინი, ხითხითი. მივდივარ სადგურისკენ, რადგან უნდა გავბრუნებულიყავი ბათუმში, მივდივარ და გარშემოდან მესმის, — რაც გულს სიხარულით ავსებს.

ძვირფასმა ლადომ მაჩუქა ის დაუვიწყარი წუთები. ერთ კვირაზედ ვასო ბალანჩივაძე მიწვეული იქნა თბილისში და თავის თამაშით ალტაცებაში მოიყვანა საზოგადოება და პიესა სიცოცხლეს დაუბრუნა.

„დარისპანის გასაქირი“-ც ბედნიერი გახდა. დარისპანმა იპოვა თავის მოსიყვარულე, განსხვავებული მოსიყვარულე გამომსახველი—ვალიკო შალიკაშვილი.

დარისპანი კაროჟნას დაათრევდა, მე კი ორივეს; მინდოდა რივიან რამ ყოფილიყო. ნატო გაბუნიაშ მთხოვა პიესა მის საბენეფისოთ. შევეთავაზე „დარისპანის გასაქირი“. პიესა წაკითხული იქმნა, პართენ გოთუასს მოეწონებულა. მაგრამ ნატომ არ დადგა, არ მოეწონა მართა. ამით ისარგებლა მხატვარმა და თავის ბენეფისზედ დარისპანის როლით გამოვიდა, და ეს იყო ნამდვილი სიყვარულიანი დრამა, სიყვარულიანი მხატვრობა, ავტორის გადუბთელი დაჯილდოვება. ასეთივე სიყვარულიანი მიღება შეხვდა „უბედურება“-საც, შალიკაშვილის და კონს. ანდრონიკაშვილის მხრივ. განსაკუთრებული სიყვარულით გამითბო ჩემი პიესები, გამიცოცხლა და გამიშუქა აკაკი ფალავამ.

ეს სიტბო, ეს სიყვარულიანობა თან ახლდა ჩემს ლიტერატურულ შრომას, არასოდეს არ დაკლებია იგი და ამიტომაც ჩემი გავლილი ლიტერატურული გზა ბედნიერად გავლილ გზათ მიმაჩნია.

დავ. კლდიაშვილი.

(დასასრული).



შიო არაგვისპირელი

(გარდაიცვალა 2 იანვარს 1926 წ.)

ქართულმა ლიტერატურამ დაჰკარგა სიტყვის დიდი ოსტატი. პირველი ფრაზიდანვე გაგრძნობინებდათ მომხიბლავ გრაციულობას და პირველი სურათითვე დაგატყვევებდათ.

არ შეიძლება მისი ეტიუდი ბოლომდის არ ჩაგეკითხათ. ყოველი გამოთქმა, ყოველი წერტილიც კი რალაც ემოციას აგიფართქალებდათ. სადა ენა, მოკვეთილი სურათი, უკიდურესობამდე დახვეწილი ფრაზა: მოკლე, მკაფიო, მჭრელი. არც ერთი ზედმეტი ბგერა, სიტყვის უდიდესი ეკონომია.

სურათი ცოცხალი და მწველი. ყოველ ნაკვთს ფიზიკურად გრძნობ. შიოს აწერილი ნამი უსათუოდ ლოყაზე ნოგებკურება, მისი კია-მაია ხელზე დაგიცოცავს, წვიმის წვეთები სხეულს გისველებენ.

ყველგან პრიმიტიული ქანდაკება, ყოველ სურათში მარმარილოს ხადა ნაკვეთი, ორგინალური პროფილი, არსად შაბლონი. სიტყვა ახალ ლეჩაქში, ახრი ახალ დოლბანდში...

ასე არ სწერდენ იმ დროს, როდესაც შიო არაგვისპირელმა მოჰკიდა კალამს ხელი. სტილის მხრივ შიომ უსათუოდ ახალი საიტყვა სიტყვა ჩვენს ლიტერატურაში.

სალიტერატურო ასპარეზზე იგი გამოდის 1890—ს წ. ჩვენი პროზა ამ დროისათვის თითქმის სრულად. ჩამოყალიბებული იყო. ილია ჭავჭავაძემ მძიმე, მაგრამ სიტყვის უაღრეს ეკონომიაზე აგებული ენა თავისი „ოთარაანთ ქვრივი“—თ 1887 წელში საბოლოოდ ჩამოქნა. ყაზბეგის სტილი თითქმის ვერსად ვერ იტევდა ამ დიდი გულის სიღრმეში აჭაფებულ გრძნობებს და ყოველ ფეხის ნაბიჯზე წონასწორობიდან გამოდიოდა. თქვენ გრძნობთ მოხეტქილ გრძნობათა თქვენს და სტილის უსწორ-მასწორობაც აშკარაა. არ შეიძლება ამ მთიულ ნიაღვარს შიოს მგრძნობიარე არსებაც არ გაეტაცებია, მაგრამ მისმა შემოქმედებითმა ნიჭმა ძლიერ გრძნობას, სტილის ცივი მარმარილოც დროზე აღუმართა.

ნიწოშვილიც უკვე დასრულებული ფიგურა იყო ამ ხანებში. არაგვისპირელი შეეცადა, რომ არც მას დამსგავსებოდა და კიდევ შესძლო ეს.

არ შეიძლება, სტილის შესახებ ლაპარაკით, ადამიანმა იგრძნოს სტილი სიმშვენიერე. საჭიროა თვითონ ამ სტილის გაცნობა. შიშის სტილის ცენტრის წყალისებურ ცახცახს თქვენ მაშინ იგრძნობთ, როდესაც წაიკითხავთ მის საუკეთესო მოთხრობებს ესკიზ-ექიუდებს: „მიწა“, „ჩემი პირველი სიყვარული“, „მხრები და ავიჩეჩე“, „არ გვინდა არა“ და შრავალი სხვა—აი მისი სტილის დამახასიათებელი ნაწარმოებნი.

პირველი ჩვენი მწერალი, რომელმაც სტილში ქალაქური ნერვიულობა და თრთოლვა შეიტანა, არაგვისპირელი იყო. აქამდე ჩვენი ლიტერატურა სოფლის იდილიებში და ლანდშაფტებშია ჩაფლული. ნელა მოძრაობს, არ ვჩქარება, პატრიარქალურის სიდინჯით შლის სახეს სახეზე. გრძელი სიტყვა, კრიმანქულები, ქარაგმები...

შით კი ქალაქურად ნერვიულობს, ელექტროს ზონარივით გაელენთილია დინამიურობით და მისი სიტყვაც ამ ნდგომარეობის შესაფერისია.

* *

მთელი თავისი შემოქმედებაც შიომ ამ ნერვიულობის გარშემო გაშალა: ფსიქოლოგიური ეტიუდები—აი, მისი საყვარელი ლიტერატურული ფორმა. ამ გზით აპირებს იგი ადამიანის შესწავლას და მისი რაობის გადმოშლას. მთელი თავისი ნიჭი და შემოქმედება, არაგვისპირელმა ამ საკითხს შესწირა.

მართალია, მას აქვს ისეთი მოთხრობებიც, სადაც ის ჩვენს ყოფა-ცხოვრებასაც ეხება: აგვიწერს გლეხის ჭირ-ვარაშს („ჩემი ბრალი არ არის, ღმერთო“, „მერე რილათი იცხოვროს“, „არ გვინდა, არა“, „ესაა ჩვენი ცხოვრება“, „ჩემო შვინდაე“ და სხვა...) და მთავრობის თავგასულობას, მაგრამ ამ მოთხრობებში იდეურის მხრივ იგი სრულებით არ არის ორიგინალური, და ის „ტეტიათა მოტრფიალეების“ და ნიწოშვილის ხაზს აგრძელებს. გლეხის სიღარიბე, უვიცობა, უუფლებობა, ჩარჩების თარეში,—ყოველივე ეს დაკვირვებით აგვიწერეს ს. მგალობლიშვილმა, რ. ერისთავმა, ლომაურმა და სხვ... და რომ არაგვისპირელი ბოლომდის ამ გზას გაჰყოლოდა, შეიძლება დიდი ორიგინალობა ვერ გამოეჩინა. ყოველ შემთხვევაში, აშკარაა, რომ ეს გზა არ იყო მისი სტიქია, აქ მხოლოდ ის დროებითი სტუმარი იყო და ძალიან მალეც მან იპოვნა თავისა გზა.

რას შეიცავს ადამიანის არსება და რას წარმოადგენს იგი, როგორც ასეთი?—ეს საკითხები არ მოშორებია შიომ არაგვისპირელის მუხას სიკვდილის კარამდე. 1892 წელში დაწერილ მოთხრობაში—„ადამიანი“—ვკითხულობთ: „ადამიანი!.. ადამიანი!.. ადამიანი!.. ძალას ატანდა თავის თავს თედო, მაგრამ აზრი აზრს არ ეკარებოდა; თითქმის იმის თავში მარტო ერთი წარმოდგენის მეტი აღარა მოიპოვებოდა რა და სიტყვა „ადამიანი“ ისევ სიტყვად დარჩა და შინაარსი ვერა მოუპოვა რა“-ო.

ასეთ მდგომარეობაშია მოთხრობის პერსონაჟი, მან არ იცის რა არის

ადამიანი, რას შეიცავს იგი და რაშია მისი დანიშნულება. ადამიანი მისთვის გამოუცნობელი სუინსქია. მაგრამ გადის ხანი და შიო არაგვისპირელი ცდილობს განმარტოს ეს შეუცნობელი არსება, რომელსაც ძალიან მშობიარე დიდი პრეტენზიები აქვს და ბუნების მეფეთაც კი მოაქვს თავისი თავი. ის არ ცხრება ბუნების წინაშე, ჯიუტათ ებრძვის მას და გადაწყვეტილი აქვს მისი დამორჩილება. როგორც ადამიანს სურს, — ვკითხულობთ „ბუნების მეფენში“, — ისე დაატრიალებს ბუნების ჩარხს: უნაყოფო ნიადაგს გაანაყოფიერებს და სადაც ქვისა და რიყის მეტი არა იყო რა, იქ მშვენიერად შემკულ მცენარეულობას მოიყვანს, მოაშენებს ცხოველთა და სხვა... „სადაც სიმშვენიერია, სადაც გული სიამით გაიშლება, იქ ადამიანს შეუძლია სიკვდილი დაბადოს, იგი გაანადგუროს და გააოხროს, თუ კი მისი გონება მოითხოვს. მაშ გაუმარჯოს ადამიანს — ბუნების მეფეს.“

დიახ, ადამიანი ერთის შეხედვით თითქოს, მართლაც ასეთია, მაგრამ საკმარისია სულ ცოტა გაუჯიუტდეს ბუნება — მხოლოდ ერთხელ დაიგრგვინვოს ზეცაში და კოკისპირულად გაწვიმდეს, რომ ამ ტრაბახა არსებამ მაშინვე კუდი ამოიძუოს, უძლურად მოიხაროს ქედი და თავისი პიროვნების გადასარჩენად სოროში შეძვრეს.

გარდა ამისა, რომ ადამიანი სუსტი და ულონო არსებაა, იგი იმავე დროს დაუნდობელი ეგოისტია, რომლის გამარმალებული ეშვები არაფის არ იბრალებს. ყოველივე წმინდა და იდეალური გაჰქელა მან: სიყვარული, მეგობრობა, თავდადება მოყვასისათვის, პატიოსანი სიტყვა, ყველაფერი ეს უშინა-არსო სიტყვებია მისთვის.

წმინდა სიყვარული ადამიანმა ანგარებიან გრძნობათ აქცია, ორპირობს მის გარშემო, თვალთმაქცობს. ამ თემას არაგვისპირელი რამდენჯერმე უბრუნდება და ყოველთვის ადამიანის სისაძაგლეს გადმოგვიშლის. ეტიუდები: „ქარი კი ზუოდა, კენესოდა და გმინავდა,“ „მხრები და ავიჩეჩე,“ „ბალლი ყოფილხარ“ — ამ თემებზეა აგებული.

ადამიანის ორპირული ცვალებადობა და ეგოიზმი ყოველთვის იმას ცდილობს, რომ თავისი ქვენა გრძნობები თეორეტიულად გაამართლოს. „წერილის ნაგლეჯში“ — ვკითხულობთ: „მაგრამ მხოლოდ მაშინ ხარ ჩემი ყველაი, როდესაც ვხედავ, ან მაგონდები. როდესაც კი შენს მაგივრად სხვასა ვხედავ ან მაგონდება სხვა ქალი, რომლის წინააღმდეგ არა მაქვს რა, მაშინ.. ნაპატიე ჩემო კარგო, შენდამი სიყვარული აღარ არსებობს, შენ აღარა ხარ ჩემი ყველაი. ჩემი ყველაი ის... ის არის, რომელ მშვენიერსაც ვხედავ და რომელი მშვენიერიც ჩემ წინ დგას იმ ჟამად. ის მიყვარს იმ ჟამად, გაგიყვებით მიყვარს და ეს გრძნობა ისეთივე გულწრფელია, როგორც შენდამი.“

მეგობრობა რომ სისულელეა, ამას არაგვისპირელი „ბალლი ყოფილხარ“-ში გვიჩვენებს. უნდა ფიქრობდე მხოლოდ შენს პირად სიამოვნებაზე და სულერთია სადაც დატკბები და ვისთანაც ინეტარებ. მეგობრის წინაშე ერთგულობის ფიცი და ამავე დროს მის ცოლთან მრუშობა სრულიად კანონიერი და დასაშვები მოვლენაა. ამ რწმენისაა ამ ეტიუდის გმირი.



ეროვნული
ბიბლიოთეკა

* * *

არაგვისპირელი რომ მარტო ამ თვალსაზრისით უდგებოდეს ადამიანს, იგი წმინდა წყლის მეტაფიზიკოსი იქნებოდა და, როგორც ასეთი, ვერასოდეს სათანადოთ ვერ შეიცნობდა ადამიანის ბუნების რაობას. მართალია, ადამიანი ხშირად ეგოისტი და დაუნდობელია, მაგრამ როგორც საზოგადოებრივი ცხოვრების ნაწილი, ისიც გარდუვალოდ ემორჩილება სინამდვილის დიალექტიკას. ამიტომ სწორი არ არის, როცა მას დროისა და სივრცის გარეშე უდგებიან და განყენებულად ცდილობენ მისი ხასიათის შეცნობას. ხშირად არაგვისპირელი ერთობ ნაძალადეგ ექსპერიმენტს ახდენს ადამიანის სულსა და გულზე. მისი ფსიქოლოგიური ეტიუდები მხოლოდ ერთ მომენტში იხილავენ ადამიანს, სახელდობრ ავადმყოფურ—ნერვიულ მდგომარეობაში და რა გასაკვირია, რომ ამ დროს ერთგარ ცალმხრივობაში ჩავევარდეთ. ამ ავადმყოფური მომენტის განზოგადოებაც შეცდომა იქნებოდა.

ამას უსათუოდ გრძნობს არაგვისპირელი და რამდენადაც კი ახერხებს ერთ-ხელ აღებული აზრის თავადან მოშორებას, ადამიანის ფსიქიკას და ბუნებას სხვა თვალსაზრისათაც აწუქებს: შავი საღებავებით შეზავებულ სურათების გვერდით, ხანდახან სხვა ფერებსაც გვაჩვენებს.

მისი ეტიუდის ერთი პერსონაჟი მუცელზე ხელის დაკვრით ამბობს: აი ჩვენი პირველი და უკანასკნელი მიზანია. ცოტა გაფართოებით, ამ მცნებას ხელს შოაწერდნენ შიოს თითქმის ყველა გმირები, მაგრამ მან გვიჩვენა ისეთებიც, რომელთა გულშიც მაგრად ღვივის იდეალური სიყვარულის ცეცხლი; ისინი ღრმად გრძნობენ უხეში სინამდვილის წიაღში ყოფილივე მალალის და უმწიკველოს შეურაცყოფას და მათი არსებაც თავგამოდებით ებრძვის ყოველგვარ სისაძაგლეს. ამ შემთხვევაში არაგვისპირელი უსათუოდ სწორის მხრივ უდგება ადამიანის სულსა და გულს.

შიო არაგვისპირელი საზოგადოთ ისეა განწყობილი, რომ ცხოვრებაში სიცუდის მეტს ვერას ხედავს; ამ ნიადაგზე ხანდახან უკიდურესობაშიაც კი ვარდება და ერთობ ხელოსნურად შემოქმედებს, მაგრამ შიგა და შიგ მისი შემოქმედება ჯანსაღ ელემენტებსაც იძლევა. ვიმეორებ, მხოლოდ ამ შემთხვევაში მიწვდა იგი ცხოვრების დიალექტიკას და ცალმხრივობასაც თავი დაახწია. მისი გული თითქოს სამუდამოდ არის გაბზარული ადამიანის საშინელობის გამო, მაგრამ არის მომენტებიც, როცა გაბზარული გულიც მრთელდება და მომხიბლავ ჰანგებს გვასმენს.

* * *

აქ შინდა გაკვრით შევეხო არაგვისპირელის, შედარებით დიდ ნაწარმოებს, „გაბზარულ გულს“, რომელიც „ცისარტყელაში“ დაიბეჭდა. ეს მოთხრობა — არაკი შიოს არც სტილის მხრივ ახასიათებს და არც იდეის. მოთხრობა ერთობ ნელა ვითარდება და სიუჟეტიც ხან რომ წარმტაცად გეჩვენებათ, ხანაც მომხიბლაობას ჰკარგავს. არაკში მრავალი წარმტაცი სურათია, მაგრამ იდეუ-

რის მხრივ სრულებით არ არის გამართული, და დასრულებისას საშინელ გაურკვევლობას და უკმაყოფილებას გრძნობთ.

მეოცნებე ოქრომჭედელი მახარე მოხიბლულია კაცია-ბატონის ქალის—ეთერის წარმტაცი ხმით და ცდილობს ისეთი ზარი გამოსჭედოს, რომელიც ეთერის ხმასავე იწვრივს და იქნება. დიდი ხნის შემოქმედებითი მუშაობის შემდეგ ამ მიზანს მიახწევს და კოშკში მომღერალ ეთერს ბანს აძლევს თავის საოქრომჭედლოდან. ეთერს თავზარს სცემს ესა და რალაც ჯადოქრობა ჰგონია. როდესაც გაიგებს რაშიდაცაა საქმე, გადასწყვეტს ეს ზარი შეიძინოს. ამ დროს ის ამჩნევს, რომ მახარეს უანგაროთ შეპყვარებია იგი. ანგარებიან საქრმოებით თავმობეზრებული ეთერი მახარეს სამაგიეროს მიუძღვნის და სიყვარულის აკრძალულ ნაყოფსაც იგემებენ; ამასთან ერთად ეთერი იმ ზარსაც დაეპატრონება. ამის შემდეგ ეთერს მოტყუებით შეირთავს მეფისწული; მახარე დარდით გადიკარგება. მახარეს მოტროფიანე ეთერი მეფისწულს ცოლობას არ უწევს და ზარის ხმით აპირებს გართობას, მაგრამ ზარი შემთხვევით იბზარება და ეთერის დაქორწინების შემდეგ დანჯღერეულად რეკავს. ვერავეინ ვერ გაამრთელი ვერც ზარი და ვერც ეთერის გული. ეთერი მამის სახლში ბრუნდება. აქ მახარესაგან ვაჟი შეეძინება, მახარეც მოდის. ამ დროს მეფე და მეფისწული ომს იწყებენ, საომრად მიდის მახარეც. ირკვევა, რომ მეფეს ხალხისათვის უღალატნია, ხალხი მას ჩაქოლავს, მახარე შეეცადა დაეცვა იგი, მაგრამ შეგობარმა, ირემამ ლამის ისიც ჩაქოლავინა ხალხს. მახარე სტირის—ხალხის მტრად დამსახვა ირემამო. ასე თავდება ეს გაჭიანურებული და საკმაოდ დაბნეულ სიუჟეტზე აგებული არაკი, რომელმაც ერთ დროს დიდი აღტაცება და მოლოდინი გამოიწვია.

შიო არაგვისპირელის სახელი და არაკის პირველი ნაწილი, მართლაც დიდ იმედს უღვიძებდა მკითხველებს, მაგრამ მოლოდინი ვერ არის გამართლებული. როგორც ეტყობა, ავტორს მარადიული ძიება და ამის შესაფერი შემოქმედებითი მუშაობა უნდა ეჩვენებინა, მაგრამ აშკარაა რომ მიზანს ვერ მიახწია: ვერც იდეა წამოაყენა გარკვეულად და ვერც ტენიკურად დასძლია იგი.

შიო არაგვისპირელმა პირველი რევოლიუციის ზოგიერთი მომენტების ასახვაც სინჯა, — „საშინელება“ („გრდემლის“-ს №1), მაგრამ აქაც დამარცხება განიცადა. ის არ იყო მებრძოლი ბუნებით, მისი სული სულ სხვა ყალიბის იყო და უჩვეულო გზაზე სიარული არ ეხერხებოდა.

* * *

ასეთი არის არაგვისპირელის შემოქმედება, როგორც ფაქტი, რომელიც წარმოიშვა განსაზღვრულ ისტორიულ—საზოგადოებრივ პირობებში. თუ ეს პირობები უვულბელ ვყავით, მაშინ ამ ფაქტის წარმოშობის მიზეზები ჩვენთვის გაუგებარი იქნება; ჩვენი მსჯელობა განყენებული იქნება და ისეთ ცალმხრივობაში ჩავარდებით, როგორშიც განსვენებული მწერალი ხშირად ვარდებოდა, როდესაც ადამიანის რაობას ერთობ ხელოვნურის ექსპერიმენტით იკვლევდა.

არაგვისპირელის სამწერლო ასპარეზზე გამოსვლისა და მისი ჩემის გაფურ- ჩქენის ხანა (1890—1900 წ.) როგორც რუსეთში, ისე ჩვენში მუშათა კლასის და საზოგადოთ დემოკრატიული ფენების ამოძრავების ხანაა. რუსეთის დიდი შიმშილობა და მასთან დაკავშირებით საზოგადოებრივი ძალების ამუშაობა, შრეწველობის აყვავება და პროლეტარიატის ორგანიზაციულად დარაზმვა,—აი რას ვხედავთ რუსეთში და მერე ჩვენში. 80 წლების მომზამველი რეაქცია იფანტება, ყინული გალხვა.

ეს განოცოცხლება ლიტერატურასაც ეტყობა. ამ დროს წარმოიშვა რუსეთის უდიდესი იმედიანი და აღფროვანებით აღსავსე მწერალი მ. გორკი თავისი „ქარიშხლის წინამორბედით,“ რომელიც ჩეხოვის წარბებ-დაშეცბულ და სევდით მეონავი შემოქმედების გვერდით ფეირვერკივით ავარდა ზეცაში. ინტელიგენციის ნაწილი აღფროვანებით მიეგება გორკის რევოლიუციონურ რომანტიკას, ნაწილი კი ისევ თავჩაქინდრული იყო, არა სწამდა საზოგადოებრივი ძალების გამოცოცხლება და თავის „გაშიშვლებულ სულს“ ჩაჰყურებდა.

ჩვენში, თითქმის ამგვარსავე მოვლენას ჰქონდა ადგილი, თუმც მინეზები სხვა იყო. გაბატონებული ინტელიგენციის დიდი უმრავლესობა, რომელიც თავად-აზნაურულ წრეებიდან იყო გამოსული, და რომლის მოღვაწეობა 60-80 წლებიდან იწყებოდა, საკმაოდ უიმედო სულისკვეთებას ატარებდა. ამისი მიზეზი ქართული ნაციონალიზმის უნუგეშო მდგომარეობა იყო. ერის მხსნელად თავად-აზნაურობა იყო მიჩნეული. ეს წოდება კი, უკვე აშკარად სჩანდა, რომ ბატონ-ყმობის შემდეგ პირქვე დაექანა. ბევრი რეცეპტი დაიწერა იმის შესახებ თუ „რა უშველიდა თავად-აზნაურობას“.

ეს ინტელიგენტური უიმედობა ლიტერატურაშიაც გადავიდა: ილია და აკაკი ხშირად უიმედოთ უცქერიან საქართველოს ბედს, განსაკუთრებით ილია, რომელიც თავის აჩრდილში გულდათუთქული ამბობს ძველი საქართველოს ეროვნული ემბლემის—მცხეთის შესახებ „აწ სამიკიტნო დაბად გამხდარა“—ო. თუმც აკაკი სიხარულით მღერის—„არა, აყვავდეს იმედი, გულს ვერ გამიტებს ქალარა“—ო, მაგრამ ეს სიტყვებიც მას ეკუთვნის: „ჩემო თავო, ბედი არ გიწერია“ და „საფლავისკენ წა, მოდიო“—ო.

ჩვენში გაბატონებულ აზროვნებას არ სწამდა, რომ საქართველოს ბედი ერის მშრომელი ნაწილის ამოძრავებასთან იყო დაკავშირებული, და უიმედობის ლეჩაქში იყო მობურვილი. შესამე დასელების წარმოშობა და მუშათა კლასის ჩანასახების ამოძრავება უკანონო და შემთხვევით მოვლენად იყო მიჩნეული.

შილ არაგვისპირელიც ამ უიმედოთ განწყობილ ფენებში მოჰყვა და მათაგან ნაანდერძევი სკეპტიციზში უფრო გააღრმავა და გაამშვენიერა. ის ყოველ მხრივ უიმედობას ხედავდა: განწირული გლეხობა, ეროვნული იდეის სიკვდილი, („ჩემი სამშობლო ჩემი გულია“) და მის პასიური ბუნებაც „გაშიშვლებული სულის“ ანალიზს შეუდგა. რასაკვირველია აქ არ არის დოსტოევსკისებური 35 ათასი ვერსის შემოვლა თავისივე სულის გარშემო, ვერ ვხედავთ კა-

რამაზოვ—რასკოლნიკოვების შემარყვეველ სულში ჩაძირვას, მაგრამ შიოს ნიჭი მაინც საკმაო სიძლიერით გაგრძობინებდა ადამიანის ტრაგიკულ უდროობის და უიმედობის ხანა ხელს უწყობს განყენებულ აზროვნებას და სინამდვილის ზურგის შექცევას. ბარათაშვილსაც ასეთმა უდროობამ ათქმევინა: „რა არის ჩვენი ყოფა-წუთისოფელ“—ო, მაგრამ მგოსნის მჩქეფარე ტემპერამენტმა გამოსავალიც იპოვა: „არც კაცი ვარგა, რომ ცოცხალი მკედარსა ემზავსოს“—ო და სხვა... არც არაგვისპირელია სრულიად უსასოო, მასაც სწამს ციციანათელას ბრძოლა, მაგრამ ისიც აშკარაა, რომ მისი შემოქმედება უმეტეს შემთხვევაში სწორეთ უსასოობით არის გაყენებული. თავისმა ეპოქამ უსათუოდ ღრმა ბეჭედი დაასვა მის ნაზ სულს, რომელიც არასოდეს არ შერიგებია მის გარშემო გამეფებულ სიმახინჯეს: ებრძოდა ადამიანის ეგოიზმს და დაცემულობას, გულს უწამლავდა თავისი დროის სოციალური და ეროვნული უბედურობანი. მისი არსება არასოდეს არ შერიგებია გარეშე ცხოვრებაში არსებულ უსამართლობას, შიოს გაბზარულ გულს არასდროს ყალბი კვნესა არ აღმოხდენია.



წერილები სპარსეთიდან.

ბაქოდან ენზელამდე.

ბაქოს ნავთსადგური, საიდანაც ჩვენ სპარსეთისკენ უნდა გავმგზავრებულიყავით, რევოლუციის დროს უნებურ შეჩერების შემდეგ, კვლავ შესდგომოდა თავის ყოველდღიურ შფოთიან ცხოვრებას. სპარსეთთან დროით დამეგობრებამ და მიმოსვლის აღდგენამ, ცხადია, მას სიცოცხლის უნარი მოუმატა.

შედარებით პაწია და კობტა გემი „ეველინა“ ნებივრად მოსწოლოდა ნაპირის შესავალს და სთვლემდა წასასვლელად გამზადებული, დროს მოლოდინში. იგი ტალღებზე ოდნავ ირწეოდა და აბოლებდა.

ნავეების გროვა მოუსვენრად ცეკვავდა, როგორც დედის გარშეიო ბალები.

აქა-იქ შორეულ ზღვის გულიდან და ნაპირებიდან გაისმოდა ღრიალი დატვირთული გემებისა, რომელნიც ზანტად მიაპობდნენ ნაპირის ქაფიან ტალღებს. მრავალი დიდი და პატარა გემებიც დადუმებულნი იდგნენ ზღვის სივრცეზე. მთელი ტყე წვეტიანი ისრებისა. გახურებულსა და გამშრალს ჰაერში ანძები ოდნავ იბრეოდნენ ერთი მეორისაკენ მიღერებულ შუბებივით.

ზღვის მოძრავი ზედაპირი და მოლივით მწვანე ფერი, ბაქოს უბალისო ქუჩებისა და რუხი სახლების შემდეგ, ადამიანის ხასიათს ერთბაშად ავსებდნენ სიცოცხლის უნართა და ხალისით. დაღლილსა და სიცხისაგან მოთენთილს ხეულს თავდავიწყებით უნდოდა გადავარდნა და გახვევა ამ ვერცხლივით მოელვარე ქაფებში.

მაგრამ საქმე, დრო, — სასტიკი მეთვალყურენი ჩვენი ცხოვრების და დამძიმებულნი ბებრულის ანგარიშებით, ნებას არ იძლეოდნენ ჩვენს გზას გადავსცდენოდით; და ჩვენც, ოფლიანები და მზისგან დამწვარნი, შევედით გემის ბაქანზე.

ცხელოდა. იდგა სუნი მაზუთისა და დამწვარი ზეთის. კაჟუტებში შესვლა და ჯდომა სიკვდილის მონახევრე იყო, მაგრამ ჩვენ მაინც დავძვრებოდით ერთიდან მეორეში, და ვეძებდით მოხერხებულ ადგილს.

უცებ გემმა დაიღრიალა საშინელის ჯავრით, უსიამოვნოდ და უშნოდ.

გემი დაიძრა ნელა, თითქოს შეუმჩნევლად და მალე გასწყვიტა კავშირი ხმელეთთან. ზოზინით მოიქცია კუდი და აიღო სწორი ხაზი. ხვნეშოდა და

ზურდღულეებდა გაუგებრად. მისი გზა სწორი და სანდო იყო. ჩვენმა სხეულმა დაჰკარგა წონასწორობა. ბაქანზე მთვრალეებივით დავდიოდით. ჩვენი გულის ღელვაც აჰყვა ზღვის ხალისიან ღელვას.

საბანური იყო უცხო ნაპირისკენ ლტოლვა, სადაც ვნახავდი უცხო ხალხს. თავისებური ენით და ადათებით, რომელსაც შეუქმნია თავისი კერა, თავისი ისტორია.

ასეთის აზრით მივდიოდით და გავსცქეროდით ზღვის დაუსრულებელ სივრცეს.

გემი განაგრძობდა თავის გზას რწევით, გოგუნით. იგი გოლიათურის სიძინჯით და რაინდულის გულცივობით შუაზე ჰკვეთავდა მოწოლილ ტალღებს და უკან სტოვებდა ქაფიან წყლის გზას.

მოაღწია დაისმა. დაღლილი მზე ცისა და ზღვის შესართავში ჩაეშვა. მისმა სხივებმა უკანასკნელად გაიელვეს ზღვის ზედაპირზე და ჩაქრნენ ტალღათა ქიდილში.

დაიბადა შიში—ამალამ ღელვა იქნებო. ამას მოჰყვა კითხვა-დარიგება, რომ ღელვის დროს გულალმა უნდა დავწოლილიყავით და გვეწუწუნა მუავე ლიმონი.

ზღვა გამუქდა, გაშავდა, ხარბად მიიკრიფა ტყვიისფერი ბინდები და ჩვენც შევცურდით ღამის წყვდიადში.

გემის ცხვირთან რამდენჯერმე დაიგმინვა ნოვარდნილმა ტალღამ და გემიც ააყირავა. უცებ გამიელვა დაღუპვის ფიქრმა და ვიგრძენი მწვავედ, თუ რამდენად უმწეო იქნებოდა ჩვენი მდგომარეობა ამ ზღვის უკუნეთში, თუ ბედი გავვიმეტებდა და ერთბაშათ იქ მოვექცეოდით.

ღამის შავი სულები, რომელნიც ყოველთვის ერჩიან ადამიანს, რომ სწორი გზა გაუბრუნდონ, ზღვას ალბად აღიზიანებდნენ ჩვენს წინააღმდეგ, და კუდიანმა დედაბერმაც აუშვა შუაღამის ქარი. ვგრძნობდით, რომ ჩვენის კოლოფით ავდიოდით სადღაც უშველებელს გორაზე და ვარდებოდით ნაპრალებში. ვინჯღრუოდით და გვეზარებოდა ადგომა. ერთი უცაბედი ფიქრი სცვლიდა მეორეს, მესამე მეათეს, ყოვლად უსაბუთოს და უშედეგოს, მაგრამ ფრიად საგრძნობელს, რომელსაც თავიდან ადვილად ვერ ვიშორებდით.

მოაღწია განთიადმა. ცის კიდური ნელი-ნელ შეიღება ბაცი მოწითალო ფერით და რამოდენიმე წუთის შემდეგ ზღვის ზეგულიდან ამოვიდა სუფთად გარეცხილი მზე, დაფერილი სხივებით. ჩვენ თვალ წინ გადაიშალა ზღვა—მწვანე ხავერდის ფერი, წყნარი, დამშვიდებული და მოლიბარი, რომელსაც ღამის რისხვა ჩაეკლა თავის ღრმა გულში და ეთამაშებოდა დღის სინათლეს. გათავდა ღამის დავა. ჩვენ მოვისვენეთ. „ვევლინა“ კი თავგამოდებით მიიწევდა წინ. გამოჩნდნენ თეთრი ტიფები, რომელთაც შეგვატყობინეს ნაპირის სიახლოვეისინი კივილით დაეცემოდნენ ხოლმე წყალზე, მოიტაცებდნენ რალაცას და ისევ კივილით აიწევდნენ ზევით. დავინახეთ ნაპირი. ეს წუთები საუკეთესოა და ყველაზე უტკბესი ზღვაზე მოგზაურისათვის. ყველას საბეზე ემჩნეოდა ღიზილი. მივედით. გადავედით. სპარსელი მოხელეები შემოგვეგებნენ და ვინაობა

გამოგვკითხეს. გათავდა. ჩვენ უკვე სპარსეთში ვართ, იმ სპარსეთში, რომელიც ასე ახლოა ჩვენგან, და რომელსაც ძალიან ნაკლებად ვიცნობთ. მხოლოდ მოულოდნელი შემთხვევა თუ გადმოგვაგდებს აქეთ, რომ ფეხი დავედგეთ, ცხელი მზისაგან გახურებულს, ქვიშიან მიწას და ვისუნთქოთ მისი წყნარი ლამების მსუბუქი ჰაერი.

სურათი იცვლება. სხვანაირი ჩაცმულობის ხალხი. სხვა სახისა და ფერის: მკრთალი, გამხდარი, შავი თვალ-წარბი. ცხვირი მოკლე და სწორი. ტუჩები ხორციანი, ვნებით სავსე, რომელსაც აშკარად ეტყობა კოცნის მადა.

დიახ, ეს სპარსეთია, სადაც ერთ დროს ისხდნენ მეფეთა-მეფენი და ოცნებობდნენ სხვათა ქვეყნების დაპყრობას, და ცეცხლითა და მახვილით უსწორდებოდნენ ყველას, შინაურს და გარეშეს, ვინც კი მათს წინააღმდეგ წავიდოდა.

დღეს იგი მოხუცებულობის ჰასაკშია და ელის ახალ გმირს. ის მოვა.

დღეს კი ჩვენ, მის მეზობლებს, მიგვიღებს აზიურის თავაზიანობით... გავიგონეთ პირველი სალამი, წარმოთქმული ოდნავის ბგერით, რომელიც ტკბილად შეიჭრა ჩვენს სმენაში და დაგვამშვიდა სულიერად.

ენზელი*)

ენზელი კასპიის ზღვის პირის პატარა ქალაქია; იგი ლანაზია თავისი ბუნებრივი მდებარეობით და შეიცავს დაახლოებით ხუთი ათას მცხოვრებს. გაშენებულია პატარა კუნძულზე დაბალი ერთსართულიანი სახლებით, ვიწრო და ჭუჭყიანი ქუჩებით—ერთი-ორის გარდა—რომელიც გაყვანილია უკანასკნელ წლებში. ზღვას ქალაქისთვის თითქო მკლავი მოუხვევია. ეს მკლავი უშველებელი ტბაა, ორივე თავით ზღვასთან შეერთებული, მდორედ მოძრავი, სავსე თევზეულით და გარეული ფრინველებით. ტბის ნაპირები შემოსილია მწვანე ბალახით და ლაქაშით, სადაც ხშირად შეხვდებით დაყუდებულსა და ღრმად ჩაფიქრებულ ყანჩს. იქვე, რამდენიმე ნაბიჯის მოშორებით, უსათუოდ მეორე მისი მეოჯახე ან ახალი არშიყი დაბრძანდება დინჯად. ისიც დიდის დაკვირვებით ათვალთვლებს თავის გარშემო ყოველივე ქვემძრომთ. შუბივით გრძელი, წვეტიანი ნისკარტი მომართული აქვს, რომ ერთი პაწია ბაყაყი მაინც ზედ წამოაგოს.

იხვეების გუნდები დრო და დრო გამოეფინებიან წყლის ზედაპირზე კრელი ხალიჩასავით. მათი საერთო ფრთების ბარტყუნი და ვაი-ვუი შორს ისმის და ზოგიერთ მშიშარა ფრინველსაც აფრთხობს. თეთრი ტიფი კაპასი დედა-კაცივით გაჰკივის ჰაერში და თუ დაეშვება ძირს, უეჭველად მოიტაცებს რასმეს. შემდეგ ისევ აიწევს და ისევ დასტრიალებს ტბის პირზე მოფუსფუსე ფრინველებს.

ტბის ნაპირზე, ზღვის შესართავთან აუარებელი ნავია, ამ ნავებით გადადიან ერთი ნაპირიდან მეორეზე და მიდიან სასეირნოდ.

*) ენზელს ახლა ეწოდება სპარსეთის ახალი მბრძანებელის ჯვარი—პეჰლვი.



თვით კუნძული მუდამ ამწვანებულია ლელვის, ფორთოხლის და ლიმონის ხეებით: ისინი ნიადაგის უხვ სინოტიეს გაუზრდია დიდ მხეხვებზე რომელთა მზგავსს ჩვენში ვერ შეხვდებით. ლელვის ხე სიმბოლოთ და ტანის სიმსხოთი მოგაგონებთ ჩვენებურ უუდიდეს ნიგვზის ხეს. მისი ფოთოლი სქელია და ჯამივით ფართე.

ყველაზე ულამაზესი შენობა — აკ. ხოშტარიას სახლია, ევროპიული სტილის, ტბის პირზე, რომელიც ფირუზის ფერით არის შეღებილი და გასცქერის მთელი ზღვის ბუნდოვან სივრცეს.

არის აგრეთვე თევზის სამრეწველო ყოფილი ძმ. ლიონოზოვებისა, საკმაოდ დიდი და კარგად მოწყობილი, რომელიც რევოლიუციის შემდეგ გადავიდა სპარსეთის მთავრობის ხელში.

ენზელი, რეშტი და მისი რაიონები, ოქტომბრის რევოლიუციის პირველ ხანებში კომუნისტების იელში იყო; მაგრამ რადგან თვით სპარსელთ სათანადო ძალა არ ჰქონდათ, და საბჭოთა რევოლიუციონურ ჯარს კი არ შეეძლო სპარსეთის ტერიტორიაზე დიდხანს დარჩენილიყო, ძალა-უფლება ისევ შაჰის მთავრობის ხელში გადავიდა.

ეს მხარე უმდიდრესია მთელს სპარსეთში თავის ბამბის, ბრინჯის და სხვათა მოსავლით. აქ ტყიანი ადგილია და ხშირი წვიმები იცის. ამ ადგილებში ბუდობენ და ქორივით თავს ესხმიან მშრომელებს ყველა ქვეყნის კაპიტალისტები მოსავალის აკრეფის დროს. თითქმის ყველამ იციან სპარსული ენა და მიუხედავად იმისა, რომ ამაყი თვალით უყურობენ აზიელებს, საჭიროების დროს მაინც თავაზიანად და ტკბილად ელაპარაკებიან. ევროპელებმა კარგად იციან თავიანთი საქმე.

აქ არის პოლიცია, მოწყობილი ევროპიულ წესზე, თვით ევროპიულ ინსტრუქტორის მიერ, საბაჟო და ფოსტა-ტელეგრაფიც.

როგორც მივედით, მაშინვე საბჭოთა საკონსულოში გამოვეცხადდით.

ზღვის პირზე, დაბალი და კონტა სახლები თლილი ქვის. ამართული წითელი ბაირალი ვარსკვლავით, ნამგალით და ჩაქუჩით მოჭარგული, რომელსაც გამუდმებით ათამაშებს ზღვის ნიავე; არის სასტუმროები ევროპიულად მოწყობილი, საკმაოდ არიან საბჭოთა მოქალაქენი, მაგრამ განსაკუთრებით ბევრნი არიან სპარსელები. მათი თავისებური ენა და ჩაცმულობა იხიდავს თვალს და ცნობის მოყვარეობას აღვიძებს უცხოელში.

ტიპიური სპარსელი ფერმკრთალია, წელში წვრილი და სწორი. შავი თვალ-წარბი, წარბები გადაბმული და მეტის მეტად ხშირი. ცხვირი მოკლე და სწორი, სახის პროპორცია საკმაოდ დაცული, კისერი მაღალი. შუბლი კუთხედი. ლაპარაკობს იშვიათის ტკბილის, დაბალის კილოთი, თითქმის ჩურჩულით. სპარსელს თუ ძალიან არ გაუჭირდა, არ დაიყვირებს. იშვიათად აღელდება. უკიდურეს შემთხვევისთვის ერთი სიტყვა აქვს. — „პედარსაკ“ — ჩვენებურად — მიამაძალდი. ჩვენებური ჩხუბი და ყვირილი არ ეხერხება. იარაღს არ ატარებს. საჭმელს შედარებით ცოტას სჭამს. მისი საუკეთესო და აუცილებელი საზრდო ფლავია. ფლავს! ყველგან შეხვდებით — სპარსელის ოჯახში. სტუმრობაში,

სპარსელი მზარეული პირველად იმით მოგაწონებს თავს, რომ კარგი ფლავის გაკეთება იცის. ამიტომ არის, რომ სადაც კი შეიძლება, სპარსელი, ყველგან ბრინჯსა სთესავს, ამით იკვებება და სხვასაც ბევრს აწვდის. მისი მორწყვა, კენჭოში მუშაობა, სადაც კოლოების უამრავი ლეგიონები თავს ესხმიან და უცრიან ადამიანს ათასნაირ ციებ-ცხელების ბაცილებს—სპარსელს არ აშინებს. ის მთელი დღეობით მუხლამდე ტალახში დგას, ცდილობს მოსავალი კარგი მიიღოს და ოჯახში და სტუმართან თავი მოიწონოს.

ენზელი და რეშტის რაიონი სპარსეთის ჩრდილო ნაწილს შეადგენენ! მიწა გაუღნთილია ზღვის ნოტიოთი, იცის ხშირი, ენიაანი წვიმები, მაგრამ ზაფხულში, დიდი სიცხეების დროს ზოგჯერ წვიმა დედა-მიწამდე ვეღარ აღწევს. ზოგჯერ კაცის სიმაღლემდე ჩამოვა და ჰჭრება ჰაერშივე, ორთქლად იქცევა.

ამ რაიონში ტყეს ბევრი ალავი უჭირავს და დიდი ღირსებისაც არის. აქ იყო ა. ხოშტარიას კონცესიები, სადაც რამდენიმე ათასი კაცი მუშაობდა და ენლაც აქვს, თუმცა იქ ჯერ ძველებური სიცოცხლე არ მოსჩანს. აქ, ამ ტყეებში, ბევრია ტბები და ლელიანები, რომელნიც სავსეა გარეული ფრინველებით, ცხოველებით და განსაკუთრებით ღორებით. ბევრია მონადირეებიც; და ნადირობაც თავისებური სკოდნიათ, განსაკუთრებით იხვებზე. მაგალითად გაიჩენენ შინაურ იხვებს, შემოფარგლავენ ტბის პირს და შიგ აცურავენ. იხვები გადიან ფარგლის გარეთ და ამგვართ შემოიტყუებენ გარეულ იხვებსაც. აქ პატრონს ბადე აქვს გაბმული, და ააფრენს თუ არა, მოტყუებული ფრინველები შიგ გაებმიან.

ამ გვარად, ენზელის (პეჰლევის) მცხოვრებლებს თევზი და ნადირის ხორცი უხვად აქვთ. ცხოვრებაც იაფია.

გარდა ამ სიკეთისა, აქ კოლოც ბევრია, რომელიც ავრცელებს საშინელ სენს—ციებას. ამის გამო ბევრი გაურბის ამ მხარეს.

ენზელიდან თეირანამდე მიდის მშვენიერი გზატკეცილი, რუსეთის მეფის მთავრობის მიერ გაყვანილი ძველათ, როდესაც იგი აზიის დაპყრობაზე ფიქრობდა და ჩექმის კვალი შეჰქონდა ყველგან. სპარსეთი იმ დროს ორად იყო გაკვეთილი—რუსეთსა და ინგლისის შორის. ეს ორი დევი არხეინად იყვნენ ფეხმოკეცილნი სპარსეთის ქრელ ხალიჩაზე და მხოლოდ რუსეთის რევოლიუციის ქარიშხალმა წამოაყენა ფერდაკარგულნი.

ახალი რუსეთი სპარსეთის ძველს აღარ ედავება. და პირიქით, ბევრიც დაუთმო. ინგლისსაც შეუცვლია პოლიტიკა, მაგრამ თავისებურად. მას საკმაოდ უსარგებლნია რუსეთის აქედან გასვლით და ეკონომიურად გამაგრებულა. ინგლისის უმთავრესი დასაყრდნობი ბანკებია. ყველგან ბანკები, სადაც და რასაც ქალაქის სახე ადევს. აგრეთვე ყველგან—ეგრედ წოდებული ბანკნოტები, რომლებსაც მარტო ქალაქებში აქვთ გასავალი, რადგან სხვა ქალაქის ბანკი მას არ მიიღებს, ხოლო თუ მიიღო, უსათუოდ რამდენიმე პროცენტის დაკლებით. ეს ძალიან ართულებს საქმეს და ყველა ხარალობს ბანკის მეტი.

ინგლისის ბანკები ამ ქალაქებში ვერცხლის გარანტიას იძლევიან და, ვითომ, ერთბაშად რომ რომელიმე ბანკს არ დაადყდეს გადახდა, ამიტომ ყვე-

ლა ადგილობრივ აგებს პასუხსო. ეს თუ კარგია, ისევ ინგლისის ბანკებისათვის, რომელნიც ფულის ქალაქიდან ქალაქში მოძრაობით სასურველ პროცენტებს იჯიბავენ.

ენზელიდან მიმავალ მგზავრებს ხშირად გზას უღობავენ ტყის ნადირნი: ღორი, მგელი, ტურა, მელა და ზოგჯერ გარეული კატა—ფოცხვერი. ეს მგზავრობას ახალისებს. მგზავრობა აქ ზაფხულობით ღანე სჯობია, და ჩვენც ენზელიდან ღამე გავედით. საღამო წყნარი იყო, ოდნავ ღრუბლიანი. იმ დღეს ორჯელ წამოსწვიმა, ახლაც ცაზე ღრუბლები ირეოდენ.

განვლეთ უდაბური ტყეები და მივადექით ეგრეთ წოდებულ „გენერლის პაგონების“—მთას, რომლის გადაღმა იწყება გარუჯული მინდვრები, გადამწვარი გორები და უსიცოცხლო ხეები, დაფარული მტვერით.

ამ „გენერლის პაგონებით“ გვაშინებდნენ ენზელში; ძნელი გადასავალიაო. იგი მართლა მაღალი მთაა, იალბუხად წოდებული, და მის მიხვეულ ნოხვეულ გზებსაც „პაგონებს“ ეძახიან.

ვისაც საქართველოს მთებში და გზებზე უვლია, იმისთვის ეს მთა უბრალო სანახავია, ყოვლად უშიშარი და უვნები. რასაკვირველია, ნშვიდობით გავცდით ამ მთას და მივადექით მენჯილის ხიდს, რომელიც ლიდო აღნიაშვილს აქვს მოხსენებული თავის წიგნში. ეს ადგილი მდებარეობს ორი კლდის შუა, მდინარე სეფიდ რუდაზე (თეთრი მდინარე), და შესანიშნავია თავისი მუდმივი ქარებით. აქ ზოგჯერ გახელებული ქარი ასწევს საპალნიან ვირს, აქლემს და გადაუძახებს გზის გადაღმა.

ამ ხიდის აშენების დროსაც კი 12 საათიდან 5-მდე იძულებულნი იყვნენ ხოლმე, მუშაობა შეეწყვიტათ დიდი ქარის გამო და საღამოზე განეგრძოთ.

ამის იქით დაიწყო ნამდვილი აზიური ტროპიკული მხარე. მხოლოდ აქა-იქ მოჩანდა ქერის და პურის ნათესები და კლდეებში მიკრუნჩხული სოფლები, ერთი-მეორეზე მიშენებული სახლებით.

თეირანამდე გვხდება მხოლოდ კაზვინი, ძველი ქალაქი,—ვიწრო ქუჩებით და დაბალი შენობებით,—ზღვიდან ორასი ვერსის მანძილზე. მაღლობა ადგილია. განთქმულია ვენახებით და ღვინით. აქაური წითელი ღვინო—„შანი“ მართლა კარგია და ძალიან წააგავს ჩვენებურ ალექსანდრეულის ღვინოს.

ტყუილად ამბობენ—სპარსელი ღვინოს არა სვამსო. რასაკვირველია, ჩვენ, ქართველებს, ღვინის სმაში ვერ შეგვედრებიან, მაგრამ მაინც საკმაოდ არიან ღვინის დამყენებელნიც და მსმელნიც. თვით გამოჩენილი მგოსნებიც კი დიდი მოყვარული ყოფილან ღვინის და არა ერთი და ორი ლექსი მიუძღვნიათ იმის საჭებრად.

„როცა მოგვედები, ვაზის ფოთლებში შემხვიეთ და ისე დამმარხეთოო“.— ანდერძად სტოვებს სპარსეთის უუდიდესი მგოსანი ომარ ხაიანი. და ერთხელ თურმე ღმერთსაც დავა აუტეხა: მე ღვინოსა ვსვამ და შენ კი ითვრებიო!..

ყაზვინიდან თეირანამდე გზას მისდევენ შიშველი მთების გრეხილები, ყოვლად უსიცოცხლო, გადამწვარი და გადაცვეთილი სიცხისა და ნიაველვისგან. იმის დრმა ხეებში ალაგ-ალაგ გაშენებულია პატარა სოფლები, მიწური ან გა-

უთლებელი ქვისგან, ერთი მეორეზე მიშენებული, პატარა ეზოთი და ვიწროდ და-
გრეხილი გზებით. ასეთს ადგილებში გამოდის მთის წყაროები და სიცოცხლაც
იქ გაჩენილა. აქ ამ ღრადობებში ნახავთ თითო-ორი ბაღს. ~~ქუჩებიც~~ ~~ქუჩებიც~~ ~~ქუჩებიც~~ თვალ-
უწვდენს კლდეებში, მხოლოდ ბაღები ამოდის, ისიც კანტიკონტრადეკსუმაგიე-
როდ მთის კალთები და ვაკე ადგილები ბევრგან ირწყვება ხელოვნური ქებით.
ამ მხრივ სპარსელს არ დაუზოგნია თავი. მთელი ნიადაგი დაცხრილულია და დახვ-
რელილი, რომ წყალი იშოვნოს და მიწა გააცოცხლოს.

„წყალი სულია დედა-მიწისაო“ — ამბობს სპარსელი.

ვინც წყალს გააჩენს! ე. ი. ვინც ქვევს გააკეთებს, იმას ეკუთვნის მიწაც.
ჩვენებური კაცისთვის წარმოუდგენელია ასე ღრმად მიწის გულში ჩაძვრე-
ნა პატარა წყაროს გულისათვის. ამბობენ — აზიელი ზარმაციაო, მაგრამ ამ უთვა-
ლავი ხვრელების და ქვების მნახველმა არ შეიძლება პატივი არ დასდოს მის
გამკეთებელს. სადაც კი წყლის ნასახია, იქ უსათუოდ არის ყოველნაირი მცე-
ნარე, ნათესობა და ხელოვნურად გაშენებული ტყეებიც.

მიწა საზოგადოთ ქვიშიანია და მწირი. იგი მალე იღლება და ძალა ეც-
ლება, ამის გამო სოფელი იძულებულია აიყაროს და სხვახან გადასახლდეს. ეს
გადასახლება ისე ადვილად ხდება, რომ ჩვენებური კაცი არც კი დაიჯერებს.
სპარსელი კი ხელათ მიატოვებს თავის მიწურებს, თუ რამე აქვს, აპკიდებს აქ-
ლემს, ჯორს, ვირს და ხელათ მეორე ადგილზე გააჩალებს კერას.

მიწის მუშის ე. ი. გლეხის მდგომარეობა აქ მეტად მძიმეა. კერძო მესა-
კუთრე გლეხი იშვიათია. მთელი სოფლები, მთელი მიწა ადგილი ან მთავრო-
ბას ეკუთვნის, ან ხანებს, ან კერძო კაპიტალისტებს, ჩარჩებს და მოიჯარად-
რებს. სოფლები მეტ წილად იჯარით არის გაცემული. სოფლის პატრონი საი-
ჯარო ფულს ერთბაშად მიიღებს და განსაზღვრულ ვადაში სოფელთან ყოვე-
ლივე კავშირს სწყვეტავს. სოფლის ბატონ-პატრონი მოიჯარადრეა. როგორც
უნდა, ისე იქცევა, რამდენიც უნდა, იდენს მოითხოვს. ამიტომ ვინც ორიოდ
გროშს მოიგდებს ხელში, სოფელს ეკვეთება, იქნება იჯარით ავილო და გავკე-
თდეო. აგრეთვე ხშირია მთელი სოფლის ყიდვა-გაყიდვა. სოფელს ამაზე არა-
ვინ ეკითხება. სოფლის ბატონ-პატრონს, ხანს თუ ვინც არის, წლის ბოლომდე
თუ საიჯარო ფული არ ეყო ან ვალში ჩავარდა, ისე მოიქცევა, როგორც წი-
ნათ ჩვენი თავადები იქცეოდნენ: აიღებს და გაპყიდის. შემდეგ მას შეხვდებით
ქალაქის ქუჩებზე მოხეტიალეს, ჩაიხანებში, თრიაქით ან პაშიშით გაბრუებულს
ხოლო ის არ ჩხუბობს და არ იგინება, როგორც ჩვენებურებმა იცოდნენ წი-
ნათ. ფული შემოეღევა თუ არა, ისე გაჰქრება, როგორც ღანის მოჩვენება. ის
მაშინ ყველაფერს კადრულობს: მიწის მუშაობას, მოსამსახურეობას, ნოქრობას და
სხვა. ასეთი მოვლენა ხშირია, მაგრამ წოდებათა კადრი მაინც არ მცირდება.
ხანის წოდების შექმნა ძალიან ადვილი საქმეა: მცირე ნაცნობობა და რამდე-
ნიმე სპარსული თუმნის ვალებათა საქმეა, რომ ხანობა მიიღოს მსურველმა.
(თუმანი ორ მანეთს უდრის).


გზა ენზელიდან თეირანამდე ერთნაირია: ფართე სწორი, საავტობობილო
ასეთი გზებია საზოგადოთ სპარსეთის უმთავრეს ხაზებზე, ქალაქიდან ქალაქამ-

დღე. რკინის გზა არ არის, გარდა თავრიზის მხარისა, რომელიც მიდის ამიერკავკასიიდან თავრიზამდე, ესეც შემთხვევით დარჩათ რუსეთის რევოლიუციის შემდეგ. სპარსელები რკინის გზის გაყვანაზე ჯერ თავს ვერ იწყებდნენ. ეს საქარავნო გზებიც მას აქეთ გამშვენებდა, რაც ავტომობილების მოძრაობას ხელშეწყობდა, ისიც პირველ ხანებში უცხოელების მიერ. აქამდე მთავრობას საგზაო ბიუჯეტი არა ჰქონია. ან კი რად უნდოდა! ვირი და აქლემი რომ ბილიკზე გაივლის იქ კაცსაც უჭირს გავლა. მორჩილი ცხოველები და ნათხე არა ნაკლებად მორჩილი ჩავლადარები—მეტ წილად ფეხშიშველა, დახეულ-დაფლეთილ ტანისამოსით საოცარის სიღინჯით მისდევენ და მიაქვთ მთელი სპარსეთის საზრდო და საჭითო ამანათები.

ყოველ დიდსა თუ პატარა გზებზე მოდიან გაბაწრული ქარავნები ქალაქებისკენ—უხვად დატვირთულნი, ხარების დაუსრულებელი რეკით და ელარუნით.

მოდიან მთელი დღე და ღამე, შეუწყვეტლივ. ქარავანი ქარავანს მისდევს. თითო ქარავანს ორი ან სამი კაცი ახლავს. დატვირთული ცხოველები თოკით არიან ერთი-მეორეზე გადაბმულნი. ხშირად გამყოლიც ზედ ადის და იძინებს ტომრების შუა. ამ ცხოველების ძვლებით მოფენილია გზის ნაპირები. დაუძლურებული და დაძლეული მძიმე ტვირთისაგან, ცხოველები შხირად ეცემიან და იხოცებიან მძიმე ტვირთის ქვეშ. კიდევ კარგი თუ ჩავლადარმა ტვირთის მოხსნა მოასწრო და გზის ნაპირზე გადაათრია. დაღუპული ცხოველის ბარგს სხვებზე გაანაწილებენ და ისევ გაუდგებიან გზას. მძორი კი რამდენიმე საათში გაიწეწება ყვავ-ყორანთა, ორბთა და არწივთა პასრი ბრჭყალებისგან.

ქარავანს უსათუოდ გამოცდილი აქლემი მიუძღვის წინ, სხვებზე ზორბა და თვინიერი. ეს აქლემი ყველაზედ უკეთესად არის მორთული და ქოჩორიც შეღებილი აქვს. მას უხარმახარი ხარი ჰკიდია კისერზე. იგი ყრულ გუგუნებს, რომ უკან მომდევრებმა გაიგონ მისი გეზი. როცა გუგუნი შესწყდება ყველანი უნდა შეჩერდნენ, რომ ერთმანეთში არ აირივნენ. ხარი უსათუოდ ყოველ პირუტყვს ჰკიდია. რამდენიც უკანაა პირუტყვი, იმდენად ხარიც პატარაა და სეზანაირ ხმაზე მოძართული. სულ ბოლოს ვირი მისჩანჩალებს. ის მუდმივი თანამგზავრია ყოველნაირი შემთხვევის დროს სპარსელის ცხვრებაში. მას ყველაზე პატარა ხარი ჰკიდია, რომელიც განუწყვეტლივ წკრიალებს. აქლემს კისერი უშნოდ აქვს გაწვდენილი, თვალები მშიშარა უგუნურად გამომეტყველი, მაგრამ თავისი გზა კარგად იცის, და თუ არ გაუჭირდა გზას არ გადასცდება. სპარსეთის ყველა გზები ასეთი ქარავნებით არის მოფენილი. მთელი სპარსეთის სიმძიმე ამ საწყალ და თვითნიერ ცხოველს აწევს ზურგზე. სპარსელს ამ ცხოველთა ჯიშიც საკმაოდ განუვითარებია, თვითონაც ყოველთვის თავმომწონედ ზის ზედ, დოინჯ შემოყრილი. აქ „ვირი“ სალანძღავ სიტყვად როდია გადაქცეული. სპარსეთს თავისი იორლა—თეთრი ვირი ყველაფერს ურჩევნია. უნაგირსაც, ლამაზს უკეთებს, მოხდენილს, ტახტივით დასაჯდომს, რბილის ბალიშით და ხალიჩით დაფარულს. ვირებით მოგზაურობა სპარსეთში დიდათ მიღე-



ბულია. უცხოელების პირველი ოცნება აქ ვირებით გასეირნებას, კლასიკურ ნახვით მგონი ვერც ერთს უცხოელს, რომ ვირზე არ მჯდარიყო.

ამ ბოლო დროს გახშირდა აქტომობილებით მიმოსვლა. სპარსელს ძალიან უყვარს ქალაქ-გარეთ გასეირნება.

უქმე დღეებში ხალხით მოდებულა განაპირა ადგილები. სპარსელი სადაც პატარა მდინარეს ნახავს, დაჯდება და მთელი საათობით რაღაცაზე ოცნებობს, ფიქრობს, ან და პაწია თუნუქის სამოვარს გააჩაღებს და ჩაის მიირთმევს. ჩაი ძალიან უყვარს. სვამს პატარა საღვინე ჭიქით უანგარიშოდ და ეწვევა ყალიონს. თამბაქოს ხომ ყველა ეწვევა, დიდი და პატარა, ქალი და კაცი. საპატიოდ, სასტუმროდ კი ყალიონი აქვთ. გააჩაღებს, თვითონ მოსწევს და შემდეგ შესთავაზებს სხვას. ეს დიდი პატივისცემაა.

გზებზე ჩაიხანებში, სხედან ფეხ-მოკეცილები, ბოლში გახვეულნი, მეტისმეტი ძალდატანებისგან ფერდაკარგულნი და დაღლილნი. ჩვენებური სიფიცხე და მოუთმენლობა აქ თითქმის არ არის. სპარსელი ითმენს უკანასკნელ საზღვრამდე და უცხოელს აკვირვებს თავისი დინჯი კილოთი, თუმცა იმის ლაპარაკში ბევრი ჭკუაა, ბევრი მოფიქრება, დაცინვა და ეშმაკობაც. ის სულელურად ისეთს არაფერს წამოროშავს, რომ შემდეგ გამოსავალი ვერ იპოვნოს.

თითქმის ყველას ერთნაირად აცვია. შავი ტანისამოსი, შავი ქუდი, მოლახურავი — ლაბასი.

ამ მხრივ ქალები ბევრად განირჩევიან მამა-კაცებისგან. ჩადრი შავი იცინ, მაგრამ სხვა სამოსი წითელ ყვითელი, მწვანე, ლურჯი და სხვა ღია ფერისა უყვართ ზიზილ-პიპილები და ფერუმარილი.

წარმოუდგენელია, ამდენი შავი თვალი რომ სადმე იყოს სხვა რამე რომ დაუწუნოთ სპარსელს, თვალებს მაინც ვერ დაუწუნებთ: შავი, ღრმა, სევდიანი, ჭკვიანი. ნახავთ ულაშოს — დიდის ტურებით, გაქეპყილი ცხვირით, მაგრამ მისი თვალები ბევრს ჩვენებურს კოპწია ქალსაც დაამშვენებდა.

აქ თუ არის რამე სხვა ფერისა და სილამაზის, უსათუოდ სხვა ჯიშისა გამოდგება. ნამდვილ სპარსელს მაშინვე იცნობთ. ის უსათუოდ განირჩევა სახის სწორი ხაზებით, ნატიფობით, ტანის სისწორით და გრძელი კისერით. წელშიც ვიწროა, სწორი. სპარსელს თავისი ჯიში დაუცავს. მას ბევრი განსაცდელი გამოუვლია ისტორიის გზაზე, ბევრი დაჩაგვრა და სისხლის შერევა უნახავს, მაგრამ მაინც თავისებურობა შეუნახნია. პირიქით, მომხტომიც თავისებურად გარდაუქმნია, თავისი სისხლით დაუძლევია და დაუმორჩილებია.

სპარსელი მეტის-მეტი ფანატიკოსია თავისი სპარსელობის. მას საშინლად სძულს ვინც მის სულსა და ხორცში ძალით შედის. იგი უსათუოდ გაურბის მას. ან გააგდებს, თუ შესძლო. ასეთი ჯიუტი მიუკარებლობით, იქმნება ბევრი, რამ დაჭკარვა მან კულტურის გზაზე, მაგრამ თავისი ჯიში კი სუფთად შეუნახა მომავალს.

ყაზვინის შემდეგ გზვდება თეირანი — ცენტრი სპარსეთისა და შაჰის სატახტო ქალაქი.

თეირანი.



თეირანის შესავალში ამართულია ლამაზი ჭიშკარი, ოთხი ლამაზი სვეტით მინანქრთან აგურებით მოჭრელებული. ესეთი ჭიშკარი ქალაქის გარშემო ათაშ-დეა. ყველგან დგანან მუდმივი დარაჯები, ამოწმებენ შორიდან მიმსვლელებს და აგრეთვე ქირას იღებენ შემოსულ საქონელში. ამ ჭიშკარს, თუ ქალაქში შესვლა გინდათ, გვერდს ვერ აუვლით. დღისით იგი მუდამ ღიაა, ღამით კი ჩამოშვებულია დიდი ძელი, რომელიც დღის განმავლობაში აყუდებულია იქვე. ეს ძელი ცალ თავში მძიმე ქვებით არის დატვირთული ერთი მხარის დასაძლევად. მეორე თავში თოკი აბია და დაიწვეს ძირს თუ არა, მაშინვე მიაკრავენ ბოძზე. ამ ძელს, როცა ჩამოშვებულია, დაუკითხავად ვერაფერს გადააბიჯებს. წინააღმდეგ შემთხვევაში უკან დაგედვენებათ საშინელი მუქარა, რომელსაც უსათუოდ ანგარიში უნდა გაუწიოთ. ეს ძელი დარაჯის შეუდრეკილი ქოშაგია, მომხმარე იგი აჩერებს ასობით მომდგარ ქარავანს, სანამ დადებულ ბეგარას არ გადაიხდიან. იგი ძალიან უწნოა, უღამაზო.

ამ ჭიშკრების და ძელის საშუალებით მთელი ქალაქი დაიკეტება, როცა საჭიროა და შიგ რაც რამეა, თუნდ სათითაოდ თითებზე ჩამოითვლით. ვისაც ამ კარების დაკეტის უფლება აქვს, მთელი ქალაქიც მის განკარგულებაშია. ამ ჭიშკრებიდან ჭიშკრებამდე მიდის ღრმა არხი, ორი-სამი საყენის სიმაღლისა და 10 - 15 საყენის სიგანის, რომელიც გარს უვლის მთელ ქალაქს. ამ არხის შიგნით არის ქალაქი მომწყვდეული, და თუმცა მის გარეთაც არის თითო ოროლა სავაჭრო თუ საცხოვრებელი შენობა, მაგრამ მათ არსებითი მნიშვნელობა არა აქვთ.

თეირანი სპარსეთის სატახტო ქალაქია თითო ან ორ-სართულიანი შენობებით, ფართედ გაშლილი ვაკეზე, ხრიოკი მთების ძირში, საიდანაც მუდამ მოსჩანს თოვლით შემოსილი, შაქრის თავივით ასვეტილი მთა დემოვენდი, რომელიც 19500 ფუტამდე აღწევს და წარმოადგენს ჩამქრალ ვულკანს.

თეირანის ახლოსვე არის მკვდარი ქალაქი რეი, თითქმის ზედგადაბმული თეირანზე, რომელიც გაუნადგურებიათ მონგოლებს. იქ მიწის გათხრის დროს იპოვნეს შარშან მუშია, ქვის კუბოებში ჩაქედილი, ქალისა და კაცის, და კიდევ რაღაც ძველი ნივთები, რომელნიც, როგორც ამბობენ, უკვე შეიძინეს ევროპიელებმაო.

თეირანში დაახლოვებით 210-ათასი მცხოვრებია. სპარსელები დიდს უმრავლესობას შეადგენენ.

აქ არის სასახლე კოშკივით აშვეტილი: სადა, ოთხკუთხი კედლებით, მინანქრიანი აგურებით მოოჭვილი, რომელსაც აძევს სიძველის, ნგრევის ბეჭედი. აქ ცხოვრობდნენ უკანსკნელი შახები.

სპარსეთის მთელი მართვა-გამგეობა, მიუხედავად კონსტიტუციონურ კანონებისა, რომელნიც სადღაც ქალაქშია დაწერილი და დავიწყებული, რიზა ხანის ხელშია, რომელსაც მინიჭებული აქვს ჯარის უმაღლესი მთავარ სარდ-

ლობა*). მან დიპლომატიურის მოხსენებით და თავაზით გაამგზავრა შაჰი საზღვარ-გარეთ.

წერილები

რიზა ხანს სპარსეთის ნაპოლეონს უწოდებენ. არ ვიცი, რამდენად შეეფერება ეს შედარება, რადგან ნაპოლეონი უკვე წაქსულს ეკუთვნის, ხოლო რიზა ხანი ახლა იწყებს ზევით ასვლას, დიდების გვირგვინისაკენ. რიზა ხანის განდიდების ისტორია უბრალო ჯარის კაცობიდან იწყება. სწავლა-განათლება მცირედი აქვს. იგი ტანმაღალია, მხარბეჭიანი, შეგვრემანი, რიხიანი სახის. საკმაოდ მრისხანე. მოწინააღმდეგეს, თუ უნდა, ხელით გაუსწორდება. ის არავის მოერიდება, თუ დასტირდა. მისი პოზა ნაპოლეონის პოზაა. წარბ დაწეული, ძირს დაბრილი თვალებით, რომელიც ერთს წერტილს მისჩერებია. იგი თითქო გვერდით არასოდეს არ იხედება. დადის ყველგან მარტო, უშიშრად. იცის, რომ წინ ვერავინ გადაუდგება. ეტყობა დიდი ენერჯია და სიჯიუტე. ამბობენ: ერთხელ, მისი სამხედრო მოღვაძეობის პირველ ხანებში, როდესაც იგი ომში დაქანცული და მშიერი შევიდა ერთს ღარიბს ჩაიხანაში, მას ერთმა უბრალო სპარსელმა უწინასწარმეტყველა დიდი მომავალი. ის კაცი თურმე დღეს საგანგებო პენსიას იღებს ამ გვარი გამოცანისთვის. რიზა ხანის პირველი მეუღლის, უკვე ხანში შესული დედა-კაცის თავმოყვარეობა შელახულია. რიზა ხანმა კანონის დაურღვევლად ახალგაზრდა პრინცესა შეირთო. პირველი ცოლი დაემუქრა თურმე: გაგეჭყევი, დაგწყველი და ისევ წინანდელ დღეში ჩავარდებიო. სპარსეთის მბრძანებელმა იგი ცალკე დაასახლა და მიუჩინა მუდმივი ყარაულები, რომ არსად გაიქცეს. ხოლო დატყვევებული ცოლი ალბად ბევრს იწყევლებს, მაგრამ ჯერ ამ წყევლას არ გაუქრია.

რიზა ხანის საქმე ჯერ წინ მიდის. მაგრამ ნაპოლეონობას ნაპოლეონის თავი უნდა. ვინ იცის, როგორ მოთავსდება ეს ორი თავი ისტორიის ერთნაირ ჩარჩოში?

შაჰობის იდეა მოძველებულია თვით სპარსეთშიც. ეს საკითხი პრინციპიალურად უარყოფით გადაწყდა მსოფლიო მასშტაბში და მისი ხელახლა შეკოწიწება შეუძლებელია. რაც გიხდა ჩამორჩენილი იყოს სპარსეთი, იგი მაინც შექმნის ოპოზიციას, რომ ცხოვრება წინ წასწიოს და თავის მეზობელთა ნაკვალევს დაადგეს. შაჰი არის, მაგრამ ის არაფერს აკეთებს. ეს შეგნებული აქვს ბევრს.

მათი საზრუნავი უმთავრესად ჯამაგირის აღება, სოფლებში ბევარის მოგროვება და უცხოეთის ბანკებში ფულის შეტანა ყოფილა. აგრეთვე უშენებიათ ქალაქის გარეთ სააგარაკო სასახლეები. ზოგი მათგანი მიტოვებულია და ინგრევა. მაგრამ ყარაულები მაინც იცავენ. ისინი გახარებულნი არიან უცხოელის მისვლით, რომ მცირე რამ საჩუქარი მიიღონ. გააღებენ ყველა კარებს და დაგატარებენ ყველა ოთახებში. ყველა სასახლეები აზიურ გემოზეა აშენებული და მოწყობილი. ორ-სართულიანი, დერეფნით, ოთახები განიერი, ზედმეტათ მაღალი, რომ ბევრი ჰაერი მოთავსდეს. დიდი ზალა ხალიჩებით დაფენილი. კედლები და ქერი მოოქვილი სარკის პაწია ნიჭრებისაგან. ქალები შუშისავე უთვალავი სანთლებით. წინ—ბაღი და აუზები. უაუზოდ წარმოუდგენელია, არა თუ

*) წერილი დაწერილია რიზა-ხანის ტახტზე ასვლამდე.

სასახლე, თვით უბრალო ქობიცი. შაჰის სასახლის ეზოში აუხი კი არა, მთელი ტბებია, გარშემო ყვავილებით მორთული, სავსე წითელნი და ბაყაყებით, რომელნიც ჩვენს იქ ყოფნის დროსაც აგალობდნენ.

სასახლის ეზოში ენდერუნია ე. ი. შაჰის ცოლების საცხოვრებელი ბინები. იმის სიახლოვეს არავის გაატარებენ ქალების გარდა, ისიც საგანგებო თხოვნით. ენდერუნს ჰყარაულობენ მუდმივად დასაქურისებული შავი გოლიათები და აგრეთვე ქონდრის კაცუნები, — დაღრეჯილი სახისანი, მაგრამ ცბიერათ გამომეტყველნი და მხიარულნი. ზოგ მათგანს ჰყავს ასეთივე პაწია ცოლები, — რომ მათი ჯიში არ მოისპოს. ეს ქონდრის კაცუნები საღამოობით გამოდიან ქუჩაში სასეირნოთ, პაპიროზის წევით და კოილოსნით. ეტყობათ თავს ბედნიერად გრძნობენ. თუ მოჰკრავენ თვალს ვინმეს, სასახლისკენ ეტლით ან ავტომობილით მიმავალს, კატასავით შეუხტებიან და გაჰყვებიან.

თავისებურია აგრეთვე სასახლის დამცველი კავალერია. ჰყავთ არაბული თეთრი ცხენები, ნათლად კუდშეღებილნი, კოხტა უნაგირებით მორთულნი, სუფთად დაურეგებულნი. მხედრები წითელ ფორმაში არიან ხშირი ფოლაქებით და თეთრი ტყავის ქუდებით.

თეირანის ახლო მიდამოებში არის აგრეთვე ერთი ძველი სასახლე, რომელსაც მარტო კედლები-ლა შერჩენია. მას თურმე „სიკვდილის“ სასახლეს უწოდებდნენ თავის დროზე. იგი მაღლობზეა აშენებული და მთელი თეირანის მიდამოებს გადმოსცქერის მწუხარედ, და ალბათ ხშირად მოუთხრობს თავის ბრწყინვალე, მაგრამ უხეირო წარსულს და იქ, საიდანაც ისმოდა მეფეთა-მეფეების სასტიკი სიტყვა და განაჩენი, დღეს ყველაფერი მომკვდარა. მასაც სწვევია ის „სიკვდილი“, რომელიც იბადებოდა მისი დაბურული კედლების შორის. ამ „სიკვდილის“ სასახლის ჯილდო მისი უსიცოცხლო კედლების ნაშთებია უთვალავი ხვრელებით, სადაც ბუდობენ მინდვრის თავგები და ქვეწარმავალნი.

ამ სასახლეში თურმე შაჰი მიიწვევდა თავისთვის არა საიმედო, საეჭვო პირს. მოუფერებდა მას. დიდ პატივს დასდებდა. შეჰპირდებოდა ჩინ-ორდენებს და მთელი ქვეყნის სიმდიდრეს. შემდეგ ჩუმათ, თავის მსახურის ხელით შეაპარებდა საწამლავს. და ვერავინ ეტყოდა: შაჰ, ეს რა ჰქენი?!

დრო, რომელიც ბოლოს და ბოლოს ყოველივე სიბოროტეს ჰკლავს, შეიქმნა მისი სამართლიანი მსაჯული; დღეს, მიუხედავად მისი საშინელი წარსულისა, იგი საკოდავია თავის არარაობით.

თვით თეირანი ორათ განიყოფება, ისე როგორც ყველა ქალაქები აზიაში: ძველი და ახალი ქალაქი. ეს ორი ქალაქი, თუმცა გადაბმული არიან ერთი-მეორეზე, — ერთი მეორესგან დიდათ განირჩევიან; ერთი — ძველი, რომელიც დღე და დღე კვდება, ჰკარგავს თავის სახეს, ფერს, სიცოცხლეს; მისი კედლები ინგრევა და აღარ იღებება, მასზე აღარავინ ოცნებობს, რომ რიგიანად შეაკეთოს და სიცოცხლე გაუგრძელოს, იქ მხოლოდ მოძრავი, კაპიტალი დაბუდებულა, საკმაოა ერთი „უბედური“ შემთხვევა, რომ იქ დარჩეს მხოლოდ მიწის უხეირო ნანგრევები.

მეორე ქალაქი ახალია. ის დღე-და-ღღე იზრდება, ვაჟკაცდება, სახეს იცე-

ლის, მაგრამ არა უკუღმა, არამედ წალმა, რომელიც ვათარღება ბუნებრივი გზით. იგი თანდათან გამოდის აზიურ მდგომარეობიდან და იღებს ევროპიულ სახეს. ბინები, მალაზიები, ქუჩების სისწორე—ნახევრად-ევროპიული მაინც არის. ამ ერთ წელიწადში აქ, ქალაქის შუა გულში—შაჰბაღში—გაშენეს. წინად კი წააგავდა ჩვენებურ უბრალო გლეხის ეზოს, ნაგვით სავსეს. ძველი ქალაქი თავისი შენობებით წარმოადგენს ერთ უზარმაზარ ხვრელს, აუარებელი მიხვეულ-მოხვეული ტოტებით. მთელი ქალაქი თალშეკრულია. ზევიდან რომ დახედავთ, უსიცოცხლო უდაბნოს წარმოადგენს ათასი პაწია გორაკებით. მაგრამ შიგნით, როგორც ტიანჭველის სოროში, სავსეა ხალხით და სიცოცხლით. აქ, ამ დაუსრულებელ ხვრელებში არის საუკეთესო მალაზიები, მთელი ვაჭრობის ცენტრი ეს არის. რაც სხვაგან არ იშოვნება, აქ უსათუოდ მოიძებნება. ეს დახურული ხვრელები უნდა ქურებათ წარმოიდგინოთ. ნას ყოველ დღე რწყვენ, ჰგვიან, მაგრამ მაინც სავსეა მტვერით და სინოტიოთი. თალები დახვრეტულია ჰაერის სისუფთავისა და სინათლისათვის, საიდანაც სვეტებივით ჩამოდის მზის სხივები. სავაჭროები ერთი მეორეზეა გადაბმული. შიგა-და-შიგ გამოერევა დიდი ევროპიული სავაჭრო. დიდი უძრავლესობა კი, პატარა სავაჭროებია. სრულიად სავსე, გატენილი საქონლით. თვითონ პატრონი ერთს პაწია ალაგზეა მოკეცილი და იქიდან გაწვდის საქონელს. იქ უდგას პაწია მაგიდა, დავთარი, საწერ-კალამი და ყოველივეს სწერს მარცხნიდან მარჯვნივ.

შიგა-და-შიგ არის ქარვასლები, ეზოები, სამლოცველოები და ჰაუზები. აქ, ამ აუზებთან მოდიან დასიცხულნი, მწყურვალნი, ვისაც პირის ან ფეხის დაბანა უნდა. ხელით შეარხევენ წყლის ზედაპირს, რომ ტუტყვი განზე გარეკონ, და დიდის კმაყოფილებით იგრილებენ გულს, იკლავენ წყურვილს და ფეხებსაც იქვე იბანენ. ყოველი სპარსული ლოცვის დასაწყისს მივა ჰაუზთან, ხელებს გაავლებს; თუ ჩასწვდა, მთელ სახეს შიგ ჩაჰყოფს, პირს განოირეცხს და შემდეგ დაემხოება მიწაზე, რამდენჯერმე შეხედავს ცას, რომ მან მისი ლოცვა შეისმინოს, და გაათავებს თუ არა, ისევ თავის საქმეს დაუბრუნდება.

ასეთი გულმოდგინებით, ასეთი ფანატიზმით გამსჭვალული ლოცვა წარმოუდგენელია ჩვენებური კაცისთვის.

მორწმუნე სპარსელი, როცა ლოცვის დრო მოახლოვდება, სხვაზე აღარ ფიქრობს, ასეთი დრო კი დღეში ხუთჯერ დგება. ამ დროს დუქნების წინ, ეზოებში და ყველგან, სადაც კი რამდენიმე კაცი ცხოვრობს, გამოდგებიან პატარა ბაუნები, კაცები, ვისაც დიდი ყვირილი შეუძლიან, და საშინელის ძალით გაჰკვივიან— „ლოცვის დრო დადგაო“. მათ ძალდატანებისგან სახე ეღმიჯებათ, ხელს ლოყაზე ან საფეთქელზე მიიღებს და, თუ უცაბედათ გვერდით გაუარეთ, ისეთს შეჰყვირებს, რომ დაგაყრუებს. მორწმუნე სპარსელისთვის როდი კნარა მეჩეთი, რაიც საკმაოდ ბევრია ყოველს მოხდენილს ადგილში. აქ ყოველ სავაჭროების რიგებში თითო ოთახი ხალიჩებით ან უბრალო ფალასით არის მოფენილი. როცა უნდა, ამ ოთახში შედის და მთელი წუთობით არის თავდაღმა დამხობილი. სალამოობით ასეთი სამლოცველოები სავსეა. მლოცველები დაეწყობიან მიწაზე და მათს სიტყვის ბარაქას დასასრული არ აქვს.

ძველი ქალაქი, გარდა იმისა რომ ვაჭრობის ცენტრად არის გადაქცეული, სასულიერო წოდების მთავარ ბუდედ ითვლება.

როდესაც სამღვდელოებისა და მთავრობის შორის ურთიერთობა მოხდება, პირველად ბაზარი დაიკეტება. აქედან დაიძვრის მოღვაწის და სეიდების წინამძღოლობით აუარებელი ხალხი, და დადიან ქუჩებში ყვირილით, ან მეჯლისის მიადგებიან. ამ შემთხვევაში საკმაო სიკერპეს და ბრძოლის უნარს იჩენენ. 1924 წ. რიზა ხანის მთავრობამ განიზრახა მეჯლისის ჯამჭურად გადაკეთება—ე. ი. პარლამენტად. საქმე თითქო გაჩაღებული იყო. ყველანი ცნობის მოყვარეობით მოელოდნენ ამ დღეს და დარწმუნებულნი იყვნენ, რომ ასეც მოხდებოდა. მაგრამ ეს არ მოეწონა ბევრს, სხვა რამით დაინტერესებულს, განსაკუთრებით სამღვდელოებს. დაიკეტა ბაზარი. ქუჩები გაივსო მანიფესტანტებით. მათმა ყვირილმა, ბავშვების და დედაკაცების ღივილმა შეარყია ჰაერი. მეჯლისის წევრები მიიმაღნენ. თვით რიზა ხანს, რომელსაც, როგორც ამბობდნენ, პრეზიდენტობა უნდაო, ქვა ჰკრეს და კინალამ წუთი სოფელს გამოასალმეს. ამისთანა შემთხვევისთვის სასულიერო წოდება ქალებს, ბავშვებს და მცირე წლოვანთ, გაიმძღვარებს წინ, რომელთაც კანონი უფრო რბილათ ექცევა. ამრიგად ერთს დღეში ჩაშალეს მთელი თვეობით ნაშრომ-ნაღვაწევი. ამის შემდეგ „ჯამჭური“ აღარავის უხსენებია.

კიდევ: 23 სექტემბერს, 1925 წ. პურის ნაკლებობის ნიადაგზე ატყდა აღი-აქოთი. პურის ყიდვა-გაყიდვის მონოპოლია მთავრობის ხელშია. ხელათ დაიკეტა ბაზარი. ქალები, ვაყები და ბავშვები საშინელის კივილით მოედვნენ ქუჩებს. გარეკეს მეჯლისის წევრები, რამდენიმე პოლიციელსაც სცემეს. მთავრობამ ჯარი ფეხზე დააყენა. ბევრი დაატყვევა, რამდენიმე ასეული კაცი საბჭოთა მისიას შეეფარა. მეორე დღეს პური ბევრი იყო, მაგრამ ხალხი მაინც არ დაწყნარდა. პირიქით, მეტი შარი მოუდო მთავრობას: „ეს მარტო დღეს არის, ხვალ ისევ უპუროთ დაგტოვებთო“. არეულობა მთელი დღე არ შეწყვეტილა. აღელვებული ხალხი, სხვათა შორის, იძახდა—გაუმარჯოს საბჭოთა რუსეთსო. ძველი ქალაქი აღარ იზრდება, მაგრამ მოძრაობა, უმთავრესათ რეაქციონური, იქიდან იწყება.

მომავლის სასწორი ახალისკენ არის გადმოხრილი. თუ რამე შენდება ახალი, ისევ აქ. მთავრობამ გაათავართოვა ქუჩები, დაანგრია ძველი სახლები. გააშენა საზოგადო ბაღი და ერთი ნაბიჯი წინ წადგა ცივილიზაციისკენ.

მაგრამ სპარსელს თავისი ძველი ხასიათი აქაც საკმაოდ დაუცავს. ყველა სახლს, ყველა ეზოს განსაკუთრებული კედელი ჰფარავს. კედელი—მაღალი, მიწის, ულამაზო. ქალაქის მთელი მოსახლეობა ამ უხასიათო და უსარგებლო, ყოველ გემოვნებას მოკლებული კედელით არის შემოფარგლული. კარები—მაგრად გადარაზული ყოველთვის. მაგრამ თუ როგორმე მოახერხეთ შიგ შეძვრომა, გული გაგინათლდებათ: ათასნაირი ფერადი ყვავილები, ხეები სხვა და სხვა ჯიშის, ჰაუხი, შადრევანები, ჰაუხებში წითელი თევზები. სახლი ღრმად არის შიგნით შეწყვეული და კოხტად მორთული. მიდიხარ ამ კედლის გარეთ და გგონია, რომ აქ ყოველი სიცოცხლე მომკვდარა, გათავებულა სამუდამოდ, მაგრამ საკმაოა.

კედლის იქით გადახედვა და გულიც გაგიხალისდებათ. რომ რაიმე სასწაულით ვინმემ ეს კედლები ერთბაშად აიღოს და ქალაქიდან კარგა შორს გადაყაროს, მაშინ მთელი თეირანი ერთ უშველებელს, მთელს ქვეყანაზე უდიდეს ბაღად გადაიშლებოდა. სპარსელი ისე სახლს არ ააწენებს, რომ პატარა მდინეც არ გამოსჰრას. ეზოში კი ჰაუზი და ყვავილები. ის ყოველთვის სიამოვნებით მიდის ამ ჰაუზთან. იბანს ხელს და პირს და ნებივრობს. თეირანის დიდ ნაკლს წყლის სიძვირე შეადგენს. იმის ვეება რაიონში მხოლოდ ერთი პატარა მდინარე ჩამოდის,—კერეჯი, რომელიც ორმოცი ვერსისს მანძილზეა თეირანიდან, თვითონ თეირანი სარგებლობს მთებიდან ხელოვნურად გამოყვანილი და ქების წყლით, ისიც დიდის გაჭირვებით. ჰაუზებში გროვდება წყალი—ერთი-ორი კვირის სამარაგო.

ეს ჰაუზები მეტ წილათ უსუფთაოდ არის შენახული. ცხადია ამის გამო ბევრია კოლო და ერთგვარი ქინკლასმაგვარი, უფერული მწერი „მოსკიტი“. ეს მოსკიტი თვალთ ძლივს სჩანს და ძალიან შხამიანია. ძნელია მისგან თავის დაცვა. ციებას არ აერცვლებს, მაგრამ სანამ კარგად არ აცივდება ძილსა და მოსვენებას არ გაღირსებს. ის ბევრია და ყველგან არის. ამ პაწია მწერისაგან თავს იცავენ ეგრედ წოდებული „ფაშაბანდით“ (ПОЛОИ). ლეჩაქივით თხელია, მსუბუქი, და მთელს საწოლს უნდა ჰფარავდეს ძირამდე. მაგრამ ზოგჯერ ესეც ვერ შველის კაცს.

მართალია, თეირანს გარშემო მთების რკალი აქვს შემოვლებული, რომელიც უგზავნის სუფთა ჰაერს, მაგრამ ამ სუფთა ჰაერს ადვილად იმორჩილებს და რყვნის თეირანის ეზო-მიდამოების მყრალი ჰაუზები, რომელნიც მეტ წილად ქია-ლუების ბუდედ არიან გადაქცეულნი.

სპარსელის ოჯახში ქალს ვერ შეხვდები. ქალებს ყველგან საკუთარი ბინები აქვთ. მათ წინდაწინ ამცნობებენ სტუმრის მოახლოვებას და უნდა ჩაიწყვიტონ ხმა დრომდე. ოჯახის დედა უნდა დაიმალოს, უნდა პირზე ხელი დაიფაროს, სანამ აქ არის უცხო სურვილი და თვალი. ის ვერ გეტყვით „მობრძანდი“, ან „წაბრძანდი“—ჩვენებურად, თუ სტუმარი მამაკაცთა სქესს ეკუთვნის. ქალი ამ ჟამად განყენებული ცნებაა. ოჯახის კითხვების გარეშე მდგარი.

მათზე ვერაფერს იტყვი და არც არავინ გიპასუხებს. ქალი ამ დროს ლაპარაკის საგანთა გარეშე დგას, სრულიად დავიწყებული, და თუ რამეს იტყვით მაზე, ამითი მასპინძელს გააჯავრებთ.

მთელს თეირანში და მის მიდამოებში ერთად ერთი, თოფის წამლის და ტყვიების ქარხანაა, რომლის მილი, ცოტაოდენ აფხიზლებს იქაურობას. ისიც ხმაჩაწყვეტილია, მტვერ მიყრილი და საცაა დაინგრევა, მაგრამ საკმაოდ დიდი. აქ შაქრის ქარხანაც ყოფილა, მაგრამ შალე დაუქმებულა. ვერ გაუძლია გარეშე კონკურენციისთვის და ახლაც უიმედოდ შეჰყურებს მომავალ წლებს.

მიუხედავად იმისა, რომ მთელი სპარსეთის მცხოვრებნი დიდით-პატარამდე თამბაქოს, თრიაქს და ჰაშიშს სწევენ, არ არის არც ერთი რიგიანი თამბაქოს ქარხანა. პატარა ჩვეულებრივი ერთთვლიანი დუქანი, გრძელი მაგიდა, მის გარშემო ათი-ხუთმეტი ბავში, ეს ბავშვები მთელი დღე, დილიდგან საღამომდე,

ფერ-წასულნი და ხმა-ჩაწყვეტილნი აფაცურებენ პაწია თუთებს. ^{გხენია} თამბაქოს ქარხნების მუშები. ასეთი ქარხნები ბლომათაა. აქვე ამზადებენ და აქვე ჰყიდიან ნარდათ და წვრილათაც. ასეთივე ქარხნებია: ფარჩუღბაზა, წინდების და სხვა...

ერთად ერთი დიდი ქარხანა, ხალიჩების საქსოვი, სულთანაბადშია, ამერიკელთა ფირმისა, სადაც რამდენიმე ასეული კაცი მუშაობს.

თეირანში არის კონკა, ბელგელთა საზოგადოებისა, და ვიწრო ლიანდაგიანი რკინის გზა, რომელიც თეირანიდან რვა ვერსის მანძილზე მიდის წმინდა სალოცავ „შაჰაბდულ აზიმში“. ეს წმინდა ადგილი აცოცხლებს ამ რკინის გზას. ეს არის მისი შემოსავლის წყარო. უქმე დღეებში და ყოველ პარასკევობით განუწყვეტლივ მიდიან ქალი და კაცი. ქალებისთვის განსაკუთრებული ვაგონია. ასევეა მოწყობილი კონკის ვაგონიც. ვაგონის შუაზე გამოყოფილია ადგილი ქალებისთვის: იქ თუნდ ერთი ქალიც იჯდეს, ან სულ არავინ, კაცი მაინც ვერ შევა. თუ ქალთა რიცხვი გაიზარდა, — მთელ ვაგონს ისინი იკავებენ.

მთელს თეირანში ერთად ერთი კინოა, ისიც უხეირო, სადაც ძველს, დრო მოქმულ სურათებს აჩვენებენ. თეატრი სრულებით არ არის. წარმოდგენები, ან კონცერტები იმართება უცხოელების მიერ. ისიც იშვიათად, რასაც სპარსელი ნაკლებათ ეტანება. საკუთარი კულტურული გასართობი სპარსელს არა აქვს. ამიტომ მას ერთი გზა აქვს, — სალოცავისკენ და იძულებულია იქ დაიკმაყოფილოს სულიერი მოთხოვნილება.

გიგლიოზრავია.



ქართული

აკაკი წერეთელი. რჩეული ნაწერები ტ. I. სახელმწიფო გამომცემს.

346 გვ. ფ. 2 მ. 50 კ.

ცნობილია ოსკარ უაილდის თქმა: კლასიკოსები ისინი არიან, ვისი სახელიც ყველამ იცის, მაგრამ ვისაც არავინ კითხულობსო.

თანამედროვე ქართული ლიტერატურისათვის აკაკი წერეთელი უექველად კლასიკოსია. მაგონამ მასზე ვერასოდეს ვერ ვიტყოდით და კიდევ დიდხანს ვერ ვიტყვით, თითქოს მისი წაკითხვა ძნელი იყოს. და დღე აკაკის ვერ კითხულობდა ჩვენი ახალი თაობა, მხოლოდ იმიტომ, რომ მისი ნაწერები დიდი ხანია აღარ მოიპოვება წიგნის ბაზარზე. მართლაც და, ფრიად ანორმალური მოვლენაა, როდესაც ჩვენი საუკეთესო მწეოლების თხზულებებს სასკოლო ქრესტომატიებში ვეძებთ. ამიტომ ფრიად სასიამოვნო მოვლენაა ჩვენი საუკეთესო მგონის, აკაკის ნაწერების გამოცემა, რაიც განხრახული ჰქონია ს. ს. რ. სახელმწიფო გამომცემლობას.

„აკაკი წერეთლის რჩეული ნაწერების ეს გამოცემა იბეჭდება ოთხ ტომად: პირველ ტომში მოთავსდება აკაკის მხატვრული პროზა, მეორე ტომში დაიბეჭდება პოემები, მესამეში—დრამები, მეოთხეში—ლექსები“—ო სწერს რედაქცია.

შეიძლება ბევრს ეტყობოვოს, რომ განხრახული ყოფილა აკაკის თხზულებათა არა სრული კრებულის, არამედ მხოლოდ მისი რჩეული ნაწერების გამოცემა. ჩვენი აზრით (რასაც წიგნის ბოლოში რედაქტორებიც ეთანხმებიან), აუცილებლად საჭიროა აკაკის ნაწერთა აკადემიური გამოცემა. მაგრამ ეს დიდ დროს, მუშაობას მოითხოვს და მომავლის საქმეა. ახლა კი ხელთ გვაქვს ლამაზად, იშვიათის გემოვნებით გამოცემული ტომი, რომელიც ძვირფასი საჩუქარია ქართველი მკითხველისთვის.

ჩვენ მას ვუყურებთ, როგორც ფართო მასისათვის ხელმისაწვდომ გამოცემას, იმ მასისათვის, რომელმაც ისწავლა წიგნის ფასი.

სართოდენ რჩეულ ნაწერების გამოცემა მით უფრო გასაგები გახდება, თუ გავიხსენებთ თვით აკაკის სიტყვებს: „...თუ რამე ხელოვნური გამოძსვლია ხელიდან, ეს ძალაუნებურად და შემთხვევით მომხდარა, თვარა ის ჩემს დღეში არ მქონია ფიქრად, რომ მომავლისათვის ვწერ მეტქი, ამიტომაც უმეტეს ჩემს ნაწერს დღეს იმდენად დაკარგული აქვს მნიშვნელობა, რამდენადაც დრო და ფაძი იცვალაო“ და სხვ.

აკაკის რჩეული ნაწერების ეს ტომიც საკმარისს მასალას იძლევა მგონის, როგორც პროზაიკოსის დასახასიათებლათ. ზოგიერთის გამოწაკლისის გარდა („გოგია მეჩანგურე“, „ბაში-აჩუკი“) — აქ მოთავსებულია ისეთი მასალა, რომელიც დიდი ხანია არ გამოცემულა და ახალი თაობა მას თითქმის არ იცნობს.

აკაკი პროზაიკოსი! ბევრი მას ამ მხრით არ იცნობს და ცოტას თუ ვისმე მიუტყვევია ყურადღება. უმრავლეს შემთხვევაში ხელის ჩაქნევით, ზეპირად იტყოდენ: ენა მსუბუქი აქვს რა უჭირსო!

რაოდენი ჰაეროვნება, რაოდენი მხიბლავი რომანტიკაა მის ნაწერებში! „მიყვარს საზოგადოდ ბავშვი, უგულითადეს პატივსა ვცემ მოხუცებულს, ღირსეულად ვაფასებ ვაჟაკობას, მაგრამ გული კი ჭაბუკობისაკენ მიმიწევს და ყველაზედ უფრო იმას შეფრქვევით ვეტრფიალები!“

და აკაკი მთელ თავის ნაწერებში, არამც თუ ეტრფიალებოდა ჭაბუკობას, არამედ მთელი თავისი არსებით თვით იყო ჭაბუკი დასიცოცხლის უკა-

ნასკნელ წუთებამდე ქაბუკადვე დარჩა. ამიტომ არის მის პროზაშიაც ქაბუკური სინალისე და თანაც სისადავე.

აკაკი ლირიკოსია უმთავრესად და ასეთად რჩება მოთხრობაშიაც. მის ნაწერებში ვერ შეხვდებით ეთნოგრაფიულ ნაკვთებს. მისი გმირები ყველანი ერთნაირად ლაპარაკობენ, მაგრამ ლაპარაკობენ აკაკის ენით. აკაკი არ ხატავს ტიპებს, არ სქედს რაიმე ხატებას. ის მხოლოდ ნოვითხრობთ და სწორედ მისი ნოვითხრობის კილოა მომხიბლავი. იგი აღსაესეა მოულოდნელობით, მოძრაობით, სიმკვირცხლით, მოქმედებით. იგი ცალკე სურათებს არ ჰქმნის. იგი ეპოპეას მოგიყვებათ და ყოველი ნაწილი მოთხრობილისა ერთნაირად უღირს. ის არ ჩერდება რაიმე ცალკე ეპიზოდის დაწვრილებითი გადმოცემაზე, არამედ, ქემშარიტად, მომხდარ ამბავს მოვითხრობთ.

აი, ბაში-აჩუკის მიერ მოღალატე სვიმონ მაყაშვილის მკვლელობა: „სვიმონ მაყაშვილმა წინ რამდენიმე ბიჯი წამოსდგა და ჩამოართვა თასი. ამ დროს უცბად ჰაერში რალაცამ გაიელვა და მაყაშვილი ჯერ ისევ უცხე იდგა, რომ თავი მიწაზედ კოტრიანლებდა. მხედარმა გამოატრიალა ცხენი და უკანვე გაჰქუსლა. შეკრთა დიდი და პატარა! ბოლოს დაიძახეს აქა-იქ: „ჰეი, ბაში-აჩუკია, ბაში-აჩუკი“-ო. გამოუყენეს მღვერები, გვიან-ლა იყო. განრისხდა ფეიქარხანი, გაწყრა მეთვალყურეებზე და ბაში-აჩუკის თავიც ათას ოქროდ დააფასა.“

აქ კინემატოგრაფიული აღსახვაა, მაგრამ რაოდენი შინაარსი და მოქმედებაა რამდენსამე პწკარში!

საერთოდ პირველ ტომში მოთავსებული მოთხრობები ორ უმთავრეს ნაწილად შეიძლება გაიყოს. ერთია—

ისტორიული ხასიათის, მეორე—თანამედროვე ცხოვრებას ეხება. თანამედროვე ცხოვრების შესახებ უმთავრესად სატირა, საზოგადოებრივი ხასიათის მოურიღებელი და ხანდახან შხამიანი დაცინვაა. ამ მხრით აღსანიშნავია „პატრიოტის აღსარება“, „სიკვდილი“, „სამგვარი სიყვარული“ და სხვა. ეს უკანასკნელი მოთხრობა მოწმობს, რომ აკაკის რომანის დაწერაც შეეძლო.

მგოსანი აწმყოს დასცინის და თავის დროის ქართველობას ასე ახასიათებს: „თავი უწვრილდება, გული უბატარავდება და მუცელი უდიდდებაო.“

განსაკუთრებული აღგილი უქირავს „ჩემს თავგადასავალს“, რომლითაც ტომი იწყება. გერცენის „Былое и Думы“-ს შესახებ ამბობდენ: იქ უფრო მეტი „Думы“ ა ვიდრე „Былое“-ო. ეს ითქმის აკაკის „თავგადასავალზედაც.“ იქ მართლაც ნაკლებია „თავგადასავალი“ ამ სიტყვის ვიწრო მნიშვნელობით. მაგრამ რაოდენი მხატვროული მასალაა აკაკის სიკაბუკის დროის დასახასიათებლად, გარდასული საქართველოს და მისი მაშინდელი „მესაჰის“ (თავად-ახნაურობის) ცხოვრების წარმოსადგენად! ბევრად უფრო სუსტია „თავგადასავალის“ ნეორე ნაწილი, სადაც აკაკი იგონებს ჩვენი ინტელიგენციის წარმომადგენლებს და ერთგვარად ახასიათებს კიდეც. სამაგიეროდ პირველი ნაწილი შეუდარებელია. ტყუილად კი არ გადაქცეულა იგი საქოესტონატო მასალად!

ვიმეორებთ, ეს ტომი ფრიად მნიშვნელოვანი საჩუქარია ჩვენი ახალი თაობისათვის. ველით დაპირებულ სამტომსაც, ისევე კარგად გამოცემულს, როგორადაც პირველია გამოცემული.

ღაე.

სანდრო შანშიაშვილი. ლირიკა. პოემები. 1 ტომი. 1925 წ.

დიდია ის ლიტერატურული გზა, რომელიც გაიარა სანდრო შანშიაშვილმა.

როდესაც მეოცე საუკუნის საწყისი დაიწყო ახალი პოეზიის გამოსვლები.

●ლიას და აკაკის შემდეგ, სანდრო შან-
შიაშვილი პირველი კონკრეტადორი იყო
ამ ლაშქრობის და პროექტების მეფედ
ითვლებოდა. თავის დროზე მან სთარ-
გმნა ედგარ პოეს — „ყორანი“, ბალმონ-
ტის ლექსები. მისი პოემა „იაზონ და
რენო“ მიღებული იყო, როგორც ეპო-
ქალური მოვლენა. ამ ტრიუმფების გა-
ნობაშია შანშიაშვილის ლექსი „Lj-
sis Poetig“, სადაც ის აღიარებს თავის
თავს უდიდეს პოეტად.

შანშიაშვილმა დიდი ხანია დაიშკვიდ-
რა პოეტის სახელი, მაგრამ ის უკანას-
კნელ წლებში გვევლინება, როგორც
დრამატურგი. მისი ნიჭი საერთოდ მრავალ-
მხრივია და არ განისაზღვრება ერ-
თი განსაკუთრებული ფორმით. ლირი-
კულ ლექსების და დრამების გარდა მას
აქვს მოთხრობები და ეპიური ხასიათის
პოემები. პირველი ტომი, რომელიც ახ-
ლა გამოვიდა, შეიცავს ლირიკას და პო-
ემებს, დაწერილს 1905 წ. — 1925 წლამ-
დე. ავტორს ახასიათებს თემების სიმ-
რავლე და სიმდიდრე: მას აქვს ლექსე-
ბი სოფელზე, სულამითზე, ამირანზე,
ორეულზე, არწივზე. მან მოგვცა პირ-
ველად ლირიკაში „ქართული ღმერთე-
ბის პანთეონი“. შანშიაშვილს ბევრი
ეპიური თემები აქვს, მაგრამ მას აქვს
საკუთარი თემაც, რომელშიდაც მოს-
ჩანს ავტორის ინდივიდუალობა

შანშიაშვილი — ეს ბებერი მუხა ქარ-
თული პოეზიის — ხშირად უბრუნდება
მიწას და სოფელს, მისთვის გლეხის ყო-
ფა-ცხოვრება ნაცნობია და ძვირფასი.
მას არ უყვარს ქალაქი. და საზოგადოთ
მას ქალაქის მოტივები ნაკლებათ ახა-
სიათებს. შანშიაშვილის პეიზაჟი ყოველ-
თვის სოფლურია და ყოველთვის ბუნე-
ხით არის შთაგონებული.

მისი ლექსების ერთი ციკლის სათა-
ურები: „სოფელს“, „მკედელი ზაქარო“,

„სალამური“, „გლეხის ქალი“, „მეწის-
ქვილე“, „პიზნი გლეხს“, „სალეწი-მან-
ქანა“.

შანშიაშვილი ~~სოფლის~~ გლეხის
პოეტია, მის ლექსებში ვერ ვხედავთ
ქალაქს და რევოლუციას (ერთი
გამონაკლისი: დრამა „სპარტაკი“). ბუ-
ნების გარდა შანშიაშვილში იწვევს შთა-
გონებას წარსული: ისტორიული და მი-
თოლოგიური. ამ წიგნის საუკეთესო
შედეგია „კახეთის დედოფალი“. მთე-
ლი კახეთის სინაყვირე მოცემულია ამ
ლექსში ფიროსმანის და ვაჟას სიუხვით.
აღსანიშნავია, რომ შანშიაშვილს დიდი
კავშირი აქვს ვაჟასთან. მათი ეპოსი
ანალოგიურია.

ვაჟამ შექმნა გმიოული ეპოსი, რომე-
ლიც შეადგენს მე-19 საუკუნის სასწა-
ულს. თავისი მითოლოგიური და წარ-
მართული ეპოსით შანშიაშვილი გვაგო-
ნებს უკვდავ ვაჟას. დასამახსოვრებე-
ლია უღრან ტყის მეფე-ბობლია, დალი —
ტყის დედოფალი, ღრუბლების და ტა-
როსის ღმერთი ვობია, წყლის ლანდა-
ლები (ფერიები), ძაღლების ღმერთი
— ფრთიანი ალაშქანტარი.

ამ პრიმიტივის სიყვარულით შანშია-
შვილი უახლოვდება თანამედროვე პო-
ეზიას.

უნდა ითქვას, რომ შანშიაშვილი
უშუალო პოეტია. ამას აქვს თავისი
უარყოფითი მხარეები. მისი ფორმა პრი-
მიტიულია, თუმცა ეს ფორმა ზოგ შემ-
თხვევაში შეეფუოება მის თემას, ის არ
არის ყოველთვის ოსტატი, როგორც
ამას მოითხოვდენ პოეტისაგან პარნა-
სელები. ის სტიქიურად ჰქმნის თავის
ლექსებს და არ შეაქვს შესწორებები
თავის მასალაში. ბარათაშვილის მსგავ-
სად რითმაზე უფრო, მას იტაცებს ლექ-
სის რიტმი.

ტრისტან შაჩაბელი.

ლიტერატურის ქრონიკა



ქრონიკის
გამომცემელი

საქართველო

■ გამოვიდა ავალიშვილის წიგნი — „დამოუკიდებელი საქართველო“.

■ გამომცემლობა „ქართული წიგნი“ შეუდგა ილ. ჭავჭავაძის ნაწერების გამოცემას. მთელი ნაწერები განზრახულია გამოვიდეს 9 ტომათ.

■ გამოვიდა აკაკის რჩეული პროზა ს. გორგაძის და ს. აბაშელის რედაქციით.

■ პარიზში გამოვიდა მხატვარ დ. კაკაბაძის წიგნი მხატვრობის შესახებ. წიგნი ტფილისში უკვე მიღებულია.

■ მ. ჯავახიშვილი ამ უამად მუშაობს ახალ რომანზე: „წითელი ჯავშანი“. რომანი დაიბეჭდება ჩვენი ქურნალის უახლოეს ნომრებში.

■ გამოვიდა ს. შანშიაშვილის ლექსების ტომი: „ლირიკა და პოემები“. წიგნი შეიცავს შემდეგ ციკლებს: „პიქნა გლეხს“, „სოფელს“, „ცხოვრების გზაზედ“, „vita nuova“, ელდინო და სხვ.

რუსეთი

■ კოპუნისტურ აკადემიასთან დაკარსდა ლიტერატურის და ხელოვნების სექცია აშხ. ფრიჩეა თავჯდომარეობით. შემუშავებულია ახლო მომავლისათვის მუშაობის გეგმა; ეს არის: გამოკვლევა ლიტერატურის და ხელოვნების ფორმალურ, რეფლექსოლოგიურ და ფრეიდისტურ მეოროდებით შესწავლისა.

■ ხსენებული სექციის პირველ სხდომაზე შესავალი მოხსენება გააკეთა აშხ. ფრიჩემ თემაზე: „ფრეიდიზმი და ხელოვნება“, რომელშიაც მან დაახასიათა ფრეიდიზმის ძირითადი თვისებები და ანტიკიკებდა, ფრეიდიზმის, როგორც სამეცნიერო თეორიის — მიუღებლობას.

■ რუსეთის სახელგამი შეუდგა რუსეთის შემდეგი თანამედროვე მწერლების სრული კრებულების გამოცემას: ს. ესენინის, დ. ბედნის, სეიფულინის, მაიაკოვსკის და სხვა.

■ პუშკინის კომისიამ დაიწყო მეორე კრებულის: „პუშკინისტი“-ს შედგენა. კრებულში მოთავსებული იქნება წერილები: პიკსანოვის, ლუნაჩარსკის, („პუშკინი და დეკაბრისტები“), გროსმანის და სხვა.

■ სამხატვრო მეცნიერების სახელმწიფო აკადემიის სოციალ. განყოფილების რევოლუციონური კაბინეტი შეუდგა უკანასკნელი ოცდახუთი წლის (1900—1925) ბელეტრისტების, კრიტიკოსების და ლიტერატურის ისტორიკოსების ლექსიკონის შედგენას.

■ რუსეთის სახელგამმა დაიწყო რუსეთის და მსოფლიო კლასიკების გამოცემა ლუნაჩარსკის და პიკსანოვის რედაქციით. ყოველ გამოცემას დართული ენება კრიტიკული წერილები და შენიშვნები. უცხოეთის მწერლებიდან პირველ რიგში გამოსცემენ: ჰაინეს, ბაირონს და სხვ.

■ საზღვარ გარეთთან კულტურული კავშირის საზოგადოებამ მოაწყო საბჭოთა კავშირის კულტ-დაწესებულებათა წიგნების გაცვლა გამოცვლა დასავლეთის დიდ მეცნიერულ დაწესებულებებთან. დღემდის მიღებულია დასავლეთიდან და გადაგზავნილი საბჭოთა კავშირის კულტ-დაწესებულებებისათვის 100. 000 მეტი ტომი.

ეპროკა

■ რამოდენიმე ხნის წინათ გერმანიაში გამოაქვეყნეს აშხ. ლენინის რჩეული ნაწერების ტომი, რომელიც შეიცავს 12 განყოფილებას. წიგნის სათაუროია: „ბრძოლა სოციალურ რევოლუციისათვის“ — და მოთავსებულია შიგ 70 წერილი და სიტყვა. ამ წიგნის შესახებ ვრცელი რეცენზია მოათავსა ა. მასლოვმა ვენაში გამოსულ „ინპრეკორ“-ის № 47-ში.

■ გამოვიდა აგრეთვე გერმ. ენაზე ნათარგმნი წიგნი: „ლენინი და კოოპერაცია“. წერილები და სიტყვები. წიგნებს

დართული აქვს მეშხერიაკოვის წინასიტყვაობა. ამ წიგნს ენის კომუნისტურ გამოცემაში („ინპრეკორ“ № 13) უძღვნეს ვრცელი რეცენზია, რომლის ავტორი აღფრთოვანებით ესაღმება ხსენებული შრომის გერმანულ ენაზე განოსვლას და გამოსთქვამს სურვილს, რომ შემდეგ გამოცემას — დაერთოს კოოპერაციის შესახებ საბჭოთა ყრილობის დეკრეტების რეზოლუციების სრული ტექსტი.

■ ა. ლოზოვსკის ბროშურა „ბრძოლა მსოფლიო პროფესიონალურ მოძრაობის გაერთიანებისათვის“ და „საერთაშორისო პროფესიონალური მოძრაობა ომამდე და ომის შემდეგ“ — გამოვიდა გერმანულ ენაზე.

■ გამოვიდა მეთერთმეტე ტომი გოეთეს წლიულების, რომელსაც სცემს გოეთეს საზოგადოება ვეიმარში. წიგნი განოვიდა შაკს დეკერის რედაქციით და შეიცავს აღარებელ ახალ მასალას გოეთეს ვეიმარში ცხოვრების ეპოქიდან. წიგნში მოთავსებულ მთელ რიგ წერილებიდან აღსანიშნავია გონნეგერის შრომა გოეთეს პეგელთან დამოკიდებულების შესახებ და სხვ.

■ გამოვიდა ი. სტალინის წიგნი: „თეორია და პრაქტიკა ლენინიზმის“, რომელიც გამოსცა ბრიტანეთის კომპარტიამ და, რომელსაც დართული აქვს ტომას ბელის შესავალი.

■ ეურ. „The Nation“ ლიტერატურულ მიმოხილვათა განყოფილებაში მოთავსებულია ვულფის პატარა წერილი ლ. ტროცკის წიგნის „ლიტერატურა და რევოლუციის“ შესახებ. ვულფი თავის წერილში დიდ ყურადღებას აქცევს ტროცკის შეხედულებას ლიტერატურის საკითხებზე.

■ ანრი-დე რენიემ გამოსცა ტომი ლიტერატურ. წერილებისა და მოგონებების, სადაც იგი იძლევა ლეკონტ-დელის და მალარმეს საუცხოვო პორტრეტებს.

■ გამომცემლობა „ლ' ლუმანიტე“-მ წინათ გამოცემულ ლენინის თხზულებათა თარგმანების გარდა, გამოსცა კიდევ მთელი რიგი წიგნების ლენინიზმის შესახებ. მათ შორის ხელ ახლად გამო-

ვიდა — ი. სტალინის წიგნი: „თეორია და პრაქტიკა ლენინიზმის“, ხინოვიევის წიგნი: „წიგნი მასწავლებლის ლენინი“. მოლოტოვის ბროშურა და სხვა. ამავ გამოცემლობამ გამოსცა: „ლენინი და რუსეთის გლეხობა“.

■ ეურნალ „კლარტემ“ დაუგზავნა მთელ რიგ მწერლებს. ეურნალისტებს, მეცნიერებს, და საზოგადო მოღვაწეებს ღია წერილი — ანკეტა — მაროკოს ომის შესახებ თავიანთი შეხედულებების განოსათქმელად. ამას წინად ეურნალმა გამოაქვეყნა მწერლებისგან მიღებული 52 პასუხი. საფრანგეთის ცნობილი მწერლებიდან დასახელებულ ომის წინააღმდეგ გაილაშქრეს: რომენ როლანმა, ჟორჟ დიუამელმა, ვიქტორ მარგერიტმა და სხვ. „ბატუალას“ ავტორმა ოენე მარანმა ანკეტაზე უპასუხა ვრცელი წერილით, რომელშიაც ის ეხება საფრანგეთის საახალშენო პოლიტიკას, საზოგადოთ, და, ბოლოს, ამტკიცებს რომ აბდულ-ქერიმი ავანტიურისტი არისო. ამ ანკეტასთან დაკავშირებით ანრი ბარბიუსმა გამოაქვეყნა ღია წერილი — „მოწოდება საფრანგეთის ინტელიგენციის მიმართ“, რომელშიც იგი მოუწობს ინტელიგენციას დაიკაოს გადამჭრელი პოზიცია ომის საკითხში — „ან მის სასარგებლოთ ან და საწინააღმდეგოთ.“ ამ წერილის ქვეშ ხელი მოაწერეს ცნობილმა მწერლებმა, მეცნიერებმა და აგრეთვე ახალმა ლიტერატურულმა ჯგუფმა „ზე-რეალისტები“.

■ ფრანგული დიდი პრემია საუკეთესო პოემისათვის 1925 წ. მიუსაჯეს 11 წლის საბინე სიკოს — „პატარა პოემისათვის“ (Matin D'Automne“)

■ გამოვიდა რაბი-დრანატ-ტაგორის ახალი პიესა ფანტასტური დრამა: „წითელი ოლიანდრები“.

■ ცნობილმა რომანისტმა ფილპოსტმა გამოსცა სოფლური მოთხრობების ტომი.

■ ა. ბონტმა აბლო ხანად გამოუშვა წიგნი, რომელშიაც ავტორი ეხება ტრაგედიის პრობლემას. აქ იგი უდგება თემას ფილოსოფიური თვალსაზრი-



სით და ყურადღების ცენტრი მიპყრობილი აქვს ტრაგედიის „გმირი“-საკენ.

■ ჟურნალ „Cahiers du Bolchevism“-ში მთელი 1925 წლის განმავლობაში ისტამბუბოდა წერილები სტალინის, ბუხარინის, ტროცკის, მოლოტოვის და სხვების. ჟურნალი ათავსებდა აგრეთვე ლენინის წერილების თარგმანებს, როგორც მის ნაწერების კრებულიდან, აგრეთვე ლენინის სიკვდილის შემდეგ გამოქვეყნებულ წერილებსაც.

■ ჟანა შუხევილმა ერთ-ერთ კრებულში მოათავსა ვრცელი წერილი რუსეთის პოეზიის შესახებ 1800 წლიდან ჩვენ დრომდის. ამ წერილში ავტორი განსაკუთრებით დიდხანს ჩერდება მეოცე საუკუნის დასაწყისის რუსეთის კულტურულ ცხოვრებაზე. ამ წერილში მოსჩანს ავტორის ანტი რევოლიუციონური მიდრეკილება, რაიც გამოიხატება იმაში, რომ იგი დუმილით უვლის თანამედროვე რუსეთის პროლეტარულ პოეტებს.

■ ვ. კოკოვიცემა ოქტომბრის რევოლიუციის წლის თავის გამო პარიზის ერთერთ ჟურნალის რამოდენიმე ნომერში მოათავსა წერილები: „საბჭოთა მრეწველობისა და ფინანსიური მდგომარეობის“ შესახებ.

■ ოდემ და დეონსონმა გამოაქვეყნეს სამხრეთ ამერიკის სიმღერების გამოკვლევა, რომელსაც დართული აქვს

ნეგრული სიმღერების შესახებ თესო ნიმუშები.

ბიზნისი

■ გამოვიდა კონრად ბერკოვიჩის ახალი რომანი, რომელშიაც მწერალი ეხება ემიგრანტულ წრეების ცხოვრებას ნიუორკში. რომანის თემაა: კონფლიქტი ძველი ევროპიული იდეოლოგიისა ამერიკის უსულო მექანიკურ ცხოვრებასთან, — რომლის წინააღმდეგ თავის რომანში ილაშქრებს ბერკოვიჩი.

■ ედგარ სეგდენმა შეადგინა ცნობარი ყველა გეოგრაფიული სახელის, რომელიც კი გვხდება შექსპირის ნაწერებში.

■ ამერიკის კრიტიკა დიდი ქებით იხსენიებს შემდეგი ავტორების ლექსების წიგნებს: ვინცენტ ბენს, ანდერსონის და იდმენის.

■ მიუნქენის აკადემია შეუდგა ცნობილ გერმანელ ისტორიკოსის რანკეს სრული კრებულის გამოცემას. მთელი კრებულის გამოცემა განხრახულია ორმოცდა ათ ტომად. რანკეს შრომის პირველი ექვსი ტომი, რომელიც შეეხება გერმანიის ისტორიის ეპოქის რეფორმაციას, უკვე გამოვიდა.

■ განს შულცემ შეკრაბა და გამოსცა ორ ტომად ფიხტეს წერილები, რომლებიც დღემდე გაბნეული იყვნენ სხვადასხვა გამოცემებში. ხსენებულ წერილებს შულცემ დაურთო საყურადღებო შენიშვნები.



ხარუდაცდით კალუგა:

- 3. ბახტაძე.
- 8. კახიანი.

შინაარსი

მხატვრული ლიტერატურა



გვერ.

საქართველო

1. ალიო მაშაშვილი—პატარა	5
2. გალაქტიონ ტაბიძე—პოემა ვეფხისა	6
3. კონ. ლორთქიფანიძე—მე და შენ	10
4. ვარლამ ფურული — გულით სოფლისაკენ	11
5. ალ. ქუთათელი—ღრუბლები	13
6. ბიკტორ. გაბესკირია—ხატიჯე	15
7. გრიგოლ რობაქიძე—გველის პერანგი (გაგრძელება)	17
8. მალაქიაშვილი—სამნი	64
9. მიხეილ ჯავახიშვილი—თეთრი საყელო	99

რუსეთი

10. ბაბელი — ცხენარმია (თარგმანი დ. შენგელაძისი)	160
--	-----

ქრიტიკა, მხატვრობა და მემუარები

11. ელისაბედ ყაზბეგი—დ. ყაზბეგის და ა. ყაზბეგის ბიოგრაფ. მასალები (დასასრული)	177
12. დ. კლდიაშვილი—ჩემი ცხოვრების გზაზე (დასასრული)	195
13. ვ. ხუროძე—შოთ არაგვისპირელი	226
14. ა. ჭელიძე—წერილები სპარსეთიდან	233

ბიბლიოგრაფია და ქრონიკა

15. რაე—აკაკი წერეთელი. რჩეული ნაწერები. ტომი I.	249
16. ტრისტან შაჩაბელი—სანდრო შანშიაშვილი ლირიკა. პოემები. ტომი I.	250
17. ლიტერატურის ქრონიკა	252

[2-50]

H.P. 1/1

ქურნალ „მნათობი“-ს რედაქცია

ქართული

ხელის მომწერლების და მკითხველთა საყურადღებოდ ვთხოვთ შემდეგს: რათა ხელის მომწერლებს დროზე და უნაკლოდ დაუოიგდეთ ნომრები 1926 წლისთვის, ქურნალი „მნათობი“-ს რედაქცია თვითონვე მოაწყობს ქურნალის კანტორას.

ქურნალში მონაწილეობას მიიღებენ საქართველოს საუკეთესო პოეტები, მწერლები და მეცნიერები. ქურნალს თანამშრომლები ჰყავს, როგორც საბჭოთა კავშირის ყველა დიდ ქალაქებში, აგრეთვე საზღვარგარეთაც.

1926 წლის განმავლობაში „მნათობი“-ს ყოველ ნომერში დაიბეჭდება ლიტერატურის და ხელოვნების ქრონიკა.

დაიწყო ხელის მოწერა 1926 წლისათვის

ხელის მოწერა შეიძლება რედაქციის კანტორაში და აგრეთვე სათანადო ქვითარებით და მანდატებით აღჭურვილ აგენტებთან.

წლიურად გამოვა 12 ნომერი ათ წიგნად და ხელის მომწერთათვის ეღირება 16 მანეთი, ნახევარი წლით — 8 მანეთი, ცალკე ნომერი — 2 მან. ფულის გადახდა შეიძლება ნაწილ-ნაწილადაც.

ქურნალ „მნათობი“-ს გავრცელების ძველი სისტემა ამიერიდან გაუქმებულია; ქურნალის გავრცელების საქმე რედაქციამ ჩამოართვა კერძო პირებს და თვითონვე იკისრა იგი. ხელის მოწერა მიზნობრილი აქვთ სათანადო მანდატით აღჭურვილ „მნათობი“-ს კანტორის თანამშრომლებს:

- 1) ქ. თბილისში, ა/კ. რკინისგზებზე და მთელ აღმოსავლეთ საქართველოში — გ. წულაიას, ხ. ცანავას, და ი. სიგუას.
- 2) ქ. ჭიათურაში — ილია დავთაძეს.
- 3) ქ. ქუთაისში (არის განყოფილება) — ახვლედიანს (აღმასკომის წიგნის მაღაზიაში).
- 4) ქ. ფოთი, სამტრედია, ხონი და სამეგრელოში — გ. ვალდავაძეს.
- 5) ქ. ბათუმში — ტ. სიხარულიძეს.
- 6) ქ. ოზურგეთი — მ. ჭანუყვაძეს.

რედაქციის და კანტორის მისამართი: ივ. მაჩაბლის (სურგევის) ქ. № 13. ხელოვნების სახახლე, ოთახი 17.

P. S. ვისაც 1925 წლის რომელიმე ნომერი დააკლდა, გვაცნობოს სათანადო საბუთების წარმოდგენით და ნომერს მიიღებს.

„მნათობი“-ს გამომცემლობა:

გამოვიდა და იყიდება ყველგან —
აღიო მაშაშვილის,
კარლო კალაძის
და კონსტ. ლორთქიფანიძის

ლექსების წიგნები. გამოცემა „მნათობი“-ს.
გამოცემულია სუფთათ და კარგათ. ფასი: თითო წიგნი 15 კაპ.

